

সখা

প্রমদাচরণ সেন কর্তৃক প্রবর্তিত।

তৃতীয় ভাগ।


১৯৪২

শ্রীশিবনাথ শাস্ত্রী, এম, এ, কর্তৃক
সম্পাদিত।

"THE CHILD IS FATHER OF THE MAN."

কলিকাতা

২ নং বেনেটোলা লেন, "সখা" কার্যালয় হইতে
প্রকাশিত।



সুচী-পত্র।


লেখক বা লেখিকার নাম

পত্রাঙ্ক।

অক্ষয়কুমার দত্ত (সচিত্র) ...	স্বর্গীয় প্রমদাচরণ সেন	১৭
অঙ্কিত কৌশল। ...	ভুবনমোহন রায়	১৫২
অন্ধদিগকে দয়া কর (সচিত্র)। ...	অন্নদাচরণ সেন	১১৪
আই-আই (সচিত্র)। ...	স্বর্গীয় প্রমদাচরণ সেন	২৪
আকাশ। ...	শ্রীনিঃ, শিলং	১৮৫
আখ্যান মালা।— ...		
(১) বাবা হাত ধরে নিয়ে গেলে ভয় কি ?	স্বর্গীয় প্রমদাচরণ সেন	২৬
(২) নামতে নামতে সামলাতে পারিনি।	স্বর্গীয় প্রমদাচরণ সেন	২৬
(৩) কোনটা বেশী মন্দ ?	স্বর্গীয় প্রমদাচরণ সেন	২৭
আগামী বৎসরের পুরস্কারের বিজ্ঞাপন।		১৮৫
আমাদের দেশের লোকের দয়া। ...	রজনীকান্ত গুপ্ত	১৮৫
আশ্চর্য উদ্ভিদ (সচিত্র)। ...	শশিভূষণ বিশ্বাস	১৮৬
আশ্চর্য শিক্ষা (সচিত্র)। ...	শশিভূষণ বিশ্বাস	১৮৬
আহা। কি দুঃখ (সচিত্র)। ...	মন্মথনাথ মুখোপাধ্যায়, বি, এ,	১৮৬
ঈশ্বরের দয়া (পদ্য)। ...	জনৈক বঙ্গমহিলা	১৮৬
উট পক্ষী (সচিত্র)। ...	বিপিন বিহারী সেন	১৮৬
কলির কুস্তকর্ণ। ...	বিহারীলাল গুহ	১৮৬
কাক ও কোকিল (পদ্য)। ...	সম্পাদক	১৮৬
কাটামুণ্ডু কথা কয় (সচিত্র)। ...	অম্বিকচরণ সেন, বি, এল,	১৮৬
কালার যবে ধলা ছেলে। ...	সম্পাদক	১৮৬
কুসম্পের দোষ। ...	মন্মথনাথ মুখোপাধ্যায়, বি, এ,	১৮৬
কেরানী-পাখী (সচিত্র)। ...	স্বর্গীয় প্রমদাচরণ সেন	১৮৬
গাধা-সিংহ (সচিত্র)। ...	স্বর্গীয় প্রমদাচরণ সেন	১৮৬
ছেলে খেলা (পদ্য)। ...	চিরঞ্জীব শর্মা	১৮৬
ছেলে বেলায় নেলদন (সচিত্র)। ...	শশিভূষণ বিশ্বাস	১৮৬
ঠাকুরদাদার গল্প (সচিত্র)। ...	মন্মথনাথ মুখোপাধ্যায়, বি, এ,	১৮৬
ডাক্তার কৃষ্ণমোহন বন্দোপাধ্যায় (সচিত্র)। ...	সম্পাদক	১৮৬
ডাক্তারনাথ প্রামাণিক (সচিত্র)। ...	সম্পাদক	১৮৬
তৃতীয় বর্ষ। ...	স্বর্গীয় প্রমদাচরণ সেন	১৮৬
দুই ভাই। ...	মন্মথনাথ মুখোপাধ্যায়, বি, এ,	১৮৬
ধাধা। ...		১৮৬
নব বর্ষ। ...	জনৈক বঙ্গমহিলা	১৮৬
নিহাদু ননী গোপাল (সচিত্র পদ্য)। ...	চিরঞ্জীব শর্মা	১৮৬
নীতি কথা। ...	প্রিয়নাথ রায়	১৮৬
নূতন গল্প। ...	উপেন্দ্রকিশোর রায় চৌধুরী,	১৮৬
পারেশ নাথ মন্দির। ...	স্বর্গীয় প্রমদাচরণ সেন	১৮৬
পাণ্ডিত্যের ঈশ্বরচন্দ্র বিদ্যাসাগর (সচিত্র)। ...	সম্পাদক	১৮৬
পিতা মাতার প্রতি কিরূপ ব্যবহার করা কর্তব্য (পুরস্কার প্রাপ্ত রচনা)। ...	কুমারী সরলা দেবী	১৮৬

৪৫ নং বেনেটোলা লেন, "সাম্য" বস্ত্রে, শ্রীগিরিশচন্দ্র ঘোষ কর্তৃক মুদ্রিত।
 ও ২ নং বেনেটোলা লেন, "সখা" বস্ত্রে, শ্রীললিতমোহন দাস কর্তৃক মুদ্রিত।

পিপীলিকা (সচিত্র)।	...	অন্নদাচরণ সেন	...	১৩৫
পূজারত্নটির আত্মদা (সচিত্র)।	...	উপেন্দ্রকিশোর রায় চৌধুরী, বি, এ,	...	১৫৯
প্রকৃত বন্ধু।	...	অন্নদাচরণ সেন	...	১৮৩
প্রাচীনকালের ছাত্রজীবন।	...	রজনীকান্ত গুপ্ত	...	৩৩
প্রাণকান্দা চাই।	...	মন্মথনাথ মুখোপাধ্যায়, বি, এ,	...	৬১
ফুল।	...	বিপিন বিহারী সেন	...	১৭৮
ভূতের গল্প।	...	উপেন্দ্রকিশোর রায় চৌধুরী, বি, এ,	...	২৭
ভেকের পত্র (সচিত্র পদ্য)।	...	বিহারীলাল গুহ	...	১২৮
মনোহর ছবি।	...	ভবনাথ চট্টোপাধ্যায়	...	৫৭
মহাভারতের উপদেশ (ছুইটা গল্প)।	...	রজনীকান্ত গুপ্ত	...	১৪৫
মাইকেল ফারাডে (সচিত্র)।	...	ভুবনমোহন রায়	...	১৬৩
মাছের কথা (সচিত্র)।	...	শশিভূষণ বিখাস	...	১০৩
মা তে! তবে মরিয়া যায় (সচিত্র)।	...	মন্মথনাথ মুখোপাধ্যায়, বি, এ,	...	১৭৯
মূলবর্ণ।	...	উপেন্দ্রকিশোর রায় চৌধুরী, বি, এ,	...	১১৯
• যেমন অবস্থা তেমনি ব্যবস্থা।	...	স্বর্গীয় প্রমদাচরণ সেন	...	৮
রামতরু লাহিড়ী (সচিত্র)।	...	সম্পাদক	...	৪১
• লর্ড ডফরীণ (সচিত্র)।	...	স্বর্গীয় প্রমদাচরণ সেন	...	৪
লীলার ভয়।	...	কুমারী হেমলতা দেবী	...	৬৮
লেখা পড়া কিসের জন্ত? (ভুবনের কাহিনী)	...	মন্মথ নাথ মুখোপাধ্যায়, বি, এ,	...	৩৮
বসন্ত সঙ্গীত (বালকের রচনা)।	...	সামসুদ্দিন	...	৬৩
বালিকাদিগের বিশেষ বিষয়।—	
নং ১ সেলাই।	...	কুমারী সরলা মহলানবিশ	...	১০
নং ২ সেলাই (সচিত্র)।	...	কুমারী সরলা মহলানবিশ	...	৪৫
বালিকাদের বিশেষ পৃষ্ঠা (একটি সহজ কথা)	...	মন্মথনাথ মুখোপাধ্যায়, বি, এ,	...	১৮৯
শিশুর হাসি (পদ্য)।	...	চিরঞ্জীব শর্মা	...	১৭৭
শিশুর হাসি (মায়ের আদর) সচিত্র পদ্য।	...	শ্রীনিঃ শিলং	...	১২৩
শেষালের গল্প (সচিত্র)।	...	উপেন্দ্রকিশোর রায় চৌধুরী, বি, এ,	...	৫৩
শোক-সঙ্গীত (প্রাপ্ত)	...	জনৈক বঙ্গমহিলা	...	১১৩
সংকেত।	...	উপেন্দ্রকিশোর রায় চৌধুরী, বি, এ,	...	৫৬
• সজ্জাটিস।	...	কুমারী কামিনী সেন	...	১৩১
সততা	...	অন্নদাচরণ সেন	...	১৭৬
সত্যের ষয়।	...	উমাপদ রায়	...	৭৮
সত্যের ষয় (বালকের রচনা)	...	পূর্ণচন্দ্র সেন	...	১৯১
সময়ের সর্বাধিকার।	...	অন্নদাচরণ সেন	...	১৪৩
সরলার জীবনের এক শিক্ষার দিন	...	কুমারী হেমলতা দেবী	...	১৩২
সাপুদিগকে কিসে চেনা যায়?	...	শ্রীচরণ চক্রবর্তী	...	৮৫
সাধের নৌকা (সচিত্র পদ্য)।	...	সম্পাদক	...	১৪২
সুরেশের শিক্ষা।	...	ভুবনমোহন রায়	...	৫
সোহাগ (পদ্য)।	...	জনৈক বঙ্গমহিলা	...	৩
• স্বর্গীয় প্রমদাচরণ সেন (সচিত্র)।	...	সম্পাদক	...	৯৭
স্বাধীনতার প্রতি অনুরাগ (সচিত্র)।	...	ললিতমোহন দাশ	...	১৬১
হাসি, কান্না, কোনটা ভাল? (সচিত্র)।	...	স্বর্গীয় প্রমদাচরণ সেন	...	৬৬



জানুয়ারি, ১৮৮৫।

তৃতীয় বর্ষ।

আমাদের আর একটি বৎসর চলিয়া গেল। আজ নূতন বৎসরের প্রথমেই আমাদের ছুই একটা সুখ ছুংখের কথা পাঠক পাঠিকাদিগকে জানাইব।

আমাদের 'সখা' আজ তিন বছরে পা দিতেছে, ইহাতে আমাদের কত আনন্দ! অনেক বালক বালিকা সখা পড়িতেছেন, অনেকে 'সখা' পড়িয়া ভাল হইবার চেষ্টা করিতেছেন, ইহাতে আমাদের কত সুখ! বাহার দয়ার আজ আমাদের এই সুখ, আমরা সেই পরসেধকে সকলের আগে প্রণাম করি। তাহার পর, যে সকল বালকবালিকা 'সখা'কে তাঁহাদের আপনার জিনিষ বলিয়া মনে করিয়াছেন ও করিতেছেন, তাঁহাদিগকে আমাদের ভালবাসা জানাইতেছি। জগদীশ্বর করুন যেন 'সখা' চিরকালই বালক বালিকাদিগের সাহায্য করিয়া আপনার "সখা"-নামের মত কাজ করিয়া যাইতে পারে।

আমাদের কোন কোন বালক বন্ধু এবং বালিকা পাঠিকা 'সখা'র কিছু কিছু দোষের কথা আমাদের জানাইয়াছেন—ইহাতে আমরা অত্যন্ত সন্তুষ্ট হইয়াছি। তবে কেহ কেহ এমন

আছেন, যাহারা কেবল খুঁত ধরিতেই ব্যস্ত, তাঁহাদের পত্রের কথা বা দোষ ধরার বিষয়ে আমরা কিছুই বলিতে চাই না। যাহারা যথার্থ দোষ ধরেন তাঁহারা আমাদের উপকারী, কেন না, মাহুর্ষ্যতই কেন সাবধান হউক না, মাঝে মাঝে তাহার দোষ বা ভুল হইতে পারে—তখন দোষ দেখাইয়া বা ভুল ধরিয়া না দিলে, তাহার ভাল হওয়া কঠিন। এই জন্তই যাহারা আমাদের দোষ দেখাইয়া আমাদেরিগকে উপদেশ দিয়াছেন, তাঁহাদের প্রতি আমাদের একটা ভালবাসা জন্মিয়া গিয়াছে। কিন্তু একটা বালিকা ও একটা বালক, বড়ই নূতন রকমের ছুটা দোষ ধরিয়াছেন,—তাহার কথা কিছু না বলিয়া থাকিতে পারিতেছি না। বালিকাটি সখার একটা গল্প গড়িয়া বলিয়াছেন "এ গল্প ইংরাজীতে আছে। সখা-সম্পাদক ইংরাজী হইতে গল্প অনুবাদ করিয়া সে কথা স্বীকার করেন না কেন?" ইহার উত্তরে আমাদের কয়েকটা কথা বলিবার আছে। আমরা কেবল বে ইংরাজী হইতেই গল্প লই, তাহা ঠিক নহে, এবং যখন ইংরাজী হইতে লই, তখন ও যে সকল সময় সেই গল্পের ভাষা-শুদ্ধ বাঙ্গালায় অনুবাদ করি, তাহা নহে। সেখানে আগাগোড়া অনুবাদ হইতে পারে। তাহা হইলে সমস্তই বাঙ্গালায় গল্পের মত হইতে পারে। বদলাইয়াই লওয়া যায়, তাহা হইলেই

স্বীকার করি না, এ বড় আশ্চর্য্য কথা! দৃষ্টান্ত দেখুনঃ—বিলাতের পত্র, ১মভাগ, ৯ পৃষ্ঠা; গিল্ফায় সাহেবের সমুদ্র যাত্রা, ১মভাগ, ৮৫ পৃষ্ঠা; নরেনের স্বর্গদর্শন, ১মভাগ, ১৪০ পৃষ্ঠা; নিয়ম এবং অনিয়ম, ১মভাগ, ১৭৯ পৃষ্ঠা, নোট; পাহারাওয়ালার ভেকী, ২য় ভাগ, ৪৪ পৃষ্ঠা, নোট; চিরদিন কি ছুখে যায়, ২য় ভাগ, ৮৬ পৃষ্ঠা, নোট; ইত্যাদি। তবে আমরা নিজেরাই যে সকল নূতন প্রবন্ধ না লিখি, সে সমস্তই স্বীকার করিতে গেলে, অনেক সময় বিপদে পড়িতে হয়। অনেক সময় বলিতে হয়—“এই গল্পটা রেলের গাড়ীতে একজনের মুখে শুনিয়াছি,” “এই গল্পটা পশ্চিমে একজন সিপাহীর মুখে শুনিয়াছি,” “এই গল্পটা আমাদের বুড়ো চাকর কাজেম সেখ বলিয়াছে,” “এই গল্পটা সরলা ও পাড়ার গঙ্গাজেলেনীর কাছে শুনে এসে তাদের একবয়সী একজনের কাছে বলেছে, আমি তার মুখে শুনিয়াছি,” “এই গল্প গুলো ফরাসী ভাষা থেকে ইংরাজীতে কোন্ পুস্তকে লইয়াছে, আমাদের বোধ হয় সেই পুস্তকে পাইয়াছি,” ইত্যাদি। এরূপ করিয়া কতদিন চলে? আমাদের বুদ্ধিমতী বালিকা পাঠিকা জানিবেন যে গোপন করিয়া আমাদের বিশেষ কিছুই লাভ নাই। আমরা সব গল্প নিজে লিখি না; কতক ইংরাজী হইতে, কতক সংস্কৃত বা বাঙ্গালা হইতে, কতক বা পরিচিত ও অপরিচিত লোকের মুখ হইতে পাইয়া ছাপাইয়া থাকি।

আর, যে বালকটির কথা বলিয়াছি, তিনি যে দোষ ধরিয়াছেন তাহাতে আমাদের হাসিও পাইয়াছে ছুখেও হইয়াছে। বালকটি (বয়স নিতান্ত অল্প নয়) গল্পবৎসর সখার গ্রাহক ছিলেন। তিনি লিখিয়াছেন—“আমি আর আপনার কাগ-

জের গ্রাহক থাকিতে ইচ্ছা করি না; আপনাদের পত্রিকা বেরূপ ব্রাহ্মভাবপূর্ণ, তাহাতে আর্ধ্যমন্ততিগণের তাহা পাঠ করা বা গ্রহণ করিয়া উৎসাহ দেওয়া উচিত নহে।” আমরা ‘সখা’তে এতদিন যে সকল বিষয় লিখিয়া আসিতেছি, তাহাতে—সত্যবাদী হও, পশুর প্রতি দয়া কর, পিতা মাতাকে মাগ্ন কর, চেষ্টা করিয়া কেশবচন্দ্র সেন, শ্রামাচরণ বিশ্বাস বা কৃষ্ণদাস পালের ছায় বড় লোক হও, পরমেশ্বরকে ভক্তি কর, শারীরিক শ্রম করিয়া খুব জোরাল হও, দেশের উপকার কর, গরিবের প্রতি দয়া কর ইত্যাদি অনেক কথা বলিয়াছি। এখন কথা এই, এই গুলিই যদি “ব্রাহ্মভাব” হয়, তবে বোধ করি ইহার উল্টা যেগুলি তাহাই “আর্ধ্য ভাব?” ছি! ছি! ছি! এমন লোকের সঙ্গেও তর্ক করিতে হয়! ‘সখা’ হিন্দুসমাজেরও কাগজ নয়, ব্রাহ্মসমাজেরও কাগজ নয়; কেবল বালক বালিকাদিগের মাহাতে উপকার হয়, তাহাই করিতে ইহার জন্ম, ‘সখা’ চিরকাল তাহাই করিবে।

একটি ছুখের সংবাদ দিয়া আমরা এই প্রস্তাব শেষ করিব। যে বৎসর চলিয়া গেল এই বৎসরে আমাদের একটা মেহের পাঠক মারা গিয়াছেন। বালকের নাম ফণীন্দ্রনাথ চট্টোপাধ্যায়। আহা! তাহার সরল হাসি হাসি মুখখানি যেন এখনও আমাদের চোখের স্মৃখে ভাসিয়া বেড়াইতেছে। তাহার চরিত্র অতি সুন্দর ছিল, বাচিয়া থাকিলে সে একজন বড় লোক হইতে পারিত। কিন্তু যাহার ধন তিনিই তাহাকে লইয়াছেন, আমাদের আর সাধ্য কি? মেহের পাত্র মরিয়া গেলে প্রাণে বড় ব্যথা লাগে, তাই আজ ছুখের সহিত পরমেশ্বরের কাছে এই প্রার্থনা করিতেছি যেন আগামী বৎসরে আমা-

দের পাঠক পাঠিকা সকলেই স্বস্থ শরীরে বাচিয়া থাকেন; আবার যেন আমাদেরকে ছুখের খবর বলিতে না হয়।



সোহাগ।

আয় খুকু! আয় বুকে
আয় হৃদয়ের ধন!
আমারে একেলা রেখে
কোথা ছিলি এতক্ষণ?

দিনেতে আঁধার মম
তুমি না থাকিলে কোলে!
আ মরি কি সোণামুখী—
হাসি যে ধরে না গালে!

আমার সোনার খুকু
আমার পূর্ণিমা শশী!
আদরে নাচাই কত,
প্রাণ হতে ভাল বাসি।

মনে হয় তোরে সদা
বুকের উপরে রাখি;
নয়ন পুতলি করি
রাত্ দিন চোখে দেখি।

তুমি তো—ছুরস্তু মেয়ে
কোলে থাকিবার নও;—
মাটিতে বসিতে পেলে
এত কিরে সুখী হও!

আমার সোনার ফুল
ধুলায় কুটেছে মরি!
সোনা গায়ে ধুলা লাগে
আমি কি সহিতে পারি?

৭

আয় আয় জুজু আয়
দেখে বা খুকুর ভান!
হাদে আয় কাণকাটা
কেটে নে'বা ছুটো কাণ—

না না না না সোণামুখি!
কেঁদনা কেঁদনা ধন!
চাঁদ মুখে চুমো খাই,
জুড়াক পরাণ মন।

“হাসিলে” সুবর্ণ পড়ে
“কাঁদিলে” মুকুতা বাবে,—
কে বলে সে উপকথা?
দেখে যা খুকুরে ধরে।


আয় আয় রাঙা পাখি,
ছদ ভাত দিব খেতে,
ডাকিছে আমার খুকু
রাঙ্গা ছুটি হাত পেতে।

আয় আয় আয় পুণ্ড
“মিউ মিউ” রব কোরে।
খেলিলে খুকুর সনে
ছদ দেব পেট ভোরে।

আকাশে ফুটিলে চাঁদ,
“চিক্” দিতে দেব ডেকে,
কত ফুল তুলে দেব
মালীর বাগান থেকে।

চল যাছ ঘরে চল
হিম পড়ে, বেলা নাই।
মা ডাকিছে ছুপ খেতে
ছুটি বোনে চল যাই।





লর্ড ডফ্রীণ ।




লর্ড রিপণ চলিয়া গিয়াছেন। এখন যিনি আমাদের গবর্নর জেনেরাল বা বড়লাট তাঁহার নাম লর্ড ডফ্রীণ। ইনি অতিশয় বুদ্ধিমান এবং বিচক্ষণ লোক। আমাদের দেশে আসিয়া ইনি আমাদের আশা দিয়াছেন যে যতদূর সাধ্য আমরা আমাদের দেশের উপকার করিবেন। আমরা তাঁহার কথায় স্মৃতি হইয়া তাঁহার মুখ চাহিয়া আছি—আশা করি মহামতি লর্ড রিপণের মত

তিনিও দেশে ফিরিবার সময় আমাদের সকলের প্রশংসা ও ভক্তি লইয়া যাইতে পারিবেন।

লর্ড ডফ্রীণ স্কুল কালেই বেশী লেখাপড়া শেখেন নাই বটে, কিন্তু অনেক দেখিয়া শুনিয়া সমস্ত বিষয়েই আপনার জ্ঞান পাকাইয়াছেন। কখনও আমেরিকাতে, কখনও রুশিয়াতে, কখনও মিসরে, এইরূপ নানা স্থানে রাজ-কার্য করিয়া আমাদের বর্তমান বড়লাট বাহাদুরের অনেক

শিক্ষা হইয়াছে। ভারতবর্ষে তাঁহার আসা নূতন, কিন্তু যে বুদ্ধিমান সে নূতন যায়গাতেও আপনার পথ খুঁজিয়া লইতে পারে। ডফ্রীণ স্বস্থ শরীরে ভারতের উপকার করিয়া ভারতবাসীর সুখ্যাতি লাভ করিয়া যাইতে পারেন, ইহাই আমাদের প্রার্থনা।



সুরেশের শিক্ষা ।

একদিন ভাদ্র মাসে বৈকালে ভয়ানক ঝড় হইতেছিল। আকাশ কালবর্ণ মেঘে চারিদিক পরিপূর্ণ, মধ্যে মধ্যে বিদ্যুত-চমকে আরও ভয়ানক দেখা যাইতেছিল। পথ ঘাটে লোক নাই! প্রাণীর চিহ্ন মাত্র নাই। সুরেশচন্দ্র এই ভয়ানক ঝড়ের মধ্যে দ্রুতবেগে চলিয়াছে, কোথায় যাইতেছে তাহার ঠিক নাই, যে দিকে পা চলিতেছে সেই দিকেই চলিয়াছে। সুরেশ ক্রোধে অধীর, চক্ষু দিয়া আশুপ্ত বাহির হইতেছে, পাগলের স্থায় ক্রমাগতই চলিয়াছে। ক্রমে সন্ধ্যা হইল, সন্ধ্যা সন্ধ্যা ভয়ানক বৃষ্টি আরম্ভ হইল। আর পথ দেখা যায় না, কিন্তু বিদ্যুতের আলোতে সুরেশ বুঝিল গ্রাম ছাড়াইয়া মাঠে আসিয়া পড়িয়াছে। তথাপি বিশ্রাম নাই, সেই ভয়ানক ঝড় বৃষ্টির মধ্যে সেই গাঢ় অন্ধকারে সুরেশ একাকী মাঠের মধ্যে চলিতে লাগিল।

এই স্থানে সুরেশচন্দ্রের একটু পরিচয় দিব। সুরেশচন্দ্র ধনীর সন্তান, তাঁহার অনেক ধন সম্পত্তি ছিল, এই ধন সম্পত্তির সুরেশই একমাত্র অধিকারী। আমাদের দেশে ধনীর সন্তান-গণ প্রায়ই বাল্যকাল হইতে অন্ধ্যায় আদরের মধ্যে লালিত পালিত হইয়া কালে অতি ভয়ানক হইয়া দাঁড়ায়। সুরেশের তাহাই হইয়াছিল—সে অসঙ্গত আদরে অতিশয় 'আবদারে' ছেলে হইয়া দাঁড়াইল। যখন বাহা ইচ্ছা করিত, কেহ বাধা দিয়া রাখিতে পারিত না। ক্রমে স্বেচ্ছা-চারিতা বড় বাড়িয়া গেল। ক্রমে অসংসঙ্গ জুটিতে লাগিল; বড় লোকের ছেলের প্রায়ই এরূপ হইয়া থাকে,—সুরেশ কুপথে চলিতে আরম্ভ করিল। সুরেশের মাতা অতিশয় ধার্মিকা ছিলেন, তিনি সন্তানের এরূপ চরিত্র দেখিয়া প্রাণে বড়ই আঘাত পাইলেন। সুরেশ প্রায়ই গৃহে থাকিত না, কাষেই মাতার সঙ্গে বড় একটা সাক্ষাৎ হইত না। যদি কখনও দেখা হইত মাতা তাহাকে নানা প্রকার উপদেশ দিতে চেষ্টা করিতেন, অসংপথ ছাড়িয়া সৎপথে চলিবার জন্ত নানা প্রকারে বুঝাইতেন; কিন্তু সুরেশ কিছুতেই কাণ দিত না।

একদিন সুরেশের মাতা শুনিলেন, যে সুরেশ কতকগুলি অসৎ বালকের সঙ্গে মিলিয়া কোন প্রতিবাসির গৃহে নানা প্রকার অত্যাচার করিতেছিল, এমন সময় কোন একটা লোক আসিয়া সুরেশকে বাধা দেয়; সুরেশ ইহাতে রাগে অন্ধ হইয়া দল বল লইয়া সেই লোকটির গৃহে আশুপ্ত দিয়া পোড়াইয়া দিয়াছে, এবং প্রহার করিয়া সে লোকটিকে আধুমরা করিয়া ফেলিয়াছে। লোকটি অতি দরিদ্র, তাহার একটা ছোট মেয়ে ছিল, সে পথে পথে কাঁদিয়া বেড়াইতেছে। সুরেশ-

শের মাতা এ সমস্ত শুনিলেন, শুনিয়া তাঁহার যার পর নাই কৃষ্ণ হইতে লাগিল, তিনি চক্ষের জল রাখিতে পারিলেন না, ছুঃখে কাঁদিতে লাগিলেন। এমন সময় সুরেশ আসিয়া উপস্থিত হইল। সুরেশের মাতা অনেক সহ করিয়াছিলেন, আজ তিনি সুরেশকে অত্যন্ত তিরস্কার করিলেন। সে তিরস্কার সুরেশের সহ হইল না, সুরেশ মাতার তিরস্কার শুনিল, কিন্তু এদিকে যে চক্ষের জলে তাঁহার বুক ভাসিয়া গিয়াছে ক্রোধাক্ত সুরেশ তাহা দেখিতে পাইল না; স্নেহময়ী মাতাকে শত্রু মনে করিল। সেই মুহূর্ত্তেই সুরেশ বাটার বাহির হইল।

রাত্রি অধিক হইল তবু সুরেশ ফিরিল না। সুরেশের মাতা বিশেষ চিন্তিতা হইলেন। চারিদিক লোক পাঠাইলেন। কেহ কেহ ফিরিয়া আসিল, কেহ কেহ তখনও ফিরিল না, কিন্তু সুরেশের কোন সংবাদই পাওয়া গেল না।

এদিকে সুরেশ সেই মাঠ পার হইয়া এক ভয়ানক বনের মধ্যে আসিয়া উপস্থিত হইল। তখনও বড় বৃষ্টি আসে নাই, আবার অন্ধকারে কিছু দেখাও যাইতেছে না। সুরেশ চলিতে চলিতে এক একবার পড়িয়া যাইতেছে, আবার উঠিয়া চলিতেছে, কোথাও কাঁটা বিন্ধিয়া শরীর রক্তাক্ত হইতেছে। ক্রমে সুরেশ বড়ই ক্লান্ত হইল, অবশেষে অবসন্ন হইয়া বসিয়া পড়িল। হঠাৎ বিদ্যুতের আলোকে সম্মুখে মন্দিরের মত দেখিল। সুরেশ শীতে কাঁপিতে কাঁপিতে মন্দিরের দ্বারে গিয়া দাঁড়াইল, দেখিল দ্বার খোলা। মন্দিরের ভিতরে গিয়া সুরেশ ডাকিল—“এখানে কে আছে?” কোন উত্তর নাই; আবার ডাকিল,—এবারও কোন উত্তর নাই, কেবল নিজের কথার প্রতিধ্বনি শুনিতে পাইল। সুরেশ বড়ই ভয়


পাইল। ভয়ে, পরিশ্রমে, শীতে অবসন্ন হইয়া মন্দির মধ্যে বসিয়া পড়িল। ক্রমে শরীর আরও অবসন্ন হইয়া আসিল। ক্রমে সুরেশ চেতনা হারাইল। তখন সেই অজ্ঞান অবস্থায় সুরেশ দেখিতে লাগিলঃ—যেন সে এখনও বালক। তাহার মাতা তাহাকে ডাকিয়া কোলে লইলেন, কতগুলি বহুমূল্য বসন ভূষণ আনিয়া একে একে সেইগুলি দিয়া সুরেশকে সাজাইয়া দিলেন। সুরেশকে অতি সুন্দর দেখাইতে লাগিল। তখন মাতা বলিলেন—“দেখ সুরেশ! এইগুলি আমি তোমার জন্য রাখিয়াছিলাম, আজ তোমাকে এইগুলি দিয়া সাজাইয়া দিলাম, এগুলি অতি মূল্যবান জিনিষ, অতি যত্নের সহিত রক্ষা করিও; যাও এখন তোমার ইচ্ছামত গিয়া খেলা কর, কিন্তু সাবধান যাহা তোমাকে দিলাম, তাহা যেন হারাইও না।” সুরেশ মহা আনন্দে ছুটিয়া বাহির হইল। দৌড়িয়া আসিয়া পাড়ার বালকদের সঙ্গে মিশিল। দলে দলে বালক-বালিকা খেলিতেছিল, সুরেশ আসিয়া একদলে মিশিল; সে দলে বনিল না, সুরেশ আর এক দলে গিয়া মিশিল। তাহাদের সঙ্গে খেলা করিতে করিতে সুরেশ বাড়ীর কথা ভুলিয়া গেল। সুরেশের সঙ্গীগণ তাহার বসন ভূষণ দেখিয়া ‘হিংসা’ করিয়া, কেহ সুন্দর পোষাকটি ছিঁড়িয়া দিল, কেহবা একখানি অলঙ্কার ভাঙিয়া দিল, কেহ বা তাহাকে ভুলাইয়া কতক লইয়া গেল। সুরেশ তখন এমনি খেলায় মত্ত যে সে তাহাতে বড় আপত্তি করিল না। ক্রমে সন্ধ্যা হইল, অন্ধকারে চারিদিক ছাইয়া গেল। সুরেশ তখন দেখিল বাড়ী হইতে অনেক দূরে আসিয়া পড়িয়াছে, সঙ্গে যাহারা ছিঁদ তাহার একজনও এখন নাই, সেই অন্ধকারে

সুরেশ একাকী। তখন তাহার মাতার কথা মনে পড়িল; নিজের দিকে তাকাইয়া দেখিল বসন ভূষণ অনেক নাই, যাহা আছে ছেঁড়া বা ভাঙ্গা। তখন সুরেশ ভয়ে ছুঃখে চীৎকার করিয়া কাঁদিয়া উঠিল; সঙ্গে সঙ্গে চেতনা হইল। চক্ষু মেলিয়া সুরেশ চাহিয়া দেখিল কাহার কোলে তাহার মাথা রহিয়াছে, প্রভাত হইয়াছে, সূর্যের কিরণ অল্প অল্প দেখা দিতেছে। সুরেশ চমকিয়া উঠিয়া বসিল, দেখিল তাহার সম্মুখে এক জন সন্ন্যাসী। সুরেশ কোন কথা বলিতে পারিল না, অবাক হইয়া বসিয়া রহিল। তখন সেই সন্ন্যাসী বলিলেন “তোমার কোন ভয় নাই, এ আমার বাসস্থান। কিন্তু তুমি এখানে কেমন করিয়া আসিলে, আর এখনই বা কেন এ প্রকার চীৎকার করিয়া উঠিলে?”—তখন সুরেশ পূর্ব দিন বৈকালের ঘটনা হইতে আরম্ভ করিয়া অজ্ঞান অবস্থায় যাহা দেখিয়াছিল, সমস্তই বলিল, বলিয়া সন্ন্যাসীর দিকে চাহিয়া রহিল। সন্ন্যাসী কতক্ষণ স্থির ভাবে রহিলেন। তার পর গভীর ভাবে বলিতে লাগিলেন—“বুঝিয়াছি, তোমাকে শিক্ষা দিবার জন্তই ভগবান এই স্বপ্ন দেখাইয়াছেন, মনোযোগ দিয়া শুন, ইহার মধ্যে অতি সুন্দর উপদেশ আছে।” সন্ন্যাসী বলিতে লাগিলেন—“দেখ, ঈশ্বর প্রত্যেক মানুষকে দয়া, ধর্ম, প্রেম, পবিত্রতা প্রভৃতি কতকগুলি সংগুণ ও প্রবৃত্তি দিয়া পৃথিবীতে পাঠান। সেই গুলিই আমাদের প্রকৃত ভূষণ, আমাদের প্রকৃত অলঙ্কার। তুমি যে দেখিয়াছ, তোমার মাতা তোমাকে রমণীয় ভূষণ দিয়া সাজাইয়া দিলেন, তাহার অর্থ এই যে যিনি জগতের মাতা তিনি তোমাকে সংগুণ-রূপে যে ভূষণ তাহা দ্বারা তোমাকে সাজাইয়া দিলেন।

এবং সেই গুলি যত্নে রক্ষা করিতে উপদেশ দিয়া তোমাকে পৃথিবীতে পাঠাইয়া দিলেন। তুমি ক্রমে বড় হইলে; কুসঙ্গে মিশিয়া মাতার কথা ভুলিয়া বাড়ী হইতে অনেক দূরে চলিয়া গেলে—অর্থাৎ ঈশ্বরকে ভুলিয়া কুপথে চলিতে আরম্ভ করিলে। তোমার সংগুণ দেখিয়া শুনিয়া তোমার সঙ্গীদের হিংসা হইল, কেন না তাহারা অনেক দিন তাহাদের সংগুণ গুলি হারাইয়াছে। ক্রমে অসংকার্যে মতি লওয়াইয়া তোমার প্রকৃত ভূষণ যাহা তাহা নষ্ট করিয়া দিতে লাগিল। অবশেষে তোমাকে পাপরূপ অন্ধকারের মধ্যে ফেলিয়া তাহারা পলাইল। বাস্তবিক তুমি সমস্তই হারাইয়াছ, ভাবিয়া দেখ ঈশ্বর তোমাকে যাহা দিয়াছিলেন তাহার একটিও এখন তোমার নাই। যাহা হউক যে উপদেশ তুমি পাইলে তাহা কখনও ভুলিও না। ঈশ্বরের নিকট প্রার্থনা কর তিনি আবার তোমাকে বসন ভূষণে সাজাইয়া দিবেন। তবে যাও গৃহে ফিরিয়া যাও, মাতার কাছে কাঁদিয়া ক্ষমা প্রার্থনা কর, এবং যাহাদের প্রতি অত্যাচার করিয়াছ তাহাদিগকে সন্তুষ্ট কর।” সুরেশ সমস্ত শুনিল, সমস্ত বুঝিল, সেই দিন সুরেশের জ্ঞান হইল। সন্ন্যাসীকে প্রণাম করিয়া সুরেশ বাড়ী ফিরিল।

সুরেশ বাড়ী আসিয়াই মাতার পূর্বের প্রার্থনা ক্ষমা চাহিল, মাতা তাহাকে ক্ষমা করে তুলিয়া ক্রম চুষন করিলেন। তারপর যাহা তাহার প্রতি অত্যাচার হইয়াছিল সুরেশ তাহাদিগকে নিকট ফেরা চাহিল এবং যথাসাম্য ক্ষতিপূরণের ব্যবস্থা করিল। মাতা ও আত্মীয়েরা সুরেশকে পূর্বের অত্যন্ত আনন্দ করিতে লাগিলেন। সুরেশের নূতন ব্যবহার, নূতন চরিত্র দেখিয়া সকলে আশ্চর্য হইলেন। সুরেশ নিজের মনেই অসুখ

উপদেশ মনে রাখিয়া, ধন্যপথে থাকিয়া নানা প্রকার সংকীর্ত্যে মন দিল।



যেমন অবস্থা তেমন ব্যবস্থা।

বাবা রামগোপাল বাবুকে তাঁহার ছেলে মেয়েরা ভয়ানক ভয় করে। কিন্তু তিনি যে ছেলেদের মারেন তাহা যেন কেহ মনে না করেন। কোন ছেলে কিছু অশ্লীল কাজ করিলে রামগোপাল বাবু এমনি মুখ ভার করিতেন, যে তাহাতেই ছেলেদের শাস্তি হইয়া যাইত, এবং ছেলেরাও, পাছে ধাবা মুখ ভার করেন, এই ভয়ে সাবধান হইয়া চলিত।

একবার রামগোপাল বাবু ঠিক করিলেন, ছেলেদের আলিপুরের পশুশালায় লইয়া যাইবেন। বাবার আজ্ঞা পাইয়া ছেলেরা সুন্দর পোষাক পরিয়া প্রস্তুত হইল। বড় ছেলেটার নাম মনোরঞ্জন, সে স্বভাবতঃই কিছু চঞ্চল, এক দণ্ডও স্থির হইয়া বসিতে পারে না; কখনও লাফাইতেছে, কখনও গাছ বা থাম ধরিয়া ঘুরিতেছে, কখনও বা গাড়ীর চাবুক গাছটা হাতে করিয়া শপাং শপাং শব্দে রাস্তার দু'পাশের কাঁটা গাছ বা অশ্লীল অগাছার মাথাগুলি কাটতে কাটতে ছুটিতেছে, হয় 'ত কাঁটা এবং চাবুক দুয়েতে

জড়াইয়া কাপড়ের পাড়টা ছিঁড়িয়া গেল, সে দিকে জরফত নাই।—মনোরঞ্জন পোষাক পরিয়া আসিয়া দেখিল, তখনও গাড়ী আসে নাই এবং তাহার পিতা তখনও প্রস্তুত হন নাই। তাহার বড় ইচ্ছা হইল যতক্ষণ গাড়ী না আসে, ততক্ষণ "কাঁ ক'রে এক পাক" বেড়াইয়া আসে—বলিল "বাবা! আমি এই রাস্তায় একটু ঘুরে বেড়াব?" পিতা বলিলেন—“তা যাও; কিন্তু সাবধান! যদি কোন রকমে পোষাক নোংরা করিয়া বা ছিঁড়িয়া ফেল, তা হ'লে তোমাকে নিয়ে যাব না।” ছেলে মনের আনন্দে সেই পাড়াতেই তার পিঠার বাড়ীর দিকে ছুটিয়া গেল। কিন্তু পাঁচ সাত মিনিট পরে মনোরঞ্জন যখন ফিরিল, তখন রামগোপাল বাবু দেখিয়া আশ্চর্য হইলেন যে তাহার সমস্ত শরীরে কাদা, এক পাটা যুতো কোথায় ফেলিয়া আসিয়াছে, এবং হাতের খানিকটা ব্যাগায় কাটিয়া রক্ত পড়িতেছে। রামগোপাল বাবু ছেলের এই ছদ্মশা দেখিয়া হুঃখিত হইলেন বটে, কিন্তু এমন অসাবধান ছেলের শাস্তি হওয়া উচিত, এই মনে করিয়া মুখ ভার করিয়া বলিলেন—“যা বারণ করেছিলাম, তাই ক'রে ব'সেছ? যাও, তোমার মায়ের কাছে, গা হাত পা ধুয়ে ফেল গিয়ে, তোমাকে নিয়ে যাবনা।” মনোরঞ্জন জানিত, তাহার বাবা মুখ ভার করিলে আর তাঁর সঙ্গে তর্ক করা চলে না; তবুও বলিল “বাবা! আমি ইচ্ছা ক'রে—,” রামগোপাল বাবু বলিলেন “আমি তোমার কোনও কথা শুনতে চাই না। যাও আমার কাছ থেকে।” মনোরঞ্জন কাঁদিতে কাঁদিতে চলিয়া গেল। গাড়ী তৈয়ার হইয়াছিল, রামগোপাল বাবু অশ্লীল ছেলে মেয়েদের লইয়া গাড়ীতে উঠিলেন এবং ভগিনীর বাড়ীর নিকট দিয়া না গিয়া অশ্লীল পথে আলি-


পুরে গেলেন। কিন্তু সে দিন পশুশালা দেখিয়া কাহারই সুখ হইল না—ছোট ছেলে মেয়েদের কেবলি দাদার কাঁদ কাঁদ মুখ খাঁনি মনে পড়িতে লাগিল এবং রামগোপাল বাবুরও বড় কষ্ট হইতে লাগিল। বাহা হউক কোন রকমে পশুশালা দেখিয়া তাঁহার বাড়ী ফিরিলেন। আসিবার সময় একবার ভগিনীকে দেখিয়া আসিতে ইচ্ছা হওয়াতে রামগোপাল বাবু গাড়ীটা অশ্লীল দিয়া ঘুরাইয়া আনিলেন। যখন ভগিনীর দরজায় নামিলেন, তখন দেখিলেন তাঁহার ভগিনী ছুটিয়া আসিতেছেন। তিনি আসিয়াই বলিলেন “দাদা! মনু কোথায়? আহা! আহা! বেঁচে থাক। বাছার হাত পা ভাঙ্গে নি তো। তাকে সঙ্গে করে আন নি কেন?” রামগোপাল বাবু বলিলেন “কেন বল দেখি? আর তার হাত পা ভাঙ্গার ভয়ই বা কেন করছ?” ভগিনী বলিলেন “তা কি শোন নাই? সে কি কিছু বলে নাই? আহা! বাছা আমার কাছে না থাকলে আমার খুকীর কি হ'ত? খুকী খেয়ে ওই পুকুরে মুখ-বুতে গিয়েছিল; তা'বে পুকুর তাতো দেখতেই পাচ্ছ? এক ফোটা জল আর কেবলি কাদা। ওই যে কাঠ ফেলা, ওর উপর বসে খুকী খুব উবুড় হয়েও কোন মতেই জল নাঙ্গাল পায়না, শেষে একবার যাই খুব চেঁচা করতে গেছে, আর অমনি মুখ খুবড়ে সেই কাদা জলের মধ্যে পড়ে হাবু ডুবু খেতে লাগ'ল। মনু সেই সময় কোথা থেকে সেইখানে এসেছিল, দেখতে পেয়েই লাফিয়ে পড়'ল এবং খুকীকে কোলে করে টানতে টানতে কাঠের কাছে নিয়ে এল, এমন সময় আমি এসে দেখলাম সে খুকীকে কাঠের উপর তুলে দিয়ে সে নিজে উঠ'ছে, কিন্তু তাহাকে উঠতে খুব কষ্ট পেতে হ'ল। জোর দিয়ে উপরে উঠতে

গিয়ে তার হাতটা কেটে গেল, আর এক পাটা যুতো কাদাতে লেগে রইল। উপরে উঠলে আমি তার মুখে চুমো খেয়ে বললাম 'লক্ষ্মীবাবা আমার, এসো তোমার গা হাত পা মুছিয়ে দি।'—তা'হে আমার কথা না শুনেই দৌড়ে চলে গেল।”

রামগোপাল বাবু ছেলের কথা শুনিয়া আনন্দে ভাসিয়া গেলেন। গায়ে কাদা লাগিলেই যে শাস্তি দিতে হইবে, তাহা নহে; তাঁহার ছেলে যতই কাপড় ময়লা করুক এবং যতই যুতো হারাইয়া ফেলুক, তাহাকে নিন্দা না করিয়া বরং কোলে করিয়া নাচান উচিত, রামগোপাল বাবু তাহা বুঝিলেন, এবং সমস্ত না শুনিয়া তাহাকে শাস্তি দিয়াছেন বলিয়া বড়ই লজ্জিত হইলেন। ছেলেদেরও দাদার কীর্তি শুনিয়া মহা আনন্দ, তাহারা এতক্ষণ বাবার ভয়েতে কিছু বলে নাই; এখন বলিল “হ্যাঁ! বাবা, তুমি কেন দাদাকে কাঁদালে, তোমার বড় অশ্লীল।”

রামগোপাল বাবু তাড়া তাড়ি বাড়ীতে ফিরিয়া আসিলেন, তখন সন্ধ্যা হইয়াছে। মনোরঞ্জন মনের কষ্টে না খাইয়াই বিছানায় গিয়া পড়িয়াছে, এবং কাঁদিয়া কাঁদিয়া ঘুমাইয়া গিয়াছে। রামগোপাল বাবু ঘুমান ছেলের নিকটে গিয়া তাহাকে জড়াইয়া ধরিলেন এবং বার বার তাহার মুখ চুষন করিতে লাগিলেন। মনোরঞ্জনের ঘুম ভাঙ্গিয়া গেল। তখন রামগোপাল বাবু বলিলেন—“আমার যাহুধন! তোমার বাবাকে মাপ কর। আমি না জেনে তোমার শাস্তি দিয়েছি। তুমি হুঃখিত যুতো ছেঁড়, তাতেও আমার আর কষ্ট নাই। পরের ভাল করতে গিয়ে গায়ে আঁচড় লাগলে, সেতো সোনার দাগ!” মনোরঞ্জন কিছু খতমত খাইয়া বলিল “আমি সত্যই বলেছি বাবা! আমি ইচ্ছা-

করে পোষাকে কাঁদা লাগাই নাই, আর যুতো হারিয়ে ফেলি নাই। তা তুমি তখন শুনলে না, আমি কি করব? আমার আরও সাবধান হওয়া উচিত ছিল, ইহা আমি বুঝেছি, কিন্তু আমি ইচ্ছা করে অসাবধান হই নাই; তুমি আমায় ক্ষমা কর।”



বালিকাদিগের বিশেষ বিষয়।

সেলাই।

(নং ১)

পাঠিকাগণ! তোমরা এতদিন ধরিয়া ‘সখা’ পড়িতেছ কিন্তু ইহা পড়িয়া চন্দ্রপুলি ছাড়া আর কিছুই প্রস্তুত করিতে শেখ নাই। এজন্য এবার থেকে যাহাতে তোমরা ‘সখা’ পড়িয়া কিছু প্রস্তুত করিতে শেখ তাহার চেষ্টা করা যাবে। এবারকার ‘সখা’ বাহির হইতে হইতে শীত আসিয়া পড়িল, এজন্য এবার তোমাদের শীতকালের ব্যবহার্য কিছু প্রস্তুত করিবার কথা বলা হইবে। তোমরা অনেকেই হয়ত শীতকালে বাবার, জ্যাঠার, কাকার, মামার, দাদার বা ছোট ভাই বোনের

জন্য গলাবন্ধ বুনিয়া থাক কিন্তু প্রত্যেক বারেই হয়ত একই রকমের বোন। সেই জন্য এবার নূতন রকম করে বুনিবার বিষয় কিছু লেখা যাইতেছে।

প্রথমে কি কি রং দিয়া বুনিতে ভাল হয় বলি, পরে কি করিয়া বুনিতে হয় তাহা বলিব। যদি খুব বড়দের জন্যে বুনিতে হয় তাহা হইলে শুধু সাদা, পাঁশুটে রং, কটা রং বা সাদাতে কালতে; আর মাঝারি গোছের লোকের জন্যে বুনিতে হইলে শুধু সাদা, সাদাতে নীলেতে, সাদাতে বেগুনীতে, পাঁশুটে, রংয়েতে নীলেতে কিম্বা সেই যে একটুখানি সাদা আর একটুখানি নীল বা বেগুনী পশম পাওয়া যায় তাহাতে; আর যদি খুব ছোটদের জন্যে বুনিতে হয় তবে সাদাতে ফিকে গোলাপীতে কিম্বা সাদাতে লালেতে বুনিতে ভাল হয়। এবার যে রকম করিয়া বুনিবার কথা লেখা যাবে সে রকম করিয়া বুনিতে হইলে চেরা পশম দিয়া বুনিতে হয়। একেবারে ভাল পশম দিয়া না বুনিয়া প্রথমে তোমাদের কাছে যদি একটু আধটু খারাপ পশম থাকে তাহা দিয়া বুনিয়া দেখিবে কিরূপ দেখায়, পরে ভাল পশম দিয়া বুনিতে আরম্ভ করিবে।

যত বড় বুনিবার দরকার তত বড় করিয়া বুনিতে হইলে সাধারণতঃ যত ঘর নিতে হয় তার দ্বিগুণ বড় বাহাতে হয় সেই আন্দাজে ঘর নিতে হইবে। ঘরের সংখ্যা এত হওয়া চাই যে যেন সেই সংখ্যাকে ১৩ দিয়া ভাগ করিলে ২ অবশিষ্ট থাকে।

ঘর নেওয়া হইলে প্রথমে ৮ লাইন সোজা বুনিতে হইবে, তাহার পর

‘প্রথম লাইন—২টা ঘর সোজা, * ২টা ঘর এক সপ্তে সোজা, ২টা ঘর এক সপ্তে

সোজা; এই যে ছুইবার ২টা ঘর এক সপ্তে সোজা বুনা হইল ইহাতে ২টা ঘর কমিয়া যাওয়াতে এবার ঘর বাড়াইবার জন্য পশম সম্মুখে আনিয়া ১টা ঘর সোজা এইরূপে আরও তিনবার পশম সম্মুখে আনিয়া ৩টা ঘর সোজা, ২টা ঘর এক সপ্তে সোজা, ২টা ঘর এক সপ্তে সোজা, ১টা ঘর সোজা পুনরায় * চিহ্নিত স্থান হইতে আরম্ভ কর।


২য় লাইন—প্রথমে ৪টা ঘর উণ্টা ও একেবারে শেষে ৪টা ঘর উণ্টা মধ্যে ক্রমাগত ৭টা ঘর সোজা ও ৬টা ঘর উণ্টা।

৩য় লাইন—সোজা।—


৪র্থ লাইন—উণ্টা।—

পুনরায় প্রথম লাইন হইতে আরম্ভ কর; এই রূপ বুনিতে বুনিতে যখন যতটা লম্বা দরকার ততটা লম্বা হইবে তখন ৮ লাইন সোজা বুনিয়া মুখ বন্ধ করিতে হইবে। মুখ বন্ধ করা হইলে ইহার সোজা দিকটা বাহিরে রাখিয়া লম্বা দিকে ঠিক ছপুরু করিয়া ভাঁজ করিতে হইবে তাহা হইলে যত চওড়া ছিল ঠিক তাহার অর্দ্ধেক চওড়া হইবে। ভাঁজ করা হইলে ইহার ছুই ধার বরাবর এক সপ্তে কারপেটের ছুঁচ ও যে রংয়ের পশম দিয়া বুনা হইয়াছে সেই রংয়ের চেরা পশম দিয়া খুড়িয়া বাইতে হইবে এবং অন্য গলাবন্ধের ছুইদিকে যেক্রমে ঝালর দিতে হয় সেইরূপে ঝালর দিতে হইবে তাহা হইলেই দেখিবে যে সুন্দর একটি ছুইবার গলাবন্ধ হইয়াছে। পাঠিকাগণ! এখন হয়ত বুঝিতে পারিয়াছ কেন তো-

মাদের যত ঘর নেওয়ার দরকার ছিল তাহার দ্বিগুণ ঘর লইতে বলিয়াছিলাম।



কেরাণী পাখী।





ক্ষিতীর নাম শুনিয়া পাছে

কেহ রাগিয়া বসেন, এই জন্ত আমরা প্রথমেই বলিয়া রাখিতেছি যে, এ নাম

আমরা নূতন দিতেছি না। পাখীর মাথার পালকের ঝুঁটিগুলিতে ঠিক কাণে-কলম-গোঁজা কেরাণীর মত দেখা যায়, এই মনে করিয়াই কোন একজন লোক ইহার এই নাম রাখিয়াছিল। সেই অবধি আর বেচারী পাখীর এ ছুঁ নাম ঘুচিল না।

পক্ষিতীর ইংরাজী নাম ‘Secretary Bird’ এই নামের অর্থ “বড় লোকের বড় কেরাণী।” পাখীর ইংরাজী নামে তবু একটু গোরব আছে, বাঙ্গালা করিতে গিয়া তাহাও রহিল না, কি করি?

কেরাণী-পাখী আফ্রিকাতে এবং অন্যান্য গরম দেশে বাস করে। সেই সেই দেশের সকল লোকেই, বিশেষতঃ চাষার এই পাখীকে অতি বড় রন্দা করে। তোমরা জান, গরম দেশে সাপ, ব্যাঙ্গ, পোকা প্রভৃতি লোককে কত জালতন করে। পোকাতে ধানের ক্ষেতে পড়িয়া, ঘরের খাবার জিনিষে বসিয়া, গরু, মহিষ, ঘোড়ার গায়ে লাগিয়া, বড়ই অনিষ্ট করে। কেরাণী-পাখী



মানুষের অপকারী এই সকল জীব ধরিয়া খায়। পাখিটার প্রধান খাদ্য সাপ; তাহার অভাবে, পোকা, টীকটীকি, ছোট কচ্ছপ, ইত্যাদিতেও আমাদের কেরাণী মহাশয়ের আপত্তি নাই। ছোট খাট সাপ হইলে তাহাকে একছোঁতে ধরিয়া লইয়া গিয়া কেরাণী-পাখী গাছের ডালে আছড়াইয়া মারে, কিন্তু বড় সাপ হইলে তাহার সঙ্গে বিস্তর যুদ্ধ করিতে হয়। ছবিতে দেখ, একটা সাপের সঙ্গে আমাদের পাখীটার কি ভয়ানক যুদ্ধ বাধিয়াছে! সাপ গর্জিয়া উঠিয়াছে, কিন্তু কেরাণী-পাখী ডানা আগলাইয়া তাহার পলাই-

বার পথ বন্ধ করিয়া দাঁড়াইয়াছে, এবং নখের আঘাতে ও ডানার ঘায়ে সাপের বাছাকে নাকাল করিয়া তুলিতেছে, এ যাত্রা আর সাপের রক্ষা নাই!

কেরাণীকে দেখিতে যত তেজাল বোধ হয়, বাস্তবিক ইহার স্বভাব তত রাগী বা তেজাল নহে। কেরাণী-পাখী মানুষের শত্রু নষ্ট করিবার সময়েই আপনার তেজ দেখায়, কিন্তু অন্যান্য সময় আপনার প্রকাণ্ড বাসায় পক্ষিনীর সহিত মনের স্থখে শান্তভাবে কাল কাটায়।

ঠাকুর দাদার গল্প।

মেঘ কি?



সকালে নবীন বাবু ছেলেদের লইয়া একটু বেড়াইতে বাহির হইয়াছেন; কিশোরী, অমূল্য, মন্থ, চন্দ্রনাথ, দেবেন, নগেন, চারু, নলিন ও মাখন সকলেই সঙ্গে আছে। বড়

শীত, সকলেরই গায়ে গরম কাপড়। কিন্তু খানিক চলিতে চলিতে শীত চলিয়া গেল, বেশ গরম হইয়া উঠিল। পরিশ্রম করিলে কি শীত থাকে? যে সব ছেলেরা শীত বলিয়া প্রাতঃকালে বেড়াইতে যায় না তাহারা কুড়ে, জানে না প্রাতে বেড়াইলে শরীর কত ভাল হয়। আর সকালে বাহিরের বায়ু যেমন পরিষ্কার ও পবিত্র বাড়ীর ভিতর ঘরের বায়ু তেমনি অপরিষ্কার ও রোগজনক। তা ছাড়া প্রাতঃকালে স্বভাবের অতি চমৎকার শোভা হয়, তাহা দেখিলে মন বড় পবিত্র হয় ও অনেক ভাল ভাল বিষয় শিক্ষা করা যায়। তাই বালকগণ ঠাকুর দাদার সঙ্গে বা আলাদা আলাদা প্রত্যহই প্রাতঃকালে ভ্রমণে বাহির হয়। আজ সকলে একত্রে বাহির হইয়াছে, কিছু শিখিতে হবে এই অভিপ্রায়।

নানা প্রকার কথাবার্তা হইতে হইতে ক্রমে গঙ্গার তীরে আসিয়া উপস্থিত হইলেন। তখনও সূর্য উঠে নাই। গঙ্গার জল হইতে ধূমের মত বাষ্প উঠিতেছে, শিশিরে ঘাস, পাতা, সব ভিজিয়া গিয়াছে, কাকেরা একটা গাছ হইতে

অল্প গাছে উড়িয়া যাইতেছে আর উচ্চৈঃস্বরে “কা” “কা” “কা” করিয়া চীৎকার করিতেছে। ঘাটে বসিবার যো নাই, ভিজা স্মৃতরাং সকলে ফিরিলেন। আসিবার সময় কিশোরী বলিল “দাদা মশাই! ঐ যে ধোঁয়ার মত কি জল থেকে উঠছে ঐ কি বাষ্প?”—নবীন বাবু বলিলেন “হাঁ।” কিশোঃ—“তবে যে আপনি বলেন বাষ্প দেখা যায় না? এই ত বেশ দেখা যাচ্ছে? এই কথাটা আর মেঘের কথাটা ভাল করে বুঝিতে পারি নাই, আজ বুঝাইয়া দিবেন?” নবীন বাবু বলিলেন “চল বলিতে বলিতে যাই। কেমন নলিন? একথা কি তোমার পক্ষে বড় শক্ত হবে? (নলিন—“না”) তবে মন দিয়া শুন। তোমরা ভুলিয়া গিয়াছ, প্রথম ভাগ “সখা”তে ১৪ পৃষ্ঠায় একথা একটু লেখা আছে, তা বরং খুলে দেখিও। এখন তোমরা একটু বড় হইয়াছ তার চেয়ে আরও একটু ভাল করিয়া বুঝিতে পারিবে।

তাপ পেলেই যে সব জিনিস পাংলা হয় তা এক দিন বলিয়াছি। পাংলা জিনিস তাপ পেলে বাষ্প হয় তাও তোমরা জান। বাষ্প সবই অদৃশ্য নয়, অনেক রকমের বাষ্প আছে তাদের লাল, নীল কত প্রকার বর্ণ থাকে। কিন্তু জল উত্তপ্ত হইয়া যে বাষ্প হয় তাহার নাম জলীয় বাষ্প, উহার কোন প্রকার রঙ নাই।”

মন্থঃ—“তবে এই যে আমি হাই তুলি আর ধোঁয়ার মত বাষ্প বাহির হয়, ওর ত রঙ আছে?”

নবীন বাবু—“ছিঃ! ব্যস্ত হও কেন? চিরকালই কি ছেলে মানুষ থাকবে? বলছি শুন না। মুখ দিয়া যে ধোঁয়া বাহির হয় বা জল হইতে বাহা উঠে তাহা কেবল শীতকালেই দেখা যায়, গ্রীষ্ম কালে মোটেই দেখা যায় না। (সকলেঃ

“ঠিক কথা। কেন দাদা বাবু?”) তাহার কারণ আছে। গ্রীষ্ম কালে কি বাষ্প উঠে না? তা নয়। বরং গ্রীষ্ম কালে সূর্যের তেজ বেশী বলে বেশী বাষ্প উঠে, কিন্তু দেখা যায় না কেন না সে সময়ে বায়ু গরম থাকে বলিয়া উহা বাষ্প অবস্থাতেই থাকিয়া যায় কাজেই অদৃশ্য থাকে। আর শীত কালে চারিদিকের বায়ু খুব ঠাণ্ডা, এজন্য যেই বাষ্প মশাই জল থেকে উঠেন, অমনি ঠাণ্ডা বাতাস লেগে জমাট বাধিয়া অতি সূক্ষ্ম জল কণা হইয়া যান। সেই সব জলের কণারা ঐ ধোঁয়ার মত দেখা যায়।”

কিশোরী—“দেখ অমূল্য? সে দিন তুমি যে জিজ্ঞাসা করিতেছিলে সেই বরফ খানার গা দিয়ে ধোঁ উড়ছিল কেন, তার কারণ আমি এখন বুঝিতে পারিলাম। আচ্ছা, দাদা বাবু, বরফের গা দিয়ে গ্রীষ্মকালেও ধোঁ উঠে এই জন্তে নয় যে—আগে বরফের গায়ে লেগে চারিদিকের বাতাসটা খুব ঠাণ্ডা হয়, তার পর যখন ঐ বরফ থেকে বাষ্প উঠে, তখন অমনি ঐ ঠাণ্ডা বাতাসে লাগিয়া জমিয়া এই রকম সূক্ষ্ম জলকণা হইয়া যায়, তাই দেখা যায়। না?”

নবীন বাবু সন্তুষ্ট হইয়া বলিলেন, “ঠিক বলিয়াছ। তোমরা সকলেই এখন বেঙ্গ বুঝিয়াছ বোধ হয় যে ঐ যেটা ধোঁয়ার মত দেখা যায় ওটা বাষ্প নয়, অতি সূক্ষ্ম জলকণা। (সকলে :— “বেশ, উত্তম।”) আচ্ছা! আর একটা কথা আছে। দিন রাত, সদা সর্বক্ষণই জল থেকে বাষ্প উঠছে। সমুদ্র, হ্রদ, নদী, পুকুর, খানা, ডোবা, ভিজে মাটী, ভিজে কাপড়, গাছ ও প্রাণীদের শরীর, সব স্থান থেকেই জলীয় বাষ্প সর্বদা বায়ুতে যাচ্ছে। বেশ! এটা উপরে উঠে কেন?— না বাতাসের চেয়ে হালকা বলে। উপরের

বাতাস কিন্তু নীচের বাতাসের চেয়ে হালকা, কেন না যত উপরে যাওয়া যাবে ততই বাতাস কম, তা তোমরা জান, পূর্বেই বলিয়াছি (১১০ পৃষ্ঠা ১ম ভাগ “সখা” দেখ।) তবেই বুঝতে পার যে এই বাষ্পরাশি উঠিতে উঠিতে এমন এক স্থানেতে পৌঁছবে যেখানে বাতাস এর চাইতে আর ভারী নয়। যেখানকার বাতাসের ভার, ইহার নিজের ভারের সমান। আরও পরিক্ষার করিয়া বলি। যত উপরে উঠা যায় ততই বায়ুর ভার কম; কাজেই নীচের বায়ুর চেয়ে হালকা বাষ্পগুলো উঠতে উঠতে এমন যায়গায় পৌঁছাবেই পৌঁছাবে যেখানে বায়ুর অপেক্ষা আর সে হালকা নয়। সেখানে কি হবে? (সকলে “ভেসে থাকবে।”) ঠিক। সেইখানে গিয়া ঐ বাষ্প ভাসবে।” নলিন বলিয়া উঠিল “তাই বুঝি মেঘ?” মন্থথ বলিল “সে কি রকম হবে? মেঘ ত দেখা যায়, বাষ্প কি দেখা যায়? আ বোকা! এই বুঝি শুনছ?” নলিন—“হাঁ হাঁ হাঁ! ঠিক বটে। আচ্ছা দাদা বল, তার পর? মেঘ কি করে হয়?”

নবীন বাবু—“এদিকে পূর্বে (সখা ১ম ভাগ, ১১১ পৃষ্ঠা দেখ) শুনিয়াছ, যত উপরে উঠা যায় ততই শীত অধিক। (সকলে, “হাঁ মনে আছে।”) এখন ঐ বাষ্প উপরে উঠবার সময় ক্রমেই ঠাণ্ডা যায়গায় পৌঁছাতে লাগিল, আর অমনি সেই জন্তে—? (সকলে :— “জমিয়া সূক্ষ্ম জলকণা হইয়া গেল। কেমন?”) হাঁ ঠিক। যত উপরে উঠে বাষ্প ততই শীতল স্থানে গিয়া শীতল বায়ুতে লাগিয়া জমিয়া যায়। এইটা শীতের শেষে বেশ স্পষ্ট দেখা যায়। মাঘ ফাল্গুন মাসে সমস্ত দিন যে বাষ্প উঠে, তাহারা উপরে উঠিতে থাকে। কিন্তু সে সময় বাতাস খুব ঠাণ্ডা কিনা?—তাই বেশী দূর উঠি-

বার পূর্বেই জমিয়া যায় আর সকাল বেলাপর্যন্ত অন্ধকার করিয়া ‘কুয়াশা’ হইয়া থাকে। (সকলে :— “বটে? তা জানতাম না। কি চমৎকার! কুয়াশা কি ক’রে হয় শিখে গেলাম। হাঃ হাঃ হাঃ।”) আচ্ছা! আমারও বড় আনন্দ হচ্ছে। তোমরা নূতন নূতন বিষয় শিখিলে আমিও বড় খুসী হই। এখন আরও শুন। এই কুয়াশাটা যখন নীচে হয় তখনই দেখা যায়, আর যখন উপরে হয়, তখন আর কুয়াশার মত দেখা যায় না তখন উহাকে “মেঘ” বলে। যেমন বড় বড় কলের চিম্নী দিয়ে যে ধোঁয়া বাহির হয় তাহা খুব উপরে উঠিয়া ভাসিয়া থাকিলে ঠিক মেঘের মত দেখায় তেমনি এই কুয়াশাই উপরে ভাসিলে মেঘ হয়। বাস্তবিক দার্জিলিং, সিমলা, প্রভৃতি উচ্চ পাহাড়ের দেশে ঘরের জানালা দরজা খোলা থাকিলে এক এক খান মেঘ ঘরের মধ্যে ঢুকিয়া কাপড়, মশারি সব ভিজাইয়া দেয়। সেখান থেকে বেশই বোঝা যায় যে, মেঘ কুয়াশা বৈ আর কিছুই নয়।”


কিশোরী—“ভাল, একটা কথা। কুয়াশা ত বেশী ক্ষণ থাকে না, একটু বেলা হ’লেই যায়, কিন্তু মেঘ যে সমস্ত দিন থাকে, আর অত উপরে যে জলের কণা থাকে, তা প’ড়ে যায় না কেন? বাষ্পই যেন বাতাসের চেয়ে হালকা, জলকণা ত আর বাতাসের চেয়ে ভারী বৈ হালকা নয়? এটা কি রকম?”

নবীন বাবু বলিলেন “ঐ কথা নিয়ে বড় বড় পণ্ডিতদের মধ্যে মহা গোলযোগ বাধিয়া গিয়াছে। আগে পণ্ডিতেরা মনে করিতেন যে বাষ্প যখন জমিয়া সূক্ষ্ম জলকণা হয়, তখন তার সঙ্গে অতি সূক্ষ্ম বায়ুর কণাও মিলিত থাকিত। আরও ভাল করিয়া বলি। মনে কর জল জমিয়া যখন বরফ

হয়, তখন জমিবার সময়ে জলের ছোট ছোট কণার সঙ্গে বিন্দু বিন্দু বাতাসও থাকিয়া যায়। তা একটা বরফের চাঁই মন দিয়া দেখিলেই জানিতে পারিবে। তাতে সূতার মত সরু সরু বাতাস থাকিবার পথ আছে দেখিতে পাইবে। এই জন্ত বরফ জলের চেয়ে হালকা হয় ও ভাসে, ঠিক তেমনি বাষ্পের এক একটা কণার সঙ্গে বাতাস মিশান ছিল কিনা? ঐ বাষ্প জমিবার সময় ঐ বাতাসটুকুও তার সঙ্গে জমিয়া যায়; ঠিক সাবানের ফেণার মত, তবে খুব ছোট। কাজেই জল ভারী হলেও বাতাস মিশান থাকে বলিয়া উপরের বায়ুতে ভাসে। এই ছিল আগেকার পণ্ডিতদের মত। আজ কাল ‘হক্সলী’ ‘টিওল’ প্রভৃতি মহা মহা পণ্ডিতদের মতে সেটা ঠিক নয়। ইহারা বলেন যে জলের কণাগুলি এত ছোট, এত সূক্ষ্ম যে তাহাদের বাতাসে ভাসিয়া থাকিবার কোন বাধা হয় না। মনে কর লোহা ত জলের চেয়ে ৭৮৪ গুণে ভারী, কিন্তু কামারদের দোকান থেকে খুব গুঁড়া লোহা আনিয়া যদি জলে ফেলিয়া দাও দেখিবে ডুবিয়া যাবে না, দিব্যি ভাসবে। তার মানে কি?—না, ভারী হলেও খুব সূক্ষ্ম কণা ব’লে ভাসিল। এও তেমনি, জল বায়ুর চেয়ে ভারী হ’লেও, কণাগুলি এত সূক্ষ্ম সূক্ষ্ম যে স্বচ্ছন্দে বাতাসের উপর ভাসিয়া থাকে। আরও একটা কারণ আমার বোধ হয় এই যে, বাতাস নাকি অনবরতই চম্পে বেড়ায় একটুও স্থির থাকে না, সে জন্তেও জলের কণাগুলি নাহিতে পায় না। মনে কর একটা বড় জানায় এক জানা বোলা জল পূরিয়া যদি এক দিন রাখা যায় তবে সে সব ময়লা খিতিয়া জল পরিষ্কার হয়, অর্থাৎ ঐ সব ধূলি-কণা জলের চেয়ে ভারী বলে নীচে পড়িয়া যায় কিন্তু যদি ঐ জানাটা নিয়তই নাড়া যায়,

তবে ধূলা কখন থিত্তিতে পায় না, জল ঘোলাই থাকে। এখানেও তেমনি হয়। বুঝেছ? মেঘ যে জলকণা হ'লেও ভাসে কেন, তার আরও একটা কারণ আমার বোধ হয় এই যে, মেঘেরা বেমন দেখায় তেমন কিন্তু নিশ্চল নয়। ভাল করে দেখিলেই টের পাবে যে একখানা মেঘের ক্রমিক চেহারা বদলায়। কমেছে, বাড়ছে, ঘুরছে, ফিরছে, পাংলা হচ্ছে, ঘন হচ্ছে—ইত্যাদি। তার মানে কি?—না, একখানা মেঘ হইয়া আর উপরে থাকতে না পেরে নামিয়া আসিয়া ভারী হয়ে পৃথিবীতে পড়িতে চায়। কিন্তু যেই নীচের দিকে আসে, অমনি নীচের উষ্ণতর বায়ুর গায়ে লাগিয়া আবার বাষ্প হইয়া অদৃশ্য হইয়া উপরে উঠে। এইরূপে মেঘ উপরেই খেলা করিয়া বেড়ায়, নামিতে পায় না। বড় মাহুষের ছেলের মত উপরেই খেলা, উপরেই বাস। নীচু লোকেদের কাছে আসে না। অহঙ্কারে উন্নত হয়ে গা ফুলিয়ে উড়িতে থাকে।”

চারু—“আঃ! আজ কেমন সুন্দর কথা শিখিতে পারিলাম। এ বিষয়টা আরও অনেক দূর ভাবিতে হইবে এবং “সখায়” যখন লেখা হবে তখন অনেক বার পড়িব। তাহলে বেশ মনে থাকবে। এস ভাই! আজ সকলে ভক্তির সহিত দাদা বাবুকে প্রণাম করিয়া বাড়ী যাই। বেলা হইলে পড়া তৈয়ার করা হবে না।” তখন সকলে গৃহে গেলেন।



ধাঁধা।


নুতন।

১।—ছেলেবেলা একদিন বসে আক কষ্ছি হঠাৎ বাবা আর মায়ী ছুদিক থেকে এসে আমার হাত থেকে একটা জিনিষ কেড়ে নিয়ে ছুজনে ভাগ করে নিলেন। নিয়েই বাবা লিখিতে লাগিলেন, আর মা রান্নাঘরে গিয়ে বাটনা বাটিতে বসিলেন; সব গোল মিটে গেল। কি করে?

২।—তিন বর্গে অঙ্গ মম সাজান কেমন, দিনের প্রথম ভাগে দিই দরশন। মাথা হ'তে কটি মোর ঝক্ঝক্ জলে, সে জ্যোতি হেরিয়া মুগ্ধ মানব সকল। প্রবাদ—আমার দেহ করিয়া ভোজন, বাচিতেছে চিরকাল বঙ্গবাসীগণ।


৩।—আমি অতি নীচ জাতি, ছুঁলে নাইতে হয়। একদিন পূর্ণিমার রাত্রে চাঁদের কাছ থেকে একটা ফোঁটা চেয়ে যাই মাথায় পরেছি, আর আমায় মান দেখে কে? তখন আর আমি না হলে ব্রাহ্মণদের রান্নাই হয়না। বলত আমি কে?

৪।—দশ হস্ত পদ মম সূগোল শরীর, জলে কিম্বা স্থলে বাস নাহিক সৃষ্টির। পিতা মম মহাবীর কুরুক্ষেত্র রণে, ত্যজিলেন দেহ স্মধু আমার কারণে। পাণ্ডবের ভয়ে আমি এখনও অস্তির, বধে পাছে ঘর হ'তে করিয়ে বাহির। নিজ সন্তানের হস্তে মম হইবে মরণ, বলত সুরন্ধি শিশু আমি কোন জন?



ফেব্রুয়ারি, ১৮৮৫।

অক্ষয়কুমার দত্ত।*



পিতামহ ছেলে বা নেরে কে আছে সে, চাকপাঠ পড়ে নাই বা পড়িবে না? বড়দের মতোই বা এমন কজন আছেন যারা ধর্মনীতি, পদার্থবিদ্যা, বাহ্যবস্তুর সহিত মানবপ্রকৃতির সম্বন্ধ বিচার, এবং ভারতবর্ষীয় উপাসক-সম্প্রদায় নানক চমৎকার পুস্তকগুলি

* নব-বার্ষিকী হইতে জীবনী-বিষয়ে সাহায্য পাইয়াছি।

পড়েন নাই। এ সকল পুস্তক যাহার লেখা, তিনি আমাদের দেশের একজন বড়লোক, তাঁহার নাম বাবু অক্ষয়কুমার দত্ত। যদি জানিতে চাও, মাহুষ নিজের চেষ্টিয়, নিজের যত্নে, নানা অসুবিধার মধ্যও কতদূর বড় হইতে পারে, তবে বাবু অক্ষয়কুমার দত্তের কথা শোন, শুনিয়া অবাক হইয়া যাইবে।

১২২৭ সালের শ্রাবণ মাসে নবদ্বীপের কাছে একখানি ছোট গ্রামে অক্ষয়কুমার দত্তের জন্ম হয়। যখন তাঁহার সাত বছর বয়স, তখন হইতে তিন বৎসর অর্থাৎ দশ বছর বয়স পর্যন্ত গুরু মহাশয়ের কাছে সামান্য লেখাপড়া শিখিয়া অক্ষয় বাবু কিছুকাল পরে কলিকাতার দক্ষিণে থিদিয়াপুর নামক স্থানে আসেন। এই সময়ে সর্বত্রই পারসী লেখাপড়া চলিত ছিল;—আদালতে পারসী ভাষাতেই কার্য-কাজ চলিত। অক্ষয় বাবুর আত্মীয়েরা কাজেই অক্ষয় বাবুকে পারসী শিখাইবার জন্ত ব্যস্ত হইলেন; কিন্তু এই সময়ে একখানি ইংরাজী পুস্তকের বাঙ্গালা অনুবাদ পড়িয়া তাঁহার বড়ই আনন্দ হয়। তিনি দেখিলেন ইংরাজী ভাষাতে এমন সকল বিষয় আছে, যাহা বড়দের চলিত বিশ্বাসের সঙ্গে মেলে না বটে, কিন্তু তাহা সমস্তই ঠিক। সেই অবধি অক্ষয়কুমারের ইংরাজীর দিকে মন গেল—সেই

অল্প বয়সে পিতা ও আত্মীয়দিগের অহুরোধ কাটাইয়া অক্ষয়কুমার ইংরাজী শিখিবার জন্ত এক পাদ্রীর স্কুলে 'ভর্তি' হইলেন। "পাদ্রীদের স্কুলে পড়িতেছে এ ছেলেটা খ্রীষ্টান হইবে," এই মনে করিয়া অক্ষয়কুমারের আত্মীয়েরা তাঁহাকে স্কুল ছাড়িয়া আসিতে বলিলেন, কিন্তু অক্ষয় বাবু তাহাতে রাজি হইলেন না। অবশেষে যখন তাঁহার প্রায় ১৭ বৎসর বয়স, তখন কর্তারা পরামর্শ করিয়া অক্ষয়কুমারকে কলিকাতায় আনিয়া গৌরমোহন আচ্যের স্কুলে 'ভর্তি' করিয়া দিলেন। এতদিন নানা কারণে অক্ষয় বাবুর প্রায় কিছুই লেখাপড়া হয় নাই; এইবারে সুবিধা পাইয়া মন খুলিয়া লেখাপড়া করিতে লাগিলেন, কিন্তু অক্ষয় বাবু এ সুখ দুই তিন বৎসরের অধিক ভোগ করিতে পান নাই। আড়াই বৎসর পরে অক্ষয় বাবুর পিতার মৃত্যু হওয়াতে, তাঁহার কাঁধেই সংসারের ভার পড়িল; তখন তাঁহার স্কুলে পড়ার সুবিধা আর কিসে হইবে?

স্কুলে পড়া হইল না বটে, কিন্তু তাঁহার পড়া শুনা যুটিল না। একদিকে চাকরীর চেষ্টা, আর একদিকে লেখাপড়া শিক্ষা,—ভয়ানক পরিশ্রম; কিন্তু অক্ষয়কুমারের গাছ ছিল না। আবার, পড়িবার বইগুলি কেমন সহজ এবং সুখময়—অক্ষরাজ, জ্যোতিষ প্রভৃতি বিজ্ঞান, সংস্কৃত নানা-রূপ পুস্তক, ইত্যাদি!! তোমার আমার মত ছেলে হইলে হয়ত বলিয়া উঠিত—“আমার কপাল মন্দ! বাবা মরিয়া গেলেন; কেমন করিয়াই বা স্কুলে পড়ি? আবার এদিকে সমস্ত দিন 'চাকরী বাকরী'র চেষ্টা করিয়া ঘরে এসে পড়া শুনো করা—তা বাপু! পেড়ে উঠিনা।”


এইখানেই বৃড়লোকে ছোটলোকে তফাৎ, এইখানেই অক্ষয় বাবুর মত লোকে আর তোমাতে আনাতে তফাৎ!

অনেক দিন গেল। অক্ষয় বাবু বিখ্যাত তত্ত্ববোধিনী পত্রিকার সম্পাদক হইলেন। তাঁহার সাংসারিক কষ্ট একরূপ যুটিল বটে, কিন্তু তাঁহার প্রাণের আশা মিটিল না। অক্ষয় বাবু তাঁহার আশা মিটাইবার জন্ত দিনরাত খাটিতে লাগিলেন—কোন কোন দিন সমস্ত রাত জাগিয়াও লিখিতে আরম্ভ করিলেন। এই পরিশ্রমের ফলে তত্ত্ববোধিনী পত্রিকার শ্রী ফিরিল, বাঙ্গালী ছেলেদের পড়িবার জন্ত দুচারখানা পুস্তক প্রকাশিত হইল, ব্রাহ্ম সনাজের কর্তাদের ধর্ম-বিষয়ে অনেক সাহায্য হইল; কিন্তু যিনি এই সকলের কর্তা তাঁহাকে ভয়ানক শিরঃপীড়ায় অকর্ষণ্য করিয়া ফেলিল। তখন সমস্ত কাজকর্ম ছাড়িয়া অক্ষয় বাবু কলিকাতা ছাড়িয়া গেলেন। অক্ষয় বাবু আজকাল বাগীগ্রামে থাকেন। তাঁহার বাড়ী বাঁহারা দেখিয়াছেন, তাঁহারাই বলিবেন, অক্ষয় বাবু বাড়ীঘর সুন্দর করার সম্বন্ধে যে সকল উপদেশের কথা তাঁহার চারুপাঠে লিখিয়া গিয়াছেন, তিনি নিজের বাড়ীতে সেই উপদেশ অক্ষরে অক্ষরে পাটাইয়া দিয়াছেন। এই জগাই তাঁহার একজন বন্ধু তাঁহার “শোভনোদ্যান”কে ‘চারু-পাঠ ৪র্থ ভাগ’ এই নাম দিয়াছেন।

অক্ষয় বাবু এখন অত্যন্ত পীড়িত। তাঁহার লিখিবার সাধ্য নাই, পড়াশুনা করিবার বিশেষ সুবিধা নাই। অথচ এই দারুণ পীড়ার মধ্যেও তাঁহার “ভারতবর্ষীয় উপাসক-সম্প্রদায়” নামক প্রকাণ্ড পুস্তক বাহির হইয়াছে। কেমন করিয়া এ আশ্চর্য ব্যাপার ঘটিল, বাঁহারা জানিতে ইচ্ছা করেন, তাঁহার “উপাসক-সম্প্রদায়” দ্বিতীয় ভাগের শেষটুকু পড়িবেন; কেমন করিয়া এর, ওর, তার খোসামোদ করিয়া, নিরেট মূর্খের দ্বারা একটু একটু করিয়া টুকরা টুকরা কাগজে লেখা-

ইয়া সেইগুলি জড় করিয়া এই বৃহৎ পুস্তক হইল, “উপাসক-সম্প্রদায়ের” পাঠকের কাছে সে কথা অজানা নাই। ধন্য উৎসাহ! ধন্য ক্ষমতা!

অক্ষয় বাবুর বয়স এখন ৬৪ বৎসর। আমরা তাঁহার পীড়িত অবস্থার একটা ছবি দিলাম। এই ছবি তাঁহার ৫৫ বৎসর বয়সে তোলা। অক্ষয় বাবু তাঁহার উপাসক-সম্প্রদায় দ্বিতীয় ভাগে আনাদিগকে আশা দিয়াছেন, যে সুবিধা হইলে তিনি উপাসক-সম্প্রদায়ের তৃতীয় ভাগও যত শীঘ্র হয় প্রকাশ করিবেন। আমরা তাঁহার এই শরীরে এইরূপ সাহসের কথা শুনিয়া অবাক হইয়াছি। তাঁহার মনের ইচ্ছা বাহা, তাহা সফল হউক; আমরা যে এত ছোট, আনাদের কুড়েমি এই চিররোগী বৃদ্ধের উৎসাহ দেখিয়া ভাঙ্গিয়া যাক—এসো আমরা সকলে তাঁহার পায়ের তলায় বসিয়া তাঁহার মত হইতে চেষ্টা করি।



ঠাকুরদাদার গল্প ।

মেঘে কি হয়?



লকগণ সেদিনকার কথা শুনিয়া এত উপকার বোধ করিয়াছিল যে আজ আরও অনেককে সঙ্গ করিয়া সন্ধ্যার পূর্বে নবীন বাবুর সঙ্গে বাহিরে ভ্রমণ করিতে আসিয়াছে। ছোট ছোট ছেলেরা নূতন নূতন বিষয়ের জ্ঞান লাভ

করিবার জন্ত এরূপ ইচ্ছা প্রকাশ করিলে কার না আনন্দ হয়? নবীন বাবু পরম আনন্দে সকলকে সঙ্গে করিয়া বাহিরে চলিলেন। জিজ্ঞাসা করিলেন কি বিষয়ে গল্প হইবে; সেদিন সকলে ঠিক করিয়া আসিয়াছিল যে মেঘ হইতে আরও কিছু হয় জানিতে হইবে। সেই কথাই হওয়া স্থির হইল। তখন নবীন বাবু বলিতে লাগিলেন :-

“সেদিন তোমরা জানিতে পারিয়াছ যে মেঘ সূক্ষ্ম সূক্ষ্ম জল কণার কুয়াশা বৈ আর কিছুই নয়। এই সব জলকণা আবার ক্রমাগতই বদলাইয়া কখন বাষ্প হইতেছে আবার শীতল হইয়া জলে পরিণত হইতেছে। ক্রমে যখন কোন কারণে এই মেঘ হাওয়ায় ভাসিতে ভাসিতে এমন স্থানে আসে, যেখানে শীত বেশী, তখন ইহার অধিকাংশ জলকণা আরও শীতল হইয়া ভারী হয় আর বড় হয়। তখনই বৃষ্টি হইয়া মাটিতে পড়ে। এটুকু তোমরা সকলেই বোধ হয় জান। (নলিন :- “না দাদা! আমি ভাল জানি না, বল।”) কেন? এত খুব সহজ কথা? জল গরম হইলে বাষ্প হয় আবার ঐ বাষ্প শীতল হইলে জমিয়া জল হয়। এও তাই। গরম বাতাসের মধ্যে যতক্ষণ থাকে ততক্ষণ বাষ্প হইয়াই থাকে আর যখন বাতাসে ভাসিতে ভাসিতে চালিত হইয়া কোন শীতল দেশে বা স্থানে পৌঁছায় তখন ঐ বাষ্প সকল খুব ঠাণ্ডা হইয়া জমিয়া জল হয়। এই জল আগে ছোট ছোট কণা হইয়া কুয়াশার মত হয়। তার পর আরও শীতল হইতে থাকিলে ক্রমে বৃষ্টির আকার ধারণ করে। কিন্তু তখনও গুঁড়ি গুঁড়ি জলকণা থাকে। পরে যত নীচে নামিতে থাকে তত পরস্পরের সঙ্গে মিলিত হইয়া বড় হয়। কোন

পর্বতের উপরে উঠিয়া এইরূপ কুয়াশা হইতে বৃষ্টির উৎপত্তি লক্ষ্য করিয়া দেখিলেই এই বিষয় বেশ বুঝা যায়। একেবারে মেঘ হইতেই বৃষ্টির মত বড় বড় ফোঁটা পড়ে না। নীচে নামিতে নামিতে অনেক গুলি কণা মিলিয়া গিয়া তবে বড় বড় ফোঁটা হয়। বুঝিলে ?” (সকলে :—হাঁ, বেশ বুঝেছি।)

“তার পরে আরও ২।৪ টা কথা বলিয়া বৃষ্টির কথা শেষ করিব। শীতল হইলেই ত বৃষ্টি হয় বুঝিলে। শীতল কত উপায়ে হইতে পারে ? এ সহজ কথা। মনে কর যদি এক স্থানে বায়ু রাশি রাশি বাষ্প লইয়া চলিয়াছে, ক্রমাগত দেশের পর দেশ পার হইয়া চলিয়াছে; অবশেষে এমন একটা পর্বতের গায়ে আসিয়া ঠেকিল যে আর যাইতে পারে না। তখন কি হবে ? পর্বতের গা ঢালু কি না (বুরুজ বা পুকুরের পাড়ের মত ক্রমে ক্রমে উচ্চ), এজন্ত ঐ বায়ু তখনই গা বহিয়া চূড়ার দিকে উপরে উঠিতে আরম্ভ করে। আর তোমরা জান যে যত উপর উঠ শীতল। কাজেই ঐ বায়ু ও বাষ্প সব শীতল হইতে আরম্ভ করে। শীতল যে হওয়া, আর অমনি বাষ্প মশাই গলে একেবারে জল! কেমন ? (সকলে হাঁ!) আর কি ? হুঁ হুঁ করিয়া এক পশলা বৃষ্টি হইয়া যায়। এই রকম করিয়া আমাদের দেশের মলবার উপকূলে ভয়ানক বৃষ্টি হয়। আরব সাগর হইতে গ্রীষ্ম কালে বায়ু বহে, তাহাকে দক্ষিণ (বা দক্ষিণ পশ্চিমের) বায়ু বলে। এই বায়ু বিস্তর বাষ্প লইয়া ভারতবর্ষের দিকে আসিতে থাকে, কিন্তু পশ্চিমপশ্চিম ঘাট গিরির গায়ে ঠেকিয়া আসিতে পারে না, উপরে উঠিয়া পড়ে কাজেই উহার প্রায় সমস্ত বাষ্পই বৃষ্টি হইয়া পর্বতের গা ভাসাইয়া দেয়।

আর তার পর ঐ বায়ু যখন পর্বত পার হইয়া দক্ষিণাত্যে আসে তখন আর তাহাতে বৃষ্টি হয় না। এইরূপ ভারতমহাসাগরের সমস্ত মেঘই উত্তর দিকে আসিতে থাকে শেষে গিয়া—? (সকলে, “হিমালয় পর্বতে ঠেকিয়া যায়।”) ঠিক! আর সেই সব বৃষ্টি হইয়া পড়ে, ঐ বৃষ্টির জলে আর্ব্যবর্তের এত নদ নদীর উৎপত্তি হয়। কিন্তু আবার ওদিকে ঐ বায়ু যখন হিমালয় পার হইয়া তিব্বত দেশে উপস্থিত হয় তখন আর তাহাতে বৃষ্টি হয় না, এই জন্ত ঐ দেশের অবস্থা এত হীন; ওখানে প্রায় সবই মরুভূমির মত।”

কিশোরী:—“তবেও হিমালয় পর্বত থাকতে আমাদের দেশের খুব উপকার হইয়াছে। না হইলে ত এত নদী, এত বৃষ্টি কিছুই হইত না, আর আমাদের দেশ মরুভূমির মত হইয়া যাইত। ধান চালা কিছুই জন্মিত না ?”

নবীন বাবু:—“ঠিকই বুঝিয়াছ। এই জন্তই আমাদের দেশ এত উর্বরা। আমাদের দেশের পক্ষে হিমালয় আরও কত যে উপকারী তাহা এর পর আরও জানিতে পারিবে। এখন বৃষ্টির কথা আবার বল। যদি এইটী একমাত্র কারণ হইত তাহা হইলে যেদেশে পর্বত নাই সেখানে বৃষ্টি হইত না।”

মাখন:—“হাঁ দাদা বাবু! আমি ঐ কথাটাই জিজ্ঞাসা করিব মনে করিতেছিলাম। আমাদের দেশেতে পর্বত নাই তবে এখানে এত বৃষ্টি হয় কেন ?”

নবীন বাবু:—“মন দিয়া শুন। যেটা বলিলাম সেটা একটা কারণ, বৃষ্টি হইবার আরও কারণ আছে, মনে কর ছুদিক হইতে ছুটি বায়ুর স্রোত আসিয়া মধ্যে এক স্থানে ঠেকা ঠেকী হইল। তখনই অমনি যেমন কলের গাড়ীর “কলিসন”

হলে হয়, ছুটাতে খুব ধাক্কা লাগিল। কিন্তু বাতাস ত আর গাড়ীর মত ভারী নয় যে মাটিতে ভেঙ্গে পড়ে যাবে। উহা হালকা, কাজেই ছুটা বাতাস উপর দিকে উঠিতে থাকে। কাজেই উপরে উপরে উঠিয়া শীতল হয় আর ঝপ্ ঝপ্ করিয়া বৃষ্টিও হইয়া পড়ে। আরও নানা প্রকার কারণে বৃষ্টি হয়। অর্থাৎ যে কোন কারণে মেঘ আরও শীতল হয় অমনি এক পশলা বৃষ্টি হইবেই হইবে।”

অমলা:—“আচ্ছা কোন কোন স্থানে সকলের চেয়ে বেশী বৃষ্টি হয় ?”

নবীন বাবু:—“প্রায়ই যে যে স্থান সমুদ্রের ধারে, বা যেখানে বায়ুর পথের মধ্যে পর্বত আছে, সেই সেই স্থানেই অধিক পরিমাণে বৃষ্টি হয়। আর সাধারণতঃ গ্রীষ্ম প্রধান দেশেই (tropical countries) অধিক পরিমাণে বৃষ্টি হয়। আমাদের দেশের একটা স্থান আছে, বাঙ্গালার উত্তর আসানের পূর্বদিকে খসিয়া পাহাড়ে চেরাপুঞ্জী নামক স্থানে যত অধিক বৃষ্টি হয় পৃথিবীর অত কোন স্থানেই এত বৃষ্টি হয় না।”


মনমথ:—“আর এমন দেশ আছে, সেখানে একটুও বৃষ্টি হয় না ?”

নবীন বাবু:—“আছে বৈকি ? আফ্রিকা মহাদেশের মধ্য ভাগে এবং মিশর দেশের অধিকাংশ স্থলেই বৃষ্টি হয় না। আরব ও পারস্য দেশের অনেক অংশেও বৃষ্টি হইতে দেখা যায় না। আসিয়ার বিস্তীর্ণ গোবী মরুভূমি ও হিমালয়ের উত্তর পূর্ব ভাগও প্রদেশ, এবং তন্নিম্ন আনোরিকার কোন কোন অংশে বৃষ্টি হয় না। এই সমস্ত স্থানই জলহীন ভীষণ মরুভূমি হইয়া আছে।”


চারু:—“দাদা মশাই! মেঘও আমাদের খুব উপকার করে বলতে হবে ?”

নবীন বাবু:—“সে কথা আর একবার ? মেঘ হইতে জল পড়িয়া পৃথিবী শীতল হয়। গ্রীষ্মকালে এক এক দিন কেমন ভয়ানক গুমট হয় দেখিয়াছ ত ? প্রাণ যায়। ত্রাহি ত্রাহি করিতে হয়, তখন এক পশলা বৃষ্টি হইলে তবে জীব জন্তুর প্রাণ বাঁচে। কেমন ? আরও বৃষ্টি দ্বারাই ভূমি উর্বরা হয়। ধান্য, গোধূম, যব, ছোলা প্রভৃতি শত শত প্রকার শস্য ও ফল মূল, বৃক্ষ লতা বাহা কিছু মানুষ ও অন্য জীব জন্তুর প্রাণ ধারণের জন্য পৃথিবীতে জন্মিতেছে তাহার কিছুই হইত না। সকলেই অনাহারে মারা যাইত। জলই আমাদের জীবনের একটা সর্ব প্রধান দরকারী জিনিষ। তৃষ্ণার সময়ে জল না পেলে কেমন হয় ? সে বৎসর তোমাদের খিড়কীর পুকুরের জল শুকাইয়া গিয়াছিল। মনে আছে ত কেমন হা হা রব পড়ে গিয়াছিল ? আর এই বৎসর বর্ধমান, বীরভূম প্রভৃতি জেলায় ভাল জল হয় নাই, তাই একেবারে সব মাঠ জলিয়া গিয়া ছুর্ভিক্ষ হইয়াছে জানত ? আহা! কত যে লোক না খেতে পেয়ে মরে গেল তা আর কি বলিব ? আর কত লোকের যে কি ভয়ানক ক্লেশ হল তাও সবই তোমাদের সেদিন কাগজ পড়িয়া শুনাইয়াছি। জল না হইলে পৃথিবী একদিন চলে না। জলকে সেই জন্য আমাদের পূর্ব পুরুষেরা “জীবন” নাম দিয়াছেন। আর সেই জন্যই মেঘের মধ্যে ইন্দ্র আছেন। তিনিই আমাদের জল দেন ইহা মনে করিয়া তাহার ইন্দ্রকে দেবরাজ অর্থাৎ দেবতাদের মধ্যে প্রধানরূপে গণ্য করিয়া পূজা করিতেন। তোমরাও আজ যে সকল কথা শুনিবে তাহাতে বেশ বুঝিয়াছ যে, করুণাময় পরমেশ্বর আমাদের দুঃখের জন্য মেঘ হইতে বৃষ্টি প্রদান করেন। তবে এস এই গঙ্গা-

তীরে বসিয়া সেই দয়াময় দেবতাদের শ্রেষ্ঠ
ঈশ্বরকে ভক্তিভাবে প্রণাম করিয়া বাড়ী যাই।”



পরেশনাথ মন্দির ।



পরেশনাথ পাহাড় জৈন
নামক লোকদিগের একটা
বড় তীর্থ স্থান। এইখানে

অগ্রহায়ণ হইতে ফাল্গুন মাস পর্যন্ত অনেক জৈন
যাত্রীর ভিড় হয়। জৈনেরা পরেশনাথকে পরম
দেবতা মনে করে, এবং জীবহত্যা অর্থাৎ কোন
প্রাণীকে মারা বা ক্রেশ দেওয়ার অত্যন্ত অত্যাচার
ভাবিয়া থাকে। পরেশনাথ পাহাড় গিরিধি হইতে
নয় ক্রেশ দক্ষিণে। ইহার মধ্যে এক স্থানে ‘বরা-
কর’ নামক একটা নদী আছে। রাস্তার দুদিকে
ছোট ছোট পাহাড় দেখিতে দেখিতে আমরা বিনা
ক্রেশে বরাকর পর্যন্ত আসিলাম। সেখানে
আহারাদি করা গেল। এইখানে “রাজবালা
ধর্মশালা” নামে জৈনদের একটা মন্দির আছে।
আমরা এই ধর্মশালা দেখিয়া নদী পার হইলাম,
এ সময়ে বরাকর নদীতে এক হাটু বা কিছু
অধিক মাত্র জল থাকে; সুতরাং আমরা সহজেই
নদী পার হইয়া গেলাম।

রাস্তায় ভরানক রদুর্বে ছাঁতা মাথায় দিয়াও
কিছু ক্রেশ পাইতে হইল; যাহা হউক বিকাল-
বেলা পাহাড়ের নীচে পৌঁছিলাম।

পাহাড়ের নীচের স্থানের নাম মধুবন। শুনি-
য়াছি ঋব মধুবনে তপস্যা করিয়াছিলেন। এই
সেই মধুবন কিনা, তাহা জানিতে পারিলাম না।
আমাদিগের কোন বন্ধু আমাদের জন্য মধুবনের
এক জৈন মন্দিরের বা কুঠির অধ্যক্ষকে আগেই
এক পত্র লিখিয়া রাখিয়াছিলেন, সুতরাং আমা-
দিগকে গিয়া বিশেষ কষ্ট পাইতে হইল না।
মধুবনে অনেকগুলি জৈন মন্দির। কুঠির অধ্যক্ষ
মহাশয় আমাদিগকে সকল গুলিই যত্নের সহিত
দেখাইলেন। আমরা তাঁহাদের ধর্মের নিয়ম
মাথ্য করিয়া দরজায় যুতা, ছাতা, লাঠি প্রভৃতি
রাখিয়া গেলাম। এই মন্দিরগুলি নির্মাণ করিতে
যে কত শত টাকা খরচ হইয়াছে, তাহার সীমা
কি? অনেক মন্দিরই আগাগোড়া পাথরের
তৈয়ারী। সকলগুলির মধ্যেই মেজে মার্বেল
পাথরে মোড়া এবং মূর্তিগুলি নানারূপ সুন্দর
অলঙ্কারে সাজান ও চমৎকার আসনে জরির
কাজ করা শামিয়ানার নীচে বসান। পরেশ-
নাথ প্রধান দেবতা; ইহা ছাড়া আরও তেইশ
জন অবতার আছেন, এই কথা কুঠির অধ্য-
ক্ষের মুখে শুনিলাম। প্রত্যেক মন্দিরের দরজায়
একজন বা দুজন করিয়া দ্বারবানদেবতা আছেন।
তাঁহাদের আকার নাই, পাথরের এক একটা
লম্বা খণ্ড, তাতেই সিন্দূর-মাখান।

পরেশনাথ পাহাড় প্রায় তিন হাজার হাত
উচ্চ। রোগা লোকের সাধ্য কি, হাটুয়া উঠে।
আমরা ডুলিতে গিয়াছিলাম। সকল বিষয়গায়
রাস্তা নাই। উপরে সাহেবদের জন্ত একটা ঘর
আছে, সেই পর্যন্ত ভাল রাস্তা, তাহার ওদিকে
আর রাস্তা নাই; কেবল পাথরের উপর দিয়া
একটু একটু পরিষ্কার করা। পাহাড় বলিলে কি
তোমাদের কেবল পাথরের চিবি মনে হয়? তাহা

নহে, পাহাড়ের উপরে যে কত রকম গাছ জন্মি-
য়াছে, তাহার সীমা কি? আমি এই সকল
গাছের মধ্যে বাঁশগাছ, কলাগাছ এবং হলুদগাছ,
ইহাই চিনিতে পারিলাম। ইহা ছাড়া ছোট
ছোট অগছা হইতে শাল সুন্দরীর মত বড় বড়
গাছ যে কত আছে, তাহা গণিয়া উঠা যায় না।

একবার একটা ইংরাজ স্ত্রীলোক বলিয়াছি-
লেন “এদেশের পাখীগুলি কেবল দেখিতেই
সুন্দর, কিন্তু গান করিতে পারে না, খালি ক্যাচ্-
ম্যাচ্ করে।” যদি তিনি এই পাহাড়ে আসি-
তেন, তাহা হইলে তাঁহার এ বিশ্বাস চলিয়া
যাইত। আমার পথ চলিতে চলিতে বোধ হইল
যেন স্বর্গে বাইতেছি। একদিকে ঝর্ ঝর্ করিয়া
ঝরণার জল পড়িতেছে, একদিকে শোঁ শোঁ
করিয়া গাছের মধ্যে বাঁশি বাজাইতে বাজাইতে
শীতল বাতাস বহিয়া চলিয়াছে, একদিকে পাখী-
গুলি টুউ, টুইট, টুউ টুইট শব্দে কি সুমধুর গানই
ধরিয়াছে, এদিকে রাস্তার দুপাশে দুর্গাধাপ বা
ফার্ন জাতীয় গাছ সকল যেন সুন্দর সবুজ মন্-
দের মত আপনাদের সুশ্রীকৃত পথের লোককে
দেখাইতেছে—এই সমস্ত দেখিয়া শুনিয়া আমার
ইচ্ছা হইল একবার সেইখানে লাকাইয়া পড়ি
এবং এই সুন্দর সৃষ্টি যার সেই পরম পিতা পর-
মেশ্বরের নামে চিরদিনের মত ডুবিয়া যাই।

কিন্তু কি আশ্চর্য! যে শোভা দেখিয়া
আমার মন গলিয়া গেল, সেই শোভা দেখিয়াও
কোন লোকের মনে ধারণা ভাব থাকে! পথের
মাঝখানে যাত্রীদের বিশ্রামের জন্য একটা ছোট
ঘর আছে। তাহার কাছে গোঁ গোঁ শোঁ শোঁ শব্দে
জল পড়িতেছে, পাখীগুলি যেন তাহারাই শব্দে
তাল রাখিয়া গান করিতেছে, আর চারিদিকে
গাছের শীতল ছায়া যেন পরিশ্রান্ত যাত্রীকে

কোলে টানিয়া লইতেছে। এই শোভা, এই বাহা-
রের মধ্যে যাহার ভগবানকে মনে পড়ে না, সে কি
ছুর্ভাগা! আমি দেখিয়া লজ্জায় মরিয়া গেলাম,
আমাদেরই কতকগুলি ছেলে (হাঁতের লেখায়
বুঝিলাম বয়স বেশী নয়) এই বিশ্রামঘরের দেয়ালে
বিশ্রী ছবি এবং বাঙ্গালাতে বিশ্রী কথা সকল
লিখিয়া রাখিয়া গিয়াছে। হতভাগা ছেলেদের
ইহাতেও সাধ মেটে নাই, আবার তাহার সঙ্গে
সঙ্গে নিজেদের নাম ও বাড়ীর ঠিকানা পর্যন্ত
লিখিয়া রাখিয়া গিয়াছেন! দিগ্গজ পণ্ডিতদের
কাহারও বাড়ী ছুতোর পাড়া কাহারও বাড়ী
কালেজ ষ্ট্রিট, কাহারও উহারই নিকটে। আমি
বাঙ্গালী—বাঙ্গালীর ছেলে বিদেশে আসিয়া এমন
কাণ্ড করিয়া গিয়াছে দেখিয়া আমার লজ্জা ও
ঘৃণা দুই হইতে লাগিল। তখন নিজের লজ্জা
নিজেই ঢাকিবার জন্য সেই সকল খারাপ ছবি ও
লেখা মুছিয়া ফেলিতে লাগিলাম। সকলই মুছিয়া
ফেলিলাম কেবল খুব উপরে একটা লেখা হাতে
পাইলাম না। ছরান্নাদের খারাপ স্মৃতির
একটা চিহ্ন সেই পবিত্র স্থানে থাকিয়া গেল।

একটা পাহাড় ডিম্বাইয়া বড় পাহাড়টাত
উঠিতে হয়। বড় পাহাড়ের রাস্তা যে কি ভয়ান-
ক, তাহা বলিতে পারি না। কোন কোন স্থানে
পাহাড়ের এক ধার দিয়া রাস্তা গিয়াছে, সেখান
হইতে মাটি পর্যন্ত এক-চালু, তাহাইলে মাথা
ঘোরে; কোন স্থানে দুপাশে বড় বড় ঘাস ও
ভাঁটুইবন, তাহার মধ্য দিয়া সাপের ভয় অগ্রাহ
করিয়া চলিতে হয়; আবার কোথাও বা উপরে
উঠিতে ডুলির তলায় ক্রমাগত পাথর ঠেঁকিতে
থাকে, বা খাইয়া শরীরে বেদনা হইয়া প্রাণ যায়।
এই ভাবে, কতক আত্মদে কতক ভয়ে আমরা
উপরে উঠিলাম। আঃ—সেখানকার কি শোভা!

এক এক বলুকা বাতাস গায়ে লাগে আর বোধ হয় যেন শরীর পাতলা হইয়া গেল। উপরে চাহিয়া দেখিলাম, আকাশ নীল—গাঢ় নীল। নীচে ওরূপ নীলাকাশ প্রায়ই দেখা যায় না। চারিদিকে তাকাইয়া দেখিলাম কুয়াসার ন্যায় বাতাসে মেঘ গুলি ভাসিয়া বেড়াইতেছে, আমরা মেঘের সীমা ছাড়িয়া উপরে উঠিয়া ফেলিয়াছি! বাতাসে বেশ একটু শীত লাগে, কিন্তু তাহাতে বড়ই আরাম হইতে লাগিল। চারিদিকে তাকাইয়া দেখিলাম ছোট পাহাড়টাকে একটা বনের মত, বড় বড় গাছগুলিকে ঘাসের মত এবং অত্যাশ্চর্য স্থানগুলিকে রং করা ছবির মত দেখাইতেছে।

উপরে অনেকগুলি মন্দির আছে, কিন্তু সে গুলি মধুবনের মন্দিরের স্থায় বড় বা সুন্দর নহে। সর্বাপেক্ষা বড় যে মন্দিরটা, আমরা তাহারই নিকটে স্নানাহার করিলাম। সঙ্গে তেল ছিল না, কি করি, খানিকটা ঘি মাখিয়া ররণার জলে স্নান করিলাম। সে যে কি আরাম, তাহা আর কি বলিব। পূর্বকালের মুনিঋষিদের কথা মনে হইতে লাগিল। সাধে কি তাঁহারা পাহাড় পর্বতে গিয়া তপস্যা করিতেন! একজন ইংরাজ বলিয়াছেন “প্রকৃতি অর্থাৎ স্বাভাবিক সৌন্দর্য হইতে প্রকৃতির ঈশ্বর যিনি তাঁহাকে সহজেই পাওয়া যায়।” আমার একজন বন্ধু বলিয়াছিলেন, “আঃ—এই রকম যরণার ছুচারজন মনের মত লোক লইয়া থাকিতে পারিলে বড়ই সুখ হয়।” আমি বলি—“যেখানে গেলে চারিদিকের শোভা দেখিয়া ঈশ্বরকে যেন সাক্ষাৎ দেখা যায়, সেখানে আর কোন মনের মত লোকের আবশ্যক কি? সহরের সভ্যতার ‘সরণমে’ বলিয়া মরার অপেক্ষা এমন সুন্দর স্থানে, ভগবানের সৃষ্টির বাহারে আপনাকে


ঘেরিয়া, তাঁহার নাম করিয়া অসভ্যের মত একলা দিনশেষ করাও ভাল।”

ইহার পর আরও কোন কোন স্থান দেখিয়া আমরা নামিয়া আসিলাম।

—ভ্রমণকারীর পত্র।




আই-আই।



তদূর জানা গিয়াছে, তাহাতে বোধ হয় আমাদের দেশে এই প্রাণী পাওয়া যায় না। আফ্রিকার দক্ষিণ পূর্ব দিকে মাডাগাস্কার নামে যে দ্বীপ আছে, সেই দ্বীপের পশ্চিম দিকের গাঢ় জঙ্গলে আই-আই বাস করিয়া থাকে। যেমন ‘বউ কথা ক,’ ‘চোখ্ গেল’ প্রভৃতির নান তাহাদের প্রত্যেকের ডাক হইতে হইয়াছে, সেইরূপ ‘আই’ ‘আই’ করিয়া ডাকে বলিয়া এই প্রাণীর ‘আই-আই’ এই নাম হইয়াছে।

আমরা সহজ চক্ষে ছবির দিকে তাকাইয়া দেখিতে পাইতেছি যে এই প্রাণী কতকটা কাঠবিড়ালীর মত এবং কতকটা বাদরের মত। কিন্তু পণ্ডিতেরা আই-আইকে কোন জাতীয় প্রাণী বলিবেন, তাহা ভাবিয়া স্থির করিতে



পারেন নাই। বাহা হউক, এই প্রাণী পৃথিবীতে যেক্ষেপ অল্প, এক মাডাগাস্কার দ্বীপের এক কোণে কোথায় পড়িয়া আছে, তাহা সেই দেশীয় লোকেরাই খুঁজিয়া পায় না, বিদেশীয়দের তৌ কথাই নাই, এক্ষেপ অবস্থায় আমরা যে এই প্রাণীর সম্বন্ধে অতি অল্পও জানিতে পারিয়াছি, ইহা আমাদের সুখের বিষয় বলিতে হইবে।


আই-আই দিনের বেলায় ভালরূপ দেখিতে পায় না, ইহার চক্ষু অনেকটা পেঁচার মত। এই জন্য সমস্ত দিন ভয়ে ভয়ে গর্তের মধ্যে পড়িয়া থাকিয়া এবং বতফল সম্ভব ঘুমে কাটা-ইয়া সন্ধ্যাকালে আহারের চেষ্টায় বাহির হয়। ফলের কুড়ি, ফল এবং নানারূপ পোকা ও তাহাদের ডিম আই-আইএর খাদ্য। গাছের কোটরে,

শুক পাতার মধ্যে, বা গাছের ছালের নীচেতে অনেক পোকা বাস করে; আই-আই আপনার শক্ত হাতের দ্বারা বতগুলি পারে ধরিয় লয়। এইরূপে সমস্ত রাত্রি আহার খুঁজিয়া এবং আনন্দ আহ্লাদ করিয়া ভোরবেলা আই-আই আবার আপনার গর্তে ঢুকিয়া যায়।

আই-আই দেখিতে কটা এবং কটাশে সাদা; পা গুলো কাল। মাথা হইতে লেজের গোড়া পর্যন্ত প্রায় এক হাত লম্বা, লেজটা প্রায়ই শরীরের সমান অর্থাৎ আর এক হাত।

স্নাত নামক একজন ফরাশী পণ্ডিত সকলের আগে আই-আই দেখিতে পান; তাঁহারই চেষ্টাতে আমরা এই প্রাণীর কথা জানিতে পারিয়াছি। তিনি যে দুটা আই-আই ধরিয় লইয়া বান,

তাহাই সকলের আগে সভ্য দেশে যায়। প্রাণী ছুটি অধিক দিন বাঁচিয়া থাকে নাই। আজ কাল তাহাদের শরীর (ভিতরে খড় পোরা) জীবন্তের শ্রায় পারিশ নগরের যাহুঘরে দেখিতে পাওয়া যায়।



আখ্যান-মালা ।

(১)

বাবা হাত ধরে নিয়ে গেলে ভয় কি ?

কিন বাবু কোন পাড়া গায়ে স্কুলে শিক্ষক ছিলেন : তাঁহার ছয় বছরের একটি ছোট মেয়ে, সে রোজই স্কুলের ছুটির সময় হইলে, বাবাকে আনিতে যাইত। এক দিন সে যাইবার সময় দেখিল, “একটি অন্ধ ছেলেকে তাহার মা হাত ধরিয়া লইয়া যাইতেছেন, ছেলেটিও, মা যেখানে যেমন যাইতে বলিতেছেন, সেই রকমে পা ফেলিয়া অনায়াসে যাইতেছে। বালিকা ইহা দেখিয়া বাবাকে আনিতে স্কুলে গেল। যখন বাবার সহিত বাটীতে ফিরিয়া আসে, তখন মেয়েটির ইচ্ছা হইল

একবার অন্ধ সাজিয়া দেখে, কেমন হয় ; তাই বলিল—“বাবা, আমি চোখ বুজে থাকি, আর তুমি আমার হাত ধরে নিয়ে চল—কেমন ?—আর কোথায় উচু নীচু আছে, আমায় বলে দিও ? তা’হলে আমি ঠিক যাব এখন।”— এই বলিয়া বালিকা চক্ষু বুজিয়া বাবার হাত ধরিয়া চলিল। অতি সহজেই ছুজনে বাড়ীতে গিয়া পৌঁছিলেন। তখন বালিকা চক্ষু খুলিয়া মাকে স্মৃথুখে দেখিয়া, হাসিয়া বলিল—“আমি পথে একবারও চোখ খুলি নাই।”—মা জিজ্ঞাসা করিলেন—“তোমার কি পড়ে যাবার ভয় হয় নি ?” বালিকা উত্তর করিল “বাবার হাত ধরে চললে পড়ে যাবার ভয় কি ?”

ঠিক কথা। পরমেশ্বরের উপরে ষাদের মন, তারা কি কখনও বিপদে পড়ে ? আমরা সকলেই ছোট, নিজের বুদ্ধিতে চলিতে গেলেই গোলে পড়ি, কিন্তু পিতা হাতে ধরে নিয়ে গেলে ভয় কি ?

(২)

নাম্তে নাম্তে সাম্লাতে পারিনি।

প্রক পাহাড়ের দেশে একজন ভদ্রলোক তাঁহার ছেলেকে লইয়া পাহাড়ের উপর হইতে নীচে নামিয়া আসিতেছিলেন। পিতা যখন প্রায় অর্দ্ধেক পথ নামিয়া আসিয়াছেন, তখন দেখিলেন ছেলে তখনও উপরে দাঁড়াইয়া কেমন করিয়া সূর্য্য অস্ত যাইতেছে, তাহাই দেখিতেছে। তিনি ডাকিয়া বলিলেন—“কেদার, সন্ধ্যা হয়ে এল—এখনও উপরে ? শীগগির নেবে এসো।”—বালক বাবার কথা শুনিয়া নীচের দিকে ছুটিল, কিন্তু

পিতার নিকটে পৌঁছিয়া সে আর থামে না, ক্রমাগত নীচে ছুটিতে লাগিল। পিতা দেখিয়া বলিলেন—“কর কি ? থাম ! থাম !” বালক ছুটিতে ছুটিতে বলিল—“আঃ, আর পারি না যে।”—এই বলিয়া একেবারে নীচে আসিয়া একটা গাছ ধরিয়া দাঁড়াইল। পিতা নীচে গিয়া জিজ্ঞাসা করিলেন—“আমার সঙ্গে সঙ্গে এলে না যে।” বালক বলিল “নাম্তে নাম্তে সাম্লাতে পারলাম না, তা কি ক’রব !”—


ওঠা বড় শক্ত, নামা বড় সহজ ;—ভাল হওয়া বড় শক্ত, মন্দ হওয়া বড় সহজ ; আবার কেদার যেমন নামিতে নামিতে অন্ধ পথে ‘সাম্লাইতে’ পারিল না, অনেক বালক তেমনি মন্দ হইতে হইতে আর সাম্লাইতে পারে না, অতএব সাবধান ! যে দিকে যাইতেছ, সাম্লাইয়া চলিও।

(৩)

কোনটা বেশী মন্দ ?

বিনোদ যে স্কুলে পড়ে, সেখানকার মাষ্টার মহাশয় প্রায়ই ভাল ভাল উপদেশ দেন। এক দিন এইরূপ একটা উপদেশ শুনিয়া বিনোদ ভাবিতে ভাবিতে বাড়ী আসিল। সে দিন বিনোদ একটা মিথ্যা কথা বলিয়াছিল, এবং তাহার ক্লাশের আর একটা ছেলে এক খানা ছুরি চুরি করিয়াছিল ;—ছুজনেরই শাস্তি হইল, কিন্তু বিনোদের কম এবং সেই চোর ছেলেটির বেশী। শাস্তি দিবার পর শিক্ষক মহাশয় সকলকে মিথ্যা কথা ও চুরি করার বিষয় লইয়া উপদেশ দিলেন—তাঁহাতে বিনোদ বুঝিল মিথ্যা কথা অপেক্ষা চুরি করা মন্দ। বিনোদ নিজের দোষগুলি খুব বেশী করিয়া দেখে, এই জন্য তাহাকে সকলই ভাল

বাসে ; আজও হঠাৎ মিথ্যা কথা বলিয়া তাহার মনে ভয়ানক কষ্ট হইয়াছে। সে উপদেশ শুনিয়া শিক্ষককে কিছু না বলিয়া বাড়ীতে আসিল, এবং মাকে বলিল—“হ্যা মা ! মিথ্যা কথা আর চুরি, এই দুয়ের মধ্যে কোনটা বেশী মন্দ ?”—মা বলিলেন “ছুটোই এত খারাপ, যে কোনটা বেশী, তা বলা যায় না।”—বালক বলিল—“আমার কাছে মিথ্যা কথাটাই বেশী মন্দ লাগে ; কেননা, কোন জিনিস চুরি করিলে, তাহা ফিরাইয়া দেওয়া যায়, কি তার দাম দেওয়া যায়, কিন্তু মিথ্যা কথা একবার বলিলে আরতো ফিরে না।”—বালক বালিকা ! তোমরা কি বল ? মিথ্যা কথাটাই যত পাপের গোড়া, না ?



ভূতের গল্প ।



আমি ভূতের গল্প বড় ভাল বাসি। তোমরা পাঁচ জনে মিলিয়া ভূতের গল্প কর, সেখানে পাঁচ ঘণ্টা বসিয়া থাকিতে পারি। ইহাতে যে কি মজা ; একটা শুনিলে আর একটা শুনিতে ইচ্ছা করে, ছুটা শুনিলে একটা কথা কহিতে ইচ্ছা করে। গল্প শেষ হইয়া গেলে একাকী ঘরের

বাহিরে যাইতে ইচ্ছা হয় না। তোমাদের মধ্যে আমার মতন কেহ আছ কি না জানি না, বোধ হয় আছ। তাই আমি আজ তোমাদের কাছে একটা গল্প বলিব। গল্পটা একখানি ইংরাজি কাগজে পড়িয়াছি। তোমাদের সুবিধার জন্য ইংরাজি নামগুলি বদল করিয়া দিতে ইচ্ছা ছিল, কিন্তু গল্পটি পড়িলেই বুঝিতে পারিবে যে শুধু নাম বদলাইলে কাজ চলিবে না। সুতরাং ঠিক যেরূপ পড়িয়াছি প্রায় সেই রূপ অনুবাদ করিয়া দেওয়াই ভাল বোধ হইতেছে।

“স্কটল্যান্ডের ম্যাপ্টার দিকে একবার চাহিয়া দেখিলে বাঁ ধারে ছোট ছোট দুটি দ্বীপ দেখিতে পাইবে। তাহার উপরেরটির নাম নর্থ উইষ্ট্, নীচেরটির নাম সাউথ উইষ্ট্। এর মাঝামাঝি ছোট ছোট আর কতকগুলি দ্বীপ দেখা যায়। এ সে কালের কথা, তখন ষ্টীম এঞ্জিনও ছিল না টেলিগ্রাফও ছিল না; আমার ঠাকুরদাদা তখন এর একটা দ্বীপে স্কুলে মাষ্টারি করিতেন।

“সেখানে লোক বড় বেশী ছিল না। তাদের কাজের মধ্যে কেবল মাত্র মেঘ চরান, আর কষ্টে সৃষ্টে কোন মতে দিন চলার মত কিছু শস্য উৎপাদন করা। সেখানকার মাটি বড় খারাপ; তারি একটু একটু সকলে ভাগ করিয়া নেয় আর জমিদারকে খাজনা দেয়। * * * এরা বেশ সাহসী লোক ছিল। আর ঐ রকম কষ্টে থাকিয়া এবং সামান্য খাইয়াও বেশ এক প্রকার সুখ সচ্ছন্দে কাল কাটাইত। * * * *

“এই দ্বীপে এল্যান্ ক্যামিরন্ নামে একজন লোক ছিলেন, তাঁর বাড়ী গাঁ থেকে প্রায় এক মাইল দূরে। এল্যানের সঙ্গে নাষ্টার মহাশয়ের বড় ভাব, তাঁর কাছে তিনি কত রকমের মজার গল্প

বলিতেন। হঠাৎ এক দিন ক্যামিরন্ বড় পীড়িত হইলেন, আর কিছুদিন পরে তাঁহার মৃত্যু হইল। তাঁর কেউ আপনার লোক ছিল না, সুতরাং তাঁর বিষয় সমস্ত বিক্রী হইয়া গেল। তাঁর বাড়ীটা কেহই কিনিতে চাহিল না বলিয়া তাহা অমনি খালি পড়িয়া রহিল।

“এর কয়েক মাস পরে এক দিন জ্যোৎস্না রাত্রিতে ডনাল্ড্ ম্যাকলীন বলিয়া একটি রাখাল ঐ বাড়ীর পাশ দিয়া যাইতেছিল। হঠাৎ জানালার দিকে তার দৃষ্টি পড়িল, আর সে ঘরের ভিতরে এল্যান্ ক্যামিরনের ছায়া দেখিতে পাইল। দেখিয়াই তঁ তার চক্ষু স্থির! সেখানেই সে হাঁ করিয়া দাঁড়াইয়া রহিল; তার চুলগুলি খ্যাংরা কাঠির মত সোজা হইয়া উঠিল, ভয়ে প্রাণ উড়িয়া গেল, গলা শুকাইয়া গেল। * * *

“শীঘ্রই তাহার চৈতন্য হইল। ঐ রকম ভয়ানক পদার্থের সঙ্গে কাহারই বা জানা শুনা করিবার ইচ্ছা থাকে? সে ত মার দৌড়! একে-বারে নাষ্টার মহাশয়ের বাড়ীতে! তাঁর কাছে সব কথা সে বলিল। নাষ্টার মহাশয় এ সব মানেন না; তিনি তাহাকে প্রথম ঠাট্টা করিলেন, তার পর বলিলেন তার মাথায় কিঞ্চিৎ গোল ঘটিয়াছে; আরও অনেক কথা বলিলেন—বলিয়া যথাসাধ্য বুঝাইয়া দিতে চেষ্টা করিলেন যে ঐরূপ কিছুতে বিশ্বাস থাকা নিতান্ত বোকার কার্য।

“ডনাল্ড্ কিন্তু ইহাতে বুঝিল না, সে অপেক্ষাকৃত সহজ বুদ্ধি বিশিষ্ট অগ্রাণ্ড লোকের কাছে তাহার গল্পটা বলিল। শীঘ্রই ঐ দ্বীপের সকলেই এই গল্প জানিতে পারিল। ঐ সব বিষয় মীমাংসা করিতে বৃদ্ধারাই মজবুদ; তাঁহারা ভবিষ্যতের সম্বন্ধে ইহাতে কত কুলক্ষণই দেখিতে পাইলেন।

“ঐ দ্বীপের মধ্যে কেবলমাত্র নাষ্টার মহাশয়ের কাছেই খবরের কাগজ আসিত। মাসের মধ্যে একবার করিয়া কাগজ আসিত আর সেদিন সকলে নাষ্টার মহাশয়ের বাড়ীতে গিয়া নূতন খবর শুনিয়া আসিত। সেদিন তাদের পক্ষে একটা খুব আনন্দের দিন। রান্নাঘরে বড় আগুন করিয়া দশ বার জন তাহার চারিদিকে সন্ধ্যার সময় বসিয়া কাগজের বিজ্ঞাপন হইতে আরম্ভ করিয়া অমুক কর্তৃক অমুক যন্ত্রে মুদ্রিত হইল ইত্যাদি পর্যন্ত সমস্ত বিষয়ের তদারক ও তর্কবিতর্ক করিত। শেষের কথাগুলি সকলেরই একপ্রকার মুগ্ধ হইয়াছিল, এবং গড়া শেষ হইলে ঐ কথাটা প্রায়ই সকলে একসঙ্গে এক-বার বলিত।

“এই সকল সভায় রাখাল, কৃষক, গির্জার ছোট পাদরী প্রভৃতি অনেকেই আসিতেন। গ্রামের মুচি ররীও আসিত। ররী ভয়ানক নাছোড় বন্দা লোক; একটা কথা উঠিলে তাহাকে একবার আছা করিয়া না বাঁটিয়া সহজে ছাড়িবে না।

“ডনাল্ড্ ম্যাকলীনের ঐ ঘটনার কয়েক সপ্তাহ পরে একদিন সকলে এইরূপ সভা করিয়া বসিয়াছে, নাষ্টার মহাশয় টেঁচিয়া তর্জমা করিতেছেন, এমন সময় একজন আসিয়া বলিল যে এল্যান্ ক্যামিরনের ছায়া আবার দেখা গিয়াছে। এবারে একজন স্ত্রীলোকে দেখিয়াছে। ঐ রাখাল যেখানে যেভাবে উহাকে দেখিয়াছিল এও ঠিক সেই রকম দেখিয়াছে।

“এর পর আর গড়া চলে কি করিয়া! নাষ্টার মহাশয় চটিয়া গেলেন এবং ঠাট্টা করিতে লাগিলেন। ররী তৎক্ষণাৎ তাঁহার প্রতিবাদ করিল। ররী কোন কথাই ঠিক মানে না; এবারেও নাষ্টার মহাশয়ের কথাগুলি মানিতে

পারিল না। প্রচণ্ড তর্ক উপস্থিত। ভূতের কথা লইয়া সাধারণভাবে এবং ক্যামিরনের ভূতের বিষয় বিশেষভাবে বিচার চলিতে লাগিল; আর সকলে বেশ মজা পাইতে লাগিলেন। কিন্তু ররীর মেজাজ গরম হইয়া উঠিল; সে বলিল;—

‘দেখ নাষ্টারের পো, যতই কেন বল না, আমি এক যোড়া নতুন বুট হারবো, তোমার সাধ্য নেই আজ ছপুর রেতে ওখান থেকে গিয়ে দেখে এস।’

“সকলে করতালি দিয়া উঠিল। নাষ্টার মহাশয় হাসিয়া উড়াইয়া দিতে চাহিলেন, কিন্তু ররী ছাড়িবে কেন? সে সকলের উপর বিচারের ভার দিল। তাহারা এই মত দিল যে নাষ্টার মহাশয় যখন গল্পগুলি মানিতেছেন না, সে স্থলে তাঁর উচিত যে নিদেন পক্ষে তিনি যে এ মানেন না তা প্রমাণ করিয়া দেন।

“নাষ্টার মহাশয় দেখিলেন অস্বীকার করিলে যশের হানি হয়। তিনি বলিলেন ‘যাব বই কি? কিন্তু আমি গিয়ে ফিরে এলেও এর চাইতে আর তোমাদের জ্ঞান বাড়বে না।’

“ররী—‘আচ্ছা দেখা বাউক।’

“নাষ্টার মহাশয়—‘ভাল, ওখানে গিয়ে আমি কি করব?’

“ররী—‘ওখানে গিয়ে দরজার কাছে দাঁড়িয়ে তিনবার বলবে—এল্যান্ ক্যামিরন্ আছ গো! কোন জবাব না পাও ফিরে এস, আমি আর ভূত মানবো না।’

“নাষ্টার মহাশয় হাসিয়া বলিলেন ‘এটা ঠিক জেনো, যে এল্যান্ সেখানে থাকলে আমার কথার উত্তর দিবেই। আমাদের বড় ভাব ছিল।’

“একজন বলিল ‘তাকে যদি দেখতে পাও তাহলে মুচির কাছে যেও টাকা পেত, সে

কথাটা তুল না।' এ কথায় সকলে হাসিয়া ফেলিল, ররী একটু অপ্রস্তুত হইল।

“এইরূপে হাসিতামাসা চলিতে লাগিল; ক্রমে মাষ্টার মহাশয়ের যাওয়ার সময় হইয়া আসিল।

“শেষে মুচি ঘড়ীর দিকে চাহিয়া বলিল ‘বারটা বাজতে কুড়ি মিনিট বাকী। তুমি এখন গেলে ভাল হয়; তাহলেই ঠিক ভূতের সময়টাতে পৌঁছিতে পারবে।’

“বেশ করিয়া কাপড় চোপড় জড়াইয়া, মাষ্টার মহাশয় ষষ্টি হস্তে সেই বাড়ীর দিকে চলিলেন। মাষ্টারের যাইবার সময়ে সকলেই ছ একটা খোঁচা দিয়া দিল, এবং স্থির করিল, ফলটা কি হয় দেখিয়া যাইবে।

“রাত্রি অন্ধকার। এতক্ষণ বেশ জ্যোৎস্না ছিল, কিন্তু এক্ষণে কাল কাল মেঘ আসিয়া চাঁদকে ঢাকিয়া ফেলিতেছে। মাষ্টার চলিয়া গেলে সকলে বিচার আরম্ভ করিল যে সমস্ত রাস্তাটাংসাহস করিয়া যাওয়া তাঁর পক্ষে সম্ভব কি না। ছোট পাদরী বলিল যে তিনি হয় ত অর্ধেক পথ গিয়াই ফিরিয়া আসিয়া যাহা ইচ্ছা বলিবেন, তখন আর কাহারও কিছু বলিবার থাকিবে না। ইহা শুনিয়া মুচির মনে ভয় হইল, জুতা যোড়াটা নেহাত ফাঁকি দিয়া নিবে এটা তাহার ভাল লাগিল না। তখন একজন প্রস্তাব করিল যে ররী যাইয়া দেখিয়া আসুক।

“প্রথমে ররী ইহাতে আপত্তি করিল। কিন্তু উহার বক্তৃতার পরে রাজি হইল। সকলে তাহাকে সাবধান করিয়া দিল যেন মাষ্টার তাহাকে দেখিতে না পায়, তার পর সে বাহির হইল। খুব চলিতে পারিত এই গুণে শীঘ্রই সে মাষ্টারকে দেখিতে পাইল। ররী একটু দূরে দূরে থাকিতে

লাগিল—রাস্তাটা একটা জলা জায়গার মধ্য দিয়া; একটা গাছ পালা নাই যে মাষ্টার ফিরিয়া চাহিলে তাহার আড়ালে থাকিয়া বাঁচিবে।

“পরে মাষ্টার মহাশয় যখন ঐ বাড়ীতে পৌঁছিলেন তখন ররী একটু বুদ্ধি খাটাইয়া খানিকটা ঘুরিয়া বাড়ীর সম্মুখে আসিল। সেখানে একটা নীচু বেড়া ছিল, তাহার আড়ালে গুইয়া পড়িল।

“সে অবস্থায় দূতের কার্য্য করিতে যাইয়া তাহার অন্তরটা গুর গুর করিতে লাগিল। মাষ্টার মহাশয় ছিলেন বলিয়া, নহিলে সে এতক্ষণ চেষ্টাইয়া ফেলিত। কষ্টে কষ্টে কোন মতে প্রাণটা হাতে করিয়া দেখিতেছে কি হয়। মনে করিয়াছে মাষ্টার মহাশয় যেরূপ ব্যবহার করেন তাহা দেখা হইয়া গেলেই সে বাহির হইবে।

“গ্রামের গির্জার ঘড়ীতে ১২টা বাজিল। সে বেড়ার ছিদ্র দিয়া চাহিয়া দেখিল যে মাষ্টার মহাশয় নির্ভয়ে দরজার সম্মুখে আসিয়া দাঁড়াইয়াছেন।

“মাষ্টার মহাশয় গলা পরিষ্কার করিলেন এবং একটু গুঞ্চ স্বরে বলিলেন :—

‘এল্যান্ ক্যামিরণ আছগো!’—কোন উত্তর নাই।

“ছ এক পা পশ্চাৎ সরিয়া একটু আস্তে আবার বলিলেন ‘এল্যান্ ক্যামিরণ আছগো!’—কোন উত্তর নাই।

“তার পর বাড়ীতে আসিবার রাস্তাটির মাথা পর্য্যন্ত হটিয়া গিয়া থতমত স্বরে অর্ধ চীৎকার অর্ধ আহ্বানের মত করিয়া তৃতীয় বার বলিলেন ‘এল—ক্যামিরণ—আছ—।’ তার পর আর উত্তরের অপেক্ষা নাই।—সটান চম্পট।

“কি সর্বনাশ! কোথায় মাষ্টারের সঙ্গে

বাড়ী যাইবে, মাষ্টার যে এ কি করিয়া ফেলিলেন। মুচি বেচারির আর আতঙ্কের সীমা নাই। তবে বুদ্ধি ভূত এল। আর থাকিতে পারিল না। এই সময়ে তার মনে যে ভয় হইয়াছিল, তারই উপযুক্ত ভয়ানক গৌ গৌ শব্দ করিতে করিতে সে মাষ্টার মহাশয়ের পেছনে ছুটিতে লাগিল।

“সেই ভয়ানক চীৎকার শব্দ মাষ্টার মহাশয়ের কাণে গেল। মুচি দৌড়িতেছে আর ডাকিতেছে ‘দাঁড়াওগো! মাষ্টার মশাই! দাঁড়াও!’ মাষ্টার মহাশয় শুনিতে পাইলেন। পশ্চাতে এক প্রকার পদ শব্দও শুনিতে পাইলেন। আর কি? ঐ এল্যান্ ক্যামিরণ! ভয়ে আরও দশগুণ দৌড়িতে লাগিলেন। ররী বেচারী দেখিল বড় বিপদ! ফেলিয়াই বুকি গেল। কি করে তারও প্রাণপণ চেষ্টা। মাষ্টার মহাশয় দেখিলেন পাছেরটা আসিয়া ধরিয়াই ফেলিল। তাঁহার গায়ের বল চলিয়া যাইতে লাগিল।

“অবশেষে মাষ্টার মহাশয় যখন দেখিলেন যে আর রক্ষা নাই, তখন তিনি সাহসে ভর করিলেন, এবং খুব শক্ত ক’রে লাঠি ধরিয়া সেই কল্পিত ভূতের দিকে ফিরিলেন এবং আর মুহূর্ত কাল বিলম্ব না করিয়া বত জোর ছিল একবার সেই কল্পিত ভূতের মস্তকে ‘সপাট’—সাংঘাতিক এক বা। তার পর সেটাও যেন কোথায় অন্ধকারে অদৃশ্য হইল।

“ভূতটা যাওয়াতে এখন একটু সাহস আসিল, কিন্তু তথাপি যতক্ষণ গ্রামের আলোক না দেখা গেল ততক্ষণ থামিলেন না। গ্রামে প্রবেশ করিবার পূর্বে সাবধানে ঘাম মুছিয়া ঠাণ্ডা হইয়া লইলেন। মনটা যখন নির্ভর হইল তখন ঘুরে গেলেন—যেন বিশেষ একটা কিছু হয় নাই।

অনেক কথা তাঁহাকে জিজ্ঞাসা করা হইল, তিনি সকল গুলিরই উত্তরে বলিলেন:—

‘ঐ আমি যা বলেছিলাম; ভূতটুত কিছুই তো দেখতে পেলাম না!’

“এর পর মুচির জন্য সকলে অপেক্ষা করিতে লাগিল। মাষ্টারকে তাহারা বলিল যে সে স্থানান্তরে গিয়াছে, শীঘ্রই ফিরিয়া আসিবে।

“আধ ঘণ্টা হইয়া গেল তবু মুচি আসে না। সকলে মুখ চাওয়া চাওয়ি করিতে লাগিল। চিন্তা বাড়িতে লাগিল, ক্রমে একটা বাজিল! তার পর আর থাকিতে পারিল না, মুচির অল্পপস্থিতির কারণ তাহারা মাষ্টার মহাশয়কে বলিয়া ফেলিল। মাষ্টার মহাশয় শুনিয়াই চীৎকার করিয়া উঠিলেন। লাফাইয়া উঠিয়া লঠন হাতে করিয়া দৌড়িয়া বাহির হইলেন এবং সকলকে পশ্চাৎ আসিতে বলিয়া দৌড়িয়া চলিলেন।

“সকলেরই বিশ্বাস হইল মাষ্টার মহাশয়ের বুদ্ধিশুদ্ধি লোপ পাইয়াছে। হৈচৈ কাণ্ড! সকলেই জিজ্ঞাসা করে ব্যাপারটা কি? তাড়াতাড়ি ঘরের বাহিরে আসিয়া তাহারা মাষ্টারকে দাঁড়াইতে বলিতে লাগিল। তাঁহাদের শব্দ শুনিয়া কুকুর গুলি খেউ খেউ করিয়া উঠিল। কুকুরের গোলমালে গায়ের লোক জাগিল! সকলেই জিজ্ঞাসা করে ব্যাপারখানা কি?

“এই সময়ে মাষ্টার মহাশয় জলার মধ্য দিয়া দৌড়িতেছেন। মাথা ঘুরিয়া গিয়াছে—কেবল পুলিশ—মাজিষ্ট্রেট—জুরী—ইত্যাদি ভয়ানক বিষয় মনে হইতেছে। তাঁহার লঠনের আলো দেখিয়া অশ্রুতা তাঁহার পশ্চাৎ আসিতেছে।

“সকলে তাঁহার কাছে আসিয়া তাঁহাকে ধরিল এবং ইহার কারণ জিজ্ঞাসা করিতে লাগিল। মাষ্টার মহাশয়ের উত্তর দিবাক পূর্বেই সেই

মাঠের মধ্য হইতে গালি এবং কৌকানি মিশ্রিত এক প্রকার শব্দ শুনা যাইতে লাগিল। কতদূর গিয়া দেখা গেল একটা লোক জলার ধারে বসিয়া আছে। লণ্ঠনের সাহায্যে নির্ধারিত হইল যে এ আর কেহ নহে, আনাদের সেই মুচি। সেইখানে বেচারা ছুই হাতে মাথা চাপিয়া বসিয়া আছে আর তাহাদের মাষ্টারের উদ্দেশে গালাগালি দিতেছে। তাহার নিকট হইতে সকলে সমস্ত ঘটনা শুনিলা।

* * * * *

শেষে অলুসন্ধানে জানা গেল যে ঐ বাড়ীর জানলার ঠিক সম্মুখে একটা ছোট গাছ ছিল। তাহারই ছায়া চক্রে আলোকে দেয়ালে পড়িত। আশ্চর্যের বিষয় এই যে সেই ছায়ার আকৃতি দেখিতে ঠিক ক্যামিরনের মুখের নত। সে দিন চন্দ্র ছিল না বলিয়াই মাষ্টার মহাশয় সেই ছায়া দেখিতে পান নাই।”



সখা।

গতবারের উত্তর।

১।—পেন্সিল। ২।—প্রভাত। ৩।—হাড়ী (হাঁড়ী)। ৪।—কাকড়া, (অশ্বখমা)।

নূতন।


১।—আমার আধখানা সাহেব, আধখানা বাঙ্গালী, কিন্তু ছুইই অপদার্থ। বলত আমি কোন্ ফল?

২।—ভয়ানক লোক আমি, তিনটা অক্ষর স্মরিলে আমারে সবে ভয়েতে কাতর। প্রথমে ছাড়িলে যুদ্ধে যায় স্বরা করি ত্যজিয়া দ্বিতীয়ে মানবের মন হরি। তৃতীয়টা নিলে গালি দিব হে তোমারে কেমন জিনিষ সবে দেখিবে আমারে।

৩।—আহা! মনের আনন্দে বাজনা বাদ্য লইয়া মহা ধুমধামে যাচ্ছি, আর ভাই একটা গোরু আমার বাঁদিকে যেই এসেছে আর কি না তোমাদের দাসীও আমাকে হাতে ক’রে লইয়া গেল?

৪।—সাগরেতে জন্ম মম জলজন্তু পাশে মন্ত্রবলে কিন্তু ভাই বেড়াই আকাশে। একি মজা, যবে আমি করিব রোদন সে রোদনে প্রাণ পাবে সকল ভুবন?

৫।—আদরের ধন আমি মানব সংসারে সকলেই মোর মত হতে সাধ করে। কিন্তু আমি জ্ঞানহীন পশুর সমান তথাপি আমারে সবে করে এত মান।



মার্চ, ১৮৮৫।

প্রাচীনকালের ছাত্রজীবন।

প্রাচীনকালে আমাদের দেশের বালকেরা দশ-টার সময় বহি লইয়া স্কুলে যান, এবং চারিটা বাজিলে বাড়ীতে ফিরিয়া আইসে। স্কুলে যতক্ষণ থাকে, ততক্ষণ শিক্ষকের উপদেশ শুনে, শিক্ষক যে পাঠ দেন, মন দিয়া তাহা অভ্যাস করে। পরে বাড়ী আসিয়া পিতা মাতা বা অন্য কোন অভিভাবকের অধীনে থাকিয়া আপনার কাজ কর্তব্য করে। প্রাচীন কালে আমাদের দেশে লেখা পড়া শিক্ষার এমন নিয়ম ছিল না। তখন ছেলের বয়স পাঁচ বৎসর হইতে না হইতেই, তাহাদিগকে বিদ্যা শিক্ষার জন্ত গুরু-গৃহে যাইতে হইত। ছাত্র এই সময়ে মনোযোগের সহিত গুরুর নিকট বিদ্যা শিক্ষা করিত, এবং মনোযোগ ও ভক্তির সহিত গুরুর সেবা শুক্রায় নিবিষ্ট থাকিত। বিদ্যা শিক্ষা ও গুরুর সেবা শুক্রায় করাই তখন তাহার প্রধান কর্তব্য কর্তব্য হইয়া দাঁড়াইত। বিদ্বান্ ও শাস্ত্রজ্ঞ না হইলে এবং গুরুর আদেশ না পাইলে কেহ বাড়ী আসিয়া বাস করিতে পারিত না। ছাত্র যত দিন গুরু-গৃহে বাস করিয়া বিদ্যাভ্যাস করিতেন,

তত দিন তাহাকে অনেক গুলি কঠোর নিয়ম প্রতিপালন করিতে হইত। ছাত্রকে ব্রহ্মচারী বলা যাইত এবং তাহার ছাত্র অবস্থার নাম ব্রহ্মচর্য্য ছিল। ব্রহ্মচারী, ব্রহ্মচর্য্যের কঠোর নিয়মগুলি যত্নপূর্ব্বক প্রতিপালন করিতেন। তিনি প্রত্যুষে সূর্য্য উদয় হইবার আগে শয্যা হইতে উঠিতেন, প্রাতঃস্নান করিয়া গুরুর পূজার জন্ত ফুল ও যজ্ঞের জন্ত কাষ্ঠ আনিয়া দিতেন। ইহা ভিন্ন জল আনিতেন, যজ্ঞের স্থান পরিষ্কার করিতেন, এবং প্রত্যহ তিষ্কা করিয়া যাহা পাইতেন, তাহা গুরুর দিতেন। গুরু তাহাকে যাহা খাইতে দিতেন তাহা ভিন্ন তিনি আর কিছুই খাইতে পাইতেন না। এরূপ কঠোর নিয়ম প্রতিপালন করিয়া, ব্রহ্মচারী ভক্তিভাবে, মনোযোগ সহকারে গুরুর নিকট বেদ শিক্ষা করিতেন। আমাদের এখনকার ছাত্রেরা, অনেকে লেখা পড়া শিখিতে যাইয়া বড় বিলাসী হইয়া পড়েন, বাবু-আনা চালে চলেন, পমেটম্ প্রভৃতি মাথায় দিয়া, সিন্টিকাটরা, রঙ্গীন জামার উপর গোলাপ ফুল প্রভৃতি গুঁজিয়া, স্কুলে আসিতেও লজ্জিত হন না। শিক্ষার সময় এইরূপ বিলাসিতা, এইরূপ বাবু-আনা চাল হওয়াতে শিক্ষার্থীদের নিষ্ঠা দূর হয়। কঠ-সহিষ্কতা অভ্যাস হয় না, এবং আত্ম-সংযম ও বিলাস-বিদেহ প্রভৃতি নষ্ট

হইয়া যায়। কষ্ট সহ্য করিবার ক্ষমতা না জন্মিলে বিদ্যা শিক্ষা করিতে পারা যায় না। বিদ্যাভ্যাস করিতে হইলে অনেক বিঘ্ন বিপত্তি কাটাইয়া উঠিতে হয়। অনেক পরিশ্রম ও অনেক কষ্ট স্বীকার করিয়া, কঠিন কঠিন পরীক্ষায় উত্তীর্ণ হইতে হয়; সুতরাং বিদ্বান্ হইয়া বিজ্ঞতা ও বহু-দর্শিতা উপার্জন করিতে হইলে কষ্ট সহ্য করিবার ক্ষমতা চাই। বাবু-আনা চালে চলিলে—ভোগ বিলাসে মত্ত থাকিলে লেখা পড়া হয় না, সুতরাং সংসারে বড় লোক হইতে পারা যায় না। পৃথিবীতে যাহারা বড় লোক বলিয়া খ্যাতি লাভ করিয়াছেন, তাঁহারা সকলেই কষ্ট সহিষ্ণু ছিলেন, সকলেই যৌৱতর পরিশ্রম ও কষ্ট স্বীকার করিয়া, নানা-বিধ বিজ্ঞতা উপার্জন করিয়াছিলেন। প্রাচীন কালে ছাত্রেরা এজ্ঞ ব্রহ্মচর্যের কঠোর নিয়ম পালন করিয়া কষ্ট সহিষ্ণু হইতেন। বিদ্যাভ্যাসের সময় কষ্ট-সহিষ্ণুতা ব্যতীত আরও অনেক গুণি গুণ থাকা আবশ্যিক; তাহার মধ্যে নিষ্ঠা, মনোযোগ ও চিত্ত-সংযম প্রধান। ব্রহ্মচারীর এসকল গুণও অভ্যাস হইত। ব্রহ্মচারী প্রভাতে স্থান করিয়া পবিত্র হইতেন, দেব সেবার জন্ত ফুল আহরণ করিতেন, দিবা রাত্রি গুরুর পরিচর্যার জন্ত প্রস্তুত থাকিতেন, ইহাতে অবশ্য কৰ্তব্য কার্যে তাঁহার নিষ্ঠা জন্মিত। সৰ্বদা গুরুর উপদেশ গ্রহণ ও গুরুর আদেশ পালন করাতে তাঁহার মনোযোগ অভ্যাস হইয়া আসিত। ব্রহ্মচারী ভোগ বিলাস হইতে সৰ্বদা দূরে থাকিতেন। তিনি কোনও প্রকার গন্ধ দ্রব্য ব্যবহার করিতেন না, বহুমূল্য পরিচ্ছদ পরিধান করিতেন না, উৎকৃষ্ট শস্য গুহিতেন না, অলঙ্কার পরিয়া দেহের শোভা বাড়াইতেন না, এবং ভাল জিনিস খাইবার জন্তও উৎসুক থাকিতেন না। তাঁহার

ভোগবিলাসের বাসনা, তাঁহার ভাল খাইবার, ভাল পরিবার ইচ্ছা, কিছুই থাকিত না। তিনি সামান্য কাপড় পরিতেন, সামান্য কুশামনে শুইতেন এবং প্রত্যুষে উঠিয়া, গুরুর উপদেশ অনুসারে কার্য করিতেন। সমস্ত দিন পরিশ্রমের পর ভিক্ষা করিয়া, যাহা পাইতেন, তাহা দ্বারাই তাঁহার জীবন রক্ষা হইত। এইরূপ কঠোর ব্রত পালন করাতে ব্রহ্মচারীর মনের স্থিরতা জন্মিত। এইরূপে প্রাচীনকালের ছাত্রগণের কষ্ট-সহিষ্ণুতা, চিত্ত-সংযম, মনোযোগ প্রভৃতির বিকাশ হইত। এই কষ্ট-সহিষ্ণুতা, চিত্ত-সংযম ও মনোযোগ প্রভৃতির গুণে, ছাত্র ইহার পর সংকার্যশালী গৃহস্থ হইয়া উঠিতেন।



ঠাকুরদাদার গল্প ।

তুষারপাত । (Snow.)



বীন বাবুর ছাত্র সংখ্যা যতই বাড়িতে লাগিল, ততই তাঁর আনন্দ হইতে লাগিল।

পাড়ার সমস্ত বালকগণই ক্রমে তাঁহার মিকট নানা বিষয়ের ভাল ভাল গল্পে নূতন নূতন জ্ঞান-

লাভ করিবার লোভে আসিয়া জমা হইতে লাগিল। তিনিও খুব আহ্লাদের সহিত সকলকে ভাল করিয়া বুকাইয়া দিতে লাগিলেন। প্রায়ই সকলকে সঙ্গে লইয়া এদিক ওদিক সৰ্বত্র বেড়াইয়া বেড়ান আর নূতন বিষয় সকল শিক্ষা দেন। এইরূপ এক দিন একদল বালক সেনা সঙ্গে লইয়া মাঠে ভ্রমণ করিতেছিলেন। গণেশ নামক একটি বালক জিজ্ঞাসা করিল, “মহাশয়! আমরা পুস্তকে যে ‘স্নো’র (Snow) কথা পড়িয়াছি তাহার কথা কিছু বিশেষ করিয়া বলিবেন কি? তাহা হইলে ভাল বুঝিতে পারি।” Snow ‘স্নো’ কি, তাহা বুঝি নাই।”

নবীন বাবু সন্তুষ্ট হইয়া বলিলেন, “আজ বেড়াইতে আসিবার পূর্বে এই বিষয়েই গল্প করিব মনে করিয়া আসিয়াছিলাম, তুমি জিজ্ঞাসা করিলে বেশই হইয়াছে। এ বড় চমৎকার কথা, কিন্তু ‘স্নো’ অর্থাৎ তুষার আমাদের দেশে পড়ে না, তাই হয়ত তোমরা সহজে বুঝিতে পারিবে না; মন দিয়া শুনিতে হইবে। আমাদের দেশে প্রায় সকলেই শিলাবৃষ্টি দেখিয়াছে; শিল পড়ার সময় মাথায় ছাতা দিয়া বড় বড় শিল কুড়াইয়া খাওয়া তোমাদের গুণে একটি খুব বড় আমোদ। না? (সকলে :- “হা।”) কিন্তু শিল যে কিরূপে হয় তাহার এ পর্যন্ত কিছুই স্থিরতা হয় নাই; নানা পণ্ডিত নানা মত প্রকাশ করিতেছেন কিন্তু কেহই স্থির মীমাংসায় উপস্থিত হইতে পারেন নাই। তবে তুষারের উৎপত্তি খুব সহজেই বুঝা যায়। যে সকল দেশে শীত বড় অধিক, যে সকল দেশে বায়ুর উত্তাপ ৩২° ডিগ্রীর অপেক্ষা অধিক নয়, সে সকল দেশে বায়ুর উপরে ভানমান বাষ্প ঘন হইয়া জলকণা ও তৎপরে বেশী শীত বলিয়া একেবারে বরফ হইয়া যায়। যেমন ক্ষুদ্র কণা

তেমনি ক্ষুদ্র বরফ-কণাও হয়। সেই ক্ষুদ্র ক্ষুদ্র বরফ-কণাকে তুষার (Snow) বলে। তুষার জমাট কুয়াশা বৈ আর কিছুই নহে। আমাদের দেশে গ্রীষ্ম অধিক, এজ্ঞ এরূপ ঘটনা কখনই হয় না। কিন্তু উত্তর অঞ্চলে হিমালয় পর্বতের উপর যে সকল স্থানের তাপপরিমাণ ৩২° ডিগ্রী অপেক্ষা অধিক নয়, সে সকল স্থানে তুষারপাত হইতে দেখা যায়। আর ইংলণ্ড, সুইজার্নাণ্ড প্রভৃতি দেশে খুব তুষারপাত হইয়া থাকে। তাহা তোমরা ‘সখায় “জীবনরক্ষক কুকুরে”র গল্পে পড়িয়াছ। ঐ সকল দেশে শীতকালে বড় ভয়ানক তুষারপাত হয়। এমন কি—পথ, ঘাট, মাঠ সব সাদা সাদা তুলার কুটির মত তুষার রাশিতে আচ্ছন্ন হইয়া থাকে, সূর্যকে অনেক সময় দেখাই যায় না; কেবলই স্তূপাকার তুষাররাশি পড়িতেছে, বাতাসে আবার এক স্থান হইতে স্থানান্তরে উড়িয়া যাইতেছে, কত কি রকমে মহা আনন্দে খেলা করিয়া বেড়াইতেছে! সুইজার্নাণ্ড দেশে যে কি ভয়ানক ব্যাপার তা ত পড়িয়াছ? রাশি রাশি বরফকণার মধ্যে কত মানুষ ডুবিয়া পুতিয়া থাকে, প্রাণ হারায়, তাহার ঠিকানা নাই; অনেক স্থলে রাত্রির মধ্যে অনেক ছোট ছোট কুটারের দ্বার পর্যন্ত তুষার স্তূপের মধ্যে বুজিয়া থাকে, কত কষ্টে—তবে সে সব সরাইয়া দ্বার খুলিতে হয়!

অল্প অল্প তুষারপাতের সময়ে সাহেবদের ছেলেরা মহা আনন্দে তাহাতে খেলা করিতে যায়। তাহার নূনের গাদার মত, কি সাদা সাদা খুব হালুকী বালির গাদার মত তুষারের কাড়ির উপর লক্ষ লক্ষ করিয়া মহা আমোদে উন্মত্ত হয়, সে সময় তাহাদের পাওয়া দাওয়ার কথা মনে থাকে না। কত ব্যাগায় ছেলেরা

আবার মুটো করিয়া তুষার জমাট বাঁধায়, আর তাই একত্র করে খুব মস্তো একটা মাল্লুঘের মত তৈয়ার করে। দূর হতে সেই মাল্লুঘটার গায় “স্নো”র ডেলা মারিতে থাকে আর কত যে আমোদ করে তাহার সীমা নাই। ‘স্নো’ খুব হাল্কা, একটু বাতাস হ’লেই অমনি উড়িতে আরম্ভ করে। আর যখন নাচিতে নাচিতে উড়িতে উড়িতে ধীরে ধীরে বায়ুর মধ্য দিয়া পড়িতে থাকে তখন বড় সুন্দর দেখায়। এ বৎসর তোমাদের হিমালয়ে যে যে যাইতে চাও আমি লইয়া যাইব।” অমনি কিশোরী, অমূল্য, মন্মথ, নগেন প্রভৃতি সকলে মহা গোল করিয়া বলিল “আমি যাব দাদা বাবু। আমাকে নে যাবে না দাদা? আমি কি যাবনা?” ইত্যাদি।

সকলকে থামাইয়া নবীন বাবু বলিতে লাগিলেন :—“তুষারকণার আকার খুব বড় নয়, আমাদের দেশে বর্ষাকালে বাদলের দিন যে গুঁড়নী বৃষ্টি হয়, কুয়াশার চেয়ে একটু বড় বড় বিন্দুগুলি ঝির ঝির কুরে পড়িতে থাকে, তুষার তত বড়; তবে জল অপেক্ষা বরফের আয়তন নাকি একটু বড় তাই বেশ স্পষ্ট দেখা যায়, নাড়া চাড়া যায়। কিন্তু একটা কথা :—যখন খুব শীত হয়, যত শীতে জল জমিয়া যায় তার চেয়ে যদি খুব ঠাণ্ডা হয়, তবে তুষার বেশী পড়ে না, কিম্বা যদি বা পড়ে তবে সে খুব গুঁড়ি গুঁড়ি। কেন না বাতাস যত গরম থাকে তাতে জলীয় বাষ্প তত অধিক থাকে, আর যত ঠাণ্ডা হয় তাতে বাষ্পের অংশ তত কম থাকে। কাজেই এই রকম খুব শীতের সময়, ইংরাজীতে যাহাকে frost বলে, সে সময়ে বড় তুষারপাত হয় না। তাহার পূর্বে খুব তুষার পড়ে, আর পরে যখন বাতাস আর একটু গরম হয় তখন পড়ে; মাঝখানে কম পড়ে, বা পড়েই না। এই রকম


জমাট শীতের সময়ে (frost) তুষারে দেশের বড় উপকার করে। বরফ তাপ পরিচালক নহে, এজন্য যে সব চারা গাছ, শস্য প্রভৃতি ঐ তুষারে আচ্ছন্ন হইয়া থাকে, তাহাদের উত্তাপ বাহির হইয়া যাইতে না পারায় তত ভয়ানক শীতেও তাহারা মারা যায় না।”

কিশোঃ—“সে কি? বরফে ঢাকা থেকে তারা গরম থাকে?”

নবীন বাবু :—“হাঁ। এমনি আশ্চর্য্য নিয়ম ঈশ্বরের। শীতে একেবারে গাছগুলি মারা যেত; কিন্তু তিনি বরফ দিয়া আবৃত করিয়াই তাহাদের উত্তাপ রক্ষা করিয়া সে গুলিকে সজীব রাখিয়া থাকেন! স্পষ্টই দেখা যায় যে সকল স্থান হইতে বায়ুতে তুষারের ঢাকনি উড়াইয়া লইয়া যায়, সে সব স্থান শীতে একেবারে শুষ্ক হইয়া উচ্ছন্ন যায়।”

অমূল্য :—“কি চমৎকার! এ সকল জানিলে কত আশ্চর্য্য হইতে হয়; পরমেশ্বরের কেমন মহিমা টের পাওয়া যায়!”

নবীন বাবু :—“এখনও বাকী আছে। তোমরা মনে করিতেছ—তুষার ত তুষার। রাশি রাশি বরফের কুচি। তা নয়। তাহার প্রত্যেক কণার যে কি সৌন্দর্য্য, কি আশ্চর্য্য গঠন-প্রণালী তাহা দেখিলে অবাক হইতে হয়। কাপ্তেন স্কোস্‌বী Captain Scoresby উত্তর মহাসাগরীয় স্থানে লক্ষ্য করিয়া স্থির করিয়াছেন যে প্রায় এক হাজারের চেয়েও বেশী রকম গঠনের তুষার কণা দেখা যায়। তাহাদের আকার যে কি সুন্দর তাহা বর্ণনা করা অসম্ভব। তবে এই এক হাজারের মধ্যে যে কয়েকটির ছবি দেওয়া গেল তাহা দেখিলেই বুঝিতে পারিব যে তুষার কণা যথার্থই কি চমৎকার শোভার জিনিস। এত রকম আলাদা




বটে, কিন্তু সকলেই দেখিতে পাবে যে তাদের মধ্যে সবই একটা সুন্দর নিয়মের অধীন। সকল গুলিরই একটা সাধারণ আকার আছে, তাহা কি?—না সকলেই ছয়টা কাঁটাওয়ালা নক্ষত্রের মত দেখিতে। তবে গুরই মধ্যে সব চেহারা আলাদা। ছটা কাঁটা কিন্তু সবারই আছে, মন দিয়া দেখিলেই জানিতে পারিবে।”

গণেশ্বর :—“আচ্ছা এ রকম হয় কেন?”

নবীন বাবু :—“এই প্রকার আকার ধারণের নাম “দানা বাঁধা” ইংরাজীতে বলে crystallisation, এই দানা গুলির নাম crystals। আমরা বলি জল জড় পদার্থ। কিন্তু ঐ জড় পদার্থের মধ্যে লুকাইয়া যে এক জন মহা শিল্পী কাজ করিতেছেন তাহা ত দেখি না! কোন কোন বস্তুর এমন গুণ আছে যে জলে মিশ্রিত থাকিবার সময়ে অদৃশ্য থাকে, কিন্তু যখন ঐ জল আন্তে আন্তে উড়াইয়া বাষ্প করিয়া দেওয়া যায়, তখন সেই সামগ্রী (যাহা এতক্ষণ জলে

গুলিয়া ছিল) আন্তে আন্তে দেখা দিতে থাকে; কিন্তু যে-সে আকারে দেখা দেয় না, এক বিশেষ নির্দিষ্ট আকারে দানা বাঁধিয়া দেখা যায়। যেমন তোমরাই বাড়ী গিয়া পরীক্ষা করিয়া দেখিতে পার—লবণ বা সোরা জলে গুলিয়া, তাপ দিতে দিতে যেমন জল শুকাইয়া আসে অমনি ঐ সকল লবণ বা সোরার কণাগুলি ধীরে ধীরে দানা বাঁধিয়া দেখা দেয়। পরিষ্কার চিনির রস কুঁদার মধ্যে চালিয়া রাখিলেই পরে রস মরিয়া মিছরী হয়, তার দানা ত সকলেই দেখিয়াছ, ভাল গুড়ও কখন কখন দানা বাঁধে। এও ঠিক তেমনি; জল জমিবার সময়ে ছোট ছোট কণাগুলি ঐরূপ দানা বাঁধিয়া দেখা দেয়। কি তুষার, কি শিল, এমন কি বরফে পর্যন্তও এই রকম ছয়টা কাঁটাওয়ালা নক্ষত্রের মত দানার গঠন দেখিতে পাওয়া যায়। কি সুন্দর! কি চমৎকার! ধন্য সেই শিল্পকার, যিনি এইরূপে জগতময় আপনার কারিকুরি ছড়াইয়া রাখিয়া-

ছেন! আমরাও ধন্য যে তাঁহার মহিমার কিছু কিছু বুদ্ধিতে পারিয়া তাঁহাকে নমস্কার করিতে পারি!”



লেখা পড়া কিসের জন্য?

ভুবনের কাহিনী।

বাঁ মজীবন বাবু একজন বুনিয়াদি বড় লোক। তাঁহার খুব বিষয় বিভব, টাকার গাছ একেবারে। চারিদিকে ব্যবসায় বাণিজ্য, জমিদারী, কলিকাতায় ১০।১২টা বড় বড় বাড়ী ভাড়া চলছে, খুব বড় মানুষ লোক। তাঁহার একমাত্র ছেলে ছিল, তা সেও মরিয়া গেল। কাজেই তাঁহার ভাইপো ভুবনই সমস্ত বিষয় পাবে ঠিক ঠাক হইয়া আছে। তাহার সমবয়সী বন্ধুরা তাকে কত ভাগ্যবান বলিয়া হিংসা করে। ক্রমে ভুবন বড় হইল। মহা ধুম ধামে ভুবন বাবুর বিবাহ হইল। কণ্ঠাটী পরমাসুন্দরী, যেন স্বর্গের পরী। আহা! তাহার ছুঃখের কথা এখন মনে হলে চক্ষে জল আসে, বুক ফাটিয়া যায়! তোমরাও শুনিলে মহা ছুঃখিত হইবে। ভুবন আর বিদ্যালয়ে যায় না। বাবু হইয়া ভাল পোষাক পরিয়া,

ভাল সুরঙ্গ এসেঙ্গ মাথিয়া, গায় ফুঁ দিয়া নানা স্থানে ছড়ি হাতে করিয়া বেড়ায়। মুখ রাঙ্গা করিয়া পান খায় আর দিব্য ফুলের মত কোঁটার আগাটী বা হাতে ধরিয়া বেড়ায়। তাহার সে বেশ ভূষা দেখিলে সকল ছেলে মেয়ের রাগ হইত। নাই বা হবে কেন? একেইত ধুম বাবু-গিরি ভাল ছেলে মেয়েরা দেখিতে পারে না, তাহাতে আবার ছেলেটা মুখের চূড়ামণি। সকলেই ভুবনকে ঠাট্টা করিত, দেখিয়া মুখ বাঁকাইয়া হাসিত আর ময়ূররাজ বলিয়া ডাকিত। গ্রামের কেহই তাহাকে দেখিতে পারিত না। রামজীবন বাবু তাঁহার আদরের ধন ভুবনমোহনকে চিরকাল “খোকা” বলিয়া ডাকিতেন। কেহ তাহার নিন্দা করিলে সহ্য করিতে পারিতেন না। বলিতেন “পাড়ার লোকের কি? আমার বাপকে আমি সাজাই, আমার খুসী। আমার এত ইন্দ্রের মত ঐশ্বর্য; কাজ কি ভুবনের লেখা পড়ায়? ও যদি বিষয় উড়াইয়াও দেয়, তবু উড়াইতে উড়াইতে ৪ চারি পুরুষ কাটিয়া যাইবে। কাজ কি লেখা পড়া শিখে? যাদের চালে খড় নাই, ঘরে ভাত নাই, সাত পুরুষে টাকার মুখ দেখেনি তারাই লেখা পড়া শিখে চাকরী করুক গে! সব বেটার হিংসা হয় কি না, তাই এসে আমার “খোকা”র নিন্দা করেন।” এই রকম নানা প্রকারে ছেলেটাকে আদর দিয়ে তাহার মাথা খাইয়া ফেলিলেন। ভুবন আড়াল হইতে সে সব কথা শুনিয়া আরও আদর পাইত আর পৃথিবীকে সরা মনে করিত। এইরূপে উত্তম মধ্যম রূপ উচ্ছন্ন গেল। ভুবনের মা বিধবা, তাহার মদকাই তাঁহার অভিভাবক, কাজেই কর্তার উপর আপনার কথা আর চালাইতে পারেন না। ছেলেকে কত বুঝান, কত বলেন, কত বিনয় করিয়া শিক্ষা

দেন। ছেলে ততই একেবারে ধিক্কা হইয়া তাঁহার কথা তৃণ জ্ঞানও করে না। পৃথিবীতে কাহাকেও গ্রাহ করে না, তোমরা বুদ্ধিতেই পারিতেছ তার দশা কি হইয়াছে। হয় ত তোমাদেরই গ্রামে এ রকমের “খোকা” ছ একটা আছেন।

কিছুদিন ত এই রকমে যায়, তখন স্কুল হইতে নামটী কাটাইয়া “খোকা বাবু” বাড়ীতে বসিলেন। তাঁহার একটা আলাদা বৈঠকখানা হইল। সাজান গোজান আসবাব, ইয়ার বন্ধু অনেক আসিয়া যুটিল। রোজ বিকালে মহা ধুমধাম ব্যাপার ছোট বৈঠকখানায় চলিতে লাগিল। ক্রমে মদ্যপান অবধি গড়াইল। বাবুদের বংশ চিরকাল মদ্যের বড়ই বিরোধী। কোন পুরুষে কেহ কখনই মদ খায় নাই। কাজেই বাবু এই কথাটী শুনিয়া বড় ছুঃখিত হইলেন, বিরক্ত হইলেন। প্রথমে চাকর বাকরকে দিয়া বলিয়া পাঠাইলেন। তাহাতে “খোকা” বলিল “না আমি ত মদ খাই না।” তার পরেও আবার ঐ রূপ কাণ্ড চলিতে লাগিল। তখন বাবু নিজে এক দিন ভুবনকে ডাকিয়া অনেক বুঝাইলেন। কিন্তু কিছুই হইল না। সে তাঁহার কাছে বেশ মিছা কথা বলিয়া কাটাইয়া দিল। বাবুর বয়স অনেক হইয়াছিল, মনের ছুঃখে, মনের ক্ষোভে বসিয়া কাঁতে লাগিলেন। এত দিনের পরে বুঝিলেন যে লেখা পড়া শেখা কেবল টাকা উপায়ের জন্ত নয়। লেখা পড়া না শিখিলে যে মানুষই হওয়া যায় না, চরিত্র ভাল হয় না, গুরুজনকে মাগ্ন করিতে শেখে না তা এত দিন পরে জানিতে পারিলেন।

তাঁহার গমস্তা বিহারী সরকার,—তাঁহার একটা ছেলে আছে, নাম কেশব, বয়স ১৭ বছর, ইহারই

মধ্যে সে এল, এ, পাশ করিয়া কলিকাতার বিদ্যা-সাগরের কালেজে বি, এ, ক্লাশে পড়ে। একদিন বাবুর এজলাশে তাঁহার গমস্তা, দাওয়ান, খাতাজী সকলে বসিয়া বিষয় কন্ম করিতেছেন, এমন সময়ে কেশব সেখানে উপস্থিত হইয়া সকলের চরণ পূজা করিয়া পিতার পায়ের ধুলি লইয়া এক পাশে গিয়া দাঁড়াইল। বাবু জিজ্ঞাসা করিলেন “কে ছেলেটা?” বিহারী সরকার ছেলের পরিচয় দিয়া কহিলেন “ধর্ম্মাবতার! ওটা আপনারই অমুগত ভৃত্যের সন্তান, আপনারই আশ্রিত দাস।” তাহার পর অবধি কেশবের উপর বাবুর এমন ভাল বাসা জন্মিল যে তিনি তাহাকে সে দিন আপনার বসিবার ঘরে ডাকিয়া পাঠাইলেন। তাঁহার সঙ্গে অনেক কথা বার্তা হইল। তারপর একদিন সকলের সাক্ষাতে বলিলেন, “যাহারা লেখা পড়া জানে না, বিদ্যা শিখিয়া যাহাদের মন নরম না হয়, তাহার মানুষই নয়। আমি এতদিন একটা গর্দভকে আহার দিয়া পুষিতেছি! ধিক্ আমার বুদ্ধিতে! আমার এই অতুল ঐশ্বর্য থাকিতেও আমি বিহারী সরকারের চেয়ে হতভাগ্য! আহা! আমার যদি কেশবের মত ছেলে হইত, আর আমি যদি পথের ভিখারী হইতাম, তাহলেও আমি এর চেয়ে সখী হ’তে পারতাম!” আর কথা বলিতে পারিলেন না, তাঁহার গলা বন্ধ হইয়া গেল, চক্ষে দুফোঁটা জল এল, মুছিয়া ফেলিলেন। সভাস্থ সকলে নানা প্রকারে বুঝাইতে লাগিল, কিন্তু কিছুতেই তাঁহার মনের ক্লেশ নিবারণ হইল না। তিনি নির্জন্ম ঘরে গিয়া খুব কাঁদিলেন। বৃদ্ধ বয়সে এত শোকে পাছে তাঁহার প্রাণ যায়, এই ভয়ে বিহারী সরকার কেশবের কালেজে যাওয়া বন্ধ রাখিয়া বাবুর নিকট পাঠাইয়া দিলেন; কেশবকে পাইয়া

তাহার মুখে ভাল ভাল অনেক কথা শুনিয়া বাবুর মন অনেকটা সুস্থ হইল। তিনি জানাদি করিলেন। কিন্তু মনের ক্ষোভ আরও যেন বাড়িতে লাগিল। কেশবকে ছাড়িয়াও দিতে চাহেন না, আবার এদিকে যতই কেশবের জ্ঞান, বুদ্ধি, সংচরিত্রের পরিচয় পাইতে লাগিলেন, ততই হায় হায় করিতে লাগিলেন। “আহা! ভুবনকে আমি যে ৫০ হাজার টাকা খরচ করিয়া পড়াইতে পারিতাম, সমস্ত বিষয় বিক্রয় করিয়াও তাহার লেখা পড়ার ব্যবস্থা করিতে পারিতাম। কেন করিলাম না! আহা! কেন নিজে এ সর্বনাশ করিলাম! আমার বংশের মুখে ছোঁড়া কালি দিল। আর তার মুখ দেখিব না, সে দূর হউক!”

ভুবন এদিকে খুব আসর গরম করিতেছিল, মদ—মদ—মদ!! মহা ব্যাপার। তার আনন্দ-সঙ্গিক অন্য সকল কাজও চলিতেছিল। ছি! ছি!! গ্রামের সকলেই স্বর্ণা করিতে লাগিল। বাবুকে পূর্ণাঙ্গ নিন্দা করিতে লাগিল। কেহ আর তাঁহার কাছে আসে না, গল্প করিতে আর কেহ তাঁহার বৈঠকখানায় বসে না। যদিও কেহ যায় ত কেবল তাঁহার নিন্দা করিয়া উঠিয়া আসে। তাঁহারই অন্যায়ে আদরে ও অবহেলায় ছেলেটা নষ্ট হইল এই বলিয়া তাঁহাকে সকলে ভৎসনা করে। এবারে আর তিনি সে সব কথা চটা চটা জবাব দেন না। মাথা হেঁট করিয়া শুর্নে, আর হুটী চক্ষু দিয়া বর বর করিয়া জল পড়ে! আহা! পাঠকপাঠিকাগণ! তোমাদেরও খুব হুঃখ হচ্ছে, না? দেখিও যেন কোনও কারণে তোমাদের আত্মীয় বন্ধুদিগকে ব্রথা এরূপ কাঁদাইও না।

কেবল কি বাবুর হুঃখ? বাড়ী শুদ্ধ সকলেই হাহাকার করিয়া কাঁদিতেছেন। হতভাগিনী

পতিহীনা জননীরা কথাই নাই! আহা! তাঁহার স্বামীর মৃত্যু হওয়ার সময়ে তিনি বলিয়া যান যে “ভয় কি তোমার? আমার সহোদর ভাই রহিলেন ইজের মত, আর এই কার্তিকের মত পুত্র রহিল। তোমার হুঃখ ইহাদের দ্বারা অনেক দূর হইবে।” এখন সেই পুত্রের এই দশা। মার কি আর সহ হয়? তিনি কাঁদিয়া কাঁদিয়া চক্ষু হুটী অন্ধ করিলেন, পাগলিনীর মত বেড়ান। গরিবের বাছা বোঁটা ছেলে-মাল্লু ছিল, এতদিন বড় কিছু বৃদ্ধি না, এখন আর তার হুঃখের সীমা নাই। কিন্তু, আহা! অমন মেয়ে দেখা যায় না। মুখে কথাটা পর্যন্ত নাই, সহ-গুণ যে কত? দিবারাত্রি কেবলই শাওড়ীর সেবাতে নিযুক্ত থাকেন, আর কেহ কাছে না থাকিলেই চুপি চুপি চক্ষের জলে বস্ত্রের আঁচল ভিজিয়া যায়। এ সব হুঃখের কথা লিখিতে আমাদের বুক কেটে যাচ্ছে, চক্ষের জল রাখা যায় না। আর কোমল-হৃদয় পাঠক পাঠিকাগণকে কাঁদাইতাম না, কিন্তু ইহাদ্বারা অনেকের শিক্ষা হইবে মনে করি, তাই লিখিতেছি।

কিছুদিন ত এইরূপে গেল। মানুষের দেহে অত্যাচার কত দিন সহ হয়? ভুবনের খুব রোগ হইল। বুকে ব্যথা, জ্বর, কাশী, যকৃৎ, একেবারে ছেলে রোগে আচ্ছন্ন হইয়া শেষে ভিতর বাড়ীতে এসে উপস্থিত। নানাবিধ চিকিৎসা হইতে লাগিল। বহু কষ্টে এ যাত্রা রক্ষা পাইলেন। বুকের ব্যথা ও কাশী সারিল না। কিন্তু কে বৃদ্ধিবে? জ্ঞান শূন্য হইয়া যে যায়, তার আর কি পদার্থ থাকে? আবার মদ্যপান চলিতে লাগিল। তখন আর সহ কুরিতে না পারিয়া এক দিন রাতে বাবু নিজে তার ঘরে গিয়া খুব ভৎসনা করিয়া এলেন। তিনিও চলিয়া আসিয়াছেন, আর হঠাৎ ভয়ানক একটা বন্দুকের


শব্দ হইল। সকলে গিয়া দেখে ভুবনের ঘরে দ্বার বন্ধ। ডাকাডাকি করিয়া উত্তর পাইল না, শেষে দরজা ভাঙ্গিয়া গিয়া দেখে ভুবন গুলি খাইয়া মরিয়াছে, আপনা আপনি মুখের মধ্যে বন্দুক ছুড়িয়া মরিয়াছে! তার পর যে বাড়ীতে কি কান্নার রোল, তা আমরা বর্ণনা করিতে পারিব না, তোমরা বুঝিয়া লও। সে ব্যাপার বুঝিলেই ভাল জানা যায়।

সকলেরই হুঃখে স্বয়ং ভাঙ্গিয়া গিয়াছিল, কিন্তু কেশবের সংকথায় ও সাহসনাতে বাবুর মন অনেকটা ভাল ছিল। কিন্তু কদিন থাকে? যখনই শুনিলেন যে ভুবনের মা পাগল হইয়া কোথায় গিয়াছেন, ও তাহার স্ত্রী হাতে পায়ে কাপড় বাঁধিয়া খিড়কীর পুকুরে ডুবিয়া মরিয়াছেন, তখন আর তাঁহার সহ হইল না। বোঁটাকে তিনি “মা” বলিয়া ডাকিতেন ও বড়ই ভাল বাসিতেন। এ বড় অসহ-যন্ত্রণা হইল। মাটিতে পড়িয়া “মা মা” বলিয়া চীৎকার করিতে করিতে গড়াইতে লাগিলেন। আহা! কাপড় জামা খুলায় লগুভগু হইয়া গেল, মাথার চুল ছিঁড়িয়া ফেলিতে লাগিলেন। অনেকক্ষণ কাঁদিয়া শেষে অচেতন হইয়া পড়িলেন। সকলে মুখে চক্ষে জল দিয়া সুস্থ করিল।

বাবু এই অবধি কেশব ভিন্ন আর কাহারও সহিত কথা কহিতেন না। আর বেশী দিন বাঁচেন নাই। কেশব তাহাকে ইংরাজী বাঙ্গলা ধর্মশাস্ত্র পাঠ করিয়া শুনাইত। ক্রমে তাহার বেশ ধর্মজ্ঞান হইল। তিনি অল্প দিন পরে কেশবের হস্তে আপন-নার বিধবা স্ত্রী ও সমস্ত বিষয়, জমিদারী, টাকা ও বাণিজ্যের ভার দিয়া প্রাণত্যাগ করিলেন।

• এখনও কি পাঠক পাঠিকা বলিবেন “লেখা পড়া শেখা কেবল চাকরী করিবার জন্য”—?

রামতনু লাহিড়ী ।



লক বালিকাগণ যে মহাত্মার ছবি আজ তোমাদের নিকট উপস্থিত করিতেছি ইহার নাম কি পূর্বে শুনিয়াছিলে? যদি না শুনিয়া থাক তবে শুন, ইহার বিষয় কিছু বলি। ইনি একজন আমাদের দেশের বিখ্যাত ব্যক্তি। কিসের জন্য বিখ্যাত? অতুল বিভব সঞ্চয় করিয়া মতিলাল শীল যেরূপে বিখ্যাত হইয়াছিলেন সেইরূপ বিখ্যাত নয়; বুদ্ধি বিদ্যার জন্য মৃত দ্বারিকানাথ মিত্র যেরূপে বিখ্যাত হইয়াছিলেন সেইরূপ নয়; দান ও বিবিধ সংকীর্ণের জন্য বিদ্যাসাগর মহাশয় যেরূপে বিখ্যাত হইয়াছেন সেইরূপ নয়; ইনি ধর্মীদের মধ্যে একজন নন; যদিও আজীবন সকল প্রকার সংকার্যের উৎসাহদাতা, তথাপি সে বিষয়েও অগ্রগণ্য ব্যক্তি বলিয়া ইহার নাম নয়; তবে কেন লোকে ইহার প্রশংসা করে, আর কেনই

বা ইহার জীবন বৃত্তান্ত তোমাদিগকে বলিতে চাহিতেন? ইনি সাধুতার জন্য দেশে বিখ্যাত। ইনি একখানিও গ্রন্থ লেখেন নাই, সকল কাজেই অন্যের পশ্চাতে থাকিয়া কাজ করিয়াছেন, আপনাকে সকলের অপেক্ষা হীন মনে ভাবিয়া লুকাইয়া থাকিতে ভাল বাসিয়াছেন, কিন্তু তথাপি মৃগনাভি যেমন কাপড় ঢাকা থাকিলেও আপনাকে আপনি প্রকাশ করে, গোলাপ যেমন বনে লুকাইয়া থাকিলেও আপনাকে ধরা দেয়, সেইরূপ এই মহাত্মার সাধুতার স্বেচ্ছা আপনা আপনি ইহাকে জানাইয়া দিয়াছে। যদিও ইনি এখন জীবিত আছেন এবং এখন এই কলিকাতাতেই বাস করিতেছেন, তথাপি নিজ চরিত্রের গুণে ইনি প্রাচীন কালের সাধুদের ন্যায় প্রাতঃস্মরণীয় ব্যক্তি হইয়াছেন; আমরা সকলে ইহাকে পিতৃতুল্য জানিয়া শ্রদ্ধা ভক্তি করি। এরূপ সাধু মহাত্মাকে জীবনে একবার দেখিতে পাওয়াও সৌভাগ্য।

অগ্রে ইহার জীবনের সংক্ষিপ্ত বিবরণ বলি। ১৮১৪ খ্রীষ্টাব্দে গোয়াড়ি কৃষ্ণনগরে ইহার জন্ম হয়; স্মরণীয় ইহার বয়ঃক্রম এখন ৭১ বৎসর। বাল্যকালে ইনি পাঠশালায় লেখা পড়া অভ্যাস করেন। কিন্তু তখনকার বালকদিগের স্বভাব চরিত্র বড় মন্দ ছিল। বাল্যকাল হইতেই তাহার অনেক কু-অভ্যাস শিক্ষা করিত। এই সকল কু-সংসর্গে পড়িয়া তাঁহার পড়া শুনা ভাল হইতেছে না দেখিয়া তাঁহার জ্যেষ্ঠ ভ্রাতা তাঁহাকে কলিকাতায় আনিয়া রাখিলেন।

ইহার কিছুদিন পরেই এদেশের লোককে ইংরাজী শিক্ষা দিবার জন্য স্কুলসোসাইটি নামে একটি সভা স্থাপন হয়। রাজা রামমোহন রায়, মহাত্মা ডেভিড হেয়ার প্রভৃতি কয়েকজন ইংরাজ ও বাঙ্গালি ভদ্রলোক এই সভার সভ্য ছিলেন। ডেভিড হেয়ার

এই সভার সম্পাদক ছিলেন। রামতনু বাবুর কলিকাতা আসিবার কিছু পূর্বে মহাত্মা হেয়ার সাহেবের যত্নে একটি ইংরাজী স্কুল স্থাপিত হয়। তাঁহার জ্যেষ্ঠ ভ্রাতাকে ঐ স্কুলে ভর্তি করিয়া দিলেন। হেয়ার সাহেবের স্কুল হইতে তিনি হিন্দু কলেজে গমন করেন। হিন্দু কলেজে তখন ডিরোজিও নামে একজন ফিরঙ্গী যুবক চতুর্থ শ্রেণীর শিক্ষক ছিলেন। ইহার নাম বাঙ্গালা দেশের সমুদয় শিক্ষিত ব্যক্তির জানা উচিত, কারণ যে সকল শিক্ষিত লোকের যত্নে প্রথম প্রথম সকল প্রকার উন্নতির স্রোত এদেশে প্রবাহিত হয় সেই সকল লোক এই ডিরোজিও সাহেবেরই শিষ্য ছিলেন। এই অসাধারণ বুদ্ধিশালী যুবকের বয়স তখন ২০ বৎসরের অধিক ছিল না, কিন্তু তিনি সুবিদ্যান, শুলেখক, সুকবি ও সুভাষী ছিলেন। তাঁহার চিন্তা সর্বদা প্রসন্ন, মুখ হাসি হাসি, ও প্রকৃতি বড় মেশক ছিল। তিনি যে কেবল বালকগণকে পড়িবার বই পড়াইয়া ক্ষান্ত হইতেন তাহা নহে, কিন্তু অন্যান্য সময়েও তাহাদিগের মধ্যে বসিয়া গল্প-চ্ছলে ও নানা প্রকার বিষয়ে অনেক উপদেশ দিতেন। যাহাতে তাহাদের কু-সংস্কার দূর হয়, সত্যের প্রতি ভালবাসা জন্মে, চিন্তা উদার হয়, চিন্তা করিবার শক্তি জন্মে, প্রাণে ভাল ইচ্ছা প্রবল হয়, সর্বদা এইরূপ আলাপ করিতেন। তাঁহার ভালবাসা ও সজুপদেশের গুণে স্বরায় অনেকগুলি ছাত্র তাঁহার শিষ্য হইল। তিনি ইহাদের সঙ্গে প্রতিদিন অনেকক্ষণ থাকিতেন। ইহারা এদেশের ইংরাজী শিক্ষার ইতিহাসে “ডিরোজিও ক্লাব” নামে বিখ্যাত। ১৮৩০ খ্রীষ্টাব্দে তখন ডিরোজিও সাহেবের শিষ্য ছিলেন, তাঁহাদের মধ্যে অনেকেই তৎপরে এদেশে বড়লোক হইয়াছেন। মৃত রামগোপাল ঘোষ, যিনি

এদেশে একজন শ্রেষ্ঠ বক্তা বলিয়া বিখ্যাত, তিনি এই ক্লাবের একজন সভ্য ছিলেন; রসিক কৃষ্ণ মল্লিক যাহার নাম সকলে জানেন না কিন্তু যিনি সে সময়কার একজন বড় লোক ছিলেন, তিনিও ডিরোজিওর শিষ্য। এই রূপে ডাক্তার কৃষ্ণমোহন বন্দোপাধ্যায়, রাজা দক্ষিণারঞ্জন মুখোপাধ্যায়, মৃত হরচন্দ্র ঘোষ, মৃত রাজা দিগম্বর মিত্র, মৃত রাধানাথ সিকদার, শ্রীযুক্ত বাবু শিবচন্দ্র দেব প্রভৃতি যে সকল ব্যক্তি পরে জনসমাজে এত যশ লাভ করিয়াছেন তাঁহারা সকলে ডিরোজিওর শিষ্য ছিলেন। ডিরোজিও তাঁহার স্মৃতিষ্ট বাক্যের দ্বারা বালকগণের মন এমন বশীভূত করিয়াছিলেন যে ছেলেরা তাঁহার জন্য মরিতে পারিত। তিনি বালকদিগকে সত্য-প্রিয়, উদার, সাহসী ও তেজস্বী করিয়া তুলিতে লাগিলেন।

তাঁহার দলবদ্ধ হইয়া হিন্দুসমাজের কুসংস্কার-বিরুদ্ধ অনেক আচরণ আরম্ভ করিল। তখন কলিকাতায় তুমুল আন্দোলন উপস্থিত হইল। হিন্দুসমাজের দলপতিগণ দলবদ্ধ হইয়া ডিরোজিওকে তাড়াইবার জন্য গবর্ণমেন্টের নিকট আবেদন করিলেন। তাঁহার প্রতি এই দোষারোপ করা হইল যে তিনি বালকদিগকে নষ্ট করিতেছেন। এই কারণে ডিরোজিও কৰ্ম পরিত্যাগ করিলেন। তাঁহার ক্লাব তাঁহার বাসবাটী ইটালীতে উঠিয়া গেল। তাঁহার এত টান ছিল, যে ছেলেরা রৌদ্র, বৃষ্টি, জল, ঝড়ে কষ্ট পাইয়াও এবং বাড়ীর লোকের গঞ্জনা সহ করিয়াও তাঁহার বাড়ীতে যাইত। অতি অল্প বয়সেই ইহার মৃত্যু হয়, কিন্তু এই অল্পকালের মধ্যে তিনি বাঙ্গালি ছাত্রদিগকে যে শিক্ষা দিয়া বান, সেই শিক্ষার সফল অদ্যাপি দেখা যাইতেছে।

সে যাহা হউক রামতনু বাবু হিন্দু কলেজে গিয়া এই সকল বন্ধুর মধ্যে পড়িলেন। তিনি

বিনুয়ী, তিনি বন্ধুদিগের পশ্চাতে লুকাইয়া থাকিতে চিরদিন ভাল বাসেন। তিনি বন্ধুদিগের পশ্চাতেই থাকিয়া চিরদিন কাজ করিতেছেন। কিন্তু তাঁহার চরিত্রের গুণে ও সাধুতার গুণে তাঁহার সকল বন্ধুই তাঁহাকে গুরুতুল্য শ্রদ্ধা ভক্তি করিয়া থাকেন।

১৮৩৪ সালে ইনি কলেজ হইতে বাহির হইয়া হেয়ার সাহেবের স্কুলে একটি কৰ্ম পাইলেন। এইখানে তিনি দশবৎসর কৰ্ম করেন। পরে ১৮৪৫ সালে কৃষ্ণনগর কলেজ খুলিলে সেখানকার একটি শিক্ষকের পদ পাইয়া সেখানে যান। হেয়ার স্কুলে ইনি একজন সামান্য শিক্ষক ছিলেন, কিন্তু তথাপি ইহার চরিত্রের গুণে ইনি সকলের এতদূর প্রিয় ছিলেন, যে যখন ইনি হেয়ার স্কুল ছাড়িয়া যান তখন ইহার বন্ধু বান্ধব একত্র হইয়া ইহাকে সম্মান করিবার জন্ত এক সভা করেন, ঐ সভাতে তাঁহাকে ভালবাসা ও শ্রদ্ধার চিহ্নস্বরূপ একটি সোণার ঘড়ি দেওয়া হয়।

কৃষ্ণনগর হইতে ইনি বর্ধমান স্কুলের হেড মাস্টার হইয়া যান। সেখান হইতে উত্তরপাড়া স্কুলে, তৎপরে রসাপাগলা স্কুলে, তৎপরে বরিশাল স্কুলে বদলী হন। সর্বশেষে ১৮৬০ সালে আবার কৃষ্ণনগর কলেজে বদলী হইয়া আসেন। সেখানে থাকিতে থাকিতে ১৮৬৫ সালে পেন্সন গ্রহণ করিয়া কৰ্ম পরিত্যাগ করেন। ইহার প্রতি কৃষ্ণনগরের লোকের এত ভালবাসা যে ১৮৫৪ কি ১৮৫৫ সালে তাঁহার ইহার এক প্রতিমূর্তি নির্মাণ করেন, তাহা এখনও কৃষ্ণনগরে আছে। পেন্সন লওয়ার পর অবধি ইহার শরীরের অবস্থা বড় মন্দ। একে বৃদ্ধাবস্থা তাহাতে শরীর খারাপ; ইনি আর পূর্বের ন্যায় উৎসাহের সহিত নানা কাজে যোগ দিতে পারেন না। সর্বদাই বাড়ীতে থাকিতে

হয়। এইরূপে ইহাঁর জীবনের শেষ দিন কাটিয়া যাইতেছে। কিন্তু যদিও বয়সে ইনি প্রাচীন তথাপি উৎসাহে যুবা। এখনও ইহাঁর নিকট বসিলে কত সহৃদয় পাওয়া যায়। ইহাঁর পবিত্র মূর্তি দেখিলেই অসাধু মন সাধু হইয়া যায়। নিকটে দুই দণ্ড বস, কেবল ধর্মের কথা, সাধুতার কথা শুনিবে। যেক্রপ মনটী লইয়া যাইবে সেক্রপ মনটী লইয়া আসিতে পারিবে না; মলিন মন ভাল হইয়া যাইবে। আমাদের দেশের একজন কবি এই মহাত্মার বিষয়ে বলিয়াছেন;—

“যাঁর সঙ্গে একদিন করিলে যাপন,

সাত দিন থাকে ভাল পাপাসক্ত মন।”

ইহাঁ অতি সত্য কথা। ইহাঁর সঙ্গে আধ ঘণ্টা থাকিলেই অপবিত্র মন পবিত্র হইয়া যায়।

আমরা ইহাঁর অনেকগুলি সদগুণ দেখিয়াছি। প্রথম সদগুণ বিনয়। এমন বিনীত লোক প্রায় দেখা যায় না। ইনি মনে করেন যেন ইনি সকলের অধম। যদি কখনও কোন ব্যক্তির কোন দোষ বলিতে হয় তখন ইহাঁর বড়ই ক্লেম হয়। বলেন “আমি নিজে কত দোষে দোষী আমার অপরের দোষ দেখান ভাল হয় না কিন্তু যখন জিজ্ঞাসা করিলেন, তখন সত্যরক্ষার জন্ত বলিতেছি” এইরূপ করিয়া অনেক কষ্টে অপরের একটা দোষের কথা বলেন। সর্বসাধারণে যে সকল লোককে ঘৃণা করে তাহাদের যদি একটা গুণ দেখিতে পান ইনি সেই গুণের কত প্রশংসা করেন। এমন কি আমরা দেখিয়াছি যে ইহাঁর পৌত্রের বয়সী লোকের নিকটেও বিনয়ের সহিত কথা কহিতেছেন, যেন সে তাঁহাকে কত শিখাইতে পারে।

ইহাঁর দ্বিতীয় গুণ সরলতা ও সত্যপ্রিয়তা। এমন সত্যপ্রিয় সরল লোক আমরা আর দেখি


নাই। কপটতাকে ইনি অন্তরের সহিত ঘৃণা করেন। তাহার একটা দৃষ্টান্ত দেওয়া যাইতেছে। হিন্দুকলেজে পড়িবার সময় অবধি ইহাঁর জাতিভেদ ও পৌত্তলিকতার প্রতি অবিশ্বাস জন্মে। কিন্তু তার পরস্কয়েক বৎসর লোকের ও গুরুজনের অনুরোধে জাতি ও পৌত্তলিকতা রাখিয়া চলিতেন। বহু বৎসর পূর্বে, বোধ হয় বর্ধমানের কন্ন করিবার সময় একদিন পৌত্তলিক ক্রিয়া অহুসারে কোন মৃত আত্মীয়ের শ্রাদ্ধ করিতে ছিলেন, তখন একটা বালক দাঁড়াইয়া উপহাস করিয়া অপরের নিকট বলিতেছিল—“বাবুর এদিকেত বলা হয় আমি জাত মানি না, ঠাকুর মানি না কিন্তু এদিকে আবার শ্রাদ্ধটাও করা আছে।” এই কথাগুলি রামতনু বাবুর প্রাণে বাণের ন্যায় বিধিল। তিনি সেই দিন হইতে প্রতিজ্ঞা করিলেন যে অকপট ভাবে নিজ বিশ্বাসের মত কাজ করিবেন। এই প্রতিজ্ঞা করিয়া জাতির চিহ্ন পৈত্যাগ করিলেন। দেশে ভয়ানক ছলছুল পড়িয়া গেল। কিন্তু তিন ঈশ্বরের উপর নির্ভর করিয়া সমুদায় সহ্য করিলেন। সেই অবধি ইনি সকল বিষয়েই সরল ও অকপট। লোকে রুপ্তই হউক আর তুষ্টই হউক যাহা সত্য বলিয়া জানেন ও বিশ্বাস করেন সেইরূপ বলিবেন ও করিবেন।

তৃতীয়তঃ—ইহাঁর ধর্মের প্রতি অহুরাগ অতি আশ্চর্য, এমন আর দেখা যায় না। পাছে কোন কাজে কোন প্রকারে অন্যায হয় এই ভয়ে সর্বদাই জড় সড়। অধর্মকে ইনি বড় ভয় করেন। সর্বদাই বলেন—“ছেলে যদি মুখ হইয়া সং থাকে তাহা ভাল, কিন্তু শিক্ষা পাইয়া যদি অসং হয় সে শিক্ষা চাই না।”

চতুর্থতঃ—ঈশ্বরের প্রতি ইহাঁর প্রগাঢ় ভক্তি।

বড় বড় বিপদের সময় ইনি যে ভাবে পরমেশ্বরের উপর নির্ভর করিয়া স্থস্থির থাকিয়াছেন তাহা দেখিয়া লোকে অবাক হইয়া গিয়াছে। ঈশ্বরের গুণ কীর্তন শুনিলে ইনি চক্ষের জল রাখিতে পারেন না।

এই সাধু পুরুষের বিষয়ে অনেকগুলি ভাল ভাল গল্প আছে, তাহা আর একবারে দেওয়া যাইবে।



বালিকাদিগের বিশেষ পৃষ্ঠা।

সেলাই ।

নং ২।

পটিকা গণ! সেবারে তোমাদের গলাবন্ধ বুনবার বিষয় বলিয়াছিলাম, এবার ছোট মোজা বুনবার বিষয় কিছু বলিব মনে করিতেছি। আশা করি আমি যাহা বলিব তোমরা তাহা একটু মন দিয়া শুনিতে চেষ্টা করিবে। ছোট মোজার যে ছবি এবার দেওয়া গেল এই ছবি দেখিয়া তোমাদের কেমন বোধ হইবে তাহা জানি না; কিন্তু আমি যখন ইহা প্রথম দেখিয়াছিলাম তখনই আমার এই রকম এক মোজা বুনবার ইচ্ছা হইয়াছিল।

ছোট ছেলেদের মোজা যত ফিকে রং দিয়া বুন্য যাততই ভাল দেখায়, এজন্য আমরা ইহা সাদাতে ফিকে নীলেতে, সাদাতে ফিকে গোলাপীতে বা সাদাতে ফিকে লালেতে বুনিয়া থাকি। কখন কখন সাদাতে ঘোর গোলাপীতে, সাদাতে ঘোর নীলেতে কিম্বা সাদাতে ঘোর লালেতে ও যে না বুন তাহা নয়, কিন্তু আমার বোধ হয় ফিকে রং দিয়া বুনিলেই কচি কচি ছেলেদের বেশী মানায়। মনে কর যে মোজাটির ছবি দেখিতেছ তাহা যেন সাদাতে আর ফিকে লালেতে বুন্য হইয়াছে। আচ্ছা এখন বল দেখি ইহার কোন খানটায় লাল আর কোন খানটায় সাদা? যদি তোমাদের একটু বুদ্ধি থাকে তাহা হইলে নিশ্চয়ই বলিতে পারিবে; কিন্তু আমার যখন তোমাদিগকে পরীক্ষা করা উদ্দেশ্য নয় তখন আর তোমরা বলিতে পার কি না তাহা জানিবার জন্য অপেক্ষা করিলে চলিবে না, এজন্য আমি প্রথম হইতে শেষ পর্যন্ত সমস্তই তোমাদিগকে বলিতেছি।

এই মোজা বুনিতে খানিকটা ফিকে লাল এবং খানিকটা সাদা পশম চেরা এবং পাঁচটা মোজা বুনবার হাড়ের কাঁটা দরকার। প্রথমে লাল পশম দিয়া ২৬টা ঘর তোল, এই ঘর গুলি সমান ৪ ভাগে ভাল করিয়া আরও ৩টা কাঁটায় তুলিয়া লও তাহা হইলেই এক এক কাঁটায় ২৪টা করিয়া ঘর হইবে। ৪ কাঁটা দিয়া বড় মোজা বেরূপে বুন্য এই মোজা ও সেই রূপে ঘুরাইয়া ঘুরাইয়া বুনিতে হয় কিন্তু ইহাতে পাঁচটা কাঁটার দরকার কারণ ইহার ৪টা কাঁটায় ঘর লইতে হয় এবং ১টা কাঁটা দিয়া বুনিতে হয়।

প্রথম ও দ্বিতীয় বার—লাল পশম দিয়া উণ্টা।
৩বার—সাদা পশম দিয়া মোজা।



৪বার—সাদা পশম দিয়া *৪টা সোজা পশম সম্মুখে আনিয়া ১টা সোজা, ৩টা সোজা, ৩টা একসঙ্গে সোজা। আবার * চিহ্নিত স্থান হইতে আরম্ভ কর।

৫বার—সাদা পশম দিয়া সমস্ত সোজা; ৪ বারে যেখানে যেখানে ৩টা এক সঙ্গে সোজা বুনা হইয়াছে এবারেও সেখানে সেখানে ৩টা এক সঙ্গে সোজা বুনিতে হইবে।

৬বার—সাদা পশম দিয়া সমস্ত সোজা; কেবল এবারে যেখানে যেখানে ৩টা এক সঙ্গে সোজা বুনা হইয়াছিল এবারেও সেখানে সেখানে ৩টা এক সঙ্গে সোজা।

৭বার—সাদা পশম দিয়া সমস্ত সোজা; কেবল ৬বারে যেখানে যেখানে ৩টা এক সঙ্গে সোজা বুনা হইয়াছে এবারেও সেখানে সেখানে ৩টা এক সঙ্গে সোজা।

৮বার—সাদা পশম দিয়া সমস্ত সোজা। এখন একবার গুনিয়া দেখা আবশ্যিক কতগুলি ঘর আছে, কারণ যদি ৪৮টা ঘর থাকে তাহা হইলে ঠিক হইয়াছে নতুবা ভুল।

৯বার—লাল পশম দিয়া সোজা।

১০বার—লাল পশম দিয়া উল্টা।

১১বার—লাল পশম দিয়া উল্টা।

১২বার—সাদা পশম দিয়া সোজা।

১৩ হইতে ৩০বার—সাদা পশম দিয়া ১টা ঘর উল্টা, ১টা ঘর সোজা।

৩১বার—লাল পশম দিয়া সোজা।

৩২ হইতে ৩৩বার—লাল পশম দিয়া উল্টা।

৩৪বার—সাদা পশম দিয়া সোজা।

৩৫বার—সাদা পশম দিয়া ক্রমাগত পশম সম্মুখে আনিয়া ২টা ঘর এক সঙ্গে সোজা।

৩৬বার—লাল পশম দিয়া সোজা।

৩৭ হইতে ৩৮বার—লাল পশম দিয়া উল্টা।

৩৯ হইতে ৪৭বার—লাল পশম দিয়া একবার ১টা উল্টা আর ১টা উপর দিক দিয়া উঠাইয়া লইতে হইবে, আবার তাহার পরের বারে পূর্বে যেখানে উল্টা সেখানে উপর দিক দিয়া উঠাইয়া লইতে হইবে আর যেখানে উপর দিক দিয়া উঠাইয়া লওয়া হইয়াছে সেখানে উল্টা।

এখন পায়ের পাতার জন্য ১৮টা ঘর একটা কাঁটাতে উঠাইয়া লও এবং বাকি ৩০টা ঘর দুই ভাগ করিয়া দুইটা কাঁটার তুলিয়া রাখ।

এতক্ষণ যেরূপ ঘুরাইয়া ঘুরাইয়া বুনিতে হইয়াছে পায়ের পাতার জন্য সেরূপে বুনিতে হইবে না, এখন দুইটা কাঁটা দিয়া বুনিতে হইবে।

৪৮বার—লাল পশম দিয়া সোজা।

৪৯বার—লাল পশম দিয়া উল্টা।

৫০বার—লাল পশম দিয়া সোজা।

৫১বার—সাদা পশম দিয়া ক্রমাগত ১টা সোজা আর ১টা উল্টা।

৫২ বার—সাদা পশম দিয়া ক্রমাগত একটা উপর দিক দিয়া উঠাইয়া লইতে হইবে আর উল্টা বুনিতে হইবে।

৫৩ বার—সাদা পশম দিয়া ক্রমাগত ১টা উল্টা, ১টা সোজা।

সাদা পশম দিয়া ৮২ বার পর্যন্ত, ৫১ বার হইতে ৫৪ বার পর্যন্ত যেরূপে বুনা হইয়াছে ঠিক সেইরূপে বুনিতে হইবে।

৫৩ বার—সাদা পশম দিয়া ৫১ বারের মত।

৫৪ বার—২টা এক সঙ্গে উল্টা, ১টা সোজা, ১টা উল্টা, ১টা সোজা, ১টা উল্টা, ১টা

সোজা, ১টা উল্টা, ১টা সোজা, ১টা উল্টা, ১টা সোজা, ১টা উল্টা, ১টা সোজা, ১টা উল্টা, ২টা এক সঙ্গে সোজা।

৫৫ বার—সাদা পশম দিয়া ২টা এক সঙ্গে উল্টা, ১টা সোজা, ১টা উল্টা, ১টা সোজা, ১টা উল্টা, ১টা সোজা, ২টা এক সঙ্গে সোজা, ১টা উল্টা, ১টা সোজা, ১টা উল্টা, ১টা সোজা, ১টা উল্টা, ২টা এক সঙ্গে সোজা।

৫৬ বার হইতে একেবারে শেষ পর্যন্ত লাল পশম দিয়া।

৫৬ বার—সোজা।

৫৭ বার—১টা সোজা, ২টা উল্টা, ১টা সোজা, ২টা উল্টা, ১টা সোজা, ২টা উল্টা, ১টা সোজা।

৫৮ বার—২টা এক সঙ্গে সোজা, ১টা সোজা, ১টা উল্টা, ২টা এক সঙ্গে সোজা, ১টা উল্টা, ২টা সোজা, ১টা উল্টা, ১টা সোজা, ২টা এক সঙ্গে সোজা।

৫৯ বার—২টা এক সঙ্গে উল্টা, ১টা সোজা, ২টা উল্টা, ১টা সোজা, ২টা এক সঙ্গে উল্টা।

৬০ বার—২টা এক সঙ্গে উল্টা, ২টা সোজা, ১টা উল্টা, ২টা সোজা, ২টা এক সঙ্গে উল্টা।

৬১ বার—৩টা এক সঙ্গে সোজা, ৩টা সোজা, ২টা এক সঙ্গে সোজা।

৬২ বার—২টা এক সঙ্গে সোজা, ১টা সোজা, ২টা এক সঙ্গে সোজা।

৬৩ বার—৩টা এক সঙ্গে সোজা।

৬৪ বার—যে ঘরটা আছে তাহার মুখ বন্ধ করিতে হইবে।

এখন পায়ের পাতার দুই ধারের ঘরগুলি বেশ করিয়া ছইটা কাঁটার তুলিয়া লও। পূর্বের যে ৩০ টা ঘর দুই কাঁটার উঠান আছে সেই দুই কাঁটার ঘর এবং এখনকার দুই কাঁটার ঘর সমস্ত একত্রে আবার ঘুরাইয়া ঘুরাইয়া ১৬ লাইন ক্রমাগত একবার সোজা একবার উণ্টা বুনিতে হইবে।

১৭ বার—সোজা; কেবল গোড়ালির শেষভাগের ঘর দুইবার ছইটা একসঙ্গে সোজা বুনিতে হইবে কারণ গোড়ালির দিকের ঘর ১৫ টা ১৫ টা করিয়া দুই কাঁটার আছে।

১৮ বার—উণ্টা।

১৯ বার—সোজা, কেবল ১৭ বারে যেখানে যেখানে ছইটা একসঙ্গে সোজা বুনাইয়াছিল এবারেও সেখানে ২ টা একসঙ্গে সোজা।

২০ বার—উণ্টা।

এখন ক্রমাগত ৮ লাইন সোজা; কিন্তু পূর্বে গোড়ালির শেষদিকে যেরূপ দুইবার করিয়া ছইটা একসঙ্গে সোজা বুনিয়া ঘর কমাতে হইয়াছিল এবারেও ঠিক তার উণ্টা দিকে অর্থাৎ পায়ের পাতার দুই ধারের ঘরগুলি যে দুই কাঁটার আছে এক লাইন অন্তর সেই দুই কাঁটারই একে বারে শেষদিকের দুইটা ঘর একসঙ্গে সোজা বুনিতে হইবে। এইরূপে বুনাইলে পর মোজার উণ্টা দিকে অন্য মোজারও যেরূপে মুখ বন্ধ করিতে হয় এই মোজারও সেইরূপেই করিতে হয়।

এখন ৩৫ ও ৩৬ বার বুনতে মোজার যে ফাঁক ফাঁক ঘর হইয়াছে সেই ঘরের ভিতর দিয়া যে

যে পশম দিয়া মোজা বুনাইয়াছে সেই সেই পশম একত্রে পাকাইয়া ছবিতে যেরূপ দেখিতেছ সেইরূপ করিয়া দিয়া তাহার দুই ধারে ছইটা পশমের খোপ করিয়া দিতে হইবে। এই খোপও যে যে পশমের মোজা সেই সেই পশম দিয়া করিতে হইবে।



সখা।

গতবারের উত্তর।

১।—নোনা (No=না)।

২।—মরণ।

৩।—বর—গোবর।

৪।—মেঘ।

৫।—শিশু।

নূতন।

১। ভট্টাচার্য্যগণ মোরে বলেন বানর,
স্বীজাতির মোরে কিন্তু করেন আদর।

পুষ্প কভু পত্র কভু যন্ত্র রূপ ধরি,

আমার নিকটে কিছু নাহি রয় ভাঙ্গি।

২। কোন নিরাকার ফুল সাকার হইলে
পোষাক হয়?



এপ্রেল, ১৮৮৫।

ঠাকুরদাদার গল্প।

শিশির।

কয়েক দিন পরে বালকগণ


আবার একত্র হইয়া ঠাকুর

দাদার নিকট উপস্থিত হইল;—

ইচ্ছা বেড়াইতে গিয়া কোন

বিষয়ে কিছু নূতন শিক্ষা

করিবে। নবীন বাবুও প্রস্তুত;



সন্তুষ্ট মনে সকলকে সঙ্গে লইয়া মাঠে বেড়াইতে

গেলেন। আজ কি বিষয়ে কথা হইবে? নবীন

বাবু সকলকে জিজ্ঞাসা করিলেন “বায়ুতে যে

সব জলকণা সাগর, হ্রদ, নদ, নদী, প্রভৃতি জলা-

শয় হইতে উঠিয়া অদৃশ্য বাষ্পাকারে থাকে,

তাহাদের সম্বন্ধে কি কি বলা হইয়াছে? কোন

কোন আকারে তাহাদিগকে দেখা যায়, মনে

আছে কি?” সকলেই উৎসাহের সহিত বলিয়া

উঠিল “হাঁ, আছে বৈ কি? কুয়াশা, মেঘ, বৃষ্টি,

বাকী আছে? সকলে চুপ করিয়া ভাবিতে

লাগিল। মোহিতকৃষ্ণ চুপি চুপি গণেশকে বলিল

“কেন? শিশিরের কথা ত বলা হয় নি?” চারু

ও কিশোরী হাস্য করিয়া বলিল “ছি মোহিত!

তুমি দাদা বাবুকে লজ্জা কর? তাহ'লে শিখিতে

পারিবে কেন? তাহার কাছে শিক্ষা করিব,

তাহাকে কি লজ্জা করিলে হয়? তুমি ত বড়

নির্কোষ!” নবীন বাবু সকলকে শাস্ত করিয়া

বলিলেন “লজ্জা ও বিনীত ভাব একটু থাকা

ভাল বটে, তবে কোনও বিষয়েই অধিক হওয়া

উচিত নহে। সে যাহা হউক, অদ্য শিশিরের

কথাই বলিব। হিম রাত্রে পড়ে, পাতা, ঘাস এই

সকলেতেই বেশী পড়ে, গোলমাল করে না,

ঝড় বহে না, তাই সকলে তাহাকে চিনে

না, জানে না, মনে রাখে না। শিশির প্রতি

শিশিরে ভিজিয়া যায়, তাহাদের মধ্যে মুখে মাকড়সার জাল গুলা যেন রূপার স্তায় প্রস্তুত মনে হয় ;—এমন সময়ে পূর্বদিক রক্তবর্ণ করিয়া সিন্দুর মাখাইয়া যখন সূর্য উঠিতে থাকেন, আর সেই রক্তিম আভা যখন ঐ শিশিরের গায়ে পড়ে—তখন, আহা! তখন যে কি এক চমৎকার শোভা হয়, তাহা বলা যায় না, কেবল দেখিলেই জানা যায়। তবে যে-সে চক্ষে তাহা বুঝা যায় না, হাতুতে খেলতে ছড়ি হাতে করে বাবু-আনা করতে করতে, হতভাগা ছেলেদের মত বেড়ালে সেই অপরূপ শোভা দেখা যায় না। শান্ত ও ভক্তিপূর্ণভাবে, নম্রতা ও বিনয়ের সহিত, গভীর অর্থচ প্রশান্ত, অনন্ত শোভার ভাণ্ডার প্রকৃতির দিকে চাহিলে,—চাহিয়া আশ্চর্যের সহিত নমস্কার করিলে, তবে প্রকৃতি তাঁর সেই গুপ্ত সূন্দর মনো-হর রূপ দেখান। তা সে সকল এখন থাক। শিশিরের শোভার কথা মনে এসে আমায় ভুলাইয়া দিয়াছিল। আমি ঐ সকল দেখিতে বাস্তবিকই পাগল হইয়া যাই। আহা! আহা! !”

আর কথা বাহির হইল না। নবীন বাবুর দুটি চক্ষে দুখোঁটা জল দেখা দিল। অল্পক্ষণ সকলেই গভীরভাবে পূর্ণ হইয়া চুপ করিয়া রহিলেন। তার পর নবীন বাবু বলিতে আরম্ভ করিলেন :—

“বৃষ্টি প্রভৃতি দ্বারা অনেক জলীয় বাষ্প কমিয়া গেলেও বায়ুতে সর্বদাই কিছু পরিমাণে বাষ্প থাকিয়া যায়। আমাদের দেশে প্রায় কখনই এমন সময় আসে না যখন বায়ুতে একটুও বাষ্প থাকে না। হাজার বৃষ্টি হউক, বড় হউক, শিল পড়ুক, খানিকটা বাষ্প বাকী থাকিবেই থাকিবে। ঐ সময়টা খুব কমিয়া যায় বটে, কিন্তু একেবারে বাষ্পহীন কখনই হয় না।” অমূল্য জিজ্ঞাসা করিল “যখন খুব গ্রীষ্মের সময় ভয়ানক আঙনের হলুকার

মত বাতাস বহে তখনও কি উহাতে জলীয় বাষ্প থাকে?”—নবীন বাবু উত্তর করিলেন—“তখনই আরও অন্য সময় অপেক্ষা বেশী থাকে। আমি পূর্বেই বলিয়াছি যে, বায়ু যত শীতল হইবে ততই উহার বাষ্প জল হইয়া পড়িবে, আর যত অধিক গরম হইবে, ততই উহার মধ্যে অধিক পরিমাণে বাষ্প ধরিবে। সে কথা তোমাদের ভুলিয়া যাওয়া উচিত নয়। সেই জন্যই গ্রীষ্মকালে বায়ুতে বেশী বাষ্প মিশিয়া থাকে।”

মন্মথ :—“সে কি রকম হবে? তাহলে ত ঠাণ্ডা লাগিত?”

নবীন বাবু :—“না, তা হবে কেন? জল হলেই কি ঠাণ্ডা হয়? গরম জল কি ঠাণ্ডা? তা যদি না হয় তবে গরম বাষ্প ঠাণ্ডা হবে কেন? বায়ু যখন গরম হয়, তখন তাহার বাষ্পও গরম হয়, কাজেই ঠাণ্ডা লাগে না। বুঝিলে? (সকলে “হাঁ”।) আবার আর একটা কথা বলিয়া রাখি; তোমরা যে মনে কর শীতকালে বায়ুতে খুব বেশী বাষ্প থাকে, তা ঠিক নয়, বড় ভুল। বরং শীতকালেই বায়ু সর্বাপেক্ষা বাষ্পহীন হয়। সে সময়ে বায়ু উত্তর দিক হইতে আসে। সে দিকে নাগর নাই কাজেই বাষ্প আনিবার সম্ভাবনা নাই। আর শীতকালে বাতাস শীতল, এজন্য উহার বাষ্প সবই প্রায় জমিয়া জল হইয়া যায়, কাজেই সে সময়ে বায়ুতে বেশী বাষ্প দাঁড়াইতে পায় না। আর কখন মনে করিও না যে শীতল হইলেই বাষ্প অধিক থাকে। বরং ঠিক তাহারই বিপরীত। গরম বাতাসে বাষ্প বেশী থাকে, ঠাণ্ডা বাতাসে বেশী বাষ্প থাকিতে পারে না, জল হইয়া যায়।”

কিশোরী—“কি আশ্চর্য্য! আমরা কি ভুলই ভাবিয়া রাখিয়াছিলাম! আজ বেশ শিক্ষা হইল।

আরও চাই, বলুন দাদাবাবু! শিশির তবে শীতকালেই বেশী পড়ে কেন? বাষ্পই যদি শীতকালের বায়ুতে কম রহিল আর গ্রীষ্মকালে বেশী রহিল, তবে গ্রীষ্মকালে শিশিরের নামগন্ধও নাই আর শীতকালেই বা এত শিশির কোথা হইতে পড়ে? এ ভারী আশ্চর্য্য মনে হচ্ছে। ভাল করিয়া বুঝাইয়া দিন না?”

মন্মথ, অমূল্য, গণেশ, চারু, নগেন, চন্দ্র, দেবন—সকলে একেবারে গোল করিয়া বলিয়া উঠিল—“আমরাও ঐ কথা জিজ্ঞাসা করিতেছিলাম, কিশোরী আমাদের সকলেরই কথা বলিয়াছে। এখন বলুন, শুনি।”

ছেলেদের এ বিষয়ে বিশেষ আগ্রহ ও এরূপ উৎসাহ দেখিয়া নবীনবাবু মহা খুসী হইয়া বলিতে লাগিলেন—“আর সব কথাই সহজ। বৃষ্টিরও যে নিয়ম, শিশিরেরও তাই। বাষ্প হইয়া বাতাসে মিশিয়া আছে, দেখা যাইতেছে না, হঠাৎ যে কোন কারণে যেই শীতল হইল, অমনি জল হইয়া দেখা দিল। এখন দেখ শীতকালেও বায়ুতে কিছু বাষ্প থাকে, তার উপর আবার দিনের বেলায় সূর্য যে উত্তাপ দিতে থাকেন, তদ্বারা জলাশয় সমূহ হইতে অনেক বাষ্প উঠে। এইরূপে নক্ষ্যার সময়ে বা কিছু পূর্বে বায়ুতে অনেক পরিমাণে বাষ্প জমা হয়। অন্য সময় হইলে উহা বাষ্প হইয়াই থাকিয়া যাইত, কিন্তু তাহা আর হইতে পাইল না। কারণ বায়ু শীতল হইয়া যায় আর ঐ বাষ্প প্রায় সবই জল হইয়া পড়ে। সূর্য যতক্ষণ থাকে, ততক্ষণ সকল বস্তুই গরম হয়, জলও গরম হয়, হইয়া বাষ্প হইয়া উপরে উঠে, বায়ুতে মিশে যায়। এই কারণে আবার শীতল হয়, তখন আর বাষ্প ধরিয়া রাখিতে পারে না। শীতল হইয়া জল হইয়া যায়। এই জলকে শিশির পড়া বলে।

“এই সময়ে গরম হওয়া সম্বন্ধে দু'একটা নূতন কথা বলিয়া দিই মন দিয়া শুনিবে। বড় শক্ত কথা এগুলি, খুব মন দাও। যত বস্তু আছে সকলে-রই “তাপ-গ্রাহিতা” শক্তি আছে অর্থাৎ সকল দ্রব্যই তাপ দিলে উত্তপ্ত হয়, তার মধ্যে খানিকটা গরম প্রবেশ করে। তাপ যে কি, তাহা এখন বলিব না, তবে মোটামুটি এই জানিয়া রাখ যে সব জিনিষ তাপ দিলে গরম হয়। কোন বস্তু অনেক তাপ দিলে তবে গরম হয় আবার অন্য কোন বস্তু তাপ দিলেই শীত গরম হয়। মনে কর যেমন লৌহ প্রভৃতি ধাতু গুলি শীত তাতিয়া উঠে, জল তত শীত গরম হয় না। এখন বেশ বুঝিলে? সব জিনিষের তাপ-গ্রাহিতা শক্তি সমান নয়। এই গেল একটা কথা। আর একটা কথা এই যে সকল জিনিষেরই তাপ ছড়াইবার শক্তি আছে, অর্থাৎ কোন জিনিষ যদি গরম হয় তবে সেই তাপ সে সর্বদাই চারি দিকে ছড়াইতে থাকে; নিরত, একটুও থামে না। ইহার নাম “বিকীরণ” শক্তি। এই শক্তি আছে বলিয়াই আমরা সূর্য হইতে উত্তাপ পাই, অগ্নি হইতে গরম পাই এবং গরম বস্তু হইতে গরম পাই। আর বাস্তবিকই এই শক্তি আগে তার পর তাপ-গ্রাহিতা শক্তি। কেননা বিকীরণ না হইলে তাপ পাইব কোথায় যে গ্রহণ করিব? বুঝিতেই পারিতেছ? (সকলে—“বেশ”) এই বিকীরণ অর্থাৎ তাপ ছড়াইবার শক্তি প্রত্যেক বস্তুরই আছে। তবে এখন আর একটা কথা বলি দেটা এই যে যে বস্তুর তাপ-গ্রাহিতা শক্তি যে পরিমাণে অধিক তাহার বিকীরণ শক্তিও সেই পরিমাণে অধিক। অর্থাৎ যে বস্তু যত শীত উত্তপ্ত হয় সে বস্তু তত শীত আবার শীতলও হইয়া পড়ে। লৌহ যেমন শীত গরম হয়, আবার তেমনি শীত ঠাণ্ডা হইয়া যায়। একথা তোমরা অনেকেই জান।

কড়াতে দুধ জ্বাল দেওয়া হইলে দেখিতে পার ; ঐ দুধটা আর একটা পাত্রে ঢালিয়া কড়াটা খালি করিয়া রাখ, শীতল হইলে দেখিবে কড়া শীতল হইয়া গিয়াছে, কিন্তু দুধটা তখনও যেন আঙুন। আবার গরম হবার সময়ে কড়ার আংটা হুটীতে যখন হাত দেওয়া যায় না এমনি গরম, দুধ গরম হইবার তখনও অনেক বিলম্ব। এ তোমরা আজই বাড়ী গিয়া পরীক্ষা করিয়া দেখিও। অর্থাৎ লোহার কড়া যত শীতল গরম হয় তত শীতল আবার শীতলও হয়, তাপ ছড়াইয়া বাহির করিয়া দিয়া ঠাণ্ডা হইয়া পড়ে। কিন্তু দুধ কম তাপ-গ্রাহিতা শক্তির জন্য গরম হইতে দেরী লাগে, আবার তেমনি জুড়াইতেও বিলম্ব হয় ; এই তিনটি কথা মনে রাখিবে। আর একটা কথা আছে— যখনই তাপ গ্রহণ করে সেই সময়েই আবার তাপ বিকীরণও করে। অর্থাৎ সকল বস্তু সকল সময়েই তাপ গ্রহণ ও বিকীরণ করিতেছে। তবে যার বিকীরণ অপেক্ষা গ্রহণ বেশী হয় সে জিনিষটা গরম হয়, আর যার গ্রহণ অপেক্ষা বিকীরণ বেশী সেটা ঠাণ্ডা হয়। ঐ কড়ার দৃষ্টান্তই ধর। উহা যতক্ষণ আঙুনের কাছে থেকে তাপ গ্রহণ করিতেছিল, ততক্ষণ কি কেবল গ্রহণ করিতেছিল, বিকীরণ কার্য কি তখন বন্ধ ছিল? তা নয়, বিকীরণ ও করিতেছিল। তা না হলে তাহার নিকটে হাত নইয়া গেলে গরম ঠেকিত না। (সকলে—“ঠিক”) বেশ, হুটী কাজ এক সঙ্গে চলিতেছিল। কিন্তু বিকীরণ অপেক্ষা গ্রহণ অধিক করিতেছিল এজন্য তখন কড়া গরম বোধ হইল। আবার যখন নামাইয়া হাওয়ায় রাখা গেল, তখন কি কেবল বিকীরণ হইতেছিল, তাপ গ্রহণ করিতেছিল না? তা নয়। তবে তখন বিকীরণই প্রবল, এজন্য ঠাণ্ডা হইয়া গেল। বুঝিলে? আচ্ছা বল দেখি মোহিত! চারিটা কথা কি?”

মোহিত :—“১ম, সব জিনিষের তাপ গ্রহণ করিয়া গরম হইবার শক্তি আছে, উহার নাম তাপ-গ্রাহিতা শক্তি। ২য়, সব জিনিষেরই আবার তাপ ছড়াইয়া শীতল হইবার শক্তি আছে, উহার নাম তাপ-বিকীরণ শক্তি। ৩য়, যে বস্তুর তাপ-গ্রাহিতা শক্তি যত প্রবল, অর্থাৎ যাহা শীতল গরম হয়, তাহার বিকীরণ শক্তিও তত প্রবল অর্থাৎ তাহা শীতল আবার শীতলও হয়। ঠিক রাগের মত। কতকগুলো লোক শীতল ঝাঁক'রে বেগে যায়, আবার ঝাঁক'রে রাগ প'ড়ে ও যায় ; কিন্তু যাদের রাগ শীতল হয় না, তাদের যদি রাগ হয় ত আর শীতল পড়ে না। তেমনি যে বস্তুর তাপ-গ্রাহিতা শক্তি কম, গরম হইতে দেরী হয়, তাহার বিকীরণ শক্তিও কম, উহা শীতল হইতেও দেরী হয়। ৪র্থ, প্রত্যেক বস্তুই এক সময়ে তাপ গ্রহণ এবং বিকীরণ দুইই করে, তবে যাহা অধিক হয় তাহাই প্রকাশ পায় ; যদি বিকীরণ অপেক্ষা তাপ গ্রহণ করে বেশী তবে উহা গরম হয়, নহিলে যদি গ্রহণের চেয়ে বিকীরণ বেশী হয় তবে শীতল বোধ হয়। অর্থাৎ ৫০ ভাগ তাপ গ্রহণ করিয়া যদি কোন বস্তু ১০ ভাগ মাত্র বিকীরণ করে তবে উহাতে ৪০ ভাগ তাপ থাকে তাই গরম দেখি কিন্তু তলে তলে যে দশ ভাগ বিকীরণ হইয়া গেল তাহা আর বুঝিতে পারি না এই রকম। নয় কি?”

নবীন বাবু আশ্চর্য হইয়া বলিলেন :— “মোহিত বেশ সুন্দর বুঝাইয়া দিল ত? তোমরা বলিতেছিলে মোহিত লাজুক। এই দেখ সে তোমাদের চেয়ে ভাল ছেলে। কেমন মন দিয়া শুনিয়াছে, কেমন দৃষ্টান্ত হুটী দিয়া বুঝাইয়া দিল। বেশ মোহিত! সে যাক। এখন তোমরা সকলেই এই কয়েকটা কথা যদি মনে না রাখিতে পার তাহা হইলে আর শিশির পতনের কথা বুঝিতে

পারিবে না, বেশ মন দিয়া কথা কয়টা ‘সখা’তে পড়িবে, আরও ভাবিবে, লোকের সঙ্গে এই বিষয় লইয়া আলাপ করিবে ও কথা বার্তা কহিবে; তার পর বুঝিতে পারিয়া স্মরণ করিয়া রাখিবে। আজ এই পর্যন্ত থাকুক। আর এক দিন বাকী সমস্ত কথা বলিব। শিশিরের কথা এক দিনে শেষ হইবে না। আজ রাত্রি হইল বাড়ী যাই চল।”

সকলে আশ্চর্য ও নূতন কথা শিখিলেন বলিয়া আনন্দ করিতে করিতে ও কৃতজ্ঞতার সহিত ঠাকুর দাদার মুখের দিকে চাহিতে চাহিতে বাড়ী ফিরিয়া চলিলেন।



শেয়ালের গল্প।



বুকের মধ্যে নাসিত যেমন, পাখীর মধ্যে কাক যেমন, দেবতাদের মধ্যে নারদমুনি ঠাকুর যেমন ছিলেন, লোকে বলে জানোয়ারদের মধ্যে শেয়াল তেমন। শেয়াল পণ্ডিত ; সে কালে তাহার কত প্রতাপই ছিল। কুমীরের সাত ছেলে ; শুনিয়াছি সব গুলিকে না কি শেয়ালের নিকট পড়াইতে দেওয়া হইয়াছিল। শেয়াল-পণ্ডিতও স্বীকৃত সঙ্গী করিয়া সাত দিনে সাত-টার সদগতি করিয়াছিল। তারপর কি হইল সকলেই জানে। কিন্তু পাণ্ডিত্য সম্বন্ধে এখন আর শেয়ালের সে দিন নাই। ইহুতে যত মাষ্টারি

খালি হয়, একটা শেয়ালকেও তাহাতে দরখাস্ত পাঠাইতে শুনি না। কত জায়গায় কত শত্রু মোকদ্দমা উপস্থিত হয়, এখন আর তাহার মীমাংসার জন্য শেয়ালের কাছে যাওয়া হয় না। তবুও শেয়ালের যাহা আছে তাহাতে নাম রক্ষার কাজ চলে।

শুনিয়াছি শেয়াল কুকুরের জাতি। হইতেও পারে ; নহিলে তাহাদের মধ্যে এত শত্রুতা কেন? তা ছাড়া অনেক সময় কুকুর ঠিক শেয়ালের মতন ডাকিতে পারে ; শেয়াল ও মাঝে মাঝে কুকুরের ভাষায় আলাপ করিয়া থাকে। শেয়ালের ডাক সম্বন্ধে অনেকে অনেক কথা কহিয়া থাকেন। অনেকে ঐ ডাকের অর্থ বেশ বুঝিতে পারেন। আমি বহু অল্পসম্মানে তিন প্রকারের ব্যাখ্যা সংগ্রহ করিয়াছি:—

১। প্রথম শেয়ালের পায় কাঁটা ফুটল। সে কাঁদিল—“উঃ! আ!” দূর হইতে অন্য শেয়াল জিজ্ঞাসা করিল “ক্যা হুয়া?” গোল মাল শুনিয়া অন্যেরা জিজ্ঞাসা করিতে লাগিল “ক্যা-ক্যা-ক্যা-ক্যা হুয়া?” তার পর সকলে মিলিয়া কতক্ষণ “আহা” “আহা” করিল ; শেষে আহত শেয়ালকে এই বলিয়া সান্ত্বনা করিল যে “হুয়া তো হুয়া!”

২। প্রথম শেয়াল বলিল “আরে ওয়া? হা হা-হা!” দ্বিতীয় শেয়াল জিজ্ঞাসা করিল “ক্যা হুয়া” উত্তর হইল “মৈ রাজা হুয়া”; শুনিয়া সকলে মিলিয়া আনন্দ প্রকাশ করিতে লাগিল “আচ্ছা হুয়া!” “আচ্ছা হুয়া!”

৩। শেয়াল অন্য জন্মে তামাক খোর ছিল। অধুনা সে সুখ হইতে বঞ্চিত হইয়া ভয়ানক কষ্ট পাইতেছে। তাই প্রহরে প্রহরে সেই হুকো যন্ত্রের কথা তাহার মনে হয় ; আর বেচারার ঘন ঘন ‘হুকো’ ‘হুকো’ শব্দ উচ্চারণ পূর্বক মনের অভাব জানায়।

প্রতি প্রহরেই শেয়াল ডাকে তাহাতেই তাহাকে যামঘোষ উপাধি প্রদান করা হইয়াছে। শেয়ালের ডাক শুনিয়া এক রাজার মনে বড়ই কষ্ট হইল; তিনি মন্ত্রীকে জিজ্ঞাসা করিলেন “মন্ত্রী ওরা কি চায়?” মন্ত্রী বলিলেন “বড় খিদে পেয়েছে কিছু খাবার চায়।” অমনি হুকুম হইল ১০০০০ টাকার সন্দেশ কিনিয়া ওদের বাড়ী পাঠাইয়া দাও; ধৃত্ত মন্ত্রীর দশহাজার টাকা লাভ হইল। এক প্রহর পরে আবার শেয়াল ডাকিল। “এবারে কি চায়?” “বড় শীত, গরম কাপড় চায়।” হুকুম হইল লক্ষ টাকার বনাত কিনিয়া দাও। এক প্রহর পরে আবার শেয়াল ডাকিল। “এখন কি চায়?” “বড় মশা, মশারি চায়।” আরো লক্ষ টাকা মঞ্জুর। আবার এক প্রহর পরে শেয়াল ডাকিল “এবারে কি চায়?” “এবারে কিছু চায় না, মহারাজকে আশীর্বাদ করে।” অমনি রাজা মহা সন্তুষ্ট হইয়া কোটি টাকা মূল্যের শাল মন্ত্রীকে দিয়া ফেলিলেন।

শেয়ালের একটা দুর্বলতা আছে। এক শেয়াল ডাকিলে আর গুলি চূপ করিয়া থাকিতে পারে না। আমার কোন বন্ধুর বাড়ীতে একটা শেয়াল খাবার খুঁজিতে আসিয়াছিল। স্বাভাবিক ধৃত্ততার সাহায্যে কেহ দেখিতে পাইবার পূর্বেই সে একটা ঘরের ভিতর যাইয়া মাচার নীচে আশ্রয় গ্রহণ করিল। সেখানে কতক্ষণ ছিল বলা যায় না, কিন্তু সে সেখানে থাকিতে থাকিতেই জঙ্গলে একটা শেয়াল ডাকিল। অমনি আর কথা নাই, বেচারী দেশ কাল সব ভুলিয়া গিয়া সেই ঘরের ভিতর হইতেই “ক্যা হ্যা” “ক্যা হ্যা” প্রশ্ন করিতে আরম্ভ করিল। প্রশ্নের উত্তর আর জঙ্গল হইতে শুনিতে হইল না। বাড়ীর লোকেরা আসিয়াই সে বিষয়ে তাহার জ্ঞান পরিষ্কার করিয়া দিল।

শেয়ালের ধৃত্ততা সন্দেশে সকলেই কিছু কিছু জানেন। আমাদের একজন চাকর একবার একটা শেয়ালকে লক্ষ্য করিয়া ইট ছুড়িয়াছিল। দৈবাৎ ইটটা শেয়ালের কপালে লাগিল। লাগিবামাত্রই শেয়াল ‘হিক্’ শব্দ করিয়া মাটিতে পড়িয়া গেল। শেয়াল মরিয়াছে শুনিয়া সকলেরই আনন্দ। তাহাকে টানিয়া ওঠানে আনিয়া সকলে বৃত্তাকারে তাহার চারিদিকে দাঁড়াইলেন। অনেক মন্তব্য প্রকাশের পর একজন বলিলেন “আমার নন্দেহ হয়, এটা মরে নি।” এ বিষয়ে কিঞ্চিৎ তর্ক বিতর্ক হইল, তারপর একজন বলিলেন “অত কথায় কাজ কি, একটা লাঠি এনে ছুঁয়া মেরে সন্দেহ দূর করে দাও না?” এই বলিয়া তিনি লাঠি আনিতে চলিলেন। তিনি চলিয়া যাওয়াতে সে একটুকু ফাঁক হইয়াছিল, শেয়ালটাও সময় বুঝিয়া সেই ধান দিয়া চম্পট করিল।

এক পাত্রী সাহেব পাড়া গাঁয়ে থাকিতেন। সেখানে শেয়ালের বড় অত্যাচার; তাহার সবগুলি মুরগী খাইয়া ফেলিত। সাহেব উপায়ান্তর না দেখিয়া খুব শক্ত একটা কাঠের ঘর করিলেন, তাহার ভিতরে মুরগী রাখিয়া দরজা বন্ধ করিয়া রাখা হইত। একদিন সাহেবের চাকরাণী মুরগীর ঘরে যাইয়া দেখে, যে একটা শেয়াল ঘরের ভিতর আসিয়া প্রায় সবগুলি মুরগী মারিয়া ফেলিয়াছে। কেবল কয়েকটা মাত্র প্রাণভয়ে উপরে আসিয়া গিয়াছে। সে গুলিকেও উদরসাৎ করিবার জন্য চেষ্টায় আছে। চাকরাণীকে দেখিয়াই ধৃত্ত শেয়াল মৃতপ্রায় হইয়া রহিল। সাহেব আসিয়া শেয়ালকে মৃতপ্রায় দেখিলেন এবং তাহার একটু আফ্লাদের বিষয় এই হইল যে খাইতে খাইতে পেট ফাঁপিয়া শেয়ালটাও মরিয়া গিয়াছে। এখন তাহার প্রেতাচার উদ্দেশে ইচ্ছামত গালিবর্ষণ করিয়া



তাহাকে অনেক দূরে মাঠে ফেলিয়া দিয়া আসা একবার পশ্চাৎ ফিরিয়া দেখেন যে শেয়ালটা হইল। যিনি ফেলিয়া দিতে গিয়াছিলেন তিনি দৌড়িয়া পলাইতেছে!

সংকেত ।

৩৭



মার মনের ভাব উপরের তিনটি কথায় হয়তো অনেকে স্পষ্ট বুঝিতে পারিতেছেন না। মুখে কথা না বলিয়া অন্য কোন চিহ্ন বিশেষ দ্বারা মনের ভাব প্রকাশ করার নাম সংকেত—অর্থাৎ

আমি এ প্রস্তাবে যতবার সংকেত কথাটা ব্যবহার করিব ততবারই ঐরূপ বুঝিতে হইবে।

কোন না কোন আকারে সংকেত সকল স্থানেই প্রচলিত আছে। আমরা দিনের মধ্যে কতবার সংকেতের আশ্রয় গ্রহণ করিয়া থাকি! বন্ধু আসিয়া একটা কিছু করিতে অনুরোধ করিলেন, তুমি মাথা নাড়িলে; আমি তোমার উপর চুটিয়া গিয়া ভয় প্রদর্শন করিলাম, তুমি মুখে কিছু না বলিয়া অঙ্গুলি বিশেষ উন্নত করতঃ আমাকে হইমানের খাদ্য খাইতে বলিলে; ইত্যাদি, আর কত বলিব। এ সকলই সংকেত। এই প্রকারের সংকেত সকলোই কিছু কিছু ব্যবহার করিয়া থাকেন।

ইংলণ্ডে বোবা এবং কানার এইরূপ সংকেতের সাহায্যে মনের ভাব প্রকাশ করিয়া থাকে। হাতের এক এক প্রকার ভঙ্গি করিয়া তাহার ইংরাজি বর্ণমালার এক একটা অক্ষর বুঝায়। অক্ষর হইলে আর শব্দ রচনা শক্ত থাকে না। আমাদের দেশেও আছে।

“অহি, কুস্ত, চক্র, টঙ্কার, তরল, পবন, যাতা।” হস্ত থাকিতে কেন মুখে কথা বলি। অর্থাৎ

সাপের ফণার মত করিয়া হাত খুলিলেই একটা স্বরবর্ণ বুঝাইবে। এক হাতের মুষ্টির উপর আর এক হাতের মুষ্টি রাখিয়া কুস্তের অঙ্কন (III) করিলেই ক বর্ণের একটা অক্ষর বুঝাইবে। হাত ঘুরাইয়া চক্র, বাতাসে টোকা দিয়া টঙ্কার, হাতে বাতাসে চেউ তুলিতে চেষ্টা করিয়া তরল, পাখার কার্খা হাতে করিয়া পবন, ও হাতে হাতে চাপিয়া যাতা করিলে, আর চবর্গ, টবর্গ, তবর্গ, পবর্গ, যবর্গ (য, র, ল, ব, শ, ষ, স, হ, ক্ষ ইত্যাদি) সকলই ক্রমান্বয়ে হইতে লাগিল।

স্বরবর্ণ বলিয়া পাঁচ আঙ্গুল দেখাইলে পঞ্চম স্বরবর্ণ (উ) বুঝাইল, পবর্গ বলিয়া ও আঙ্গুল দেখাইলে আর পবর্গের তৃতীয় বর্ণ (ব) বুঝাইল। ইত্যাদি। একটা শব্দ শেষ হইয়াছে ইহা বুঝাইতে হইলে হাততালি দিতে হয়। স্মৃতরাং প্রত্যেক শব্দের শেষ-হাত তালি পড়িবে।

প্রচলিত টেলিগ্রাফের অধিকাংশই সাংকেতিক। জাহাজের লোকেরা নানা প্রকারের নিশান ব্যবহার করিয়া সাংকেতিক আলাপ করিয়া থাকে। কখনও বা একটা মাত্র নিশান হাতে লইয়া, তাহাকে নানা প্রকারে লাড়িয়া সংকেত করা হয়। কখন মাথার টুপী হাতে করিয়া তদ্বারা সংকেত করা হয়। আরো এত প্রকারে সংকেত করা হয় যে কি বলিব। কোন সময় এত দূরের লোককে সংকেত হয় যে এ সকল কিছুই তত দূর হইতে দেখা যায় না। তখন খুব উচ্চ জায়গায় ঘর করিয়া তাহার একটা দিক কেবল খড়খড়ি দ্বারা বন্ধ করা হয়। ঘরের ভিতরে আলো থাকে। খড়খড়ি খুলিলে সেই আলো অনেক দূর হইতে দেখা যায়। খড়খড়ি খুলিয়া কিছুকাল পর বন্ধ করিলে এক প্রকার সংকেত বুঝায়, আর খুলিয়া অমনি বন্ধ করিলে অন্য প্রকারের সংকেত বুঝায় এই দুই


মনোহর ছবি ।



শীলা এগার বৎসরের বালিকা, তাহার দাদার নাম প্রিয়নাথ, বয়স চৌদ্দ বৎসর। দুই ভাই বোনে এত ভাব যে কেহ কাহাকেও

অধিকক্ষণ না দেখিয়া থাকিতে পারিত না। প্রিয়নাথ কিছু খাবার পাইলে আগে স্মীলাকে তাহার অর্ধেক দিয়া অপর অর্ধেক আপনি খাইত; স্মীলাও কিছু পাইলে দাদাকে না দিয়া খাইলে সুখ পাইত না। সকাল বেলা বিছানা হইতে উঠিয়া যখন দুই ভাই বোনে এক সঙ্গে বসিয়া এক মনে পড়াশুনা করিত তখন তাহাদিগকে দেখিলে সকলেরই চক্ষু শীতল হইত। প্রসন্ন বাবু যখন পাড়ায় ও গ্রামে সকলের মুখে আপন ছেলে মেয়ের গুণের কথা শুনিতেন তখন তাহার আঙ্গাাদের পরিসীমা থাকিত না।



একদিন বিদ্যালয় হইতে বাড়ী আসিয়া প্রিয়নাথ কোথাও স্মীলাকে দেখিতে পাইল না। খুঁজিয়া খুঁজিয়া দেখে স্মীলা তাহাদের ছোট বাগানে একটা বড় কামিনী ফুলের গাছের তলায় বসিয়া রাখিয়াছে। স্মীলা তাহার ছোট ছোট হুখানি হাত জোড় করিয়া সজল নয়নে উপরদিকে চাহিয়া কি বলিতেছে। আজ তাহার কিসের দুঃখ যে সে এত কাঁদিতেছে? কেহ কি তাহাকে ধমকাইয়াছে বলিয়া স্মীলার অভিমান হইয়াছে? স্মীলার মত শাস্ত্র ও ধীর মেয়েকে কি কেহ বকিতে পারে? সে যে ভুলিয়াও কোন অন্যায় করিতে জানে না। তাহার সেই কাঁদ কাঁদ নয়ন



ছুটি, সেই কোমল ও সরল মুখখানি দেখিলে আজ কাহার প্রাণ না গলিয়া যায়? প্রিয়নাথ স্মৃশীলার ছুটি একটি কথাও শুনিতে পাইল। সে কাতর ভাবে কাঁদিতে কাঁদিতে বলিতেছে “হরি! শুনেছি তুমি বড় দয়াবান, দয়া করিয়া আমার পিতা মাতা ও ভ্রাতাকে সুখে রাখ, আমার বড় ভয় হয়, পাছে তাঁদের কাহারো অসুখ হয়, কাল থেকে মার যে মাথা ধরেছে, কি হবে ঠাকুর? তুমি ভাল করে দাও। তোমার দয়াই সব সুখ দিতে পারে। দয়া করে সকলকে ভাল রাখ।”

শুনিয়া প্রিয়নাথের মুখে কোন কথা বাহির হইল না, সে দেখিল স্মৃশীলার ন্যায় গুণের ভগ্নী সকলেই নাই। তাহার কাছে দাঁড়াইয়া তাহার মন যেন পবিত্র হইল, সে ভাবিল “এই বন্ধি সর্গ! আমি কখনও এত আনন্দ পাই নাই, স্মৃশীলার কাছে দাঁড়াইয়া আমার এত আনন্দ হইতেছে, না জানি ইহার মত ভক্তিভরে ঈশ্বরকে ডাকিতে পারিলে কত সুখ ও আনন্দ হয়।” ধন্য স্মৃশীলা, তোমাকে কেহ না শিখাইলেও তুমি আপনাপনি পরমেশ্বরকে ডাকিতে শিখিয়াছ। সেই দিন হইতে তাহারা দুই ভাই ভগিনী প্রতিদিন সন্ধ্যাকালে সকল কায ত্যাগ করিয়া পরমেশ্বরকে কায়মনে ডাকিত। সেই দিন হইতে তাহারা দুই জনে কোন কষ্ট পাইলে পরম পিতাব নিকট তাহা নিবেদন করিত। কিছুদিন পরে প্রিয়নাথের বড় পীড়া হইল, প্রিয়নাথ আর উঠিতে পারে না, আপনি খাইতে পারে না, এমন কি তাহার কথা কহিবার শক্তিও রহিল না। স্মৃশীলা ভ্রাতার এই দশা দেখিয়া অত্যন্ত শোকাকুল হইল। কিন্তু দুঃখে পড়িয়াও দাদার সেবা করিতে বিরত হইল না। তাহার আহার নাই, নিদ্রা নাই; যখনই দেখ, স্মৃশীলা দাদার কাছে বসিয়া সেবা করিতেছে, রাত্রি

জাগিয়া দাদাকে ঔষধ খাওয়াইতেছে। বারণ করিলেও সে রাত্রি জাগিতে ক্ষান্ত হইল না। ক্রমে ক্রমে প্রিয়নাথ আরোগ্য লাভ করিল বটে কিন্তু অত খাটয়া ও অত্যাচার করিয়া স্মৃশীলা নিজে পীড়িত হইয়া পড়িল, পীড়িত হইয়াও সে এক দিনের জন্য ঈশ্বরকে ডাকিতে বিরত হইল না। যখন সুস্থ ছিল, তখনও তাহার যেমন হাসি মুখ ছিল ঘোর অসুখের মধ্যে পড়িয়াও সেই সুন্দর ভাব নষ্ট হইল না। এত ক্রেশ যেন তাহার নিকট কোন ক্রেশ বলিয়াই বোধ হইত না। দেখিতে দেখিতে বালিকার অস্তিমকাল উপস্থিত হইল। বালিকাকে দেখিবার জন্য গ্রামের সকলেই একত্র হইলেন, তাহার সেই দশা দেখিয়া সকলেই কান্দিতে লাগিলেন। দাদাকে বাঁচাইতে পারিয়াছি এই ভাবিয়া মৃত্যু সময়েও স্মৃশীলার মুখে আনন্দ দেখা গেল। ধন্য স্মৃশীলা! আমরা তোমার ন্যায় বালিকা দেখি নাই। এমন বালিকাকে কাহার না ভাল বাসিতে ইচ্ছা হয়। এমন মনোহর ছবি ঘরে থাকে কাহার না সাধ হয়।



কাটামুণ্ডু কথা কয়।

একদিন বৈকালে কলুটোলা ষ্ট্রীট দিয়া বেড়াইতে যাইতেছি—দেখিলাম একটি বাড়ীর পাশের ছোট একটি একতলা ঘরের ছুরারে একজন মুসলমান বসিয়া বণ্টা বাজাইতেছে এবং বেলিতেছে ‘কাটা মুণ্ডু কথা’ কয়, দেখে যাও, এক

পয়সা’। শুনিয়া সেই স্থানে একটু দাঁড়াইয়া আছি এমন সময় একজন আপীষ ফেরতা বাবু ঘরের ছুরারের পর্দার আড়াল হইতে বাহির হইলেন। আমি তাঁহাকে ব্যগ্রভাবে জিজ্ঞাসা করিলাম ‘মহাশয়! ব্যাপারটা কি?’ বাবুটা উত্তর করিলেন ‘মহাশয়! অতি আশ্চর্য্য, প্রকৃতই কাটা মুণ্ডুতে কথা বলিতেছে।’ আমি বলিলাম ‘কাটা মাথায় কি প্রকারে কথা কহিবে?’ তিনি বলিলেন ‘বাহা স্বচক্ষে দেখিলাম তাহা কি আবার অবিশ্বাস করিতে হইবে। রক্ত গড়িয়ে পড়চে, মহাশয়, বলেন কি? আপনার যদি সন্দেহ হয়

তবে একটা পরমা খরচ করে দেখে আসুন।
আমি দরজার লোকটাকে একটা পরমা দিয়া গৃহে
প্রবেশ করিয়া দেখিলাম ঘরটা অত্যন্ত ক্ষুদ্র।
সূর্যের আলোক প্রবেশ করিবার পথ নাই।
কয়েকটা গেলাসের আলোতে ঐ ক্ষুদ্র গৃহটি
কিয়ৎপরিমাণে আলোকিত হইয়াছে। দেখি-
লাম দ্বারের কিছু দূরে একটা সাদা কাপড়ের
পর্দা দ্বারা ঘরটা ছোট বড় ছুই কামরায় বিভক্ত
হইয়াছে। ঐ পর্দাটা মেজে হইতে অনুমান ছুই
হাত উচ্চ। ঐ পর্দার এক দিকে দর্শকেরা
দাঁড়াইয়া দেখেন; অন্য দিকে মেজেতে একটা
গোল টেবিল রহিয়াছে, তাহার সম্মুখের দিকের
তিনটা পায় ও তাহার উপর একটা কাচের বাল্ল
দেখা যায়। এই কাপড়ের পর্দার দ্বারা ছুইটি
কাজ হয়। প্রথমতঃ কোন দর্শক ঐ টেবিলের
নিকটে যাইতে ও তাহার কোন দ্রব্য স্পর্শ করিতে
পারেন না; দ্বিতীয়তঃ ঘাড় হেঁট করিয়া টেবিলের
নিচু দিয়া টেবিলের পেছন দিককার ঘরের দেওয়াল
দেখা যাইতেছে কি না তাহা দেখা যায় না।

দর্শকেরা উপস্থিত হইলে টেবিলের উপরি-
স্থিত বাল্লটা উঠাইয়া লওয়া হয় এবং তাহার
উপরে একখানা টিনের থালা উপর একটা
রক্তাক্ত নরমুণ্ড দেখা যায়। একজন মুসলমান
প্রশ্ন করিতেছে এবং টেবিলের উপস্থিত
নরমুণ্ড উত্তর দিতেছে। নরমুণ্ডের কথা বাস্তা
শুনিয়া আমার নিশ্চয় বোধ হইল যে ঐ মুণ্ডই
কথা কহিতেছে, অথ কোন লুক্কায়িত স্থান
হইতে কেহ কথা কহিতেছে না। একবার মনে
করিলাম যে টেবিলের উপর এমন কোন শিল্প-
কৌশল আছে যাহার মধ্যে শরীরটা লুক্কায়িত
রহিয়াছে; কিন্তু বিশেষ লক্ষ্য করিয়া দেখি-
লাম সেরূপ কিছুই নাই।

প্রিয় বালক বালিকাগণ! তোমরা কি কাটা
মুণ্ডের কথা বলা দেখিয়াছ? যদি দেখিয়া থাক
তবে তাহা কি প্রকারে হয় তাহা জান কি?
এই বিষয়টা ভাল করিয়া বুঝিলে তোমরা
জানিতে পারিবে যে প্রাকৃতিক বিজ্ঞান
শাস্ত্রের দ্বারা নানা রকম আনন্দ জনক বিষয়
প্রস্তুত হয়।


তোমরা সকলেই দর্পণে আপনাপন মুখ
দেখিয়া থাক। এক খানা কাচের পিছনে
পারা মাখাইলে দর্পণ প্রস্তুত হয়। যতক্ষণ
কাচের পৃষ্ঠে পারা মাখান না যায় ততক্ষণ
তাহার মধ্য দিয়া অপর দিকের পদার্থ সকল
দেখা যায়। কাচের পৃষ্ঠে পারা মাখাইলে আর
তাহার মধ্য দিয়া কোন পদার্থ দেখা যায় না
কিন্তু তাহার সম্মুখে কোন বস্তু ধরিলে তাহার
প্রতিবিম্ব দর্পণের উপরে পড়ে। প্রিয় পাঠক
পাঠিকাগণ! বাজিকরেরা বিজ্ঞানের এই নিয়মটা
লক্ষ্য করিয়া কাটামুণ্ডের দ্বারা কথা বলাইতে
পারে। উপরে যে টেবিলটির কথা বলিয়াছি ঐ
টেবিলের সম্মুখে যে তিনটা পায় আছে তাহা-
দের মধ্যে টেবিলের উপরের তল্লা হইতে নাট
পদান্ত বড় ছুইখানি আয়না বসান আছে। ঐ
আয়নার সম্মুখে যদি কোন পদার্থ থাকে, আয়নার
উপরোক্ত নিয়মামুসারে তাহার প্রতিবিম্ব পতিত
হয় কিন্তু ঐ আয়নার পেছনদিকে পারা মাখান
থাকায় তাহার আড়ালে কোন দ্রব্য থাকিলে
তাহা দেখা যায় না। আয়না ছুখানি এমন
কৌশলে বসান যে একটু দূর হইতে গেলাসের
অল্প আলোকে আয়না যে আছে তাহা বুঝা
যায় না। ঐ আয়না ছুখানি পাশাপাশী সোজা
বসান নহে; যে রকম বাঁকা করিয়া বসান তাহা
উপরের ছবিতে দেখ।

বাজিকরেরা দর্শকদিগের বিভ্রম জন্মাইবার
জন্য মেজেতে ঘান এবং খড় ছড়াইয়া টেবিলের
মধ্যস্থল হইতে প্রত্যেক আয়না যত দূরে আয়নার
ঠিক তদূরে সম্মুখে একটা গোল গেলাসে
আলো দেয়। এইরূপ ছুইখানি আয়নার সম্মুখে
ছুইটি গেলাস থাকায় তাহার প্রত্যেকটির
প্রতিবিম্ব টেবিলের মধ্যস্থলে মেজের উপর
পতিত হয় সুতরাং দর্শক আয়নার সম্মুখেই
দাঁড়াইয়া ঠিক যেন দেখিতে পান যে টেবি-
লটির নিচে ও বাহিরে সমস্ত মেজেতেই ঘাস বিস্তৃত
এবং টেবিলের নিচে একটা আলো জলিতেছে।
গোল গেলাসে আলো দিবার কারণ বুঝিয়াছ
কি? তোমরা যখন দর্পণে মুখ দেখ তখন
দেখিয়া থাকিবে যে তোমার দক্ষিণ হাত ছবির
বাম হাত, তোমার দক্ষিণ চক্ষু ছবির বাম চক্ষু
অর্থাৎ তোমার উণ্টা ছবি আয়নার উপরে
নির্মিত হইয়াছে। কেন এই প্রকার উণ্টা ছবি
হয় তাহা আমরা পরে বুঝাইয়া দিব। গোলা-
কার পদার্থ ভিন্ন আর সকল প্রকার পদার্থেরই
দক্ষিণ বাম নির্দিষ্ট করা যাইতে পারে; কেবল
গোলাকার পদার্থের দক্ষিণ বাম নির্দিষ্ট করা
যাইতে পারে না, কারণ তাহার সকল দিকই
গোল। অন্য আকৃতির আলোক দিলে পাছে
দর্শক সম্পূর্ণরূপে না ঠকেন, কেহ দক্ষিণ বাম
বিবেচনা করিয়া হঠাৎ ধরিয়া ফেলিতে পারেন
এই জন্ত চালাক বাজীকর গোলাকার গেলাস
ব্যবহার করে।

এই প্রকারে দর্শকের দৃষ্টি বিভ্রম ঘটাইয়া
বাজিকর আয়নার পেছনে বসিয়া টেবিলের
উপরিভাগে একটা ছিদ্র দিয়া আপন মস্তক
বাহির করিয়া দেয়। ঐ ছিদ্রের উপর এক-
খানা মাঝখানে কাটা টিনের থালা আছে;

এই থালা খানি মানুষের গলার মাপে গোল
করিয়া কাটা; তাহার ছুই অর্ধ ছুইদিক হইতে
ঠিক জোড়া দিয়া দেওয়া হয় তাহাতে বোধ হয়
যেন আস্ত থালা খানার উপর মুণ্ডটি রহিয়াছে।
পরে কিয়ৎপরিমাণ কৃত্রিম রক্ত আলতা ও
মেজেটা দ্বারা প্রস্তুত করিয়া ঐ থালায় ঢালিয়া
রাখে এবং মুণ্ডের গলদেশে মাখাইয়া দেয়।
ঐ মুণ্ড অর্থাৎ লুক্কায়িত মানুষ কথা কহিতে থাকে!
বোধ হয় যেন কাটা মুণ্ড কথা কহিতেছে। দেখ
দেখ কেমন মশা।

বালক বালিকাগণ! বিজ্ঞান শাস্ত্রে এই
প্রকারের বহুবিধ আনন্দের জিনিষ আছে।
তাহার কতকগুলি আমরা ক্রমশঃ তোমাদিগকে
শিখাইয়া দিব।



প্রাণ কঁটা চাই।

আমাদের একজন বন্ধু সম্প্রতি এক
গ্রামে স্কুল গৃহে রজনীতে শয়ন করিয়া
ছিলেন। রাত্রি অনেক হইয়াছে, স্কুলের ২৩ খানি
বেঞ্চ একত্র করিয়া তাহার উপর শুইয়াছেন।
এজন্য ভাল ঘুম ও হইতেছে না, কাজেই আপন
মনে শুইয়া শুইয়া কত কথা ভাবিতেছেন,—এমন

সমনয়ে কে যেন গুন্ গুন্ করিয়া বাহিরে গান করিতেছে শুনিতে পাইলেন। অল্পক্ষণ শুনিয়া মনে সন্দেহ হইল, বুঝি গান নহে! তখন আস্তে আস্তে উঠিয়া বাহিরে আসিলেন; আসিয়া দেখেন যে দুইটা স্ত্রীলোক, জীর্ণ শীর্ণ দেহ, কাঁদিতোছে; নিকটে গেলেন, কিন্তু তাহাদের জীর্ণ শীর্ণ দেহ দেখিয়া তাঁহার প্রাণ কেমন করিয়া উঠিল। কিছুক্ষণ কথা কহিতে পারিলেন না, বুক ছর ছর করিতে লাগিল। আহা! আহা! বুঝি ইহারা পীড়িত। অসহায় অবস্থায় এখানে কি জন্য আসিল? এই সব চিন্তায় তাঁহার খুব দুঃখ হইতে লাগিল। কিন্তু কি করেন, জিজ্ঞাসা করিলেন। যাহা উত্তর পাইলেন, তাহাতে তাঁহার বুক ভাঙ্গিয়া গেল। অতি ক্ষীণ স্বরে স্ত্রীলোক দুটা উত্তর করিল—“মহাশয়! আমাদের যে ভয়ানক ক্ষুধা পাইয়াছে, তাহাতে আমরা এখনই মরিয়া যাইব। এতক্ষণ অজ্ঞানের মতন হইয়া ছিলাম এখন যেন সর্ব শরীর কি করিতেছে, আর বাঁচি না। না খেয়ে খেয়ে আমাদের শরীরে আর কিছুই পদার্থ নাই।”


আমাদের বন্ধু জানিতেন যে সে গ্রামের চারিদিকে খুব দুর্ভিক্ষ হইয়াছে, সুতরাং তখনই বুঝিলেন যে এই দুটা স্ত্রীলোক দুর্ভিক্ষের জালায় কাতর হইয়া ভিক্ষায় বাহির হইয়াছিল, হয়ত কোথাও কিছু না পাইয়া শেষ ক্লান্ত হইয়া এই স্থানে পড়িয়া মরিতে বসিয়াছে। কাল সকাল বেলা আর তাহাদের কেহ জীবিত দেখিতে পাইবে না, এমন অবস্থা হইয়াছে। রাত্রি তখন ১টা কিম্বা ২টা। এত রাত্রে কোথায় খাবার পাবেন? তিনি জিজ্ঞাসা করিলেন “সন্ধ্যা অবধি ত আমরা এখানে রহিয়াছি এতক্ষণ বল নাই কেন?” আহা! বলিবে কি? নিষ্ঠুর মানুষ!—

যাহাদিগকে বলিয়াছিল, তাহারা দিল না, হয়ত তাহাদের কিছুই দিবার ছিল না। যাহা হউক ভাষা হইয়া ও মৃত্যু নিশ্চিত জানিয়া হতভাগিনী রমণী দুজনেই শীতে হিমে বাহিরে পড়িয়া গৌ গৌ করিতেছে। পাষণ ও তাহাদের অবস্থা দেখিলে গলিয়া যায়। আমাদের উক্ত বন্ধুর চক্ষে আর জল ধরিল না, তিনি কাঁদিয়া ফেলিলেন, এবং এই হতভাগিনীদিগকে সাহায্য করিবার জন্য যথা সাধ্য চেষ্টা করিতে লাগিলেন। তত রাত্রে কার বাড়ী বা যাবেন? মনে করিলেন স্কুল ঘরটাই খুঁজিয়া দেখিবেন। তাহাই করিলেন, ঘরটার চারিদিক আতিপাতি করিয়া খুঁজিলেন। এক কোণে এক গ্লাস দুধ ও একটু চিনি দেখিতে পাইলেন। এই খাবার টুকু পাইয়া তাঁহার যে কি আনন্দ হইল তাহা আর কি বলিয়া জানান যায়? আমাদের পাঠক পাঠিকাদের ত আর পাথরের চেয়েও শক্ত হৃদয় নয়; তাহারা নিশ্চয়ই এই হতভাগিনী স্ত্রীলোকদের একপ ভয়ানক দুঃখের কথা শুনিয়া কাঁদিতোছেন। এখন, সেই দুধ ও চিনি টুকু পাওয়াতে সকলেরই আনন্দ হইল। উহা কোথা হইতে আসিল? কে এই অন্ধকারে স্কুল ঘরে রাত্রি দুটোর সময়ে দুর্ভিক্ষ-পীড়িত মৃতপ্রায় দুটা লোকের জন্ত দুধ চিনি দিয়া গেল? ভাবিলে ভক্তিতে আর রুতরুতাতে প্রাণ ভরিয়া যায়। সন্ধ্যার সময়ে আমাদের এই বন্ধুর চা খাওয়ার জন্ত এই দুধ চিনি আসিয়াছিল, ঘটনাক্রমে কোন কারণে তাঁহার উহা খাইতে মনে ছিল না। ভাগ্যে একপ অভাবনীয় আশ্চর্য ব্যাপার হইয়াছিল, না হইলে সেই রাত্রে দুটা প্রাণীর মৃত্যু হইত, দুটা মানুষ—আমাদের মত দুটা প্রাণ, অনাহারে,—আহা! না খেতে পেয়ে,—বাহির হইত!

সেই দুধ আর চিনি টুকুতে একটু গলা ভিজাইয়া তাহারা যেন বাঁচিল, বাঁচিবার আশা হইল। তখন তিনি তাহাদিগের হাত ধরিয়া ঘরের মধ্যে আনিলেন, না হইলে শীতে তাহারা বাঁচিত না। ঘরে আনিয়া যত্ন করিয়া শোয়াইলেন। পরে প্রভাত হইলে সকলের নিকট ভিক্ষা করিয়া তাহাদিগকে খাওয়াইলেন। আহা! দীন হীন, দুঃখী অসহায় মৃতপ্রায় দুটা প্রাণী তাঁহার জন্য বাঁচিয়া গেল।

এইরূপে কত গ্রামে দুর্ভিক্ষের পীড়ায় যন্ত্রণা পাইয়া কত লোক যে, কত অসহ্য কষ্ট পাইতেছে তাহার ঠিক নাই? গবর্ণমেন্ট অনেক সহায়তা করিতেছেন বটে, কিন্তু আমরা দেখিয়া আসিয়াছি ও আমাদের যে সকল বন্ধুরা নিয়ত এই সকল দীন দুঃখীদের দুঃখ দূর করিবার জন্য ঘুরিয়া বেড়াইতেছেন তাহাদের মুখে ও শুনিতোছি যে শুদ্ধ গবর্ণমেন্টের সাহায্যে যাহা হওয়া উচিত তাহা হইতেছে না, এজন্য নানা স্থান হইতে নানা দেশ বিদেশ হইতে দয়ালু লোকে সাহায্য করিতেছেন। বর্ধমান, বীরভূম, বাঁকুড়া প্রভৃতি স্থানের চারিদিকে কত হাজার হাজার লোক যে যন্ত্রণা পাইতেছে তা মনে করিলে ও বুক ফাটিয়া যায়। সখার পাঠক পাঠিকাগণ! তোমাদের আর কি সাহায্য করিতে বলিব? তোমরা শিশু, পয়সা টাকা কোথা পাবে? তবে একটা কথা বলিতে পারি। সেটা এই—যখন তোমাদের খাবার সময় হবে, তখন যেন সেই দীন হীনদের কথা মনে করে একটু দুঃখ হয়, তাদের দুঃখে দুঃখী হ'লে, পরমেশ্বরের কাছে তাদের দুঃখ নিবারণের জন্য তোমরা প্রার্থনা করিলে ও তাহাদের মঙ্গল হবে। আর কিছু হউক আর না হউক, তোমাদের হৃদয়ের খুব

উন্নতি হবে। রোজ একবার দুবার করিয়া তোমরা হতভাগ্য নরনারীর কথা চিন্তা করিও; রোজ বন্ধুদের সঙ্গে বসিয়া তাহাদের দুঃখ মোচন করিতে তোমরা পার কি না সে বিষয়ে পরামর্শ করিও। আর যদি কিছু পয়সা যোগাড় করিতে পার তবে আমাদের কাছে হউক বা বঙ্গবাসী কি সঞ্জীবনীর কাছে বা অন্য কোন স্থানে পাঠাইয়া দিও। দুঃখিত হওয়া চাই, প্রাণ কাঁদা চাই!



বসন্ত সঙ্গীত ।

(১)

আইলাম আজ আমি এত দিন পরে,
বহুদিন থেকে সবে ডাকিতেছ মোরে,
মধুর তপন তাপ লইয়া সাথিতে
দেখরে এসেছি আমি জগৎ মোহিতে।

(২)

মলয় হইতে বায়ু বহিছে আমার,
কুঞ্জে কুঞ্জে কুসুম ফুটিছে অনিবার;
আমারই দেখিয়া যত তরু লতা রাজি,
সম্ভাষে যতনে নানা ফল ফুলে সাজি।

(৩)

শীতকালে যেই বৃক্ষ মৃতপ্রায় ছিল,
মম আগমনে তারা জীবন পাইল,
ফুটিল শাখায় তার কুসুম স্নন্দর,
মধুর গুঞ্জন তাহে করে মধুকর।

(৪)

দেখরে নিকুঞ্জ বনে কি শোভা ধরেছে,
পাতায় পাতায় ফুল কেমন ফুটেছে,
তরুপরে বিহঙ্গম স্তম্ভুর রবে
পুলকে আমার বার্তা জানাইছে সবে।

(৫)

ওই বসি পিক কুল গাছের শাখায়
গাইছে মধুর গীত শুনাতে আমার ;
ফুলের সৌরভ মাগি মৃদু পবন
আমার বারতা লয়ে ধায় অলুক্ষণ।

(৬)

দেখরে চাহিয়া নদী কি শোভা ধরেছে
রূপের ছটায় যেন চমকি চলিছে,—
ফুটেছে ভাঙ্গার পাশে সুরভি বকুল
সৌরভ পাইয়া তথা ধায় অলিকুল।

(৭)

দেখরে কানন মাঝে ফুল কত জাতি—
সুন্দর বরণ কিবা—ফোটে দিবা রাত্তি,
কোন স্থানে ফুটিয়াছে গোলাপ কলিকা,
শোভিতেছে কোন স্থানে চারু সেকালিকা।

(৮)

দেখরে চাহিয়া ওই পর্বত ভেদিয়া
বহিছে বরণ কিবা দিক উলিয়া,
ভাঙ্গর কিরণ রাশি পড়িছে তাহার,—
কি সুন্দর শোভা আহা ধরিয়াছে তার

(৯)

বালক বালিকা সবে আমারে দেখিয়া
মধুভাষে ডাকে মোরে আনন্দে নাতিয়া,
আমার সুন্দর ফুল তুলিয়া আদরে
পরিতেছে কত স্থানে কত যত্ন করে।

(১০)

বালক বালিকা তোরা আররে ছুটিয়া
আররে তোদের সাথে খেলিব বসিয়া ;
আমার বিকাশ কালে তোমরা কখন
থেক না থেক না কেহ বিষাদে মগন।

(১১)

বালক বালিকা তোরা আয় ছুটে আয়,
বড় ভাল বাসি তোদের কোমল হৃদয় ;

ক্রোধ, দ্বেষ, হিংসা আদি পরিহরি আয় ;
দূর করি কুবাসনা আয় সবে আয়।

(১২)

যেই জন রচিলেন এ বিশ্ব ভুবন,
যাঁহার রূপায় মোর একরূপ মোহন,
তাঁহার মহিমা গান আয় সবে গাই,
সরল হৃদয়ে আয় তাঁর পানে চাই।

ঋদ্ধি ।

গত বারের প্রশ্নের উত্তর।

১। কপি।

২। (এইটিতে ভুল হইয়াছিল। “ফুল”
কথাটি “ইন্দ্র” হইবে। ইহার উত্তর—“চোক ;”
চোক+আ=চোকা)

নূতন ।

১। তিন বর্ণে নানারূপে করি বিচরণ,
সবার নিকটে আমি আদরের ধন।
দ্বিতীয় তৃতীয় বর্ণে করিলে মিশ্রণ
পশু হয়ে করি আমি কাননে গমন।
আদি অস্তে মিগাইলে কক্ষ হয়ে যাই,
তৃতীয়ে ছাড়িলে আমি ক্ষুদ্র মুদ্রা হই।
স্ববোধ তোমারি হাতে রহিয়াছি আমি ;
চিনিতে পারিলে কিহে বল দেখি তুমি।

২। এক গৃহস্থের বাগানে এক সারিতে ৩৬টি
আমের গাছ ছিল। ১ম গাছটিতে ১টা, ২য় টাতে
২টা, তৃতীয় টাতে ৩টা এইরূপে ৩৬শ টাতে ৩৬টি
আম হইত। ঐ গৃহস্থ মৃত্যু সময়ে উক্ত ৩৬টি
গাছ তাহার ছয় পুত্রদিগকে দিয়া যান এবং বলিয়া
যান যে প্রত্যেকের ভাগে যেন ছয়টা করিয়া আম
গাছ হয় এবং আমের সংখ্যাও যেন প্রত্যেকের
সমান হয়। বল দেখি কে কোন্ কোন্ গাছ
পাইবে ?



মে, ১৮৮৫। বৈশাখ, ১২৯২।

নব বর্ষ ।

মহা হর্ষ নব বর্ষ আসছে শিশুগণ !

কেমন মজা নূতন রাজা দিলেন দরশন।

রাজা রবি—সোনার ছবি—সরস হাসি হাসে,
বলছে সবার “দেখবিত আয় নূতন রাজা আসে।”
স্বাস লয়ে স্বরিত হয়ে মলয় পবন চলে,
“পাও হে চেতন, লোক সাধারণ ! রাজা এলেন
বলে”

পক্ষীগণে খুসী মনে গায় মঙ্গল গান,
কুসুম স্নেহে কোমল মুখে হাসছে খুলে প্রাণ।
সকল ধরা স্নেহে ভরা বিভূর মহিমায় ;—
এল নূতন আদরের ধন, পুরাতন ঐ বায়।
দেখছে সবে ভক্তিভাবে নববর্ষে চেয়ে,
তোমরা সবাই জাগ্বে কি ভাই নূতন জীবন
লয়ে ?

সময় গেলে রত্ন দিলে আর তো নাহি পায়,
অমন ধনে, অবোধ জনে, হেলায় হারায়।
গত বর্ষ গেল ওই চক্ষে দিয়ে ধুলো !
শা করিয়ে রইল চেয়ে অলস ছেলে গুলো।
দেখ দেখি কি ফাঁকিতে প'ড়ে গেল তারা,
শেখ দেখে এখন থেকে ঋণক পাঠিকারা।

পরানপণে বিদ্যাধনে করবে উপার্জন,
গরিব লোকে দয়ার চোকে দেখো সর্বক্ষণ।
সার্থ আর অহঙ্কার দিসনা মনে ঠাই,
আত্মস্বথে মত্ত হয়ে করিসনে বড়াই।
কর চেষ্ঠা যাতে শেষটা পরম স্নেহে রবে,
তোমায় দেখে সকল লোকে “দেশের রতন”
কবে।

নূতন বছর নয়নগোচর যাঁহার করণায়,
এস সবে ভক্তিভাবে প্রশ্নমি সে পায়।
মাগি ভিক্ষা করুন রক্ষা ভারত-বন্ধগণে,
দেশের হিত সুসাধিত হউক দিনে দিনে।
ভুক্তিক্ষেতে এ বারেতে হ'ল বড় ক্লেশ,
সে হাহাকার না থাকে আর, বাঁচে যেন দেশ।
অধম তারণ কাঞ্চাল-শরণ পিতা দয়াময়,
দিউন শক্তি, তাঁতে ভক্তি সদাই যেন রয়।
তাঁর দয়াতে কুশলেতে থাক ভাই বোন !
সুখী হও, সুবশ পাও, বিমল হউক মন !



হাসি, কান্না, কোন্টা ভাল ?



যার সুখ সেই হাসে ; আর যাহার দুঃখ সেই কাঁদে । তাই জিজ্ঞাসা করি ভাই পাঠক পাঠিকা যে বৎসর গেল ইহাতে তুমি বেশী হাসিয়াছ না কাঁদিয়াছ ? যে বালক বালিকা নিজের উন্নতি করিতে এবং অপর দশ জনের উপকার করিতে গত বৎসরের অধিকাংশ সময় কাটাইয়াছেন, তাঁহারা নিশ্চয়ই বলিবেন আমরা অধিক হাসিয়াছি ।



আর যে সকল ছেলে নিজের উন্নতির কথা ভুলিয়া গিয়া দিন রাত্তি 'মজা' করিয়া কাটা-ইতে গিয়াছিলেন তাঁহাদের জিজ্ঞাসা করিবার আগেই আমি বুঝিতেছি তাঁহাদের সুখ হয় নাই । ছত্রির দিকে একবার তাকাও দেখি । হাসির চেহারা গুলি দেখিতে ভাল, না—কান্নার চেহারা গুলি ? তবে বাহাতে, বছরের শেষে 'কি করিয়াছি' ভাবিতে বসিয়া মনের সুখে হাসিতে পার কেন সেই জন্য বলবান্ হও না ?

লীলার ভয় ।

লীলাবতীর বাবা ও মা কেহই বাড়ীতে নাই। বাবা কোন কাজে বাহির হইয়াছেন। লীলার মা তাঁহার এক বন্ধুর অমুখ হওয়াতে তাঁহাকে দেখিতে গিয়াছেন। লীলার উপর বাড়ীর সমস্ত ভার। নলিনীকে ও খোকাকে রাখিতে হবে। মা বলিয়া গিয়াছেন “লীলা! বাড়ীর সমস্ত ভার তোমার হাতে রহিল, তুমি বাড়ী ছাড়িয়া কোথাও বাইও না; খুব সাবধানে থাকিবে যেন বাড়ীতে কেহ না আসে; নলিনী ও খোকাকে বেশ সাবধান করিয়া রাখিবে, আমি শীঘ্রই আসিব।” লীলা মাতার কথা শুনি মন দিয়া শুনিয়াছিল, ও তাহা পালন করিবে বলিয়া মনে মনে প্রতিজ্ঞা করিল। একাদশ বর্ষীয়া বালিকা লীলা আজ এ বাড়ীর গৃহিনী। সে নলিনীকে খাবার দিয়া, খোকাকে লইয়া খেলিতে লাগিল। দেখিতে দেখিতে বেলা চলিয়া গেল; যখন চারিদিক আঁধার হইয়া আসিল, তখন লীলাও আপন ঘরে প্রদীপ জালিল। ভাইটিকে অনেক চেষ্টা করিয়া ঘুম পাড়াইল। নলিনীও ক্রমে ঘুমাইয়া পড়িল। লীলা এখন সেই নির্জন ঘরে একাকী বসিয়া ভাই বোনকে পাহারা দিতে লাগিল। বেচারী লীলা অনেকক্ষণ ধরিয়া বসিয়া মার অপেক্ষা করিতেছে, আর পারে না। কে জানে কেমন একটা লুকান ভয় তাহার প্রাণকে কাঁপাইতে লাগিল। তাহার সমস্ত শরীর শিহরিয়া উঠিল। বুক ছর ছর করিতে লাগিল। বোধ হইতে লাগিল কে যেন

পিছুতে বসিয়া আছে, সরিয়া দেখিল কেহই নয়। কি আপদ! লীলা আর কি করে? তবু বোধ হইতে লাগিল কে তাহার পিছনে। একে এই ভয় তাহাতে আবার কাহার চলন ফেরনের খস্ খস্ শব্দ হইতে লাগিল। আহা! লীলা অনেক সহ্য করিতেছে, আর পারে না। একবার একবার ইচ্ছা করিতেছে যে বাড়ী ছাড়িয়া দৌড়িয়া পলাইয়া যান, কিন্তু মার কথা মনে জাগাতে তাহা পারিয়া উঠিতেছে না। বিষম পরীক্ষা। একদিকে ভয়ানক ভয়ে লীলার পা ছুখানিকে টানিয়া লইয়া যাইতে চায়, আর একদিকে মার কথা তাহাকে ধরিয়া রাখে—অনেক কষ্টে এখন পর্যন্তও ভাই বোনের বিছানার পাশে বসিয়া আছে। হঠাৎ খট করে কি বেন খুলিবার শব্দ হইল, অমনি ভয়ে চীৎকার করিয়া লীলা লাফাইয়া উঠিল। চাহিয়া দেখে ‘মিউ’ ‘মিউ’ করিয়া তাহার বিড়ালটা শয্যা পার্শ্বে বসিল। এতক্ষণ পরে লীলাবতীর ঘাড়ে ভূত চাপিল। সে মনে করিল “৭টা বাজিল, মা বাবা কেহ আসিতেছেন না; আমি খিড়কি দরজা দিয়া বাহিরে গিয়া দেখি মা আসিতেছেন কিনা?” কাজেই ভাই বোনকে একাকী রাখিয়া খিড়কি দরজা খুলিয়া দেখিতে গেল। দ্বার খুলিয়া মাঠ পানে চাহিয়া রহিল। কতক্ষণ দাঁড়াইয়া অপেক্ষা করিল জন প্রাণীও তাহার চক্ষে পড়িল না। অনেকক্ষণ দাঁড়াইয়া পা ছুখানি ধরিয়া গেল, তবুও মা এলেন না। এতক্ষণ পরে তাহার চৈতন্য হইল। “মা ত এলেন না; যাই তাদের দেখি হয়ত বাড়ীতে কোন চোর চুকিয়াছে।” এই বলিয়া সে যেন সিঁড়ির কাছে আসিয়াছে, অমনি বাড়ীর ভিতর মানুষের পায়ের শব্দের মত ‘খট’ ‘খট’ শব্দ শুনিতে পাইল। কি সর্বনাশ! মার কথা না শুনিয়া যাছ

হইবে বলিয়া ভয় পাইয়াছিল, হায় হায় তাহাই হইয়াছে। সর্বনাশ! বাড়ীতে নিশ্চয়ই চোর চুকিয়াছে কোন সন্দেহ নাই। লীলা! কেন বাড়ী ফেলিয়া চলিয়া গিয়াছিল, এখন ভোগ কর। সে আর ভয়ে এক পাও অগ্রসর হইতে পারিল না। আন্তে সিঁড়ির তলায় লুকাইয়া—ঘরে কে চুকিয়াছে তাহাই দেখিতেছে। দেখিতে লাগিল বটে কিন্তু লীলাতে আর লীলা নাই—ভয়ে প্রায় চেতনা হারা হইয়াছে। যদিও শীত কাল তথাপি অত্যন্ত ঘামিতেছে, তাহার সমস্ত শরীর থর থর করিয়া কাঁপিতে লাগিল।

লীলা দেখে বাবাণ্ডার আলো ক্রমে ক্রমে ঘরের কাছে আসিতে লাগিল! দেখে একজন লোকে বাতি হাতে করিয়া তাহাদের বিছানার কাছে আসিতেছে। আর লীলা স্থির হইয়া থাকিতে পারিল না। সে পাগলের মত ছুটিয়া গিয়া তাহাকে জড়াইয়া ধরিয়া চীৎকার করিয়া বলিল “তুমি আমার ভাই বোনকে ছুঁতে পারবে না। আমি ছুঁতে দেবোনা। দেবো না!” লীলার কথা শুনিয়া লোকটা বলিয়া উঠিলেন “আরে! এই যে এখানে!” লীলা বুঝিল ইহা তাহার পরিচিত গলা; কিন্তু কাহার গলা তাহা তখন বুঝিতে পারিল না। তিনি আবার বলিয়া উঠিলেন “ওগো! লীলাকে কোথায় খুঁজিতেছ? এই যে লীলা! (লীলার প্রতি) কি মা! কোথায় ছিলে, আমরা তোমাকে সমস্ত বাড়ী খুঁজিয়া বেড়াইতেছিলাম!” লীলা বাবার মুখ পানে তাকাইয়া কাঁদিয়া ফেলিল। কিছুই বলিতে পারিল না। মাতা ঘরে আসিয়া লীলাকে কিছু শব্দ কথা শুনাইবেন ভাবিয়াছিলেন, কিন্তু তাহার গায়ে হাত দিয়া দেখেন একেবারে ঠাণ্ডা হইয়া গিয়াছে, মুখখানি শীতলবর্ণ; কাজেই শব্দ

কথা মুখ দিয়া বাহির হইল না। মা একটু তিরস্কার করিলেন। বকুনি খাইয়া লীলার চৈতন্য হইল, মুখ দিয়া একটা ছুটি কথাও বাহির হইল।—“তুমি কোথা দিয়ে এলে, আমিত দেখিতে পাই নাই। আমি ৭টা থেকে পিছনের উঠানে দাঁড়াইয়া তোমায় তল্লাস করিতে ছিলাম।”

মাতা। এতক্ষণ! তুমি কি এখন এলে। আমি সামনের দরজা দিয়া আসিয়াছি। তোমার শরৎ মাসীমার অত্যন্ত অমুখ বাড়িয়াছে তাই এত দেরী হ’য়ে গেল। বড় ক্লান্ত হয়েছ, কিঞ্চিৎ আহার করিয়া শয়ন কর।

বাবা। আহা! লীলা আমার, ভাই বোনদের রক্ষা করিবার জন্ত আমার সঙ্গে যুদ্ধ করিতে গিয়াছিল।

লীলা লজ্জায় বাবার বুকের ভিতর মুখখানি লুকাইয়া ধীরে ধীরে বলিল “না বাবা আমার দোষ নাই, আমি একলাটি ছিলাম। কেহই আমার কাছে ছিল না, ভয় হবে না?”

পিতা গম্ভীরভাবে উত্তর করিলেন “না লীলা, একজন পরম দয়ালু বন্ধু তোমার অতি নিকটে ছিলেন, কিন্তু তুমি ভয়ে তাঁহাকে ভুলিয়া গিয়াছিলে। তাঁহাকে স্মরণ করিলে না! তোমার আর ভয় থাকিত না। তিনি সর্বদা তোমার নিকটে থাকিয়া তোমাকে রক্ষা করিয়াছেন। পাঠক পাঠিকাগণ! এমন সূহ্মকে তা কি বুঝিতে পারিয়াছ?”



ঠাকুরদাদার গল্প ।

শিশির

(পূর্বের পর) ।

এক দিন প্রাতঃকালে সকলে বাগানে বেড়াইতে গিয়া স্থির করিলেন যে সেদিনকার শিশিরের কথা বাকী

টুকু আজ শেষ করিয়া বুঝিতে হইবে। নবীন বাবুও উপস্থিত ছিলেন, সকলকে চারিদিকে বসাইয়া শিশিরের গল্প বলিতে লাগিলেন। প্রথমে সকলকে জিজ্ঞাসা করিলেন সেদিনকার কথা সকলের মনে আছে কি না? সে কথা সকলেরই স্মরণ ছিল। সুতরাং নূতন কথা আরম্ভ হইল।

মমথ বলিল—“আজ বলিয়া দিন, দাদা বাবু, শীতকালে বেশী শীতল বলিয়া বায়ুতে বাষ্প কম থাকিলেও শিশির বেশী পড়ে কেন? এ কথাটা পরিষ্কার করিয়া বুঝিতে হইবে।”

নবীন বাবু বলিতে লাগিলেন :—“আমি পূর্বে বলিয়াছি যে বায়ু কখনই একেবারে বাষ্পহীন হয় না। একটু না একটু জলীয় বাষ্প তাহাতে থাকেই থাকে। শীতকালেও সূর্যের উত্তাপ থাকে, ঐ উত্তাপে নদী, হ্রদ, সাগরাদি হইতে জল বাষ্প হইয়া উঠে। আরও একটা নিয়ম আছে যে বায়ু যত শুষ্ক অর্থাৎ বাষ্পহীন হয়, ততই উহার বাষ্প লইবার শক্তি বাড়ে। অর্থাৎ কোন জলাশয়ের উপর দিয়া যদি একটা অধিক বাষ্প-বিশিষ্ট বায়ু-প্রবাহ চলিয়া যায় তাহা হইলে উহা ঐ জলাশয় হইতে যে পরিমাণে

জল বাষ্প করিয়া লইয়া যাইবে, শুষ্ক বায়ু-প্রবাহ তাহার উপর দিয়া বহিয়া গেলে তাহা অপেক্ষা অধিক পরিমাণে জল বাষ্প করিয়া লইয়া যাইবে। এ অতি সোজা কথা। কাজেই ঐ ছুটি কারণে শীতকালের দিনের বেলায় বায়ুতে অনেকটা বাষ্প জমা হয়। এবং ঐ বায়ু সকালে ও রাত্রে অপেক্ষা কিছু গরম বলিয়া উহার বাষ্পটা জমিয়া তখন জল হইতে পারে না। কিন্তু যেই সূর্য্য অস্ত যায়, তার সঙ্গে সঙ্গে পৃথিবীর উপরের সমস্ত জিনিষ তাপগ্রহণ অপেক্ষা তাপ বিকীর্ণ বেশী করিতে থাকে, অমনি ঐ বায়ু তাহাদের গায়ে ঠেকিয়া ঠাণ্ডা হইয়া পড়ে। যেমন ঠাণ্ডা হয় অমনি ক্রমে ক্রমে দিনের বেলায় সঞ্চিত বাষ্পগুলো সহ জল হইয়া যায়। ঐ জল খুব ছোট ছোট কণার আকারে বায়ুতে ভাসিয়া বেড়ায় ও নিকটস্থ পদার্থ সকলে লাগিতে থাকে। ইহারই নাম হিম। শীতকালের রাত্রে সমস্ত বাতাসটাই এই হিম পূর্ণ হইয়া যায়, সে সময়ে বাহিরে এলে গা বরফের মত কন্ কন্ করিতে থাকে। বুঝিতে পারিয়াছ?”

নলিন বলিয়া উঠিল “না দাদা বাবু! আমি ভাল বুঝিতে পারি নাই। আমাকে যতক্ষণ না ভাল করিয়া বুঝাইয়া দিবেন ততক্ষণ আমি আর বেশী বলিতে দিব না।”

নবীন বাবু একটু হাসিয়া বলিলেন “কেন? এর ভিতর ত আর কোন শক্ত কথা নাই। শক্ত কথা যা কিছু সে দিনই বলিয়া দিয়াছি। তুমি ত সেদিন শুনিয়াছ যে, সকল দ্রব্যেই “তাপ-গ্রাহিতা শক্তি” আছে, কোন গরম জিনিষের নিকট এলেই গরম হবে। আবার তেমনি সকল জিনিষেরই “তাপ-বিকীর্ণ শক্তি” আছে, উহা থাকতে গরম জিনিষ মাত্রই নিজের গরম

চারিদিকে ছড়াইয়া দেয়। (নলিন,—“হাঁ শুনিয়াছি।”) তবে আর কি? যতক্ষণ সূর্য্য মাথার উপর ছিল, পৃথিবী ও তাহার উপরিস্থ সব সামগ্রী গরম হইতেছিল বা তাপ গ্রহণ করিতেছিল। তখনই আবার তাপ বিকীর্ণও করিতেছিল, কিন্তু খরচ অপেক্ষা জমা বেশী ব’লে, অর্থাৎ বিকীর্ণ অপেক্ষা সূর্য্যের নিকট হইতে অধিক তাপ গ্রহণ করিতেছিল বলিয়া, দিনের বেলা সব জিনিষ গরম হইয়াছিল। এখন গরম পৃথিবীর গায়ে লাগিয়া বাতাসও একটু গরম হইয়াছিল। সেই গরম বাতাসে উঠিয়া জলাশয় সকলের জল সূর্য্যের তেজে বাষ্প হইয়া, ভাসিতেছিল। এই সব গেল দিনের বেলায়। সন্ধ্যা হইল, সূর্য্য অস্ত গেল, পৃথিবীর গা ঠাণ্ডা হইল, তাহার উপরের জিনিষও সব ঠাণ্ডা হইয়া পড়িল। এই সব ঠাণ্ডা জিনিষের গায়ে বাষ্প-শুদ্ধ ঐ গরম বাতাস যেই লাগিতে লাগিল, অমনি উহার বাষ্প জল হইয়া ঐ সব ঠাণ্ডা জিনিষের গায়ে শিশির হইয়া পড়িল। এইরূপে শীতল হইতে হইতে যখন পৃথিবীর নিকটের সমস্ত বাষ্পটাই একেবারে শীতল হইয়া গেল, তখন সমস্ত বায়ুতে যত জলীয় বাষ্প ছিল তার অনেকটাই শীতল হিম হইয়া পড়িল। এবং ঐ হিমময় বায়ু যেখানে লাগিল অমনি খানিকটা হিম তাহার গায়ে রাখিয়া যাইতে লাগিল। এই রকমেই ঘাসে, পাতায়, জানালার কাচে, গ্লেটে, সব স্থানে সকালে উঠিয়া শিশির ফোঁটা ফোঁটা দেখা যায়। প্রথমে যখন শিশির জমিতে থাকে তখন কিন্তু একেবারে ঐ রকম ফোঁটা ফোঁটা হয় না। প্রথমে একটু সাদা দাগের মত পড়ে। ঠিক ভাল চাকু ছুরীর ফলাতে মুখ হইতে হাই দিলে যেমন সাদা হইয়া যায়, তেমনি প্রথমে খুব গুঁড়ি

গুঁড়ি বাষ্প জমিতে আরম্ভ হয়, তার পর ক্রমে যত বেশী জমে তত কতকগুলো একত্র হইয়া শেষে বড় ফোঁটা হইয়া পড়ে। তা বোধ হয় তোমরাই কত দিন দেখিয়াছ, পাতার গায়ে সাদা দাগের মত সব শিশির কণা স্থির হইয়া রহিয়াছে, যেই তুমি নাড়িলে অমনি একটার পর আর একটা একত্র মিলিয়া বড় বড় ফোঁটা হইয়া পড়িল না?—(সকলে “ঠিক ঠিক।”) এইরূপে শীতকালের রাত্রে শিশির পতন হয়। যথার্থ ধরিলে কিন্তু শিশির পড়ে না, বৃষ্টির মত ঝুপ ঝাপ করিয়া কখন পড়ে না। শিশির হয় বা জমে বলিলেই ঠিক বলা হয়। কেন না, বৃষ্টি যখন পড়ে, তখন কেবলই পড়ে, কোন দিকে চায় না, বাতাস ঠাণ্ডা হ’ল কি না, পৃথিবীর উপরকার জিনিষগুলো এখনও গরম আছে কি না, এ সব কিছুই দেখে না। উপরের বাতাস শীতল হইল, বাষ্প সব জমিয়া গেল, জলবিন্দু হইয়া ভারী হইল, আর অমনি হু হু করিয়া এক পশলা বৃষ্টি হইয়া গেল। শিশির ত সে রকম নয়। শিশির উপরের বায়ুতে নয়, পৃথিবীর নিকটেরই বায়ুতে বাষ্প হইয়া এতক্ষণ ছিল, যেই দেখিল ক্রমে স্বেদিত হইতেছে, সব জিনিষ ঠাণ্ডা হইতেছে, অমনি তাহাদেরই গায়ে লাগিয়া তাহাদেরই গায়ে জলবিন্দু হইয়া শিশির হয়। কাজেই তাহাকে আর শিশির পড়া বলা যায় না। শিশির বরং ঠাণ্ডা জিনিষের গায়ে বাতাস থেকে জমে বা হয় বলিলেই উচিত কথা বলা হয়।”

নলিন :—“হাঁ দাদা বাবু! এইবার আমি বেশ বুঝেছি। আর আমি যখন বুঝেছি, তখন আর কেহ বুঝিতে বাকী নাই।”

অমূল্য :—“আচ্ছা! শীতকালে যেদিন মেঘ

করে সেদিন রাত্রে কিছু শিশির হয় না কেন? আমার ঠোঁট ফেটে গিয়েছিল, মা বলেন যে শিশির দিলে ভাল হবে। আমি ভোরে উঠিয়া শিশির খুঁজিবার জন্ত কত পাতা, ঘাস, ফুলগাছ ঘুরিলাম কোথাও দেখিতে পেলাম না। তখন মাকে এর কারণ জিজ্ঞাসা করায় তিনি বলিলেন 'মেঘ হইলে শিশির পড়ে না।' আমি তখনই আপনাকে এ কথাটা জিজ্ঞাসা করিব মনে করিয়া ছিলাম। কিন্তু মনে ছিল না, হঠাৎ আজ মনে পড়িল; বলিয়া দিন না?"

কিশোরী বলিল "তাইত? ঠিক কথা; শীত-কালে যে দিন মেঘ করে সেদিন হিম পড়ে না বটে।" আর আর সকলেই এই কথার সায় দিল। ঠাকুর দাদা বলিতে আরম্ভ করিলেন।

"যে দিন মেঘ হয় সে দিন যথার্থই কিছু শিশির জমিতে পায় না, কেন—বলিতেছি। বলিবার পূর্বে কিন্তু আর একটা কথা বুঝান আবশ্যক। কি শীত, কি গ্রীষ্ম সব কালেই যেদিন মেঘ হয় সেদিন বড় গরম হয়, তা বোধ হয় সকলেই জান। এক এক দিন এমনি গুমোট হয় যে প্রাণ আই চাই করিতে থাকে, মানুষকে অস্থির করিয়া তুলে। আবার যখন সন্ধ্যার সময় একটু বায়ু বহিয়া মেঘগুলোকে সরাইয়া দেয়, কিম্বা এক পশলা বৃষ্টি হইয়া মেঘ কাটিয়া যায়, তখন প্রাণ বাঁচে, ঠাণ্ডা হয়। কেমন? (সকলে "এ কে না জানে?") বেশ, কেন হয় বল দেখি? নিশ্চয়ই জান না। আমি বলিতেছি শুন। পূর্বেই বলিয়াছি যে সব জিনিষ একই সময়ে তাপ গ্রহণ ও বিকীর্ণণ উভয়ই করে। মনে আছে। পৃথিবী ও সূর্যের নিকট হইতে দিনের বেলা তাপ গ্রহণ করিতে থাকে, আবার তখনই খানিক খানিক তাপ বিকীর্ণণও করিতে থাকে। কেমন করিয়া

জানিতে পারি? আচ্ছা, মনে কর এই গ্রহণ হইতে বিকীর্ণণের তাপ বাদ দিলে যা বাকী থাকে দিনের বেলা আমরা সেই টুকুই অনুভব করিতে পাই; যে টুকু চলিয়া যায় সে টুকুও অনুভব করি না, আর যে তাপটা সূর্য হইতে আসে তারও সবটা পাই না। বিকীর্ণ হইয়া যেটা বাকী থাকে তাহাই আমরা পাই। বেশ, এখন কোন কারণে যদি ঐ বিকীর্ণণ বন্ধ করা যায়, তবেই সূর্য হইতে প্রাপ্ত সমুদায় তাপই অনুভব করা যাইবে। এখানেও ঠিক তাই হয়। রোজ আমরা দেখিতে পাই সূর্য হইতে গৃহীত তাপের খানিকটা বিকীর্ণ হইয়া আকাশে ছড়াইয়া যায়, পৃথিবী থেকে উড়ে যেখানে ইচ্ছা চলিয়া যায়, তাই গরম কম বোধ হয়। মেঘ হইলে ঐ বিকীর্ণণ হওয়ার পক্ষে বাধা পড়ে, উপরে ছাতের যত মেঘ স্তূপে স্তূপে রহিয়াছে তা ভেদ করিয়া পৃথিবীর বিকীর্ণ তেজ আকাশে পলাইয়া যাইতে পায়না, এজন্য সেখান থেকে আবার প্রতিফলিত হইয়া অর্থাৎ ফিরিয়া পৃথিবীর দিকে আসে, কাজেই পৃথিবীর নিকটের বায়ু খুব গরম বোধ হয়। বুঝিলে? এই অন্য দুইটা কারণে মেঘ হইলে বায়ু গরম থাকে:—১মতঃ, বিকীর্ণণ ভাল করিয়া হইতে পায় না, ২য়তঃ, মেঘের দিকে যে উত্তাপটা উঠিয়াছিল সেটা আবার প্রতিফলিত হইয়া পৃথিবীর দিকেই ফিরিয়া আসে। এই দুইটা কারণে মেঘলা রাত্রে পৃথিবী শীতল হইতে পায়না। কাজেই তাহার নিকটের বায়ুও শীতল হয় না, কোন জিনিষও শীতল হয় না। এই জন্য ঐ বায়ুর বাষ্প বাষ্পই থাকিয়া যায়, শিশির হইতে পায় না, ঐ জন্য গাছের তলায় বা ঘরের ছায়ার মধ্যেও শিশির হয় না। বুঝিলে? (সকলেই "হাঁ")।

ঐরূপে যেদিন জোরে হাওয়া হয় সে দিনও শিশির ভাল জমে না। নানা স্থানের গরম বায়ু আসিয়া পড়াতে বাতাসটা খুব ঠাণ্ডা হইতে পায় না। আর বায়ুর চলাচল হওয়ার জন্যও উহা শীতল হয় না। কাজেই ভাল রকম শিশির জমে না, যাও একটুক আধটুক জমে তাও উড়িয়া যায়।

শিশির জমিবার নিয়ম এখন বেশ শিখিলে। আর একটা কথা বলিয়া অদ্য বাড়ী যাইব। তোমরা দেখিয়াছ যে ঘাস, পাতা প্রভৃতি কতক গুলি জিনিষে শিশির অন্য কতকগুলি জিনিষের চেয়ে বেশী জমে, এর কারণ কি?—না, পূর্বে বলিয়াছি বিকীর্ণণ শক্তি সকলের সমান নয়। যে সকল বস্তু শীঘ্র তাপ বাহির করিয়া শীতল হইতে পারে তাহারাই বেশী শিশির পায়। ঘাস, পাতা, কাচ, তুলা, পশম (যেমন চুল, কষল ইত্যাদি), লোহার বার প্রভৃতি সামগ্রী রাত্রে বাহিরে থাকিলে উহাদিগের গায় যত শিশির জমে, অন্য জিনিষের গায় তত জমে না। মোট নিয়মই এই যে, যে দ্রব্য যত শীঘ্র শীঘ্র গরম তাড়াইয়া দিয়া ঠাণ্ডা হইতে পারে তাহাতে তত পরিমাণে শিশির জমে।"

সকলে:—“খুব ভাল করিয়া বুঝিতে পারিলাম দাদাবাবু।” নবীম বাবু বলিলেন “এই কথা বলিতে বলিতে একটা ভাল কথা মনে পড়িল। শিশির যেমন নিঃশব্দে স্বর্গ থেকে পড়ে, মানুষের উপরে তেমনি জ্ঞান ও ধর্ম স্বর্গ থেকে পরমেশ্বর নিঃশব্দে পাঠাইয়া দেন। কিন্তু শিশির যেমন গরম না তাড়াইলে জমে না, মানুষও তেমনি যত দিন নিজের অহঙ্কার রূপ তাপকে তাড়াইয়া দিয়া বিনয়ী, শাস্ত ও নম্র না হয়, ততদিন জ্ঞান ও ধর্মের শিশির তার প্রাণে তাড়াইতে পারে না। এই উপদেশ সর্বদা মনে

করিয়া অহঙ্কারের তেজ কমাইবে আর নম্র হইয়া বিনয়ী হইয়া কেবল শিখিতে চেষ্টা করিবে। তবে জ্ঞানী ও ধার্মিক হইয়া জগতের উপকার করিতে পারিবে। চল আজ বাড়ী যাই।”



৩ তারকনাথ প্রামাণিক।



লক বালিকাগণ! উপরে ষাঁহার ছবি দেখিতেছ, ইহার বিবরণে আজ তোমাদিগকে কিছু বলিব।

অল্প লেখা পড়া শিখিয়া, অল্প বয়সে বিবরণ কর্ম আরম্ভ করিয়া, শরীরের শ্রম, বুদ্ধির জোর, কাজে মনোযোগ, ও ধর্মপথে মতির দ্বারা লোকে নিজের

অবস্থার কিরূপ উন্নতি করিতে পারে, যদি দেখিতে চাও, তবে এই সাধু ব্যক্তির জীবন চরিত মনো-যোগ দিয়া পড়।

ইহার নাম তারকনাথ প্রামাণিক। কলিকাতায় ইহার নাম জানে না এমন লোকই নাই। ইনি জাতিতে কাঁসারি ছিলেন। সিমলার কাঁসারি পাড়াতে বাড়ী। ১২২৩-সালের ৫ই আশ্বিন ইহার জন্ম হয়, এবং ১২৯১ সালের ৭ই চৈত্র ইহার মৃত্যু হইয়াছে; স্মরণ্য মৃত্যুকালে ইহার বয়স ৬৮ বৎসর হইয়াছিল। ১২ বার বৎসর বয়সের সময় ইনি ইহার খুড়ার একটি বাসনের দোকানে কর্ম্ম আরম্ভ করেন। বার বৎসরের পূর্বে কত লেখা পড়া জানা সম্ভব তাহা সকলেই বুঝিতে পার। যাহারা শ্রম করিয়া খায়, এবং যাহাদের ছেলে পিলেকে শ্রম করিয়া খাইতে হইবে, তাহারা বড় বড় বাবুদের মত ছেলে-পিলেকে ভাল রকম লেখা পড়া শিখাইতে পারে না। তারকনাথকেও বার বৎসর বয়সে নিজের হাতে শ্রম করিয়া বাসন পিটিয়া খাইতে হইয়াছিল। সচরাচর দেখা যায় যে এত অল্প বয়সে, ভাল রকম লেখা পড়া না শিখিয়া, কাজ কর্ম্মে লাগিলে অনেক ছেলে প্রায় কুসঙ্গে পড়িয়া বয়ে যায়; কাজে তাহাদের মনোযোগ থাকে না; অল্প বয়সে তামাক, গাঁজা বা মদ খাইতে শিখিয়া একেবারে অপদার্থ হইয়া পড়ে, কিন্তু তারকনাথের বিশেষ প্রশংসার বিষয় এই যে এই সকল দোষে তাঁহাকে ধরিতে পারে নাই। তিনি যে শ্রমে কাতর ছিলেন না, এবং তাঁহার যে কোন প্রকার অপব্যয় ছিল না, তাহা তাঁহার উন্নতি দেখিয়াই বুঝিতে পারা যায়। তিনি দিন দিন নিজ ব্যবসারে এমন উন্নতি লাভ করিতে লাগিলেন যে ১২৫৯ সালে হাবড়ার একটি “ডক”

অর্থাৎ “জাহাজ মেরামতি কারখানা” কিনিলেন। তাঁহার হাতে ঐ ডকটির অবস্থা দিন দিন ভাল হইতে লাগিল। তাঁহার বিলক্ষণ আয় হইতে লাগিল। দেখিতে দেখিতে তিনি ধনী হইতে লাগিলেন। ক্রমে কলিকাতায় বড় বাজারে একটি বাসনের দোকান করিলেন এবং আরও অনেক দোকানের অংশীদার হইলেন। ক্রমে দশ দিক হইতে টাকা আসিতে লাগিল।

তারকনাথের ধন বাড়িতে লাগিল সেই সঙ্গে দানশক্তিও প্রকাশ পাইতে লাগিল। সচরাচর দেখিতে পাওয়া যায় যে ধন হইলে লোকের ধর্মে মতি থাকে না, কত প্রকার কুপথে মতি হয়, কত কুসঙ্গী ঘোঠে, কত বদ খেয়ালি উপস্থিত হয়, ধনের গরমীতে মন মত্ত হয়। কিন্তু তারকনাথ প্রামাণিকের এ সব দোষ ঘটে নাই। তিনি ধনী হইয়াও ধর্ম্ম-ভীরু ও বিনীত লোক ছিলেন। এটি তিনি সর্বদাই অনুভব করিতেন যে জগদীশ্বর ধন দিয়াছেন পরোপকারের জন্ত। এই জন্য তিনি সকল ক্রিয়া কর্ম্মে হাজার হাজার গরিব লোককে দান করিতেন। এমন দিন প্রায় যাইত না যে দিন তাঁহার দ্বারে দলে দলে গরিব লোক অন্ন পাইত না;—প্রচলিত হিন্দুধর্মে ইহার অটল আস্থা ছিল এবং ইহার দান ধ্যান ও সেকেলে লোকের মত ছিল। সকল দেশের ধর্ম্ম শাস্ত্রেই এই উপদেশ দিয়াছে যে গোপনে দান করিবে—নাম কিনিবার ইচ্ছায় দান করিলে সে দানের মূল্য থাকে না; তাহা অতি ছোট কাজ। আমাদের শাস্ত্রে বলিয়াছে—“দান্য ন পরিকী-র্ভয়েৎ”—দান করিয়া তাহা বলিবে না। খ্রীষ্টান-দিগের বাইবেল পড়িলে দেখা যায় যে—যীশু তাঁহার শিষ্যদিগকে বলিতেছেন যে “তোমরা যখন দান করিবে, তখন তোমাদের বামহস্ত যেন

জানে না। যে তোমাদের দক্ষিণ হস্ত কি কাজ করিল,” এত গোপনে পরোপকার করিতে হইবে। সকল শাস্ত্রের, সকল সাধুর এই উপদেশ। কিন্তু কত লোকে এই মহা উপদেশ ভুলিয়া গিয়া স্মৃতি পাইবার জন্য দান ধ্যান করে; দশজনে প্রশংসা করিবে এইজন্য লোককে দেখাইয়া পরোপকার করে! আবার কতজন একটু লোকের উপকার করিয়া নিজের মুখে দেমাক করিয়া বেড়ায়;—লোকের কাছে ঝাহাড়রী করে; উপকৃত ব্যক্তি একটু মনের অনভিমত কাজ করিলে তাহাকে লোকের কাছে কৃতঘ্ন বলিয়া নিজের কৃত উপকারকে বাড়াইয়া বলে। আমি এমন কল্পিয়াছি, তেমন করিয়াছি, আমি উহাকে খাইতে পরিতে দিয়াছি, আমি উহাকে রক্ষা করিয়াছি, এই সকল বলিয়া লজ্জা দিবার চেষ্টা করে। এ সকল ভাল মনের কর্ম্ম নয়; ইহাতে নিকৃষ্ট মনই প্রকাশ পায়। তারকনাথের মন এত নীচ ছিল না। তাঁহার বিনয় এত অধিক ছিল যে কেহ প্রশংসা করিলে বড় লজ্জা পাইতেন। যখন দান করিতেন, এমন গোপনে করিতেন যে বাড়ীর লোকেও জানিতে পারিত না। কর্ম্মচারীদের হাত দিয়া দান করিলে পাছে তাহারা জানিতে পারে, এজন্য যে কিছু দান করিতেন তাহা প্রায় নিজের হাতে করিতেন। যখন কোন লোক আসিয়া তাঁহাকে দুঃখ জানাইত, এবং তাঁহার মনে কিছু দিবার ইচ্ছা হইত তখন তিনি কি দিবেন তাহা মনে মনে স্থির করিতেন, কিন্তু যে ব্যক্তি প্রার্থনা করিয়াছে তাহাকে কিছু বলিতেন না। গোপনে টাকা লইয়া, তাহাকে নিঃস্বপ্নে ডাকিয়া লইয়া বাইতেন, এবং আস্তে আস্তে তাহার হাতখানি পশ্চাতদিকে লইয়া, টাকাগুলি হাতে গুঁজিয়া দিয়া, তাহার

হাতখানি মুঠা করিয়া দিতেন ও বলিতেন “যৎ-কিঞ্চিৎ হইল এখানে দেখিবেন না” স্মরণ্য সে ব্যক্তি গিয়া দেখিতে পারিত না, এবং তাঁহার বাড়ী পরিত্যাগ করিবার পূর্বেও জানিতে পারিত না যে কত পাইল।

এইরূপে কত লোক যে তাঁহার সাহায্য পাইয়াছে, কত লোকে যে তাঁহার অর্থে মাত্ম হইয়াছে তাহার সংখ্যা হয় না। তাঁহার অনেক দানের কথা তাঁহার মৃত্যুর পরে জানিতে পারা গিয়াছে। একপ স্মৃতিতে পাওয়া যায় যে স্কুলের গরিব ছাত্রদের বেতন দিবার জন্য তাঁহার মাসে ১৫০ টাকা ব্যয় হইত। একবার একটি গ্রামে বড় জল কষ্ট হওয়াতে, একজন ভদ্রলোক তাঁহার নিকট আসিয়া অর্থ সাহায্য প্রার্থনা করেন। তিনি জিজ্ঞাসা করিলেন “মহাশয় কত খরচ লাগিবে।” ভদ্রলোকটি একটী পুষ্করিণী খননের খরচের অনুমান করিয়া কয়েক শত টাকার হিসাব দিলেন। তারকনাথ হাসিয়া বলিলেন—“না মহাশয় আপনি যত টাকা বলিলেন তাহাতে হইবে না। পুকুর কাটিতে এত, ঘাট বাধাইতে এত, প্রতিষ্ঠা করিতে এত, ব্রাহ্মণ ভোজন করা-ইতে এত” এই বলিয়া নিজে একটী খরচের আনুমানিক হিসাব করিলেন এবং একদিন লুকাইয়া ভদ্রলোকটীকে সেই সমুদায় টাকা দিলেন।

তাঁহার দান এইরূপ ছিল। আমরা আগেই বলিয়াছি তাঁহার দান সেকেলে লোকের মত ছিল। একপ দানের একটা দোষ এই, অনেক দুঃস্থ লোক গরিব সাজিয়া ঠকাইয়া লয়, অনেক অন্ন লোক যাহারা খাটিয়া খাইলে অর্থে চালাইতে পারিত, তাহারা ভিক্ষা করিয়া সেই টাকায় বদমায়েসি করে। তারকনাথের দানে এ দোষ যে ঘটত না একপ বলা যায় না। দেশের কত

অভাব আছে, তাহা নিবারণের জন্য কত সভা হইতেছে, সে সকল প্রকাশ্য সভাতে তাঁহার বিশেষ দান ছিল না। পাছে লোকে জানিতে পারে এই ভয়েই বোধ হয় দিতেন না। কিন্তু তিনি সাবধান হইলেও তাঁহার সুখ্যাতি দেশ বিদেশে গিয়াছিল। এমন কি ১৮৭৭ সালের দিল্লী দরবারের সময় লর্ড লিটন বাহাদুর তাঁহার বদাভ্যতার সুখ্যাতি করিয়া এক প্রশংসাপত্র দিয়াছিলেন।

তাঁহার জীবনের শেষ ৭।৮ বৎসর বিষয় কর্ম হইতে অবসর লইয়া, কেবল ধর্ম-চিন্তায় সময় যাপন করিতেন। প্রাতঃকাল হইতে সন্ধ্যা পর্যন্ত কেবল পূজা, আল্লিক, শাস্ত্রপাঠ, হরি সংকীর্তনে কাল কাটাইতেন; এবং যে সকল ব্রাহ্মণ-পণ্ডিত আসিতেন, তাঁহাদের সহিত শাস্ত্র চর্চা করিয়া আনন্দ-লাভ করিতেন।


এরূপ ধর্ম-পরায়ণ, সত্য-নিষ্ঠ, বিনয়ী লোক দেশের অলঙ্কার স্বরূপ। সেকালে লোকদিগের মধ্যে এইরূপ সাধুলোক অনেক পাওয়া যাইত। আমরা নূতন শিক্ষা পাইয়া যদি এই সকল সদ-গুণ হারাই, তবে তাহা অপেক্ষা ছুঃখের বিষয় আর কি? ষাঁহার বিদ্যা আছে অথচ অভিমান নাই; ধন আছে অথচ মনে অহঙ্কার নাই; বিষয়-কর্ম আছে অথচ অসত্য ব্যবহার নাই; ষাঁহার ধর্মে প্রগাঢ় অহুরাগ, ছুঃখীর প্রতি দয়া, এরূপ ব্যক্তিকে আমরা প্রাণের সহিত শ্রদ্ধা করি।

তারকনাথের আর একটি বড় সদগুণ ছিল। তিনি অতি উদার ছিলেন। পরের দোষ দেখা-ইতে ভাল বাসিতেন না। একদিন তাঁহার বৈঠকখানায় বসিয়া ছুইজন ভদ্রলোক পরের দোষ-গুণের বিষয় বিচার করিতেছিলেন, তিনি বাহির হইতে শুনিতে পাইয়া বলিলেন,—“দেখুন


মহাশয়! কোন ব্যক্তির গুণের ভাগ কত, দোষের ভাগ কত, এ বিচার আদালতের বিচারক করিবেন; আমরা যখন পরের কথা কই, তখন তাঁহার গুণের আলোচনা করা ভাল, দোষের আলোচনাতে আমাদের লাভ কি?” প্রচলিত হিন্দুধর্মে তাঁহার আস্থা ছিল, সুতরাং ব্রাহ্মধর্ম ও ব্রাহ্ম-সমাজের প্রতি তাঁহার ভাল ভাব ছিল না, তথাপি তিনি এমনই উদার ছিলেন যে মহাত্মা রাজা রামমোহন রায়ের কথা হই-লেই বলিতেন,—“আমার ত বোধ হয় তিনি স্মার্ত ভট্টাচার্য্য অপেক্ষা বড় পণ্ডিত ছিলেন। কারণ স্মার্ত ভট্টাচার্য্য এক প্রকার শাস্ত্রই পড়িয়া-ছিলেন, কিন্তু রামমোহন রায় সকল শাস্ত্রেই পণ্ডিত ছিলেন।”

এইরূপে সেই সাধু-প্রকৃতি সদাশয় পুরুষ যথা-সাধ্য নিজের ও অপরের কল্যাণ-সাধন করিয়া বিগত চৈত্র মাসে এই পৃথিবী পরিত্যাগ করিয়া-ছেন। ইহার মৃত্যুতে কলিকাতার ভূষণ-স্বরূপ একটি লোক আমরা হারাইয়াছি। এরূপ সদগুণ-বিশিষ্ট লোক যে দেশে অধিক জন্মে সেই দেশের মুখ উজ্জ্বল হয়।*

* আমরা কৃতজ্ঞতার সহিত স্বীকার করি-তেছি যে ৩ তারকনাথ প্রামাণিকের জীবনের ঘটনাবলী যাহা লেখা হইল তাহা সমুদায়ই তাঁহার জ্যেষ্ঠ পুত্র শ্রীযুক্ত বাবু কালীনাথ প্রামা-নিক মহাশয়ের নিকট হইতে পাইয়াছি।



গাধা-সিংহ ।



সে সময়ে গাধাও কথা কহিতে পারিত। সে কত কি ভাবিত; আমাদের অনেকের মত বুদ্ধি করিয়া নূতন ফিকিরে আপনার ঘাস জলের যোগাড় করিত। একদিন গাধা মহাশয় এক চাষার কলাইএর ক্ষেতে কিছু যোগাড়ের আশায় ঢুকিয়াছিলেন। চাষাটা কিছু নির্দয় লোক, সেই লাঠি মারিয়া আমাদের গর্দভ-চন্দ্রকে বাহির করিয়া দিল।


ছুই এক বা চড় চাপড় খাইয়া অনেক ছেলের বুদ্ধি যেমন স্থল হইয়া যায়, আমাদের গাধা-

রামেরও লাঠি খাইয়া একটা নূতন বুদ্ধি গাধাইয়া উঠিল। সে একটা সিংহের চামড়ায় আপনার শরীরটা ঢাকিয়া ফের সেই কলাইএর ক্ষেতে দেখা দিল। চাষা দেখিল একটা সিংহ আসি-য়াছে, সে প্রাণভয়ে পলাইয়া গেল। গাধার মজা আর দেখে কে। বিলক্ষণ রকম উদর পূরণ করিয়া গাধারাম পশুদের দলে আসিলেন এবং লাফালাফি, ঝাপাঝাপি করিয়া তিনি যে সিংহ, ইহা তাহাদিগকে বুঝাইবার চেষ্টা করিলেন। নিকোঁব পশুরা গাধাকে গাধা বলিয়া চিনিতে

পারিল না। ঘোড়া, গরু, মেঘ প্রভৃতি যত পশু সকলই দৌড়িয়া পলাইতে লাগিল। অবশেষে এক খেঁকশিয়াল সেইখানে আসিয়া গাধার খুর দেখিয়া এবং তাহার সুমিষ্ট গলার সুর শুনিয়া তাহাকে গাধা বলিয়া চিনিয়া ফেলিল। তখন গাধারামসিংহের সিংহত্ব আর কিছুই রহিল না। সকলেই তাহাকে গাধার মত ব্যবহার করিতে লাগিল।

গল্পটা অনেক কালের; তবে উপদেশটা ভাল। যে গাধা তাহার গাধা থাকাই উচিত। সে যদি সিংহের গুণ না পাইয়া সিংহ সাজিতে যায় তবে তাহার এইরূপই দশ জনের নিকট হাসির পাত্র হইতে হয়। আজ কাল দেখিতে পাই অনেক ছেলে তাহাদের ছেলেত্ব ভুলিয়া গিয়া বুড়োর মত কথা কহিতে ভাল বাসে। যে এম বা ওঠ শ্রেণীর বালক আপনার কতটা বিদ্যা, বুদ্ধি তাহা না বুঝিতে পারিয়া তাহার গুরু জনের মত ধর্মের কথা বা অগাধ বড় কথা লইয়া নাড়াচাড়া করিতে যায়, সেই ছেলেকে একজন ‘গাধা-সিংহ’ বলিয়া জানিও। বাহ্যিক যতটুকু পুঁজি আমরা তাহার কাছে ততটুকুই দেখিতে ইচ্ছা করি। আমরা বালকের নিকট এই চাই, যে তিনি পড়া শুনায় যত্নবান হইবেন, সৎ এবং লোক-প্রিয় হইবেন, শারীরিক শ্রম করিয়া শরীরকে সুস্থ রাখিবেন এবং পিতামাতার বাধ্য হইয়া সুপুত্রের কাজ করিবেন। বাজিকার নিকট এই চাই যে, তিনি নানাবিধ গৃহ-কর্মে সুনিপুণা, সুশীলা ও দয়ালবতী, বিদ্যা উপার্জনে যত্নশীলা এবং আত্মীয়-স্বজনের অহুগতা হইবেন। ইহা ছাড়া যদি দেখিতে পাই যে একটা ছোট ছেলে অথবা মেয়ে এমন সকল কথা বলে অথবা এমন সকল বিষয় লইয়া নাড়াচাড়া করে বাহ্যিক

কিছুই সে বুঝে না, তাহা হইলেই জানিলাম যে সেই ছেলে অথবা মেয়ে বিগড়িয়া গিয়াছে। সে ছিল গাধা এখন সাজিতে চায় সিংহ।



সত্যের জয় ।

বিষ্ণুপুর খাটি পাড়া গাঁ। সেখানে রেল নাই, ঘোড়ার গাড়ীটা পর্যন্ত পাওয়া যায় না। এই ছট্ ফটে গরমের সময় বরফ পাওয়া যায় না, লেমনেড্ পাওয়া যায় না, কলের জল পর্যন্ত নাই। সেখানকার লোককে সহরের লোকে অজ্ঞ পাড়াগোঁয়ে বলে ঠাট্টা করে। কিন্তু তা হলেও তারা আমাদের মত খায় পরে, আমাদের মত কথা বলে, লেখা পড়া শেখে; ঘরে অতিথি এলে আদর করে তাকে খেতে দেয়। রাত্রিতে হঠাৎ যদি কোন পথিক যায়গা না পেয়ে গ্রামের মধ্যে আসে ভদ্র লোকেরা আদর করে তাকে আপনার বাড়িতে থাকতে দেন। তার সঙ্গে আলাপ করেন। পাড়াগাঁয়ের লোকের এই গুণটা খুব। সহরে এটা বড় দেখা যায় না।

বিষ্ণুপুর গ্রাম খানি বড় ছোট নয়। সব-শুদ্ধ হাজার ঘর ভদ্র লোকের বাস। ছোট লোকও প্রায় চার পাঁচ শত ঘর ছাড়া। ভদ্র লোকদের মধ্যে দামোদর মণ্ডল সবচেয়ে বড়। দামোদর জাতে চাষা। দামোদর নিজে হাতে লাঙ্গল চষে, ব্যবসা করে, মাথায় মোট

করে অনেক টাকা করেছেন। বড় অমায়িক লোক। পরের উপকার করিবার জন্য সদা ব্যস্ত অথচ তাঁর কথা কখনও খবরের কাগজে বাহির হয় না। সদাই হরিণাম করেন। পূজা বা পাঠা বলি হয় না কিন্তু দীন ছুঃখীদের দেওয়া খোয়া বার মাসই চলে—তার কামাই নাই। গ্রামখানি দামোদরের তালুক। গ্রামের ছোট লোকেরা তাঁর ছেলের মত। বাইরের একখানি ঘরে তিনি বসে থাকেন, আর গাঁয়ের যত ছোট লোক সবাই এনে তাঁর কাছে বসে কথা বলে, নালিশ করে। দামোদরকে তারা বাপের মত দেখে। গ্রামের আর আর বামুন, কায়েত, বৈদ্যদের সঙ্গেও দামোদরের বেশ ভাব আছে। হবেই না বা কেন—যে ভাল হয় তার কেউ শত্রু থাকে না!

দামোদরের একটা ছেলে। ছেলেটা কলিকাতায় এম, এ, পাস করিয়াছেন। বাড়ীতেই থাকেন। তাঁর নাম প্রসন্ন বাবু। প্রসন্ন বাবুর পিতার অনেক টাকা পয়সা কাজেই তিনি আর চাকরি না করে বাড়ীতেই বাবার বিষয় এবং ব্যবসায় যোগ দিয়ে টাকা রোজগার করেন। ছেলে যা ভাল বোঝেন তাহাই করেন, বাপ কোনও কাজে বাধা দেন না। ছেলেও বাবার মত না নিয়ে কাজ করেন না। ছেলের স্বভাব বাপের মত খুব সৎ। কিন্তু তা হলেও ছেলের একটু খরচ বেড়েছে। দামোদর কাপড় পরেন হাঁটুর নীচে নামে না, কিন্তু প্রসন্ন বাবুর রেলীর উনপঞ্চাশ দরকার হয়। কর্তার গায়ে জানা প্রায়ই থাকে না, কেবল কাঁধে এক খানি দশ আনা দামের বিলাতি উড়ানি; কিন্তু ছেলের গায়ে জামা, ফরেস ডাম্পার উড়ানি। প্রসন্ন বাবু বাবাকে ভাল কাপড়চোপড় পর্তে খুব অহুরোধ

করেন কিন্তু কর্তা বলেন “আর বাবা! আমার তিন কাল গিয়ে এককালে ঠেকেছে, এখন তুমি ভাল পর। আমি এই রকম করে কাল কাটিয়ে দিই। বরং আমাকে যে ভাল কাপড় দেবে সে কোনও গরিবকে দাও”।

প্রসন্ন বাবুর এখন নজর বড় হয়েছিল! তিনি গাঁয়ের ভিতর একটি বেশ পরিষ্কার পথ করে দিলেন। একটি ছোট খাট ইংরেজি-বাঙ্গলা স্কুল করিলেন। একটি ছোট ডাক্তার আনিয়া ডাক্তারখানা করিলেন। একটা ডাক্ বাস বসাইলেন। এ সকলই বাপের পরামর্শে। গ্রামের লোক বড় খুসী। বামুন গুলো হুহুত তুলে আশীর্বাদ কর্তে লাগল।

যাক্ আমরা এত ক্ষণ অপর কথা বলিলাম। এখন আসল কথা বলা যাক্। আগেই বলেছি বিষ্ণুপুরে প্রায় চার পাঁচশ ঘর ছোট লোকের বাস। এদের মধ্যে চাঁড়ালই বেশী। গদা চাঁড়াল (চঙাল) তাদের মধ্যে একজন। গদা প্রসন্ন বাবুর বাপের সখের পাইক্। গদাকে যদি জিজ্ঞাসা করা যায় তোমার নাম কি? গদা বুক্ ফুলিয়ে বলে “আমার নাম গদাধর সদ্দার!” কিন্তু আমরা কি করব বড় কর্তা দামোদর বাবু তাকে “গদা” বলেই ডাকেন। আমরা তাঁর কাছেই শিখেছি। যদিও গদা নামটা শুনতে খারাপ লাগে তবু “গদা” বলে ডাকলেই গদাধর অমনি “আজ্ঞে” বলে উত্তর দেয়।

গদার গড়ন খুব মোটা মোটা—খুব মজবুত। মাথা খুব বড়—মাথায় এক মাথা বাউরি চুল—তেলে মাথাটা কুচুচে। খুব কোঁকড়া চুল। গদা ভারী চুলের গরব করে। রং মুস্কো কালো। অন্ধকার রাত্রিতে দেখতে পাওয়া যায় না। গাঁয়ের ভদ্রলোকের ঘরের বুড়ীরা বলেন “বাপের গদার

গড়ন ত নয়—যেন যমের দূত!” গদা লম্বায় ঝাঁকু চার হাত। দাঁতে নিসি লাগান। সামনের উপরের ছুটি দাঁতে ভোম্বরার দাগ কাটা। এই হল গদার চেহারা।


গদা খুব লাঠিগাল—সে দেশে তার মতন লাঠি খেলোয়াড় দেখা যেত না। সবাই তাকে “ওস্তাদ” বলত। সে কিন্তু লোক ভাল নয়। বুড় মনিব দানোদর ঘোষের খুব সখের চাকর হলেও গদাধর ডাকাত। মনিবের খুব বিশ্বাসী। গদা বলত “আমি যতদিন থাকব মনিবের একগাছি কুট চুরি যাবে না।” কথাটাও খুব সত্য। গদা মনিবের খুব বিশ্বাসী, কিন্তু সে ডাকাতি করে। সে বৈশেষ, জুপি নামের অন্ধকার রাত্রিতে চুপি চুপি কোথায় চলে যেত আবার রাত্রিতেই আসত। কর্তা বুঝতে পারতেন, তাই অনেক বোঝাতেন কিন্তু তবু ডাকাতি করা ছাড়তে পারতেন না। প্রসন্ন বাবু কিছু জানিতেন না আর কেহই জানিতে পারিত না। কিন্তু কর্তা গদার জন্য বড়ই ভাবেন। ভাল করে খান নয়, কথা বলেন না। প্রাণে যেন কেমন একটা খুঁৎ খুঁতুনি ধরে গেল। এদিকে ক্রমাগত গদাও বলেন, বোঝান। গদার একটা গুণ ছিল, গদা খুব সরল। কর্তা যখন তাকে সব বলতেন, সে বলিত “আমার খুব ইচ্ছা হয় যে ভাল হই, কিন্তু কেমন আমার খেলারোগ, আমি ডাকাতি করে কিছু নিই না; কেবল যাই খেলাবার জন্যে।” কর্তা বড়ই ত হুঃখিত হলেন। শেষে অনেক ভেবে চিন্তে বলিলেন “গদা আমি তোকে বড় ভাল বাসি, তোকে আমি হয় ভাল করব না হয় আমি নিজে মরব!” কথাগুলি এমন ভাবে বলিলেন যে গদা কথা শুনে চমকে উঠিল। তখন সে বলিল “আপনি

আমাকে কি কর্তে বলেন বলুন, কিন্তু আমি বোধ হয় ভাল হতে পারব না!” কর্তা অনেক ভেবে চিন্তে বলিলেন “তুই ডাকাতি কর, কিন্তু কোনও জিনিস নিবি না, আর সকলের কাছে সত্য কথা বলবি।” গদা এই কথা শুনে বড়ই খুসী হয়ে বলে উঠিল “এই হলেইত আপনি রাজী।” কর্তা বলিলেন “হাঁ।” গদা মনে মনে খুব খুসী হইল। সে মনে করিলে “জিনিস ত নিই না—তবে সত্যি কথা বলব, তা আমি ত ডাকাত বলে আর কেউ জানে না, এক মনিবেরা জানেন। গাঁয়ের লোক জানেও না, তারা আমাকে জিজ্ঞাসাও করবে না।” এই ভাবিয়া গদা একদিন লাঠি ঘাড়ের রাত্রিতে যাইতেছে এমন সময় একজন লোকের সঙ্গে দেখা হইল, সে জিজ্ঞাসা করিল “কি গদাধর এত রাত্রিতে কোথায় যাও?” গদা এখন বিষম মুস্থিলে পড়িল, মিথ্যা কথাও বলিতে পারে না, সত্য বলাও মুস্থিল, কাজেই ফিরে আসতে হল। এইরূপ আরও দুই এক দিন হ’ল, তখন দেখিল এক সত্য বলতে গিয়েই সে ধরা পড়ে গিয়েছে। গদা এখন থেকে ডাকাতি ছাড়িল।

বুড় কর্তা কেমন চতুর! এক সত্য কথা বলিতে শিখাইয়া গদার চির অভ্যস্ত ডাকাতি ছাড়াইয়া দিলেন।

সত্য কথা সমুদয় সং কার্যের মূল। সর্বদা সত্য কথা বলিতে শিখিলেই কোন প্রকার অসৎ কাজ করা অসম্ভব হইয়া উঠে।

স্থানাভাবে এবারে গত বারের ধাঁধার উত্তর এবং নূতন ধাঁধা দেওয়া গেল না।



জুন, ১৮৮৫। জ্যৈষ্ঠ, ১২৯২।

ঠাকুরদাদার গল্প।



আগ্নেয়গিরি।



সখ্যানেক পরে একদিন নবীন বাবু ও তাঁহার বালকগণ আবার গঙ্গাতীরে বেড়াইতে গিয়াছেন। তথায় বসিয়া মানা বিষয়ে কথাবার্তা হচ্ছে, এমন সময়ে একজন লোক কতকগুলি তুব্‌ড়ী-বাজী লইয়া উপস্থিত হইল ও বলিল “বাবু! খুব ভাল তুব্‌ড়ী, নেবেন? আট পরস ক’রে একটা।” নলিন চক্রে ক্ষেপে দাঁড়ালেন—চারিটা চাই। তুব্‌ড়ী চারিটা কেনা হইল। ফেরীওয়াল চলিয়া গেলে নবীন বাবু বলিলেন “এই তুব্‌ড়ীতে যখন আশুণ দেওয়া হয় তখন কি রকম হয় বল দেখি, নলিন?” নলিন অমনি উঠিয়া দাঁড়াইয়া একটা তুব্‌ড়ী লইয়া নাটিতে রাখিল, হাতে একটা বড় গোছের কঞ্চি লইয়া যেরূপ ভাব ভঙ্গী করিয়া আশুণ দিবার মত করিল, নৌয়া সকলের নহা হাসি পড়িয়া গেল। হাসি থামিলে নলিন বাবু বলিতে লাগিলেন “এই—যখন—এই রকম করে—আশুণ দেব,—তখন অমনি ফুর ফুর—ফুর ফুর ক’রে

সব বেরবে, আর কেমন মজা হবে!!” সকলে নলিনের আনন্দ দেখে খুসী হইলেন। নবীন বাবু তার পর জিজ্ঞাসা করিলেন—“কে পার বল দেখি, প্রকৃতির স্বাভাবিক তুব্‌ড়ী-বাজী কোথায় হয়?” কিশোরী বলিল “আমরা বইতে পড়িয়াছি আগ্নেয়গিরিতে হয়।” নলিন-বলিয়া উঠিল “তবে আমি সে আগ্নেয়গিরি কিনবো?”—এই সকলে হো হো ক’রে হেসে উঠিলেন।—তখন সে চারিদিক চেয়ে ঠাকুরদাদার হাত ধ’রে বলিল “না দাদা! তবে সে কি রকম আমায় বুঝিয়ে দিতে হবে।”

নবীন বাবু আরম্ভ করিলেন। “বহু দিন হইল আমি তোমাদের পর্বতের কথা বলিয়া উল্লাস। আগ্নেয়গিরি এক রকম পর্বত, তবে পর্বত অপেক্ষা ছোট, তাহাকে বরং পাঁচড়া বলা যায়। অনেক রকমের আগ্নেয়গিরি দেখা যায়, পর্বতের গায়ে, বা আলাদা, দ্বীপে বা সমুদ্রের জলের ভিতর। সাধারণতঃ তাহারা প্রায়ই অধিক উচ্চ হয় না। কাঙ্গিয়ান সাগরের চারিদিকে যে সকল আগ্নেয়গিরি দেখা যায় তাহারা দেখিতে অতি ছোট, এমন কি সামান্য উচ্চ চিহ্ন করা কাদা মনে হয়। আবার ওদিকে আশুণ পর্বতের মধ্যে কটোপান্দী নামক গিরি ১৮,৮৮৭ ফুট অর্থাৎ ৩৬ সাড়ে তিন মাইলেরও বেশী উচ্চ। ইহাদের আকার



প্রায়ই গোল হইয়া থাকে। দেখিতে ঠিক তুবড়ীরই মতন। (ছবি দেখ।) তাহার চূড়ার উপরে একটা প্রকাণ্ড গহ্বর থাকে, এবং ঐ গহ্বরের তলা হইতে পৃথিবীর গর্ভ পর্য্যন্ত একটা ভয়ানক নল থাকে।”

গণেন্দ্র—“হাঁ, আমরা পড়িয়াছি ঐ গহ্বরের নাম crater ক্রেটার আর ঐ নলের নাম shaft সাফ্ট। নয়?”

নবীন বাবু বলিলেন—“ঠিক কথা। নলের ভিতর হইতে জ্বলন্ত রক্তবর্ণের আভা বাহির হয়; ঐ আলো প্রায় সর্বদাই আগ্নেয় পর্বতের চূড়ার উপর দেখা যায়। আর ঐ নল দিয়া সর্বক্ষণ এগ্নির মত ধূঁরা বাহির হইতে দেখা যায়। কাজেই, ভিতরে যার এমন ভয়ানক অগ্নিকুণ্ড দিন রাত গম্ গম্ করছে, তার উপর দিয়া ধূম বা আলো যে বাহির হবে এ আশ্চর্য্য কি?”

মন্মথ—“ওঃ আমার গায়ে কাঁটা দিচ্ছে! আচ্ছা, দাদাবাবু! সেখানে কেও যেতে পারে?”

নবীন বাবু—“পারে বৈ কি? আমার এক বন্ধু তিনবার বিখ্যাত ভিস্ভুভিয়স্ নামক আগ্নেয়গিরি দেখিতে যান। তিনি বলেন প্রথমতঃ পাহাড়ের তলায় বেশ সুন্দর সুন্দর গাছ ও দ্রাক্ষা-

লতার ঝোপ, তাহার মধ্যে ছোট ছোট কুটার সকল অতিশয় শোভা করিয়া থাকে। তাহার উপর ক্রমে ছোট ছোট গাছপালা; ক্রমে আর গাছ নাই, কেবলই পাহাড়, তাহার মধ্য দিয়া চলিতে হয়। ক্রমে একটু একটু গরম টের পাওয়া যায়। শেষে যত শিখর দেশের নিকট উঠা যায় ততই ভয়ানক। সেখানে মাঝে মাঝে এক একটা ফাটল আছে; ঐ ফাটলের ভিতর দিয়া ভিতরের জ্বলন্ত গলা পাথর প্রভৃতি দেখা যায়, দেখিয়া প্রাণ উড়িয়া যায়। আর গন্ধকের ধোঁয়ার গন্ধে নিশ্বাস বন্ধ হইয়া যায়। তার পর চূড়াতে পহুঁছিলে যে মনে কি হয়, সে আর কি বলা যায়? তিনি বলিতেন—‘সেখানকার দৃশ্য আর কি বলিব? উপরে অন্ধকার করিয়া রাশি রাশি ধূম উঠিতেছে আর সেই অত্যাচ্ছ শিখরে আমি বসিয়া যখন মুখ হেঁট করিয়া গহ্বরের দিকে চাহিলাম, দেখি সে বর্ণনা করা অসম্ভব,— ভীষণ অগ্নিময় সমুদ্র যেন গর্জন করিতেছে। আমার মাথা ঘুরিয়া গেল, বুক ঘন ঘন কাঁপিতে লাগিল। বুক বা পায়ের নীচের ছাত ভাঙ্গিয়া যায়। তাহা হইলেই সর্বনাশ! সেই অগ্নিকুণ্ডে পুড়িয়া তৎক্ষণাৎ ভস্মীভূত হইতে হইবে।

ভয়ে নামিয়া আসিতে ইচ্ছা হয়, কিন্তু দৃশ্যটী এমনি গভীর ও মনোহর যে সে চমৎকার স্থান ছাড়িয়া আসিতেও ইচ্ছা হয় না।’ আরও কত কথা যে তিনি বলিয়াছিলেন তা সব বলিতে গেলে রাত ফুরাইয়া যাইবে।”

কিশোরী—“কে তিনি, দাদা?”

নবীন বাবু—“তোমরা জান না।”

নলিন—“আমি যখন বড় হব, আমি সেই স্থানটা দেখতে যাব।”

নবীন বাবু—“হাঁ এই ত চাই। নিজে নিজে দেখে শিখবে। আমরা বড় হয়েছি আমাদের আর দেখা হবে না। তোমরা খুব লেখা পড়া শিখে নানা দেশ বেড়াবে, কত কি শিক্ষা করবে ও জ্ঞান বাড়াইয়া বড় লোক হইবে। এখন, যাহারা দেখিয়াছেন তাহাদের মুখের বর্ণনা কেবল শুনিয়া রাখ।”

আগ্নেয়গিরি যত পুরাতন হয়, আর যত বার তাহার অগ্ন্যুদগম হয় ততই তাহার আকার নূতন হইতে থাকে। ভিস্ভুভিয়স্ পর্বতের ঠিক এই রূপ হইয়াছে। ইহার ঠিক মধ্যস্থলে একটা চূড়া, তাহার চারিদিকে আর একটা পুরাতন চূড়ার ভাঙ্গা খানিকটা দেখা যায়, তাহার চারিদিকে আবার একটা আরও পুরাতন চূড়ার ভাঙ্গা অংশ দেখা যায়। এরূপ হওয়ার কারণ তোমরা বুঝিতেই পারিতেছ। যেমন বেশী তেজ হইলে এক একটা তুবড়ী ফাটিয়া যায়, তেমনি ভিতরে আগুনের তেজ বেশী হইয়া প্রতি অগ্ন্যুদগমের সময়ে পুরাতন চূড়া উড়িয়া যায় ও তাহার উপর আবার গলা পাথর প্রভৃতি পড়িয়া নূতন একটা চূড়া প্রস্তুত হয়।”

অমূল্য—“আগ্নেয় পর্বত ত এক রকম বুঝিলাম; উহার অগ্ন্যুদগম কিরূপে হয়, দাদা বাবু?”

নবীন বাবু—“ওঃ! সে বড় ভয়ানক ব্যাপার! না দেখিলে তার কিছুই জ্ঞান হয় না, কিছুই ধারণা করা যায় না। দেখাও সহজ নয়। তবে যাহারা প্রাণপণ করিয়াও জ্ঞান লাভের জন্য এই ভীষণ অধিকাংশ দেখিতে স্তুবিধা পান, তাহাদের বর্ণনা শুনিয়া কিঞ্চিৎ আভাস মাত্র পাইতে পারিবে। কোথাও কিছু নাই,—হঠাৎ হয়ত এক দিন দূরে মেঘ গর্জনের ন্যায় ভয়ানক শব্দ শোনা যায়, আর তার সঙ্গে সঙ্গে ভূমিকম্প হইতে থাকে। তখন লোকে বুঝিয়া লয় যে একটা ভয়ানক ব্যাপার শীঘ্রই উপস্থিত হইবে। কাজেই যে যেখানে পায় সব ধন কড়ি, বন্ধু বান্ধব সঙ্গে লইয়া পলায়ন করিতে আরম্ভ করে। ক্রমে ঐ বজ্রধ্বনি ও ভূমিকম্প আরও প্রবল হইয়া উঠে, এবং পর্বতের চূড়া হইতেও ভীষণ শব্দ হইতে থাকে। শেষে প্রকাণ্ড প্রকাণ্ড মেঘের মত রাশি রাশি বাষ্প উঠিয়া আকাশ অন্ধকার করিয়া ফেলে। ভলকে ভলকে তেজের সহিত বাষ্প সকল খুব দূর পর্য্যন্ত উপরে উঠিতে থাকে। তাহাতে কখন কখন অবিরল বৃষ্টি পতিত হইতেও দেখা যায়। এই সঙ্গে সঙ্গে নানা প্রকার আকারের প্রস্তুত খণ্ড সমূহ প্রচণ্ড বেগে আকাশে উঠিতে থাকে। শুনা যায় যে পূর্বোক্ত কটোপাকী পর্বত হইতে ৫,৪০০ মণ ওজনের একটা প্রকাণ্ড পাথরের টাই (শুনিলে অবাক হইবে) ৯ নয় মাইল অর্থাৎ ৪৮০ সাড়ে চারি ক্রোশ দূরে গিয়া পড়িয়াছিল! তোমরা পাঁচ সের গোলা একটা তুলিয়া দশ হাত দূরে ছুড়িয়া দিতে পার না, আর ৫,৪০০ পাঁচ হাজার চারি শত মণ ভারী একটা পাথর কি না, সাড়ে চারি ক্রোশ দূরে ছুড়িয়া দিল! (সকলেই খুব আশ্চর্য্য হইয়া শিহরিয়া উঠিল।

“এই সময়ে এত ভস্মরাশি গহ্বরের মুখ দিয়া আকাশে উঠিতে থাকে যে একেবারে সূর্যকে ঢাকিয়া দশদিক অন্ধকার করিয়া ফেলে। এমন কি ৭৮ ক্রোশ দূর পর্যন্ত চারিদিকে অমাবশ্যার রাত্রির মত অন্ধকার করিয়া ঐ সকল আগ্নেয় ধূলি রাশি (ইংরাজিতে volcanic dust বা sand বলে) আকাশকে ছাইয়া ফেলে এবং কখন কখন ১০০।১৫০ ক্রোশ দূরে পর্যন্ত গিয়া অবিরল বৃষ্টিপাতের ন্যায় পতিত হইতে দেখা যায়। ইহা কিন্তু ধূলি বা ভস্ম কিছুই নয়। ভিতরে যে দ্রব (অর্থাৎ গলা) প্রস্তর ও ধাতু সকল রহিয়াছিল, তাহাই বেগে উপর দিকে উঠিয়া বায়ুতে ছিন্ন ভিন্ন হইয়া অতি সূক্ষ্ম গুঁড়ি গুঁড়ি ছাইয়ের কণার মত পড়ে, এই জন্য ইহাকে কখন ভস্ম কখন বা আগ্নেয় ধূলি বলা হয়। ইহা দ্বারা ভয়ানক অনিষ্ট হয়। সমুদ্রের ধারেই প্রায় আগ্নেয় গিরিরা থাকে; কাজেই ঐ ধূলি সব সমুদ্রে পড়িয়া এত জমা হয় যে জাহাজ চলাচল বন্ধ হইয়া যায়।

“আর তোমরা বোধ হয় অনেকেই জানেন পল্‌স্ দেশীয় হার্কিউলেনীয়াম্, পম্পীয়াই ও ঠাকী নামক তিনটি নগর এই আগ্নেয় ধূলিরাশির মধ্যে একেবারে পুতিয়া অদৃশ হইয়া গিয়াছিল।”

কিশোরী—“আমি পড়িয়াছি।”

মন্থা—“আমিও শুনিয়াছি।”

নলিন—“আমি ত জানিনা?”

নবীন বাবু—“প্রায় ছই হাজার বছর পূর্বে ভিসুভিয়াস পর্বত অধনকার মত ছিল না, তখন উহা শান্তভাবে ছিল, কোনও উৎপাতের চিহ্ন নাত্র ছিল না। হঠাৎ ৬৩ খ্রীষ্টাব্দে একবার ভূমিকম্প দেখা দিল, ও তার পর ১৬ বছর ক্রমাগত মাঝে মাঝে ঐ রকম ভূমিকম্পই হইত।

শেষে ৭৯ খ্রীষ্টাব্দে (অর্থাৎ প্রায় ১৮০০ বছর গত হইল) ভয়ানক অগ্ন্যুৎপাত হয়। সেই ঘটনার সময়ে এত ভস্ম বাহির হইয়াছিল যে পর্বতের চারিদিকের দেশ সমূহে প্রায় ২০ হাত উচ্চ হইয়া উহা চাপা দিয়াছিল। এই ভয়ানক ভস্ম পাতেই পূর্বোক্ত তিনটি নগর একেবারে চাপা পড়িয়া বহুকালের মত পুতিয়া গিয়াছিল এবং প্রায় ১৬০০ ষোল শত বছর এই ভস্মস্তুপের ভিতরে লুকাইয়া ছিল। সেদিন তাহাদের কোন কোন স্থানের খানিক খানিক অংশ উপরের চাপ খুঁড়িয়া বাহির করা হইয়াছে।


“তাছাড়া আরও ভয়ানক কাণ্ড সকল ঘটয়া থাকে। হঠাৎ হয়ত সমুদ্রের জল খুব খানিক দূর সরিয়া গেল, তারই পরে আবার ভীষণ বেগে পর্বতের মত উচ্চ হইয়া দেশ নগর, ঘর বাড়ী, —সব ডুবাইয়া বন্যা করিয়া ফেলিল। এইরূপে নানা প্রকার ভয়াবহ উৎপাত হইয়া থাকে।”

গণেন্দ্র—“ওঃ! আমার গা কাঁপছে, বোধ হচ্ছে যেন প্রলয়কাল উপস্থিত, আর সব সৃষ্টি যেন ধ্বংস হতে বসেছে।”

নবীন বাবু—“ঠিক সেই রকমই বটে। আমি তোমাদের কি বা বলিলাম? বড় হয়ে যখন এ বিষয়ের ভাল বর্ণনা পড়িবে তখন ভয়ে আর বিস্ময়ে হতবুদ্ধি হইয়া ভাবিবে এ কি কাণ্ড!! যথার্থই যেন মহাপ্রলয়কাল উপস্থিত হইয়াছে। অগতে এমন ভয়ানক ব্যাপার আর কিছুই নাই। পৃথিবীর যেন স্নেহ মমতা কিছুই নাই, যোর নিষ্ঠুর, যোর উন্মত্ত, জ্ঞানশূন্য! কত দলে যে সব গাছ লতা গুলিকে রস দিয়ে এতদিন কাঁচাইতে ছিল ও বড় করিতে ছিল, তাদের কোথায় যে কে গেল তার সন্ধান নাই! এক একটা ছুর্ত ছেলে যেমন রাগ করে ঘর দোর, ঘটা বাটা, প্লেট, বই,

ছবি গহনা, যা স্নমুখে পায় ভেঙ্গে চূরে লও ভঙ করে, আর চীৎকারে বাড়ী কাটাইতে থাকে, এ সময়ে পৃথিবী যেন সেই রকম করে। ওঃ! কি ভয়ানক! এদিকে ভূমিকম্প হচ্ছে, তাহাতে আবার বজ্রাঘাতের মত শব্দে আকাশ যেন ফেটে যাচ্ছে, সমুদ্র উথলে উঠছে, ওদিকে আকাশে ঘোর অন্ধকার, ভস্ম একেবারে আকাশ ঢেকে ফেলেছে, প্রকাণ্ড প্রকাণ্ড পাথরের চাঁই গুলা হড় মূড় ক’রে এখানে ওখানে পড়ছে, ক্রমে ভস্মরাশি ঘর বাড়ী, গাছপালা, পথ ঘাট, জল স্থল, দেশ নগর—সব ছেয়ে ফেলছে, পাহাড় কোথাও পৃথিবী কাঁপাইয়া ফেটে যাচ্ছে, কোথাও ভিতরের তেজে খানিকটা উড়ে যাচ্ছে!! পশু পক্ষী কে কোথায় পড়িয়া মরিতেছে তাহার ত সন্ধান নাই, থাকিতে পারেই না—মাছুবই যে কে কোথায় পলাইল, কোথায় মরিল, কি কাণ্ড কিছুই ঠিক নাই! কেবলই অন্ধকার আর বজ্রধ্বনি আর ধ্বংস!—এইত প্রলয়!

ক্রমশঃ



সাধুদিগকে কিগে চেনা যায়?



লে বড়ো, স্ত্রী পুরুষ, কার না ইচ্ছা করে খুব ভাল হইয়া জীবন কাটায়ে? ভাল হইবার আকাঙ্ক্ষা সকলের মধ্যেই আছে, কিন্তু নানা কারণে উহা কাহারো ভিতরে বেশী,

কাহারো ভিতরে খুব কমই দেখিতে পাওয়া যায়। বালাকাল হইতেই বাহারী সাধু লোকের গল্প শোনে, সাধু লোকের কাজ সব মনোযোগ দিয়ে দেখেন, ভাল ভাল লোকের জীবন-চরিত পড়েন, সচ্চরিত্র বালক বালিকাদের সঙ্গে ফেরেন এবং পিতা মাতার অনুগত হইয়া চলেন, তাহাদের ভাল হইবার আকাঙ্ক্ষা ক্রমেই বাড়িতে থাকে। আর যাহারা ছেলে বেলা হইতেই ছুঁই ছেলেদের সঙ্গে মিশিয়া গুরুজন এবং মান্যগণ্য লোকদিগকে নিন্দা করিতে শেখে, খারাপ খারাপ বিষয় লইয়া আমোদ করিতে অভ্যাস করে এবং সব ইয়ার ছেলে গুলোর মত মোটামুটি একটু লেথাপড়া শিখিয়া সকল বিষয়ের উপরে ভাসিয়া বেড়ায়, কোনকালেই তাহাদের ভাল হইবার ইচ্ছা প্রবল হইয়া উঠিবে না। ভাল হইবার অর্থটা তোমরা গোল করিও না। আমি যদি বড় হইবার কথা বলিতাম তবে গোলেরই কথা ছিল বটে, কারণ তুমি যাহাকে বড় লোক বলিবে হয়ত আমার চোখে আমি তাহাকে এক সাধারণ লোক বলিয়া জ্ঞান করিব। এক হাজার লোকের মধ্যে আমার ছাড়িয়া দেও আমি তাহার মধ্য হইতে যিনি যিনি সাধু লোক আছেন তাহাদিগকে বাছিয়া বাহির করিতে পারিব। একবাড়ী নিমন্ত্রণে এক শত লোক একস্থানে বসিয়া আহার করিতেছেন আমি তাহার মধ্যে যিনি সাধু তাহাকে চিনিয়া ফেলেছি।

সাধু লোকের চাল চলন কথা বাতী, মুখের হাসি এবং চোখের চাউনি, সকলই একটু ভিন্ন রকম। কতকগুলি লক্ষণ আছে যাহা সকল দেশের সকল কালের সাধুগণের মধ্যেই সমান। সাধুদের অনেক লক্ষণ আছে, তন্মধ্যে যে গুলি

আমরা সাধু চরিত্র হইতে গ্রহণ করিতে পারি-
রাছি তাহাই তোমাঙ্গিকে বলিতেছি। পৃথি-
বীতে যত সাধু জন্মিয়াছেন তাঁহাদের সকলের
জীবনের ভিতরে চুকিয়া দেখ বিশ্বাসই তাঁহা-
দের সকল কাজের মূল। তুমি যদি একটা
কাজ করিতে ইচ্ছা কর তবে আগেই ভাবিবে
একাজ করিলে তোমায় কে কি বলিবে। হয়ত
যদি সেই কাজ করিলে একটু ক্লেশ সহ করিতে
হয় কিম্বা কেহ গালি দেয় কি মারিতে আইসে
তবে আর তোমার পা চলিবে না। অথবা
একবার যদি সেই রকমের একটা কাজ তোমার
সমবয়স্ক আর কেহ চেষ্টা করিয়া না পারিয়া
থাকে তবে তোমার আশা হইবে না, নিজের
উপরে বিশ্বাস রাখিতে পারিবে না। বাল্য-
কাল হইতেই প্রত্যেক সাধুর জীবনে খুব বিশ্বাস-
সের ভাব দেখিতে পাওয়া যায়। তোমরা অনে-
কেই মহাত্মা রাজা রামমোহন রায়ের নাম শুনি-
য়াছ। আমাদের দেশে কুরীতি সকল যাচাতে
সংশোধন হয় তাহার জন্য তিনি ১৬ বৎসর
বন্দীদের সময় হইতেই বিশ্বাস করিয়া চেষ্টা করিতে
আরম্ভ করেন। অনেক বৎসর পরে যখন চারি-
দিকেই ধর্মের গোলযোগ উপস্থিত হইতে লাগিল,
যখন শিক্ষিত লোকেরা রাজা রামমোহনের প্রচা-
রিত মত সকল গ্রহণ করিতে লাগিলেন, তখন
পুরাতন দলের লোকেরা চারিদিক হইতে রাজাকে
উৎপীড়ন করিতে ছাড়িলেন না, রাজা কত
অত্যাচার ও যন্ত্রণা সহ করিয়া বিশ্বাসের সহিত
নিজের ঠিকমত প্রচার করিতে লাগিলেন। রাজা
রামমোহন রায় তখন বলিয়াছিলেন—“আজ
যাঁহারা আমাকে শত্রু ভাবিয়া অত্যাচার করি-
তেছেন এমন একদিন আসিবে যখন তাঁহা-
দেরই পুত্র পৌত্রেরা যথার্থ বান্দব বলিয়া আমায়

স্মরণ করিবে।” সেই এমন এক দিনের
আগমনের উপরে তাঁহার দৃঢ় বিশ্বাস ছিল বলিয়াই
তিনি অত অত্যাচার সহ করিয়াও ভয়ে পেছন নাই।
সত্য সত্যই সেই এমন এক দিন আসিয়াছে।
এখন বুড়ো বুড়ীদের কথা দূরে থাকুক, তোমা-
দের ছায় ছেলে মেয়েরাও রামমোহন রায়ের গল্প
শুনিত কত ভাল বাসেন। এখন শিক্ষিত লোকেরা
প্রতিবৎসরই সভা করিয়া রামমোহন রায়কে
স্মরণ করিয়া থাকেন। এইখানেই দেখ সাধু-
তার লক্ষণ বিশ্বাস, এবং বিশ্বাসের পুরস্কার
জয়।

সত্যের প্রতি খুব আন্তরিক শ্রদ্ধা সাধুতার
আর একটা লক্ষণ। মিথ্যা কথা ত নাধুরা প্রাণ
গেলেও কহিবেন না, সত্যের যেখানে অপলাপ
হইতেছে অর্থাৎ খাঁটি ভাব, খাঁটি মত প্রকাশ না
পাইয়া মিথ্যা ভাব, অসত্য মত প্রকাশিত হই-
তেছে সেখানে সাধুলোকেরা চুপ করিয়া
থাকিতে পারেন না। এই বিষয়ে একটা দৃষ্টান্ত
দেওয়া যাউক। তোমরা তোমাদের সখা-
তেই শ্রীযুক্ত রামতনু লাহিড়ী মহাশয়ের
বিষয় শুনিয়াছ। একবার রামতনু বাবুর
বন্ধু মৃত রামগোপাল ঘোষ মহাশয়ের চেষ্টায়
রামতনু বাবু বাঙ্গালার শ্রীযুক্ত ছোট লাট সাহেবের
দরবারে যাইতে পারিয়াছিলেন। সেই দরবারে
অনেক বড় বড় বাঙ্গালী বাবুদের নিমন্ত্রণ হইয়া-
ছিল। রামতনু বাবু তখন একজন সামান্য
স্কুলের মাষ্টার বই ত নন? স্মরণে সেখানে রাম-
তনু বাবুই বোধ হয় আর আর সকলের চেয়ে
মান সম্মানে এবং পদমর্যাদায় অনেক নীচু
ছিলেন। বাঙ্গালীদের মধ্যে যাঁহারা রাজা মহা-
রাজা ও খুব বড় বড় লোক তাঁহাদের সঙ্গেই
ছোট লাটের আনাদের দেশ, সম্বন্ধে নানা কথা

হইতেছিল; তখন কথা বার্তার সঙ্গে সঙ্গে আহা-
রাদিও চলিতেছিল। এই কথাবার্তার মধ্যে
ছোট লাট বাহাদুর কোন এক বিষয়ে এমন একটা
মত প্রকাশ করিয়া ফেলিলেন যাহা রামতনু
বাবুর নিকটে খুব অসঙ্গত বোধ হইল। রামতনু
বাবু আশা করিয়াছিলেন যে বড় লোকদের মধ্য
হইতেই কেহ লাট সাহেবের ভুল দেখাইয়া
দিবেন। কিন্তু যখন দেখিলেন সকলেই চুপ
করিয়া সাহেবের কথা শুনিত লাগিলেন, তখন
আর রামতনু বাবু চুপ করিয়া থাকিতে পারিলেন
না। তিনি সাহসের সহিত লাট সাহেবকে
তাঁহার ভুল দেখাইয়া দিলেন। লাট সাহেব
খাইতেছিলেন, হাতের চামচে কাঁটা মেজের
উপরে রাখিয়া রামতনু বাবুর কথা শুনিত লাগি-
লেন। রামতনু বাবুর কথা শেষ হইলে পরে
যথেষ্ট সম্মান দেখাইয়া খুব আগ্রহের সহিত ছোট
লাট রামতনু বাবুকে কাছে লইয়া আবার আহার
করিতে লাগিলেন এবং রামতনু বাবুও আহার
করিতে বসিলেন। তৎপরেও ছোট লাট রামতনু
বাবুর বন্ধু স্মৃতিখ্যাত রামগোপাল ঘোষ মহাশ-
য়ের নিকটে রামতনু বাবুকে যথেষ্ট প্রশংসা
করিয়াছিলেন। এই খানেই দেখ সত্যের
প্রতি আন্তরিক শ্রদ্ধা ও তাহার আশ্চর্য পুরস্কার।
ছোট লাটের মুখেমুখে তাঁহার মতবিরুদ্ধে কথা
কহা কি যার তার কাজ? তাই সকলেই চুপ
করিয়াছিলেন, কিন্তু সত্যের অরুরোধে যিনি
বলিতে সাহস করিয়াছিলেন, তিনিই তাঁহার
সাধুতার পুরস্কার পাইলেন।

কৃতজ্ঞতা সাধুদের জীবনের একটা ভূষণ। তুমি
সাধুদের মধ্যে যেমন কৃতজ্ঞতার ভাব দেখিতে
পাইবে এমন আর কোথাও দেখিতে পাইবে না।
তাঁহারা মরিবেন তাহাও স্বীকার, তবু উপকারী

ব্যক্তির মনে ক্লেশ দিবেন না, উপকারীর প্রতি
অবিশ্বাস করিয়া আপনার সুবিধা খুঁজিবেন না।
এ বিষয়ে তোমাঙ্গিকে আর একজন বড়লোকের
জীবনের একটা ঘটনা বলিতেছি। আমাদের
দেশের একজন স্মৃতিখ্যাত ডাক্তার যখন পৃষ্ঠাঘাত
রোগে মৃত্যু-শয্যায়, তখন ইঁহার পরম বন্ধু আর
একজন স্মৃতিখ্যাত ডাক্তার ইঁহাকে চিকিৎসা করিতে-
ছিলেন। সেই ডাক্তার তাঁহার ব্যারামের খুব
খারাপ অবস্থায়, এমন কি যখন অন্যান্য ডাক্তা-
রেরা পরিত্যাগ করিয়া গেলেন তখনও প্রাণপণে
চিকিৎসা করিতেছিলেন। কিন্তু একটু ভাল
দেখিয়া মনে করিলেন হয়ত অন্য ডাক্তার কবি-
রাজ দ্বারা চিকিৎসা করাইলে আরোগ্য হইবেন।
কিন্তু যখন রোগীর বন্ধুরা তাঁহাকে এবিষয়ে
জিজ্ঞাসা করিলেন তখন তিনি এই মতে উত্তর
করিলেন—“যিনি আমার চিকিৎসা করিতেছেন
তিনি আমার অতি ছঃসময়ের বন্ধু আমি তাঁহাকে
ত্যাগ করিয়া আর কাহারো হাতে প্রাণ দিতে
পারিব না!” সেই রোগেই তাঁহার মৃত্যু হইল
বটে কিন্তু তবু তিনি তাঁহার উপকারী স্মৃতিখ্যাত
ডাক্তার বন্ধুকে পরিত্যাগ করিলেন না।

সাধুলোকের বুদ্ধি ভালবাসা মরিলেও যায়
না। তুমি আজ সতীশকে অথবা তোমার ছোট
বোন স্বর্ণকে কত ভাল বাসিতেছ, কত প্রাণের
কথা কহিতেছ, একত্রে খাইয়া শুইয়া, বেড়াইয়া
চেড়াইয়া কত সুখ পাইতেছ, দুই বছর বাদে হয়ত
সতীশ তোমার চেয়ে আর একজনকে বেশী ভাল
বাসিতে পারে, স্বর্ণ হয়ত তোমার সঙ্গে আর
খাইতে শুইতে, চলিতে ফিরিতে ভালবাসে না,
অত গোলে কাজ কি, তোমাকে দেখিতেও চায়
না। তুমি কি বলিতে পার আজও তুমি তাহা-
দিগকে যেমন ভাল বাসিতেছ তখনও তেমনি


বাসিনে? সাধুলোকেরা কিন্তু ছোট বেলা থেকে তাহাই করেন। তাঁহারা এক দিন বাহাকে ভালবাসিয়াছেন চিরদিনই তাঁহাকে ভাল বাসিবেন। তাঁহাদের বন্ধু যদি ছুঁচরিত্র হন তবুও তাঁহারা তাঁহাকে ঘৃণা করিবেন না; বরং বাহাতে বন্ধুকে ভাল করিতে পারেন তাহার জন্যই সর্বদা বন্ধুর হাতে পায় ধরিয়া চেপ্টা করিয়া থাকেন। বাহাকে লোকেরা খারাপ বলিয়া জানে এমন লোককেও শুধরাইবার জন্য তাঁহারা কত চেপ্টা করেন, মানুষকে ভাল না বাসিলে কখনও তাহাকে শুধরাইবার জন্য আন্তরিক চেপ্টা হয় না।

ক্ষমাশূণ সাধুতার একটি প্রধান লক্ষণ।

এই ক্ষমাশূণ আছে বলিয়াই সাধুলোকের সহিত মন খুলিয়া কথা কহিতে পারা যায়। অন্য লোকের সঙ্গে যখন কথা কহিতে হয় তখন যেন কেমন ভয়ে কথা বাস্তির হয় না, প্রাণ খোলে না, মুখও ভাল ফুটে না। পাছে এমন কিছু বলিয়া ফেলি বাহাতে তিনি চটিয়া যান, আমার গাঙ্গি দেন, বা নাগিতে পারেন এই ভয়েই প্রাণ কাঁপিতে থাকে। কিন্তু ভাই সাধুলোককে দেখিতেও যেমন ভয় করে না তাহার সঙ্গে কথা কহিতেও তেমন কোন সঙ্কোচ হয় না—মনে যাহা আইসে তাহাই বলিয়া ফেলি। কেন না মনে বিশ্বাস থাকে তিনি হাজার দোষ দেখিলেও ক্ষমা করিবেন।

যে লক্ষণটি দেখিলে নিশ্চয়ই সাধু বলিয়া মানিতে হইবে এখন সেই লক্ষণটি দেখাইয়া শেষ করিব। প্রকৃত সাধুতায় লোককে এমন নই বিনয়ী করে যে পঞ্চাশ বছরের বুড়োকেও ঠিক দশ বছরের ছেলের ন্যায় করিয়া দেয়। তুমি

বার বছরের ছেলে বাইরা একজন সাধু লোককে ছুঁলো ভাল কথা কও, তিনি তোমার কথাও যেমন আগ্রহের সহিত শুনিবেন একজন গণ্য মান্য পণ্ডিতের কথাও ঠিক সেইরূপ ভাবেই শুনিবেন। সাধুদের শ্রদ্ধা ছোট বড় সকলের প্রতিই সমান এবং ছোট বড় সকলের নিকটেই যে বিনীত হইলে সত্য শিক্ষা করা যায় এই বিশ্বাস আছে বলিয়াই তাঁহারা বড়। সাধুদের মহৎগুণ যে, তাঁহারা বড় হইয়াও সকলের নিকটে ছোট হইতে চান, অনেক জানিয়া শুনিয়াও নিজেরা বিশ্বাস করেন যে কিছুই জানেন না, স্বাধীন হইয়াও পরের অনুগত হইয়া চলিতে চান, নিজে উচু হইয়াও নীচু লোকের সেবা করিতে চান এবং নিজে অবমানিত হইয়াও পরকে মানী করিতে ভাল বাসেন। পাঠক পাঠিকাগণ! এ সংসারে টাকা কড়ি উপার্জন করিয়া ধনী হওয়া বা গাড়ীঘোড়া চড়িয়া সুখ ভোগ করা সহজ; একটু চেপ্টা করিলে অনেকেই তাহা করিতে পারেন। বিএ, এমএ, পাশ করিয়া বড় বড় চাকুরী করাও সহজেই হইতে পারে, কিন্তু নিজের প্রভু হইয়া এবং পরের উপকার করিয়া বাহারা জীবন কাটাইতে পারেন তাহারই ধন্য! মানুষের যদি বাল্যকাল হইতেই কিছুর জন্য বেশী ভাবিতে হয় তবে সে সাধুতারই জন্য।



ডাক্তার কৃষ্ণমোহন বন্দোপাধ্যায়।



পাঠক পাঠিকাগণ আজ আবার তোমাদের নিকট একটি ছুঁখের সংবাদ লইয়া উপস্থিত হইতেছি। আমাদের জন্মভূমি বঙ্গদেশের আর একটি রত্ন খসিয়াছে। আমাদের দেশের আর একটি বড় লোক ইহলোক পরিত্যাগ করিয়াছেন।

তোমরা কি ডাক্তার কৃষ্ণমোহন বন্দোপাধ্যায়ের নাম শুনিয়াছ? অবশ্যই শুনিয়া

থাকিবে। যিনি দেশে এত বড় বিখ্যাত লোক ছিলেন তাঁহার নাম অবশ্যই তোমাদের কাণে গিয়া থাকিবে। তবে ইহার বিশেষ ইতিহাস বোধ হয় জান না। সেই ইতিহাস একটু বলি শুন।

১৮১৩ সালে অর্থাৎ ৭২ বৎসর পূর্বে কলিকাতার বামাপুকুর কালীতলার সন্নিকটে মাতামহের বাটীতে ডাক্তার কৃষ্ণমোহনের জন্ম হয়। সেই সময়ে এ দেশের লোককে ইংরাজী শিখান

উচিত কি না এই বিষয় লইয়া দেশ মধ্যে ছল ছল পড়িয়া গিয়াছিল। কতকগুলি লোকের এইমত ছিল যে এ দেশবাসিদিগকে ইংরাজী শিখান হইবে না; আবার আর এক দিকে রামমোহন রায়, রাজা রাধাকান্ত দেব, ডেভিড হেয়ার প্রভৃতি আর এক দল লোকের মত ছিল যে এ দেশের লোককে ইংরাজী না শিখাইলে প্রকৃত উন্নতি হইবে না। একে এই গোলযোগ তাহাতে আবার রাজা রামমোহন রায় প্রচলিত পৌত্তলিক ধর্মের ভ্রম দেখাইয়া নানা গ্রন্থ প্রকাশ করিতে ছিলেন, দেশের বড় বড় ব্রাহ্মণ পণ্ডিতগণ তাঁহার পুস্তকের যুক্তি সকল খণ্ডন করিবার চেষ্টা করিতেছিলেন। এই সকল বাদানুবাদে তখন দেশের লোকের মন, বিশেষতঃ কলিকাতা সহরের লোকের মন নিতান্ত উত্তেজিত হইয়া উঠিয়াছিল। সকল ঘরেই এই কথা, দশজনে একত্র হইলেই এই গোলযোগ; সর্বত্রই প্রচলিত ধর্ম সত্য কি না এই আলোচনা। এই ভর্তুকি যুদ্ধের মধ্যে কৃষ্ণমোহনের জন্ম হইল। তিনি পিতার দ্বিতীয় পুত্র, তাঁহার আর দুই ভাই ও দুই ভগিনী ছিলেন। তাঁহার যখন পাঁচ বৎসর বয়স, তখন মহাত্মা ডেভিড হেয়ার, রাধাকান্ত দেব, রামমোহন রায় প্রভৃতি ইংরাজী শিক্ষার পক্ষী লোকেরা একত্র হইয়া “স্কুল সোসাইটী” নামে একটি সভা স্থাপন করিলেন। তাহার দুই উদ্দেশ্য ছিল;—(১ম) সে সময়ে কলিকাতা সহরে যে পাঠশালাগুলি ছিল, তাহার উন্নতি করা (২য়) দেশে ইংরাজী স্কুল স্থাপন করা। কৃষ্ণমোহন যে বাড়ীতে জন্মিয়াছিলেন, তাহার নিকটের একটি পাঠশালা ঐ সভার লোকেরা হাতে লইলেন। স্বয়ং হেয়ার সাহেব তাহার তত্ত্বাবধান করিতেন। ইহা ভিন্ন “স্কুল সোসাইটী”

একটি ইংরাজী স্কুল খুলিয়াছিলেন। এখন তাহার নাম হেয়ার স্কুল হইয়াছে। পাঠশালার ভাল ভাল ছেলেদিগকে, হেয়ার সাহেবের স্কুলে লইয়া যাওয়া হইত, সেখানকার ভাল ছেলেদিগকে আবার বিনা বেতনে হিন্দুকালেজে পাঠান হইত। কৃষ্ণমোহন সর্ব প্রথমে হেয়ার সাহেবের পাঠশালায় ভর্তি হইলেন। তাঁহার স্বাভাবিক বুদ্ধি এমন আশ্চর্য্য ছিল যে অল্প দিনের মধ্যে তাঁহার উপর হেয়ার সাহেবের চক্ষু পড়িল। তিনি কৃষ্ণমোহনকে ছেলের স্থায় ভাল বাসিতেন। পাঠশালা হইতে কৃষ্ণমোহন হেয়ার স্কুলে গেলেন এবং সেখান হইতে ১৮২৪ খ্রীষ্টাব্দে হিন্দুকালেজে ভর্তি হইয়া মনোযোগ সহকারে বিদ্যাভ্যাস করিতে লাগিলেন। হিন্দু কালেজে পাঠের সময় ১৮২৮ খ্রীষ্টাব্দে তাঁহার পিতার পরলোক হইল।

কৃষ্ণমোহন যখন হিন্দু কালেজের প্রথম শ্রেণীতে পড়েন তখন সেই কালেজের চতুর্থ শ্রেণীতে একজন অসাধারণ ব্যক্তি শিক্ষক ছিলেন। ইহার নাম হেনরি ভিভিয়ান ডিরোজিও। ইহার নাম বোধ হয় তোমরা শুনিয়াছ। ভক্তি-ভাজন রামতনু লাহিড়ী মহাশয়ের জীবনচরিত বলিবার সময় ইহার নাম বোধ হয় করিয়াছি। ইনি জাতিতে ফিরিঙ্গী ও বয়সে বালক ছিলেন। তখন ইহার বয়স ১৯২০র অধিক হইবে না। কিন্তু বুদ্ধি, বিদ্যা, উৎসাহ, স্বাধীন-চিন্তা, স্বদেশা-হুরাগ, সত্য-প্রিয়তা প্রভৃতি গুণে ইনি কালেজের ছাত্রদিগের অতিশয় প্রিয় ছিলেন। অল্প দিনের মধ্যে ছাত্রেরা ইহার এত বশুবর্তী হইয়া পড়িল যে ইহার মুখের দুইটা কথা গুনিবার জন্য দলে দলে ছেলে সর্বদা ইহাকে ঘিরিয়া থাকিত। ইহার একটা কথায় যে কাজ হইত,

কালেজের কর্তৃপক্ষদিগের দশ ঘা বেতের ভয়ে তাহা হইত না। ইনি চাকুরীর দায়ে শিক্ষকের কাজ করিতেন না, কিন্তু কিসে ছেলেদের হৃদয় মনের উন্নতি হয় সেজন্ত যেন প্রাণ মন সমর্পণ করিয়াছিলেন। সচরাচর স্কুল বসিবার এক ঘণ্টা কি দেড় ঘণ্টা আগে স্কুলে আসিতেন এবং স্কুল বন্ধ হওয়ার এক ঘণ্টা দেড় ঘণ্টা পরে বাড়ী বাইতেন। এই অতিরিক্ত সময়ে তাঁহার আর কোন কাজ ছিল না, কেবল ছেলেদিগকে লইয়া বসিয়া নানা বিষয়ে উপদেশ দিতেন। এই দলে কৃষ্ণমোহন বন্দোপাধ্যায়, রসিককৃষ্ণ মল্লিক, রামগোপাল ঘোষ, দক্ষিণা-রঞ্জন মুখোপাধ্যায়, রাধানাথ শিকদার, হরচন্দ্র ঘোষ, শিবচন্দ্র দেব, রামতনু লাহিড়ী ও মহেশচন্দ্র ঘোষ প্রভৃতি ছিলেন। ইহারা সকলেই দেশের বড় লোক হইয়াছিলেন। ডিরোজিও সাহেব কথা কহিবার সময় কোন বিষয় ছাড়িতেন না। ছেলেদিগকে দেশ প্রচলিত পৌত্তলিকতার ভ্রম দেখাইয়া দিতেন, অত্যাচার সামাজিক কুরীতির দোষ দেখাইতেন এবং তাহাদিগকে সাহসী ও সত্য-প্রিয় হইতে উৎসাহিত করিতেন। ক্রমে ছেলেদের মনে আগুণ জ্বলিয়া উঠিল। উপরের উল্লিখিত যুবকগণ সাহসের সহিত হিন্দু ধর্মের বিরুদ্ধে কথা বলিতে লাগিলেন এবং হিন্দু ধর্ম বিরুদ্ধ কাজ করিতে লাগিলেন। কলিকাতা সহরে বড় গোলমাল উপস্থিত হইল। সর্বনাশ হইল, জাতি ধর্ম গেল, হিন্দুয়ানি লোপ পাইল, বলিয়া যেখানে সেখানে লোকে শোক করিতে লাগিল। যে রাধাকান্ত দেব ইংরাজী স্কুল খুলিবার জন্ত মহামতি হেয়ার সাহেবের সহায় হইয়াছিলেন তিনি আবার ঘুরিয়া বসিলেন। তিনি রামমোহন রায়ের ব্রহ্মসভার

বিপক্ষতাচরণ করিবার জন্ত এক ধর্ম-সভা স্থাপন করিলেন। ধর্ম-সভার সভ্যগণ দলবদ্ধ হইয়া ডিরোজিও সাহেবকে হিন্দু কালেজ হইতে তাড়াইবার জন্ত কোমর বাধিলেন। তাঁহাদের ইচ্ছা পূর্ণ হইল। ডিরোজিও বাধ্য হইয়া কর্ম পরিত্যাগ করিলেন। শুদিকে বাড়ীতে কৃষ্ণমোহন ও তাঁহার বন্ধুদের উপর ভয়ানক উপদ্রব আরম্ভ হইল। পাড়ার লোক ও আত্মীয় কুটুম্ব একত্র হইয়া কৃষ্ণমোহনের অভিভাবকদিগকে লওয়াইয়া কৃষ্ণমোহনকে বাড়ী হইতে তাড়াইয়া দিল। কৃষ্ণমোহন এই সময়ে হেয়ার সাহেবের স্কুলে দ্বিতীয় শিক্ষকের কাজ করিতেন। একবার পঞ্চাশ বৎসর পূর্বের কথা মনে কর। সে সময়ে একজনকে সমাজচ্যুত করিলে তাহাকে কি ভয়ানক কষ্ট পাইতে হইত একবার ভাবিয়া দেখ! কৃষ্ণমোহন সেই সমুদয় কষ্ট সহিয়া থাকিলেন তথাপি সমাজের লোকের ভয়ে বিশ্বাসের বিপরীত আচরণ করিতে পারিলেন না। এই সময়ে তিনি ‘ইনকোয়ারার’ নামে একখানি ইংরাজী কাগজ লিখিতেন। ঐ কাগজে স্বাধীন ভাবে সকল বিষয়ের সমালোচনা করিতেন, এবং যাহাতে দেশের কুসংস্কার দূর হয়, কুরীতি সকল সংশোধন হয়, নীতির উন্নতি হয়, সেই চেষ্টা করিতেন। এই সময়ে বিখ্যাত খ্রীষ্টীয় পাদরি ডাক্তার ডফের সহিত তাঁহার পরিচয় হইল। সাহেব তাঁহাকে ধর্ম বিষয়ে উপদেশ দিতে লাগিলেন। অল্পদিনের মধ্যে তাঁহার বন্ধু মহেশচন্দ্র ঘোষ খ্রীষ্ট ধর্মে দীক্ষিত হইলেন। দেশ মধ্যে গুণগোল উপস্থিত হইল। দেখিতে দেখিতে কৃষ্ণমোহন বন্দোপাধ্যায়ও খ্রীষ্ট ধর্ম গ্রহণ করিলেন।

ইহার পরে তাঁহার জীবনে আর বিশেষ

আন্দোলন বা পরিবর্তন দেখা যায় না। তিনি খ্রীষ্টান হওয়ার পর কিছু দিন খ্রীষ্টান পাদরিদিগের স্কুলে কর্ম করেন; তৎপরে শিবপুরে বিশপস্ কালেজে গিয়া কিছুকাল খ্রীষ্টীয় ধর্ম-শাস্ত্র ভাল করিয়া পাঠ করেন। এই সময়ে তিনি হিব্রু, গ্রীক, লাতিন ও সংস্কৃত ভাষা ভাল করিয়া শিখিয়াছিলেন। তাঁহার জন্ম কলিকাতায় হেড্-য়ার নিকটে একটি গির্জাঘর নির্মাণ করা হয়; উহাকে লোকে এখনও “কেপ্টো বন্দ্যের গির্জা” বলিয়া থাকে। তিনি ঐ উজনাগরে নিয়মিত-রূপে ধর্মোপদেশ দিতেন। এই সময়ের মধ্যে তিনি বাঙ্গলা ও ইংরাজিতে অনেক গ্রন্থ রচনা করেন; তন্মধ্যে “ষড় দর্শন সংবাদ” নামক গ্রন্থ প্রসিদ্ধ ও তাহাতে তাঁহার বিদ্যা ও বুদ্ধির বিশেষ পরিচয় পাওয়া গিয়াছে। “এরিয়ান উইটনেস” নামক ইংরাজীতে এক প্রসিদ্ধ গ্রন্থ রচনা করেন তাহাতেও তিনি জগতে যশস্বী হইয়াছেন। ১৮৭৬ সালে বিশ্ববিদ্যালয়ের কর্তৃপক্ষ তাঁহার প্রতি সম্মান প্রকাশ করিবার জন্ত তাঁহাকে ডাক্তার উপাধি প্রদান করেন।

শেষ দশায় লোকে অকর্মণ্য হইয়া পড়ে, আর কোন কাজ করিতে পারে না, কিন্তু ডাক্তার কৃষ্ণমোহন বন্দোপাধ্যায় মৃত্যুর কয়েক দিন পূর্বে পর্য্যন্ত দেশের উপকারের জন্য খাটিয়াছেন। তিনি জীবনের শেষ দিন পর্য্যন্ত ভারত সভার সভাপতি ছিলেন। তিনি যে কাজ করিতেন তাহাতেই তাঁহার সাহস ও স্বাধীন-চিন্ততার পরিচয় পাওয়া যাইত। তিনি কখনই মনুষ্যকে ভয় করেন নাই; ও অত্যাচার সহ করিতে পারিতেন না। দেশের লোকের হইয়া ইংরাজদের সহিত সর্বদা ঝগড়া করিতেন; কলিকাতায় মিউনিসিপালিটির কমিশনার ছিলেন সেখানে তিনি অকুতোভয়ে সভ্য

ও ত্রায়ের পক্ষ অবলম্বন করিতেন। আমরা কতদিন দেখিয়া আশ্চর্য্য হইয়াছি কোথায় বৃদ্ধ বয়সে একটু আরামে থাকিবেন, না, কেবল স্বদেশের উন্নতির জন্ত পরিশ্রম করিতেছেন। তিনি এতদূর যেরূপ পরিশ্রম করিতেন, অনেক যুবা পুরুষকেও তাহা করিতে দেখা যায় না। এইরূপে স্বদেশের জন্ত খাটিতে খাটিতে ও চিন্তা করিতে করিতে তাঁহার বল শক্তি হ্রাস হইয়া আনিল; তাঁহার কি প্রকার রোগ জন্মিল, তাহা কেহ ভাল করিয়া বুঝিতে পারিলেন না। অবশেষে বিগত ১১ইমে সোমবার ইহলোক পরিত্যাগ করিলেন। তাঁহার দুই কন্যা ও কয়েকটা দৌহিত্র ও দৌহিত্রী জীবিত আছেন। তাঁহার মৃত শরীর তাঁহারই ইচ্ছা ক্রমে শিবপুরের গোরস্থানে তাঁহার মৃত পত্নীর কবরের মধ্যে একত্র গোর দেওয়া হইয়াছে।

যে দিন তাঁহাকে গোর দেওয়া হয় সে দিন খ্রীষ্টান নন এমন অনেকেও শোক প্রকাশের জন্ত তাহার মৃতদেহের সঙ্গে সঙ্গে গিয়াছিলেন। তৎপরে এক দিবস ভারত সভার সভ্যগণ দলবদ্ধ হইয়া তাঁহার গোরস্থান দেখিতে গিয়াছিলেন।


বালক বালিকাগণ! তাঁহার জীবনচরিত তোমাদিগকে শুনাইলাম, তিনি খ্রীষ্ট ধর্ম অবলম্বন করিয়াছিলেন বলিয়া কি তাঁহাকে ঘৃণা করিবে? এমন কাজ কখনই করিওনা। যে বিশ্বাসের মত কাজ না করে সে মানুষ মানুষই নয়। যদিও ভ্রমে গড়িয়াই হউক বা আর যেরূপেই হউক যখন তাঁহার খৃষ্ট ধর্মে আস্থা হইল, তখন নিজের বিশ্বাস অনুসারে কাজ করাই তাঁহার পক্ষে উচিত হইয়াছিল। এরূপ না করিলে তাঁহাকে বড়লোক বলিতাম না। তিনি যদি

আশ্চর্য্য উদ্ভিদ ।




মুখ কিম্বা পশুদিগের যেমন হাত পা, নাক মুখ চোক আছে; তাহারা যেমন শব্দ কর চিৎকার করে, সেইরূপ সময়ে সময়ে উদ্ভিদের

মধ্যেও দেখা যায়। এ বিষয়ে অনেক কথা শুনিতে পাওয়া যায়। এক রকম ছোট ছোট গাছ আছে, তাহাদিগকে ইংরাজিতে ম্যাগ্নেটিক বলে। এক ম্যাগ্নেটিক গাছের বিষয় কথিত আছে যে, তাহাকে মাটি হইতে তুলিলে সে চেঁচাইয়াছিল। মেজ নামক এক স্থান আছে, তথায় এক য়িহুদীর আর একটা ম্যাগ্নেটিক ছিল; তাহার মানুষের মত মাথা ও বাকি সব মোরগের মত। সে লাভেওরের শস্য ও এক রকম মাটির পোকা খাইয়া পাঁচ সপ্তাহ বাঁচিয়াছিল। এই রকম কত ঘটনাই শুনিতে পাওয়া যায়।



কাপুরুষের ন্যায়, অপদার্থ লোকদিগের ন্যায়, মনে এক প্রকার বিশ্বাস রাখিয়া কাজে আর এক প্রকার করিতেন, তাহা হইলে আর তাঁহার জীবন-চরিত লিখিবার জন্য কলম ধরিতাম না। তাঁহার সঙ্গে আমাদের মিল না হউক, তিনি যে সাহসী বীরের ন্যায় নিজ বিশ্বাসের মত কাজ করিতে পারিয়াছিলেন, এজন্য আমরা তাঁহার প্রশংসা করি।

এক দিকে যেমন তাঁহার নিজ বিশ্বাসের মত কাজ করিবার সাহস ছিল অপর দিকে আশ্চর্য্য প্রতিজ্ঞার বল ছিল। ৬০ বৎসর ধরিয়া একচিত্তে আপনার উন্নতি ও স্বদেশের মঙ্গল সাধনের চেষ্টা করিয়াছেন। ৬০ বৎসরের পরিশ্রমের কথা স্মরণ কর। কয়জন লোকে এমন দৃঢ় প্রতিজ্ঞতার সহিত নিজের ও অপরের কল্যাণসাধনের চেষ্টা করে? ইহা কি প্রশংসার বিষয় নয়? যে ব্যক্তি বুদ্ধাবস্থা পর্য্যন্ত আমাদের জন্য এত খাটিলেন, আমরা কি এমনি কৃতঘ্ন পামর যে তিনি নিজ বিশ্বাস অনুসারে কাজ করিবার নিমিত্ত বিধর্মী হইয়াছিলেন বলিয়া তাঁহার প্রতি কৃতজ্ঞতা দেখাইব না? ছি ছি! তাহা হইলে ঈশ্বরের চক্ষে অপরাধী হইব। তবে এস পাঠক পাঠিকা! সকলে মিলিয়া সর্বাস্তঃকরণে ঈশ্বরের নিকট প্রার্থনা করি যে তিনি তাঁহার পরকালগত আত্মাকে চিরজীবনের পরিশ্রমের পুরস্কার প্রদান করুন।



পূর্ব পৃষ্ঠায় ছবিটি দেখ। একটা মূলা আর একটিকে জড়াইয়া আছে। যেমন একটা মানুষের হাত একটা মূলা ধরিয়াছে। কেমন আঙ্গুল গুলি স্পষ্ট স্পষ্ট। এই মূলা যোড়াটা একজন বাজারে বিক্রয় করিতে আনে। হঠাৎ এক চিত্রকর তাহা দেখিতে পাইয়া অবিকল চেহারা তুলিয়া লয়। তাহা হইতে এখন অনেক ছবি প্রস্তুত হইয়াছে। আর একটা মূলা দেখ :—



মূলাটি ঠিক আমাদের হাতের মত হইয়াছে। কেমন পাঁচটা আঙ্গুল! কেমন আমাদের আঙ্গুলের মত ভাগ করা। বৃড়া আঙ্গুলের নখটি পর্যন্ত দেখা যাইতেছে। উপরের মূলার শাক আঁকানা থাকিলে কাহার সাধ্য যে, ইহা কি ঠিক করে। এটি ইংরাজি ১৮০২ সালে বিলাতের বার্মিংহাম নগরের যাজ্বরে সকলের দেখিবার জন্য রাখা হয়। কত লোক কত টাকা দিতে

চাহিয়া ছিল; তবু এমন আশ্চর্য্য জিনিষ বিক্রয় করা হয় নাই।

পাঠক পাঠিকাগণ! ভগবানের সকল কাজই আশ্চর্য্য। যে গুলির কথা পড়িলে ওগুলি খুব আশ্চর্য্যের। এখন আর একটীর কথা শুন।



আচ্ছা, এই যে ছবি দেখিতেছ ইহা দেখিয়া তোমাদের কি মনে হয়? কেহ মনে করিতেছ একটা মানুষ হাতে পায়ে শিকড় জড়াইয়া বসিয়া আছে; মাথায় কেহ কতকগুলো পাতা বসাইয়া দিয়াছে। আর কেহ হয়ত আর কত কি ভাবিতেছ। কিন্তু ইহা কি শুনিবে? একটা শালগম। জর্মানি দেশে উইডান নামে এক গ্রাম আছে। ইংরাজি ১৬২৮ সালে, সেখানে এক চাষার অনেক শালগমের চাষ হয়। সে প্রত্যহ কিছু কিছু উপড়াইয়া বাজারে বিক্রয় করিত। একদিন সকালে সে আস্তে আস্তে এক শালগম তুলিয়াছে। দেখে, শালগমের চেহারা অবিকল মানুষের মত। চোক, নাক, কান, মুখ সব আছে।

পায়ের উপর পা রাখিয়া, হাতের উপর হাত রাখিয়া, যেমন একটা মানুষ বসিয়া আছে। পা হইতে চারিদিকে সিকড় বাহির হইয়াছে। এ অদ্ভুত শালগম দেখিয়া সকলে অবাক হইল। চারিদিক হইতে তাহা দেখিবার জন্য দলে দলে লোক আসিতে লাগিল। যাহারা চিত্র করিতে জানিত তাহারা ছবি আঁকিয়া লইতে আরম্ভ করিল। কত লোক সৃষ্টিকর্তা পরমেশ্বরের মহিমায় মোহিত হইয়া গেল। যাহাদের দেখিবার ক্ষমতা ছিল তাহারা দেখিল যে তাহার কি আশ্চর্য্য শক্তি!



কাক ও কোকিল।

ছুই পাখী এক আন ডালে,
বসিয়াছে ছপহর কালে।


গন্ গন্ রোদ্দ যেন অগ্নিবৃষ্টি হয়!
নীরব সে গ্রান যেন নিশুতি সময়!
ছুই পাখী আসি হেন কালে,
বসিয়াছে পাতার আড়ালে।

কাক বলে;—“আমরা দুজন
এক বর্ণ—একই গঠন।
যেন ছুটি ভাই করে গড়েছে বিধাতা;
এক রূপকান্তি যেন এক জন্মদাতা:
এক নীড়ে হয়েছি পালন,
ভাই ভাই আমরা দুজন।”

“তাই-বটে”—বলিল কোকিল,
“লোকগুলা বড়ই কুটিল!
কি আছে প্রভেদ দেখ তোমায় আমায়,
আমারে খাঁচায় পোষে তোমারে খেদায়।”

শুনে কাক প্রফুল্ল হইল,
বাঃ বাঃ করে ডাকিয়া উঠিল।
কোথা ছিল একদল ছেলে,
উপস্থিত সেই তরুতলে।
দূর্ দূর্ মার্ মার্ করে টিল মারে;
কি বিপত্তি! কাক ভায়া বসিতে না পারে!
সরে সরে বসিছে আড়ালে,
টিল বৃষ্টি করে শিশুদলে।
শেষে কাক উড়িয়া পলায়;
যাঃ যাঃ করে ডেকে ডেকে যায়।
পাতা মাঝে লুকাইয়ে আছিল কোকিল,
সেথা না দেখিল শিশু না মারিল টিল।
বসি বসি—শেষে সাড়া দেয়,
শিশুগণ চারিদিকে চায়।

শুনি কুহ তাহা কুহ করে,
কুহ-কুহ তাহার উত্তরে।
বালকে কোকিলে কুহ দেশ ভেয়ে যায়!
কুঞ্জ কুঞ্জ প্রতিধ্বনি সে বন জাগায়!
শুনে কাক মনে মনে করে,
গুণ দেখে, আদর সংসারে।



কলির কুস্তকর্ণ।

কলি নর। সকলেই বোধ হয় রাবণের ভাই
কুস্তকর্ণের কথা শুনিয়াছ। সে ছয়
মাস ঘুনাইত আর ছয়মাস জাগিয়া
থাকিত। এ কথাটা অনেকেই বড় বিশ্বাস

করেন না; বলেন ওটা গল্প বই আর কিছুই নয়। কিন্তু একটা ইংরাজ পণ্ডিত যে এক আশ্চর্য ঘটনার কথা বলিয়াছেন তাহা শুনিলে আর কুস্তকর্ণের কথা গল্প বলিয়া বোধ হয় না।

ইংলণ্ডে বাথ নামে একটা স্থান আছে। তাহার নিকট এক গ্রামে ১৬৯৪ খৃঃ স্যামুয়েল চিল্টন নামে ২৫ বৎসর বয়স্ক এক শ্রমজীবী বাস করিত। সে খুব দৃঢ়কায় ও বলবান ছিল। ঐ বৎসরের ১৩ই মে তারিখে হঠাৎ সে অতিশয় ঘুমাইয়া পড়ে; তাহার ঘুম ভাঙ্গিবার জন্ত অনেক চেষ্টা করা হইলেও এক মাসের পূর্বে তাহার নিজা ভঙ্গ হইল না। একমাস পরে উঠিয়া পুনরায় সে পূর্বের মত খাইতে ও চলিতে লাগিল কিন্তু আর এক মাসের মধ্যে একটাও কথা কহিল না।

ছবছর সে বেশ ভালই রহিল। ১৬৯৬ খৃঃ অক্টোবর এপ্রেল মাসে আবার সেই ঘুম উপস্থিত! এই বার একটা ডাক্তার বিলিষ্টার ও অন্যান্য অনেক উগ্র ঔষধ দ্বারা তাহার ঘুম ভাঙ্গিতে চেষ্টা করিলেন কিন্তু কিছু হইল না! তাহার বিছানার নিকট কতক খাবার সামগ্রী রাখা হইত সে সময়ে সময়ে আহার করিত ও মধ্যে মধ্যে বসী করিত কিন্তু কেহ তাহাকে এই সব করিতে দেখিতে পায় নাই। কখনও বা তাহার হাতে খাওয়ার থাকিত কখনও বা মুখে থাকিত কিন্তু সে ঘুমাইয়া পড়িত। এই রকমে প্রায় ১০ সপ্তাহ অতীত হইল তবুও সে ঘুমের হাত হইতে একেবারে নিস্তার পাইল না। এই সময়ের মধ্যে সে একবার মাত্র প্রস্রাব করিয়াছিল।

যে সাহেব এই গল্পটা বলিয়াছেন তিনি স্বচক্ষে দেখিয়াছিলেন। তিনি যাইয়া চিম্টি কাটিলেন, নাক মলিলেন, নাক মুখ বন্ধ করিয়া ধরিলেন

কিছুতেই কিছু হইল না। এই রূপে নবেম্বর মাস পর্যন্ত রহিল। ১৯শে নবেম্বর তারিখে তাহার মাতা একটা চীৎকারের শব্দ শুনিলেন; যাইয়া দেখেন যে তার ঘুম ভাঙ্গিয়াছে; মিজাসা করিলেন “কেমন আছ?” সে ব্যক্তি বলিল “বেশ আছি কিঞ্চিৎ খাইতে দাও।” মা খাবার আনিতে এবং তাহার ভাইকে এই সংবাদ দিতে গেলেন; আসিয়া দেখেন আবার ঘুম!! এই ঘুম জাহ্নস্মির শেষ পর্যন্ত ছিল। কিন্তু এ সময়ে ঘুমটা তত পাকা হয় নাই; লোকটা সকলের কথা শুনিতে পাইত বটে কিন্তু উত্তর দিতে পারিত না।


স্বাধা।

এপ্রিল মাসের স্বাধার উত্তর।

- ১ম। কাগজ।
২য়। প্রত্যেক পুত্র ১১১ ১টা আম পাইবে।
১ম পুত্র, ১ম, ৭ম, ১৯শ, ২৩শ, ২৫শ, ৩৬শ,
২য় ” ২য়, ৬ষ্ঠ, ১২শ, ২৪শ, ৩৩শ, ৩৪শ,
৩য় ” ৩য়, ৫ম, ২০শ, ২১শ, ৩০শ, ৩২শ,
৪র্থ ” ৪র্থ, ৮ম, ১৬শ, ১৭শ, ৩১শ, ৩৫শ,
৫ম ” ৯ম, ১১শ, ১৫শ, ২২শ, ২৬শ, ২৮শ,
৬ষ্ঠ ” ১০ম, ১৩শ, ১৪শ, ১৮শ, ২৭শ, ২৯শ,


নূতন।

১ম। রাম এবং যছ দুইজনে তিনটা ভাঁড় লইয়া বাজারে তৈল ক্রয় করিতে গিয়াছিল। রামের নিকট দুইটা ভাঁড় ছিল; ১টা ৫ সেরী এবং অপরটা ৩ সেরী। যছর নিকট কেবলমাত্র একটা ৮ সেরী ভাঁড় ছিল। ৮ সেরী ভাঁড় পূর্ণ করিয়া তৈল ক্রয় করিয়া লইয়া আসিল; অর্ধেক পথ একসঙ্গে আসিয়া তাহারা দুই জনে দুই পথে যাইবে, এখন তাহারা কি উপায়ে তৈল ভাগ করিয়া লইবে বল দেখি?



জুলাই, ১৮৮৫।

স্বর্গীয় প্রমদাচরণ সেন



স্বর্গীয় প্রমদাচরণ সেন! আজ তোমাদের কাছে কি কথা বলিতে যাই-তেছি। কোথায় আমরা ভাবিতেছিলাম গঙ্গাধর কবিরাজের জীবনচরিত লিখিব;—না এ কি লিখিতে হইল! উপরে স্বাধার ছবি দেখি-

তেছ, উহাকে কি তোমরা চেন? উহার নাম প্রমদাচরণ সেন। উনিই তোমাদের জন্ত “সখা” বাহির করিয়াছিলেন। এই “সখা” যাহাতে ভাল হয়, ইহা পড়িয়া যাহাতে তোমাদের উপকার হয়, যাহাতে তোমরা আমোদ ও উপদেশ পাও সে জন্য উনি সারা মাস ভাবিতেন। এই “সখার” জন্ত উনি কি খাটুনি খাটিয়াছেন তাহা তোমরা জান না। দেশ বিদেশ হইতে ভাল ভাল বই আনাইয়াছেন, ভাল ভাল ছবি সংগ্রহ করিয়াছেন, কত বই পড়িয়াছেন, সে পরিশ্রম তোমরা কেহ দেখে নাই। এত যে খাটিতেন কেবল এই জন্য যে দেশের বালক বালিকাদের পড়িয়া উপকার হইবে।

সেই প্রমদাচরণ সেন আর নাই। প্রায় এক বৎসর কঠিন রোগে কষ্ট পাইয়া, গত ২১এ জুন রবিবার পরলোকে গমন করিয়াছেন। ইনি সবে ২৬ বৎসর ছাড়াইয়া ২৭ বৎসরে পা দিয়াছিলেন। এত অল্প বয়সে মানুষ মারা পড়িলে কার না দুঃখ হয়? তাহাতে আবার প্রমদাচরণের মত লোক বেশী মেলে না; স্বতরাং ইহার মৃত্যুতে যে আমরা কি ব্যথা পাইয়াছি তাহা তোমাদিগকে বলিতে পারি না। এমন উৎসাহী, সত্যপরায়ণ, ধার্মিক লোক কি আমরা আর পাইব? তাহার জীবনচরিত কিছু বলি শুন।—

১৮৫৯ সালে অর্থাৎ ২৬ বৎসর পূর্বে কলিকা-

তার নিকটস্থ ইটালী নামক স্থানে ১৮ই মে তাঁহার জন্ম হয়। তখন তাঁহার পিতা সেখান পলিসে একটা কর্ম করিতেন।

ছেলে বেলায় প্রমদাচরণ তাঁহার পৈতৃক বাসগ্রাম সেনহাটীতে গুরু মহাশয়ের পাঠশালায় লেখা পড়া শিখিতে আরম্ভ করেন। পড়া শুনায় তিনি বরাবর ভাল ছিলেন। পল্লীগ্রামে ছুট ছেলেদের সঙ্গে পড়িয়া ছেলেরা অনেকে ছুটামি শিক্ষা করে। প্রমদাচরণও ছুট বালকদের দেখাদেখি যদি কখনও কোন ছুটামি করিতেন, তাহা হইলে তাঁহার পিতা ও জ্যেষ্ঠ সহোদর তাঁহাকে খুব শাস্তি দিতেন। ৭ বৎসর বয়সের সময় তাঁহার জননী মৃত্যু হয়। যার সংসারে মা নাই তার কেহ নাই। মায়ের মৃত্যুর পর প্রমদাচরণের পিতা ও তাঁহার দাদা তাঁহাকে অত্যন্ত যত্ন করিতেন কিন্তু তবু তিনি বড় হইয়াও মা নাই বলিয়া কত দুঃখ করিতেন। বালককালে সংসঙ্গ ও সত্বপদেশ না পাওয়াতে ছেলেদের কত ক্ষতি হয়, তাহা তিনি বুঝিয়াছিলেন। বালককালে কত সময় বৃথা গিয়াছে, কত অন্ত্যায় কাজ হইয়াছে, বড় হইলে তাহা স্মরণ করিয়া অনেক দুঃখ করিতেন। এই জন্তই বোধ হয়, তিনি প্রতিজ্ঞা করিয়াছিলেন, বালক বালিকা-দিগের উন্নতির জন্ত একটা কিছু করিবেন এবং সেই জন্তই বোধ হয় “সখা” বাহির করিয়া-ছিলেন।

পাঠশালা হইতে প্রমদাচরণ গ্রামের ইংরাজী স্কুলে ভর্তি হন। এই স্কুলে কিছুকাল পড়িয়া যশো-হরের গবর্ণমেন্ট স্কুলে কয়েক বৎসর অধ্যয়ন করেন; তখন হইতে কোন কারণ বশতঃ পুনরায় নিজ গ্রামে আসিয়া বাঙ্গলা স্কুল হইতে ১৮৭২ সালে ছাত্রবৃত্তি পরীক্ষা দেন। এই পরীক্ষায় উত্তীর্ণ

হইয়া কলিকাতায় পড়িবার জন্য আসিলেন। তিনি কলিকাতায় আসিয়া খুব মনোযোগ দিয়া পড়িতে লাগিলেন। হেয়ার সাহেবের স্কুলে তিনি এক জন ভাল ছেলে ছিলেন।

হেয়ার সাহেবের স্কুলে প্রমদাচরণ যখন প্রথম ভর্তি হন, তখন তাঁহার বয়স ১৩।১৪র অধিক হই-বেনা; তখনই সকল ভাল বিষয়ে তাঁর অত্যন্ত উৎসাহ দেখা যাইত। একবার মাদ্রাজ দেশে ছুটামি হয়, প্রমদাচরণ সে সময় হেয়ার স্কুলের ছেলেদের নিকট হইতে অনেক টাকা তুলিয়া দিয়াছিলেন। ইহা ভিন্ন ঐ স্কুলে ক্লাসের ছেলে-দিগকে লইয়া একটা সভা করিয়াছিলেন, তাহাতে নানা ভাল বিষয়ের চর্চা হইত। তিনি এই সময়েই বেশ বক্তৃতা করিতে পারিতেন; বক্তৃতা করিবার ক্ষমতা তাঁহার ছেলেবেলা হইতেই ছিল।

১৮৭৬ সালে এই স্কুল হইতে তিনি এন্ট্রান্স পরীক্ষায় একটা বৃত্তি পান। ইহার পর তিনি কিছুকাল প্রেসিডেন্সী কলেজে পড়েন। এই সময়ে তাঁহার ‘গিলক্রাইষ্ট’ পরীক্ষা দিয়া বিলাত যাইয়া পড়িবার ইচ্ছা বড়ই প্রবল হইল। ‘গিলক্রাইষ্ট’ পরীক্ষা দিতে হইলে চারি ভাষায় পরীক্ষা দিতে হয়; প্রেসিডেন্সী কলেজে পড়িলে সংস্কৃত ভিন্ন অথ কোন ভাষা শিক্ষা করিতে পারিবেন না বলিয়া সেন্টজেরভিয়ার্স কলেজে ভর্তি হন।

তাঁহার সংস্কৃত জানা ছিল, সুতরাং এল, এ পরীক্ষা দিবার জন্ত তিনি সেন্টজেরভিয়ার্স কলেজে সংস্কৃতের পরিবর্তে লাতিন এবং বাটীতে বসিয়া ফ্রেঞ্চ শিক্ষা করিতে লাগিলেন। এই সময়ে এল, এ এবং ‘গিলক্রাইষ্ট’ পরীক্ষার জন্ত পড়িতে লাগিলেন। এই দুই পরীক্ষার জন্য

এক সময়ে প্রস্তুত হওয়া কিরূপ কষ্টকর তাহা বাহারা দিয়াছেন, তাঁহারাই জানেন।

১৮৭৮ সালে তিনি এল, এ পরীক্ষা দেন,— তাঁহার এক বিষয়ের লিখিত কাগজ দিতে একটু দেরী হইয়াছিল বলিয়া জর্নেক সাহেব তাঁহার কাগজ ছিঁড়িয়া ফেলেন, এই জন্য তিনি সে পরীক্ষায় উত্তীর্ণ হইতে পারিলেন না।

১৮৭৯ সালে তিনি ‘গিলক্রাইষ্ট’ পরীক্ষায় তৃতীয় হইয়াছিলেন বটে, কিন্তু বৃত্তি পান নাই। এই জন্ত তিনি নিতান্ত হতাশ না হইয়া অল্প কি উপায়ে বিলাত যাইয়া পড়িতে পারেন তাহাই ভাবিতে আরম্ভ করিলেন। এই বৎসরে তিনি ক্যাথিড্র্যাল মিসন কলেজে এল, এ পড়িতেছিলেন কিন্তু তাঁহার পিতার সহিত কোন বিষয়ে মতান্তর হওয়াতে তিনি এত অল্প বয়সেই কলেজ ছাড়িয়া দিয়া কাজ কর্মের চেষ্টা করিতে লাগিলেন।

নকিপুর এন্ট্রান্স স্কুলে তিনি কিছু দিন প্রধান শিক্ষকের কাজ করেন। এই স্কুল উঠিয়া গেলে কিছু দিন পরে তিনি কলিকাতার সিটি স্কুলে এক শিক্ষক হন।

তিনি কেবল পরীক্ষার বইগুলি পড়িয়া সন্তুষ্ট হইতেন না; ভাল বই দেখিলেই কিনিতেন ও পড়িয়া ফেলিতেন। বাড়ী হইতে যে টাকা পাই-তেন, তাহাতে বই কেনার ব্যয় কুলাইতনা বলিয়া নিজে ‘প্রাইভেট’ পড়াইয়া সেই টাকাতে বই কিনিতেন। তিনি অল্প বয়সেই কলেজ ছাড়িয়া কর্মকাজে লাগিয়াছিলেন অথচ নিজে ঘরে বসিয়া এত ভাষা শিখিয়াছিলেন ও এত বিষয় জানিয়াছিলেন যাহা তাঁহা অপেক্ষা অনেক বড় বয়সের লোকে জানেন না।

কলেজ ছাড়িয়া যখন কর্ম করিতে লাগিলেন,

তখন মনে দেশের কিছু ভাল কাজ করিবার ইচ্ছা প্রবল হইল। তিনি ছোট ছোট ছেলেদিগকে বড় ভাল বাসিতেন। ভাবিতে লাগিলেন তাঁহাদের উন্নতির জন্ত কি করা যায়। তিনি সিটি স্কুলের মাষ্টার ছিলেন, কিন্তু ছেলেদিগকে একটু পড়াইয়াই তাঁহার মন সন্তুষ্ট হইত না। তাহাদের চরিত্র কিসে ভাল হয় এই চিন্তা সর্বদা করিতেন। ছেলেদের সঙ্গে সর্বদা মিশিতেন, খেলিতেন, গল্প করিতেন। ক্রমে ‘সখার’ ভাব তাঁহার মনে আসিল এবং অনেক দিনের পরিশ্রমের পর ১৮৮৩ সালের জানুয়ারি মাসে ‘সখা’ প্রকাশ করিলেন।

এই ‘সখা’র জন্য তিনি কত খাটিয়াছেন আমরা স্বচক্ষে দেখিয়াছি। না খাইয়াও ইহার জন্য টাকা জমান, রাত্রি জাগিয়া পড়া, ইহার ছবি যোগাড় করিবার জন্য ঘুরিয়া বেড়ান, এই করিতে করিতে তাঁহার শরীর শীর্ণ হইয়া গিয়া-ছিল। এই ‘সখা’ তিনি যখন বাহির করিলেন তখন অনেকে তাঁহাকে বলিয়াছিলেন যে, এ কাগজ টেকিবে না, ইহা চালাইলে ক্ষতি হইবে, এ কাগজ ভাল হইবে না; এমন কি তাঁহার অনেক বন্ধু বান্ধবে তাঁহাকে নিরাশ করিয়াছিলেন; কিন্তু তিনি যে কাজ ভাল বলিয়া বুঝিতেন তাহা সহজে ছাড়িতেন না। তিনি কাহারও কথায় ভয় না পাইয়া ইহার উন্নতির জন্য মন প্রাণ সমর্পণ করিলেন এবং অবশেষে উন্নতি করিয়া তুলিলেন।

তিনি যেমন সহজে দমিতেন না, তেমন নিজের উপর নির্ভর করিয়া তাঁহার বড় হইবার প্রতিজ্ঞা ছিল। ‘সখা’র যে এত উন্নতি করিয়াছিলেন, এ বিষয়ে কোন বড় লোকের দ্বারস্থ হন নাই। পরিচিত অনেক বড় লোক ছিলেন ‘সখা’র জন্ত কখনও কাহার নিকট উপযাচক হন নাই। নিজের

উপরনির্ভর করিয়া নিজে দাঁড়াইব, এই তাঁর মনের আকাঙ্ক্ষা ছিল।

পূর্বেই বলা হইয়াছে যে, তাঁহার ইংলণ্ডে যাইয়া লেখা পড়া শিখিবার ও নিজের উন্নতি করিবার ইচ্ছা বড় প্রবল ছিল; তাঁহার ইচ্ছা ছিল যে, 'গিল-ক্রাইষ্ট' পরীক্ষা দিয়া বৃত্তি পাইলে ইংলণ্ডে যান। কিন্তু তাহাতে কৃতকার্য না হইয়া এখানে বসিয়া বিলাতের বি, এ পরীক্ষা দিবার চেষ্টা করেন। বিলাতের ইউনিভার্সিটির রেজিষ্ট্রার এক রকম স্বীকার করিয়াছিলেন কিন্তু কলিকাতার ইউনিভার্সিটির অধিকাংশ সভ্যের মত হইল না। এখানে থাকিয়া বিলাতের পরীক্ষা দেওয়া যাইতে পারে কি না এ বিষয়ে বিলক্ষণ আন্দোলন হইয়াছিল, কিন্তু তিনি পরীক্ষা দিবার অনুমতি প্রাপ্ত হইলেন না। অবশেষে বিলাত যাইবার জন্য টাকা সংগ্রহের চেষ্টা করিতে লাগিলেন। এ বিষয়েও অনেকে তাঁহাকে নিরুৎসাহ করিবার চেষ্টা করিয়াছিলেন; এমন কি যাহাদিগকে তিনি পিতৃতুল্য ভক্তি করিতেন সেই সকল গুরুজনও তাঁহার ইংলণ্ডে যাওয়ার বিরোধী ছিলেন কিন্তু তিনি কিছুতেই দমিতেন না। অনেক চেষ্টার পর তাঁহার বিলাত যাওয়া ঠিক হইয়াছিল; তাঁহার দাদা এবং তাঁহার কয়েক জন বন্ধু তাঁহাকে পড়িবার খরচ দিতে স্বীকৃত হইয়াছিলেন। সমুদায় স্থির হইল। বিলাত যাইবার জন্ত বাটী হইতেও বিদায় লইয়া আসিলেন। কিন্তু বাটী হইতে আসার কিছু দিন পরেই এই কঠিন ব্যারাম হওয়াতে তাঁহার আর ইংলণ্ডে যাওয়া হইল না।

তিনি ভাল ভাল লোকের জীবনচরিত পড়িতে বড় ভাল বাসিতেন এবং "মহৎ জীবনের আখ্যায়িকা" "চিন্তাশতক" এবং "সাথী" নামে

তিনখানি বই লিখিয়াছিলেন। তোমাদের অনেকে তাহা পড়িয়া থাকিবে।

এইরূপে খাটিতে খাটিতে তাঁহার শরীর দুর্বল হইয়া আসিল। সেই দুর্বল অবস্থাতেও খাটিতে ছাড়িতেন না। গত বৎসর এই সময় একদিন সিটিস্কুলের ছোট ছোট ছেলেরা তাহাদের সভাতে বক্তৃতা করিবার জন্ত তাঁহাকে ধরিল; তিনি ছেলেদের অনুরোধ ছাড়াইতে পারিতেন না, বক্তৃতা করিতে গেলেন। এত জোরে বক্তৃতা করিয়াছিলেন যে, অতিশয় ক্লান্ত হইয়া বাসাতে ফিরিয়া আসিলেন। সেই রাতেই তাঁহার মুখ দিয়া অনেক রক্ত উঠিল। তার পরদিন হইতে চিকিৎসা আরম্ভ হইল। এক সময়ে বোধ হইল বুঝি সারিয়া উঠিতেছেন, কিন্তু কিছুতেই কিছু হইল না। প্রথমে ডাক্তারি, তৎপরে কবিরাজী, তৎপরে হোমিওপেথি, তৎপরে আবার কবিরাজী, কত রকম দেখা হইল কিছুতেই কিছু হইল না। প্রায় এক বৎসর কাল ক্ষয়-কাশ রোগে ভুগিয়া বিগত ২১ এ জুন রবিবার, খুলনায় মানব লীলা সম্বরণ করিলেন।

তিনি রোগ-শয্যায় পড়িয়াও সর্বদা পরের জন্য ভাবিতেন। তাঁহার অন্যান্যের প্রতি বড় বিদেহ ছিল, একবার তাঁহার একজন আত্মীয় কোন আপীষে কর্ম পাইবার জন্য পরীক্ষা দিলেন। পরীক্ষাতে তিনি সর্ব প্রথম হইলেন তথাপি আপীষের কর্তা ইংরাজ, একটা সামান্য ছল করিয়া তাহাকে কর্ম না দিয়া সে কাজ অন্ধকে দিলেন। তিনি তখন বড় পীড়িত; শুনিয়া তাঁহার এত ক্রোধ হইল যে তিনি বলিতে লাগিলেন;—“কি বলিব আর বল শক্তি নাই, তাহা না হইলে একবার ইহাদের অত্যাচার বিচারের কথা কাগজে লিখিতাম।”

তাঁহার যখন অত্যন্ত পীড়া তখন একদিন শুনিলেন যে তাঁহার পরিচিত একটা বালিকাকে লোকে বলপূর্বক একটা বৃদ্ধের সঙ্গে বিবাহ দিতেছে। ঐ বালিকার মাতা অনাথা বিধবা, তাঁহার ইচ্ছা নাই; তথাপি দেশের লোকে তাঁহাকে জোর জবর করিয়া ঐ কাজ করাইতেছে। ইহা শুনিয়া মাত্র তিনি ব্যাকুল হইয়া পড়িলেন; তাঁহাদের জন্য কতই ভাবিতে লাগিলেন, নিজের টাকা দিয়া তাহাদিগকে কলিকাতায় আনিবার জন্য লোক পাঠাইলেন, কিন্তু তাঁহারা আসিতে পারিলেন না। এজন্য প্রাণে বড় দুঃখ রহিল।

একদিন রোগ-শয্যায় পড়িয়া শুনিলেন যে তাঁহার ভবানীপুরস্থ একজন ব্রাহ্ম বন্ধুও তাঁহার মত ক্ষয়-কাশ রোগে কষ্ট পাইতেছেন, সে বন্ধুটী অতি দরিদ্র। তিনি একজন লোকের হাতে ৫টা টাকা দিয়া বলিয়া দিলেন—“তাঁহাকে বলি-বেন, ইহা অতি যৎসামান্য হইল, আমি নিজে পীড়িত তাহা না হইলে আমি স্বয়ং গিয়া তাঁহার সেবা করিতাম।”

পিতৃ মাতৃ হীন ছোট ছোট গরিবের ছেলে-দিগকে রাস্তা হইতে কুড়াইয়া তাহাদিগের জন্য একটা “আশ্রয়-বাটিকা” নিৰ্ম্মাণ করিয়া তাহাতে রাখিয়া মানুষ করিতে হইবে, এই ইচ্ছা তাঁহার মনে অত্যন্ত প্রবল ছিল। কিছু টাকা হইলে ঐ কাজ করিবেন এই প্রতিজ্ঞা ছিল; রোগে পড়িয়াও সেই ভাবনা ভাবিতেন; এবং মধ্যে মধ্যে এইরূপ প্রলাপ বকিতেন। তিনি ছোট ছোট ছেলে এত ভাল বাসিতেন যে, এই ত রোগ যাতনা, কথা কহিতে কষ্ট হয়; তখনও একটা ছোট ছেলে আসিলে তাহার সঙ্গে কত কথা কহিতেন, কত উপদেশ দিতেন, কত উৎসাহ দিতেন


ঈশ্বরের প্রতি তাঁহার প্রগাঢ় বিশ্বাস ও

অনুরাগ ছিল। রোগ শয্যায় সর্বদা একখানি ব্রহ্ম-সংগীত তাঁহার বালিশের কাছে থাকিত। গাইতে জানেন এমন কোন লোক দেখিতে পাইলেই ঈশ্বরের নাম গাইতে অনুরোধ করিতেন। নিজের পীড়ার বিষয়ে কৌতুক করিয়া বলিতেন—“আমি পিতার হৃষ্ট ছেলে, তাঁর কথা শুনিনাই, স্বাস্থ্যের নিয়ম ভঙ্গ করিয়াছি, তাই পিতা আমাকে সাজা দিয়াছেন, এত মাস বিছানায় ফেলিয়া কয়েদ করিয়া রাখিয়াছেন।” এই ভাবিয়া রোগ যাতনা সহ করিতেন। যেদিন তাঁহার মৃত্যু হয়, সেদিন কিছুক্ষণ পূর্বে তাঁহার জ্যেষ্ঠ সহোদর প্রভৃতি যখন কাঁদিতে লাগিলেন তখন তিনি বলিলেন “তোমরা কাঁদ কেন, ঈশ্বর আমাকে টানিয়া লইতেছেন।”

তিনি প্রতিদিন যে যে কাজ করিতেন, দৈমন্দিন লিপিতে তাহা লিখিয়া রাখিতেন। সেই দৈনিক বিবরণগুলি পড়িলে দেখা যায় যে, এমন দিন যায় নাই যে দিন তিনি ভাল হইবার জন্ত একান্ত মনে ঈশ্বরের নিকট প্রার্থনা করেন নাই।

গরিবের প্রতি তাঁহার বড়ই দয়া ছিল। এক দিন রাস্তায় এক খোঁড়ার সহিত তাঁহার দেখা হয়, তথায় সে তাঁহাকে নিজের দুঃখ সমুদায় বর্ণনা করিয়া বলে; তিনি এই খোঁড়ার দুঃখ কাহিনী শুনিয়া বড়ই ব্যথিত হইলেন। তাহাকে তাঁহার নিজ বাসায় গাড়ী করিয়া আনিয়া কিছু খাওয়াইয়া সুস্থ করিলেন এবং পরে তাহার দুঃখের কারণ সমুদায় শুনিলেন। তিনি তাহাকে একটা ক্ষুদ্র দোকান করিবার জন্য কিছু টাকা দিলেন এবং মধ্যে মধ্যে খবর লইতে লাগিলেন। দোকান চলিল না দেখিয়া তিনি নিজের ব্যয়ে তাহাকে তাহার বাটীতে পাঠাইয়া দেন।

এইরূপে পরের জন্য ভাবিতে ভাবিতে
খাটিতে খাটিতে প্রমদাচরণের জীবন শেষ হইয়া
গেল। এইরূপে জীবন গেলেইত জীবন ধন্য হয়।
ইনি বাঁচিয়া থাকিলে যে দেশের একটা বড় লোক
হইতেন তাহাতে সন্দেহ নাই। কিন্তু অসময়ে
আমরা ইহাকে হারাইলাম। যাহা হউক জগদী-
শ্বরের ইচ্ছা পূর্ণ হউক। এস পাঠক পাঠিকাগণ!
আমরা ঈশ্বরের নিকট প্রার্থনা করি যে, তিনি
তাঁহার পরকালগত আত্মাকে সুখ শান্তিতে রক্ষা
করুন।



ঈশ্বরের দয়া ।

জগদীশ!

এ ভব ভবন মাঝে
যে দিকে যখন চাই,
তোমার করুণা আহা!
কেবলি দেখিতে পাই।

তোমার আদেশে রবি
উজ্জ্বল কিরণ ময়,
তোমার আদেশে বায়ু
ভুবন ব্যপিয়া রয়।

চাঁদের মধুর আলো
যখন জগতে ভাসে,

তোমার করুণা যেন
উছলি উছলি হাসে।

অঁধার গগনে যবে
কোঁটা তারা দেয় দেখা,
তোমার মহিমা তাহে
জ্বলন্ত অক্ষরে লেখা।

পাখীরে ললিত গীতি
শিখায়েছ ভালবাসি,
ঢেলেছ ফুলের দলে
স্বরগের শোভারশি।

ভূধর, সাগর, মেঘ,
বিজলী, বরিষা-ধারা,
বিচিত্র কৌশল তব
মরমে জাগায় তারা!

নগরের কোলাহল
বিজনের নীরবতা,
না স্মৃতিতে বলে মরি!
তোমার স্নেহের কথা।


যখন যা প্রয়োজন
তখনি দিতেছ তাই,
কত বে বাসিছ ভাল
কিছু না জানিতে পাই।

ভাঙিলে ভবের খেলা
কোলেতে দিতেছ স্থান,
ভাবি নে ডাকি নে তবু
নাহি ভাব “কুসন্তান”!

মাছের কথা ।




অনেক রকমের আছে, আমরা
সচরাচর যে কয়েক রকমের মাছ
খর খাকি তাহা হইতে অনেক
বিভিন্ন এবং অনেক আশ্চর্য্য রক-
মের মাছ কোন কোন স্থানে দেখা যায়।
বালক বালিকাগণ! নিম্নে এক আশ্চর্য্য মাছের



ছবি দেখ। ছুইটা মাছ এক সঙ্গে যোড়া রহিয়াছে!
একটা মাছ যেখানে যাইবে আর একটিকেও
তথায় যাইতে হইবে। আজ ৩৮ বৎসর হইল
সিলমান নামক একজন বিলাতের পণ্ডিত আমে-
রিকায় উত্তর কারোলিনা নদীর মোহানার নিকট
এই যোড়া মাছটা পাইয়াছিলেন; তিনি তথা হইতে
তাহাদিগকে আপনার দেশে লইয়া আইসেন।





সমুদ্রে এক প্রকার মাছ আছে, তাহারা উড়িতে পারে। আমাদের নদীর কি পুকুরের মাছ কেবল-মাত্র সাঁতার কাটতে পারে; কিন্তু যে মাছের কথা (ছবি দেখ) বলিতেছি, তাহারা সাঁতার কাটে আবার জলের উপরে বাতাসেও উড়িয়া বেড়ায়। কতবার তাহারা ঝাঁকে ঝাঁকে জাহাজের উপর আসিয়া পড়ে; পক্ষি ক্লান্ত হইয়া যায়, আর উড়িতে পারে না এবং নাবিকগণ ধরিয়া ফেলে। এই মাছগুলি যখন রৌদ্রের সময় দল বাঁধিয়া জলের উপর দিয়া পাখা নাড়িতে নাড়িতে যাইতে থাকে, তখন তাহাদিগকে দেখিতে বেশ দেখায়। ইহাদের পিঠের উপরের রং ধূসর বর্ণ; পেটটা সাদা; ডানাগুলি গাঢ় নীল কেবল অগ্র-ভাগে পাকা কমলা লেবুর রঙ্গের মত একটা একটা ফোঁটা আছে। এইরকম নানা বর্ণের মাছ সূর্যের কিরণে উড়িতে দেখিলে কাহার না আনন্দ হয়?

এই মাছকে আমাদের দেশে “উড়ুকু মাছ” বলে। ইহাদের কাহারও কাহারও চারিটা এবং কাহারও কাহারও দুইটা ডানা আছে। এই মাছ তিন চারি রকমের হয়; তন্মধ্যে সর্বাপেক্ষা যে গুলি দেখিতে সুন্দর তাহাদিগকে ভূমধ্য সাগরে এবং লোহিত সাগরেই দেখা যায়। ইহারা অনেকক্ষণ শূন্যে থাকিতে পারে না। অধিকদূর উড়িতে হইলে এক একবার ইহাদিগকে জল ছুঁইতে হয়। জল না ছুঁইয়া প্রায় ১২০ হাত যাইতে পারে; তার পর একবার জলে একটু সময়ের জন্ত আসিয়া ডানা ভিজাইয়া আরও ৪০ হাত পর্যন্ত উড়িতে পারে। উড়িবার সময়ে ইহারা জলের চারি হাতের অধিক উপরে উঠে না। তোমাদের মধ্যে কেহ যদি জাহাজে চড়িয়া মাদ্রাজে যাও তবে এরকম মাছ কত দেখিতে পাইবে। জাহাজের বাহিরে একটা আলো লইয়া বসিয়া থাকিও, দেখিবে তোমার

কাছে কত উড়ুকু মাছ উড়িয়া আসিবে। আমেরিকার জেলেরা এই রকম করিয়া কত মাছ ধরে।


উপরে যে মাছের কথা বলা হইল উহা প্রায়ই দেখিতে পাওয়া যায়। রুই, বোয়াল যেমন এক এক রকম মাছের নাম, “উড়ুকু”ও সেইরূপ।



ঠাকুরদাদার গল্প ।

আগ্নেয় গিরি ।

(অবশিষ্টাংশ ।)



বীন বাবু বলিতে লাগিলেন—“এ সকল যে বর্ণনা করিলাম,—ভূমিকম্প, ধূম, অগ্নিশিখা, ধূলি ও প্রস্তর

নিষ্ক্ষেপ প্রভৃতি বাহার কথা পূর্বে বলিলাম, সে সকল উৎপাত আগে দেখা যায়। কিন্তু এ সব অপেক্ষাও ভয়ানক একটা আছে। যেন আগে জন কতক ফোঁজ পাঠাইয়া কিছু গোল-যোগ করিয়া তার পর সেনাপতি নিজে এসে হাঁজির হইলেন। এতক্ষণ ধরিয়া চারিদিকের গ্রাম সহর সমস্ত বিনষ্ট করিয়া, ঘর ঘর সব ভাঙ্গিয়া দিয়া, জীবজন্তু ধ্বংস করিয়া এবার

যেন নূতন সৃষ্টি আরম্ভ হইবে। সব লণ্ডভণ্ড করিয়া এবার আবার নূতন মাটি দিয়া গড়িতে হইবে।

তুবড়ী ছোড়া শেষ হইয়া গেলে যখন সেটা আনিতে যাও, তখন তার গায়ে কি লাগিয়া থাকে?”

চন্দ্র—“হাঁ, আমি দেখেছি তার মুখের বিন্দ থেকে কি যেন গলা গলা সব বাহির হ’য়ে তুবড়ী-টার গায়ে লাগে আর গড়িয়ে মাটিতেও গিয়া পড়ে, সে গুলা কি গা?”

দেবেন্দ্র—“হাঁ, আমিও দেখিতে পাই বটে।”

নবীন বাবু—“সত্য কথা, সকলেই প্রায় দেখে যে ছোড়া হয়ে গেলে তুবড়ীর গায় তার ভিতরের গন্ধক ও অন্য অন্য নানা জিনিষ গলিয়া লাগিয়া যায়। প্রকৃতির তুবড়ীর বিক-য়েও ঠিক সেইরূপ। আগ্নেয় পর্বতের যখন অগ্ন্যুৎপাত হয় তখনও ঐরূপ কাণ্ড সকল প্রথমে হইয়া থাকে,—এদিকে তাহার ভিতরে পৃথিবীর গর্ভে যে সব ধাতু, মাটি, পাথর, গন্ধক প্রভৃতি সামগ্রী আছে, সে সমস্ত গলিয়া এক রকম আগ্নেয় সমুদ্রের মত হইয়া তেজে উপর দিকে ঠেলিয়া উঠিতে থাকে। তেজ অল্প হলে শুধু ভূমিকম্প হইয়াই থানিয়া যায়, আর একটু বেশী হইলে ধোঁয়া বাহির হয়, আর ঐ দ্রব (গলা) পদার্থ রাশির কিছু কিছু তেজে ঐ ধূমের সহিত পর্বতের চূড়া দিয়া আকাশে বাহির হইয়া পড়ে। অনেক উপরে উঠে বলিয়া ঐ দ্রব পদার্থ ছিন্ন ভিন্ন হইয়া ধূলি বা বালির মত চারিদিকে ছড়াইয়া পড়ে। আসিবার সময়ে পথে যে সকল পাথরের টাই দেখিতে পায়, তাহারা উহার ভয়ানক তেজ থামান দূরে থাকুক, সেই তেজে উহারই সঙ্গে পর্বত হইতে

আকাশে উঠিয়া কত দূরে গিয়া পড়িতে থাকে, তাহার কথা পূর্বেই বলিয়াছি। কিন্তু তখনও সেই ভিতরকার সমুদ্রের ছই একটা চেউ দেখিতে পাওয়া যায় মাত্র। সমুদ্রকে তখনও দেখা যায় নাই। অবশেষে ওসকল উৎপাত কম হইয়া আইসে, আর পর্বতের উপরিস্থ সেই কড়ার মত গহ্বরটা ভিতরের গলা পাথরাদিতে পরিপূর্ণ হয়। দ্রব পদার্থের সাগরে আর চেউ নাই, সাগর এখন স্বয়ং উথলিয়া উঠিয়াছে! পর্বতের শিখর দেশের গহ্বর হইতে পৃথিবীর ভিতর পর্যন্ত যে নল আছে বলিয়াছি, ঐ নল দিয়া ক্রমে ক্রমে চূড়া পর্যন্ত দ্রব ধাতু, প্রস্তর প্রভৃতির সেই সমুদ্র উথলিয়া উঠে ও ঐ গহ্বরটা পরিপূর্ণ করে। সেটা কিন্তু বেশী বড় নয়, কাজেই তার মধ্যে কতক্ষণ সেই সাগরে গলা সামগ্রীর স্থান হ'বে বল? কাজেই উহার যে দিক নীচু, সেই দিক দিয়া গড়াইয়া অগ্নি-সমুদ্রের তরল পাথর পর্বতের গা বহিয়া পড়িতে আরম্ভ হয়। ইহারই নাম (Lava) “লাভা”। প্রায়ই আগ্নেয়-গিরির গায়ে অনেকগুলি ছোট ছোট গহ্বর থাকে, সেই ছোট ছোট গহ্বরগুলি দিয়াও দ্রব পদার্থের স্রোত বহিতে দেখা যায়। কখন কখন পর্বতের গা ফুঁড়িয়া বাহির হইয়া থাকে। কখন বা নূতন স্থান দিয়া প্রবাহিত হইয়া দেখানে নূতন আগ্নেয় পর্বত উৎপন্ন করিতেও দেখা যায়। এই দ্রব-প্রবাহ বড় ভয়ানক। ইহার ভূমিকম্প ও অগ্ন্যুৎপাতের মূল কারণ, এবং ইহারাই আগ্নেয় পর্বত সকল প্রস্তুত হইয়াছে, ইহারাই সমুদ্রের কত শত দ্বীপও নিশ্চিত হইয়াছে। সার উইলিয়ম হ্যামি-ণ্টন নামক একজন বিখ্যাত সাহেব আগ্নেয়গিরি ও অগ্ন্যুৎপাত সম্বন্ধে নিজে জ্ঞানলাভ করিয়া

সাধারণ লোকদিগকে জানাইবার জন্য ভীষণ অগ্নিকুণ্ড সম ভিসুভিয়স্ পর্বতের নিকট নেপলস্ দেশে ৩০ ত্রিশ বৎসর কাল বাস করেন। তিনি ঐ দীর্ঘকালের মধ্যে অনেকবার উহার ভয়ানক উৎপাত স্বচক্ষে দেখিয়া যেরূপ সুন্দর বর্ণনা করিয়া গিয়াছেন, তাহা পাঠ করিলে আগ্নেয়-গিরির বিষয়ে বেশ জ্ঞান লাভ করা যায়। কিন্তু এ যে ভয়ানক ব্যাপার, তা না দেখিলে কিছুই অনুভব করা অসম্ভব। তথাপি তোমাদের জন্য আমার না-দেখা কথা অপেক্ষা তাহার এক বারের বর্ণনা হইতে কতকটা বলি শুন।

“১৭৯৪ খ্রীষ্টাব্দে উক্ত পর্বতে যে ভয়ানক অগ্নিকাণ্ড হইয়াছিল, তাহার বর্ণনায় ইনি এইরূপ লিখিয়াছেন, সংক্ষেপে তোমাদিগকে বলি: ‘১৫ই জুন রবিবার রাত্রি দশটার সময়ে হঠাৎ একটা ভূমিকম্প হইল, বাহিরে গিয়া দেখি পর্বতের চূড়ার উপর ও চারিদিকের ছোট ছোট (গতবারের ভিসুভিয়সের চূড়ার ছবি দেখ) উপর দিয়া ভয়ানক অগ্নিশিখা ও কাল ধোঁয়া বাহির হইতেছে। এইরূপ ভলকে ভলকে এমন কি ১৫টা স্থান দিয়া অগ্নি ও ধূম বাহির হইতে দেখিলাম। বজ্রের মত ভীষণ গর্জনে কাণ ফাটিয়া যাইতে লাগিল! তার পর বোধ হইল যে দ্রব পদার্থের প্রবাহ সকল পর্বতের চূড়া ও গায়ের নানা স্থান দিয়া বাহির হইয়া গা বহিয়া নীচে আসিতে আরম্ভ হইয়াছে।

‘এদিকে ক্রমাগত যেন ঝড়ের সময় সমুদ্রের ডাকের মত হুঁ হুঁ শব্দ অনবরত হইতেছে, ওদিকে যেন শত সহস্র হাউই এক সঙ্গে ছুড়িলে যেমন ভয়ানক শব্দ হয়, তেমনি ভয়ানক শব্দে হাজার হাজার পাথরের টাই, আকাশে মহাতেজে শাঁশাঁ

করিয়া ছুটিতেছে ও কতদূরে গিয়া পড়িয়া গৃহঘার জানালা চুরমার করিয়া দিতেছে; আবার তার মধ্যে ঘনঘন লক্ষ লক্ষ কামান একত্রে আওয়াজ করিলে যেমন শব্দ হয় বা শত শত বজ্রাঘাত উপরি উপরি হইলে যেরূপ হয়, তেমনি শব্দে কানে তালা লাগিয়া যাইতেছে; আকাশ যেন ফাটিয়া যাইবে। পৃথিবী যেন বিদীর্ণ হইবে! পর্বত যেন চূর্ণ হইবে!! সে দৃশ্য না দেখিলে বর্ণনার দ্বারা অনুভব করা অসম্ভব।

‘পরদিন প্রাতে দেখা গেল যে পর্বতের গা বহিয়া দ্রব পদার্থের স্রোত নীচে আসিয়াছে এবং পর্বতের নিম্নের “টর্রেডেল গ্রেকো” (Torredel Greco) নামক নগরের মধ্য দিয়া প্রবাহিত হইয়া তাহার অধিকাংশ হল দগ্ন ও উচ্ছন্ন করিয়া শেষে সাগরে গিয়া পড়িয়াছে। যেখানে গিয়া সাগরে মিশিয়াছে তথায় ৮০০ হস্ত চওড়া, ৮ আট হাত জলের ভিতর ৩৮ আট হাত উচ্চ সর্বশুদ্ধ ১৬ যোল হস্ত পুরু একটা নূতন অন্তরীপ প্রস্তুত হইয়া গেল। জলের মধ্যেও প্রায় ৪২০ চারি শত কুড়ি হস্ত লম্বা হইয়া প্রবেশ করিয়াছিল। ঐ দ্রব-স্রোত যে কি ভয়ানক গরম তাহার কল্পনাই হয় না। এত পথ চলিয়াও যখন জলে পড়িয়াছে, দেখিলাম যে সে স্থলের জলরাশি টগু বগু করিয়া ফুটিতেছিল। এমন কি আমি প্রায় ২০০ ছই শত হস্ত দূরে ছিলাম আমার নিকটের জলেও প্রচুর ধূম উঠিতেছিল, ও উহাতে হাত দিবা মাত্র আমার হাত বাস্তবিকই পুড়িয়া গেল। আমাদের নৌকার তলায় যে পীচ দেওয়া ছিল মাঝি দেখিল তাহা ঐ উত্তাপে গলিয়া যাইতেছে ও নৌকায় জল উঠিতে আরম্ভ হইয়াছে। কাজেই আমরা তাড়াতাড়ী সেস্থান পরিত্যাগ করিয়া পলায়ন করিলাম।’ এইরূপ কত ভয়া-

নক কথা এর পর শিখিবে, এখন সে সমস্ত কথা বলা অসম্ভব।’

অমূল্য—“দাদা বাবু! দ্রব-প্রবাহ কি রকম—ভাল করিয়া বলুন না, কতকটা বুঝিয়াছি বটে কিন্তু ওবিষয়ে আরও ভাল করিয়া বুঝাইয়া দিন।”


নবীন বাবু—“যথার্থ, আমি বুঝিতে পারি—তেছি না যে কিরূপে এমন কঠিন বিষয় তোমরা বেশ মনে ধারণা করিতে পারিবে। এ নিজে না দেখিলে তেমন উত্তমরূপে বুঝা কঠিন। তবু এস দেখি যতটুকু পারি শুন। যখন ঐ স্রোত বহিতে থাকে তখন তাহার চেহারা বড় ভয়ানক। তোমরা মনে কল্পনা করিলেই বুঝিতে পারিবে প্রায় এক মাইল দূর পর্যন্ত বিস্তীর্ণ, ৮১০।১২ হাত উচ্চ একটা গলা পাথরের নদী চলিয়াছে। তাহার উত্তাপে নিকটে যায় কার সাধ্য? জলন্ত রক্ত-বর্ণ, উপরটা ধোঁয়ায় ঢাকা, ভিতরে যেন হাপর! তোমরা কখন লৌহ গলাইবার হাপর দেখ নাই তাহা হইলে বেশ বুঝিতে পারিতে। যাহা হউক এই অগ্নিময় পাথরের নদী চলিয়াছে, সম্মুখে যাহা পড়িতেছে, অল্পক্ষণ মধ্যেই ইহার ভয়ানক গরমে পুড়িয়া যাইতেছে। প্রকাণ্ড প্রকাণ্ড বাড়ী, বড় বড় মন্দির, যাহা কিছু সম্মুখে পড়িবে, সকলই ভাঙ্গিয়া চুরিয়া নষ্ট হইয়া যাইবে। এইরূপে ধ্বংস করিতে করিতে কতদূরই চলে তাহার ঠিক নাই। কখন কখন পর্বত হইতে অল্প দূর গিয়াই থামিয়া যায়, কখন বা সাগরে গিয়া মিশে, কখন বা অনেক ক্রোশ পথ পর্যন্ত চলিয়া যায়। আইসলণ্ড দ্বীপের “স্ক্যাপটার যোকুল” নামক আগ্নেয় পর্বতের দ্রব-প্রবাহ বড় ভয়ানক। তথাকার ১৭৮৩ সালের অগ্নিকাণ্ড ১১ই জুন আরম্ভ হইয়া ক্রমাগত ছই বৎসর কাল চলিয়াছিল। পর্বতের ছই পাশ দিয়া ছটা

প্রবাহ বাহির হইয়া একটা ৫০ পঞ্চাশ মাইল, অপরটা ৪০ চল্লিশ মাইল পথ গিয়াছিল। প্রথমটার বিস্তার ১২ হইতে ১৫ মাইল; অপরটার প্রায় ৭ মাইল। চলিতে চলিতে ২০টা গ্রাম উচ্ছন্ন দেয় এবং ৯,০০০ নয় হাজারেরও অধিক লোকের প্রাণ বিনাশ করে। তত্ত্বিন্ন পশু ও অস্ত্রাদি যে কত নষ্ট হইয়াছিল তাহার সীমা নাই। এমন কি সে ক্ষতি আইস্লেও বাসীরা আজও পূরণ করিয়া উঠিতে পারে নাই; “স্ক্যাপটা” নামক ১৩৫ হাত চওড়া, ৪০০ হাত গভীর একটা পার্বত্য নদী ঐ দ্বীপে ছিল। দ্রব পদার্থের স্রোত চলিতে চলিতে ঐ নদীতে গিয়া পড়ে এবং বহু দূর পর্য্যন্ত ঐ নদীর গর্ভ পূর্ণ করিয়া চলিয়া যায়। এখন ভাবিয়া দেখ যে কত দ্রব পদার্থই বাহির হইয়াছিল! !

ক্রমে বত পুরাতন হয় এই প্রবাহের উপরি-ভাগের পাথরের চাঁইগুলি তত জমাট বাঁধিয়া কঠিন হয়; এমন কি তখন দেখিলে বোধ হয় যেন রাশি রাশি পাথর এক সঙ্গে জমাট করিয়া কোন দৈত্য সেই চাঁই পিছন থেকে ঠেলিয়া দিতেছে। উপরে কঠিন পাথর, তাহার উপর দিয়া চাঁই যাওয়া যায়। আর বাস্তবিকও কোন উচ্চ স্থানে লুকাইয়া থাকে, পরে শুকাইয়া গেলে ঐ কঠিন পাথরের উপর দিয়া পলাইয়া প্রাণ রক্ষা করে। উপরের ঐ কঠিন আব-গণের ভিতরে কি ভয়ানক অগ্নিকুণ্ড তা বুঝিতেই পারিতেছ। সে আগুণ অনেক দিন পর্য্যন্ত নিবে না। ১০।১৫ দশ পনের বৎসর পর্য্যন্তও তাহার উপরের ফাটল দিয়া ভিতরের গরম ভাব উঠিতে দেখা যায়; তাহাতে হাত নিশ্চয় পুড়িয়া যাইবে।

সাগরের গর্ভেও আগ্নেয়গিরি থাকে। তাহাদের যখন অগ্ন্যদগম হয়, তখন প্রায় ভয়ানক কাণ্ড হইয়া থাকে; অনেক স্থলে নূতন দ্বীপ উৎপন্ন হয়, তাহার সঙ্গে সঙ্গে প্রায় নূতন গহ্বর থাকে তাহা হইতে আবার উৎপাত হয়। এইরূপেই সিসিলী দ্বীপে এটনা; আইস্লেণ্ডের হেক্লা, কেনেরী পুঞ্জের টেনেরীফ্ প্রভৃতির উৎপত্তি হইয়া থাকিবে।”

অনেক রাত্রি হওয়ায় আজ এইখানেই গল্প শেষ হইল। সকলে আশ্চর্য হইয়া বাড়ী গেলেন!



ছেলেবেলার নেলসন্ ।

জন্ম কলজাতি অপেক্ষা ইংরাজেরা জল-যুদ্ধে বড়। সমুদ্রের মধ্যে জাহাজে জাহাজে লড়াই হইলে আজ কাল কোন দেশের লোকই ইংরাজকে পরাজয় করিতে পারে না। এই জন্ত তাহাদিগকে জলের রাজা বলে। কাহার জন্ত তাহার এত বড় হইলেন জান? তিনি হোরেসিও নেলসন্। ফরাসী-দের সহিত ইংরাজদের মহা যুদ্ধ হয়। তাহাতে তিনি আপনার বিদ্যা বুদ্ধি ও সাহসের গুণে জয় লাভ করেন। নেলসনের সমস্ত জীবন চরিত

আজ তোমাদিগকে বলিব না। তিনি যখন তোমাদের মত ছেলেমানুষ ছিলেন সেই সময়ের ছুই একটা কথা শোন। দেখিতে পাইবে যাহারা বড় লোক হন ছেলেবেলা হইতেই তাহাদের বড় লোক হইবার চিহ্ন দেখিতে পাওয়া যায়।

নেলসন্ যাহা করিব বলিতেন তাহা না করিয়া ছাড়িতেন না। তাঁর সাহসের কথা শুনিলে গল্প বলিয়া বোধ হয়। ১২ বৎসর বয়সের সময় তিনি একদিন একটা খবরের কাগজ পড়িতে পড়িতে জানিতে পারিলেন যে তাঁহার কাকা কোন জাহাজের কর্তা হইয়া এক যুদ্ধে যাইতে-ছেন। তাঁহার দেড় বৎসরের বড় এক দাদা তখন তাঁহার নিকটে ছিলেন। তিনি তাড়াতাড়ি তাঁহাকে বলিলেন “দাদা, শীঘ্র বাবাকে পত্র লেখ; আমি কাকার সঙ্গে লড়াই যাব।” কত লোক তাঁকে কত বুঝাইল; কত লোক কত ভয় দেখাইল; কেহ বলিল এক গোলায় চোটে তোমার মাথা চূর্ণ হইয়া যাইবে; কেহ বলিল সেখান হইতে আর ফিরিয়া আসিতে হইবে না; কিন্তু তিনি শুনিলেন না। একবার যাহা বলিয়াছেন তাহা ফিরাইলেন না। তাঁহার পিতা তাঁহার স্বভাব জানিতেন; তিনি বড় অধিক আপত্তি করিলেন না; হোরেসিও হাসিতে হাসিতে কাকার সঙ্গে যুদ্ধে চলিয়া গেলেন। সে যুদ্ধে তাঁহার নাম বাহির হয়।

ইউরোপের উত্তরে কোথায় কি দেশ আছে তাহা তখনে সকল আবিষ্কার করা হয় নাই। কতবার কত লোক জাহাজে চড়িয়া দেশ আবিষ্কার করিতে গিয়াছিলেন; কেহই বড় একটা কিছুই করিতে পারেন নাই। সে দেশে বড় শীত। জল পর্য্যন্ত জমিয়া যায়। কত লোক তথায়

যায়, আর ফিরিয়া আসিতে পারে না। যাহা হউক এই সময়ে আর একজন কাপ্তেন এক জাহাজ লইয়া এ অঞ্চলের দেশ আবিষ্কার করিতে যাত্রা করেন। নেলসন্ তাহাদের সঙ্গে যান। এখন তিনি ছেলেমানুষ হইলেও অনেকের জানিত লোক। তিনি কয়েক জন গোরার কর্তা হইলেন।

তাহার পর কি হইল শোন। এক জায়গায় জাহাজ বাধিয়াছে; চারিদিকে বরফ, রাত্রি ছুই প্রহর, অত্যন্ত কুয়াসা দিয়াছে। কাজে কাজেই বড় নজর চলে না। এমন সময় নেলসন্ এক জন বন্ধুর সহিত জাহাজ হইতে কাপ্তেনের অনুমতি না লইয়া নামিলেন; তাহারা ভল্লুক শিকার করিবেন। কিছুদূর যাইতে না যাইতেই এক প্রকাণ্ড ভল্লুক দেখিতে পাইলেন। উহা সর্বদা বরফের মধ্যে থাকে বলিয়া ঠিক আমাদের দেশের ভালুকের মত নয়; কিন্তু খুব ভয়ানক। উভয়ে গুলি চালাইলেন, কিছুই হইল না। একটা ছুটা করিয়া চারিবার বন্দুকে আওয়াজ করা হইল, ভালুকের কিছুই হইল না। এদিকে বারুদ ক্যাপ ফুরাইয়া গিয়াছে; তখন সঙ্গী বলিলেন “হোরেসিও, চল জাহাজে পলাইয়া যাই”। কিন্তু তিনি তাহা শুনিলে না, বলিলেন “পালাব না, বন্দুকের ঘা মারিয়া ভালুকের মাথা ভাঙ্গিব।”

এমন সময় কুয়াসা ফুরাইয়া গিয়াছে। জাহাজের লোকে সকলে উঠিয়াছেন। নেলসনের বন্ধুগণ তাঁহাকে খুঁজিতেছেন। সকলে দেখিলেন যে তিনি বন্দুকের বাঁটের আঘাতে এক ভয়ানক ভালুক মারিতেছেন। জানোয়ারটা তাঁহাকে খাইতে আসিতেছে। জাহাজ হইতে কত লোক তাঁহাকে ফিরিয়া আসিতে বলিলেন। জাহাজের অধ্যক্ষ বিউগিল বাজাইয়া আসিতে বলিলেন। তিনি



ফিরিলেন না। ভালুক মারিয়া তবে ফিরিলেন।
 জিজ্ঞাসা করিলেন “ভালুক মারিয়া কি
 হবে?” নেলসন্ উত্তর করিলেন “উহার
 চামড়া লইয়া যাইয়া বাবাকে দিব।”
 বাস্তবিক, ভয় কাহাকে বলে নেলসন্ তাহা
 জানিতেন না। যখন তিনি খুব ছেলে মানুষ তখন
 এক রাখালের সহিত একদিন পাখী ধরিতে যান।
 খাবার সময় চলিয়া গেল। তবু তিনি ফিরিলেন

না। সকলে খুঁজিতে লাগিলেন; অবশেষে দেখেন
 যে বালক এক নদীর তীরে একেলা বসিয়া
 আছে। তাঁহার ঠাকুরমা জিজ্ঞাসা করিলেন
 “একেলা বসিয়াছিলে, ভয় পাও নাই?” বালক
 সরলভাবে উত্তর করিল “ভয় কাকে বলে ঠাকুরমা;
 ভয় কেমন জিনিস?”
 আর একটা তাঁহার বিশেষ গুণ ছিল। তাহা
 এখনো তোমাদিগকে বলা হয় নাই। তিনি

মিথ্যার দিক্ দিয়ে যাইতেন না। একদিন
 খুব বরফ পড়ে। আমাদের দেশে যেমন জল
 হয় শীতপ্রধান দেশে সেইরূপ বরফও পড়িয়া
 থাকে। হোরেসিও ও তাঁহার ভ্রাতাদের স্কুলে
 যাইবার সময় হইয়াছে। কেহ কেহ বলিলেন আজ
 আর স্কুলে যাওয়া যাবে না। বরফে পথ বন্ধ
 হইয়া গিয়াছে। পিতা উত্তর করিলেন, আচ্ছা
 বই লইয়া রাস্তায় বাহির হও, যদি না পার
 ফিরিয়া আসিবে। কয়েক ভাই পড়িতে যাইতে
 বাহির হইলেন, বড় ভাই বলিলেন “এত বরফে
 যাওয়া যাবে না।” কিন্তু হোরেসিও বলিলেন
 “তাহা হ'বে না;” বাবা আমাদিগকে বিশ্বাস
 করিয়া পাঠাইয়া দিয়াছেন, যেমন ক'রে পারি
 স্কুলে যাব” এই বলিয়া তিনি স্কুলে চলিয়া গেলেন।

বালক বালিকাগণ! তোমাদিগকে অধিক কিছু
 বলিব না। তোমরা বোধ হয় নিজেই বুঝিতে
 পারিতেছ যে, বড় লোক হইতে হইলে ছেলেবেলা
 হইতেই তাহার জন্ম প্রস্তুত হইতে হইবে। “ছেলে
 মানুষ বই ত নই; এখন শুধু খেলে দেলে
 বেড়াই, পরে ভাল ভাল কাজ করিব,” এমন
 ভাবিলে কিছুই হইবে না। যে যে বিষয়ে বড়
 হইতে ইচ্ছা কর এই ছেলেবেলা হইতেই চেষ্টা
 কর। নহিলে আর হইবে না।

নূতন গল্প।

এক রাজা, তার তিন ছেলে। বড়
 ছেলে গাঁজা খায়, মেজ ছেলে লাঠি
 হাতে ঘুরিয়া বেড়ায়, ছোট ছেলে
 বাপের কাছে বসিয়া রাজ্যের কাজ-
 কর্ম দেখে। বড় ছোটো ছোটটাকে দেখিতে
 পারে না।

“সোণার গাছ, রূপোর পাতা; খেত কাকের
 বাসা তাতে!” রাজার বড় ইচ্ছা এই গাছ
 ছেলেরা আনিয়া দেয়। তিন ছেলে কত
 জায়গায় ঘুরিল। বড় ছোট কি হইল জানা
 গেল না; ছোটটি ঘুরিয়া ঘুরিয়া এক রাজার
 বাড়ীতে যাইয়া উপস্থিত। সেখানে জন প্রাণী
 কিছুই নাই; সব খালি। এক ঘরে একটা
 মেয়ে ঘুমাইয়া আছে; তার মাথার কাছে
 রূপোর কাঠি, পায়ের কাছে সোণার কাঠি।
 সে পায়ের কাঠিটা মাথায় আনিল আর মাথার
 কাঠিটা পায়ের দিকে লইল; অমনি মেয়েটা
 জাগিয়া উঠিয়া তাহাকে বলিতে লাগিল, “হায়!
 মানুষের ছেলে তুই এখানে কেন এলি? তোকে
 এখনি খেয়ে ফেলবে। এ বাড়ীতে রাক্ষস থাকে।
 আমার বাবাকে খাইয়াছে, মাকে খাইয়াছে,
 বাড়ীর সকলকে খাইয়াছে, সে দিন ছুটি রাজার
 ছেলে ‘সোণার গাছ রূপোর পাতা, খেত কাকের
 বাসা তাতে’ এই গাছ নিতে এসেছিল, তাদেরও
 খেয়েছে। আমাকে যে কেন খায় নি জানিনে।”
 সে বুঝিতে পারিল যে মেয়ে তাহার ছই দাদার
 কথাই কহিতেছে। তাহার সঙ্গে আলাপ করিয়া
 কত কথাই জানিয়া লইল;—রাক্ষসও সহজে
 মরিবে না, তবে যদি কেহ ঐ পুকুরের তলায়
 যে স্ফটিকের স্তম্ভ আছে, সেটাকে এক নিঃশ্বাসে
 ডুব দিয়া তুলিতে পারে; তার পর তাহাকে
 ভাঙ্গিয়া তাহার ভিতরে যে ভ্রমরটা আছে,
 তাহাকে মারিয়া ফেলিতে পারে তবে ঐগুলি
 মরিবে। রাক্ষসেরা যত লোককে খাইয়াছে,
 তাহাদের হাড়গুলি সবই রাখিয়া দিয়াছে। যদি
 কেহ রাক্ষসগুলিকে মারিয়া তারপর ঐ হাড়-
 গুলিতে এই সোণার কাঠি এবং রূপার কাঠি
 ধোওয়া জল ছড়াইয়া দিতে পারে, তবে ঐ সকল

লোক বাঁচিয়া উঠিবে। রাজার ছেলে এই কথা শুনিয়া একদিন রাক্ষসদের অল্পস্থিতিতে এই সকল কার্য সাধন করিল। রাক্ষসও মারিল, ভাইদেরও বাঁচাইল।

আরও এক গল্প শুনিয়াছি। রাজার মেয়ে মরিয়া গেল, মুনি ঠাকুর আসিয়া রাজার নিকট বলিলেন, “রাজা, তোমার মেয়েকে আমি বাঁচাইয়া দিতেছি। আমাকে একটা বড় কড়া দাও, একটা টেবিল দাও, একটা ছুরি দাও, আর জল ও আগুন দাও। রাজা সকলই দিলেন। মুনি ঠাকুর সেই মড়াটাকে কড়াতে সিদ্ধ করিয়া তায় মাংসগুলি ফেলিয়া দিলেন। পরে হাড়-গুলি পরিষ্কার করিয়া টেবিলে রাখিয়া তাহাতে মন্ত্রপূর্বক জল ছড়াইয়া দিলেন, আর অমনি যে মেরে ছিল সেই মেয়ে হইয়া উঠিল।

এ সব তো গেল গল্প। সত্যি সত্যি মড়া বাঁচাইতে দেখিয়াছ? আমি দেখি নাই, কিন্তু শুনিয়াছি। চোরা-সান্নিপাত রোগে যাহারা মরে, তাহাদের অনেককে দেশীয় শাস্ত্রীয় কবিরাজেরা বাঁচাইয়াছেন; এরূপ গল্প অনেকের মুখে আমি শুনিয়াছি।

একখানি ইংরাজি কাগজে নিম্ন লিখিত গল্পটি পড়িয়াছি।—

“বিলাতের একজন ডাক্তার একটা ছোট কুকুরের গলার শিরা কাটিয়া দিলেন; কুকুরটি বেঁচে থাকিতে রক্ত পড়িয়া মরিয়া গেল। পরে তিন ঘণ্টা কাল একটা ঘরে কুকুরটি রাখিয়া দেওয়া হইল। কুকুরটি মৃত হইয়া গেল। তার পর তাহাকে গরম জলে ভিজিয়া ক্রমাগত মাজিয়া দেওয়া হইল। হাত পা গুলি অনেকক্ষণ নাড়িয়া চাড়িয়া দিলে পরে কুকুরটি বেশ নরম হইল। তার পর মাংসের একটা খাবার নল দিয়া তাহার পেটে কিছু কিছু রক্ত পূরিয়া দিলেন। একটা কল দিয়া কৃত্রিম নিঃশ্বাস প্রদান করান হইতে লাগিল; এবং একটা বড় কুকুরের রক্ত ঐ ছোট কুকুরটির গায়ে প্রবেশ করাইয়া দেওয়া হইল। এই সকল কার্য একবারে হইতে লাগিল। অর্থাৎ একজন সাহেব নিঃশ্বাস প্রদান করাইতে লাগিলেন, একজন রক্ত দিতে লাগিলেন আর এক জন ক্রমাগত তাহার শরীরটা মাজিতে লাগিলেন। ক্রমে কুকুরটির চক্ষু সতেজ হইল, আর কয়েক মুহূর্ত পরে শরীরটি একটু একটু কাঁপিতে লাগিল। তার পর কুকুরটি হাঁপাইতে লাগিল, চক্ষু উজ্জল হইল; শেষে ফিট হইলে যেমন হয়, সেইরূপ করিতে লাগিল। তার পর ক্রমেই শান্ত হইয়া আসিতে লাগিল, একটু একটু কঁকাইতেও লাগিল। প্রথম রক্ত দেওয়ার কুড়ি মিনিটের মধ্যে কুকুরটি উঠিয়া বসিল। শীঘ্রই দাঁড়াইয়া তার পর হাঁটিতে লাগিল। দুই দিনের মধ্যে সে রাস্তায় দেউড়িয়া বেড়াইতে লাগিল।

“সাহেবদের গরু বাছুর মারিতে আপত্তি নাই, সুতরাং ডাক্তার মহাশয় একটা বাছুরকেও ঐরূপ করিয়া দেখিলেন। সেও বাঁচিল। আর একটা ছোট কুকুরকে জলে ডুবাইয়া মারিয়া আবার ঐ প্রণালীতে বাঁচাইয়া দিলেন।”

আমরা ছোট খাট রকমে এক প্রকার মরা জানোয়ার বাঁচাইয়াছি। সে হয়ত পাঠকগণের মধ্যে সকলেই এক এক বার করিয়া থাকিবেন। মাছি গুলিকে ছ একটা চড় চাপড় মারিলেই তাহারা মরিয়া যাইতে রাজি হয়। একটা মাছিকে ঐরূপ করিয়া তাহাকে সহজেই পুনরায় বাঁচান যাইতে পারে। মাছটিকে এক হাতে রাখিয়া আর এক হাত দিয়া তাহার উপর একটা ঘর নির্মাণ করিয়া দেও। ঘরের একটা ছোট দরজা রাখিয়া তাহার মধ্য দিয়া খুব ফু দিতে থাক। দেখিবে, শীঘ্রই মাছটি বাঁচিয়া উঠিবে।

আমাদের দেশের কথা শুনিয়াছি, সর্পাঘাতে মরা লোকগুলিকে তিন দিন চারি দিন পরে ওঝা আসিয়া মন্ত্র পড়িয়া বাঁচাইয়া দিতে পারে। সত্য মিথ্যা শপথ করিতে পারি না।



আগষ্ট, ১৮৮৫।

(প্রাপ্ত।)

শোক-সঙ্গীত।

কেমনে কহিব 'সখা'!—শুনে যে বরিছে আঁখি
“গিয়াছেন সম্পাদক আমাদের দিয়ে ফাঁকি”!

শত বজ্রাঘাত হেনু মরমে বাজিল যেন,
নাই সে “প্রমদা বাবু” এ জগতে নাই?
কেরে আজ কেড়ে নিলি আমাদের ভাই!

সন্ধ্যায় যে শশী ছিল তায় রাহ গরাদিল,
উজ্জল জ্যোছনা, আহা না হ'তে প্রকাশ
পূর্ণিমায় অমাবস্তা একি সর্বনাশ!

এত যে উন্নতি আশা, স্বদেশের ভালবাসা
মঙ্গল কামনা এত, কিছুই হল না?
পাষণ শমন তাঁরে সময় দিল না!

অবোধ বালকগণে প্রাণপণে সযতনে
কে শিখাবে নবনীতি? প্রতিমাস এলে,
কে দিবে তোমাতে 'সখা'! এত মধু চেলৈ?

'সখা'র উন্নতি তরে কে আজ যতন করে?
ভীষণ আষাঢ় মাস! কেন তুই এলি,
ভাঙিলি নবীন তরু না উঠিতে কলি!

হায়রে দাক্ষণ কাল, নাহি মানে কালাকাল,
অকালে এহেন জনে করিল হরণ,
এমন কঠিন মন তোরই শমন!

প্রিয় শিশু ভাই বোন! তোদের কোমল মন
কতই ব্যথিত আজ! বলিতে না পারি,
(আমাদের বুক ফাটে, বলিব কি করি!)

যে তোদের অবিরত, দিতে ছিল শিক্ষা কত
সে শিক্ষক সে বান্ধব আজ আর নাই।—
কাঁদে না পাষণ কেবা মনে করি তাই?

তিনটা বছর ধরে, তোদের কল্যাণ তরে
খেটেছেন, খাটিতেন আর (ও) কী হায়
আজি তা ভাবিতে শুধু বুক ফেঁদে যায়

উৎসাহেতে পূর্ণ মন, ছিল আশা অগণন,
ধরিল নিদ্রয় রোগ এমন সময়,
স্বদেশ বৎসল যুবা মাগিল বিদায়!

কোথা সে উন্নতি তাঁ'র, মানবের উপকার,
কোথা র'ল চির সাধ ইংলও ভ্রমণ
কিছুই না হ'তে হল অকাল মরণ!!

১২

চলি গেছে মহামতি যথা সে অমরাবতী
অনন্ত শান্তির রসে হয়েছে মগন ।
আঁধার এ বঙ্গভূমি বঙ্গবাসী মন ।

১৩

তিন বছরের ছেলে ছুমি সখা ! পড়ে রলে,
এখন ভরসা যত অনাথ-পালকে
তঁরাই নেবেন কোলে কাঙ্গাল বালকে !

১৪

দেশের রতন গুলি, কেবল পড়িছে খুলি
জ্ঞানী ধনী গুণী মানী মরিছে সবাই ;
মরিলে "প্রমদা বাবু" আমাদের (ই) ভাই !

১৫

আয় আয় ভাই বোন, খুলিয়া পরাণ মন
আমরা চাহিরে শিক্ষা বিভূ পদ তলে,
রাখুন সে মহাআরে, স্নেহময় কোলে ।

১৬

যা'ক দিন মাস বর্ষ, ভারত পাউক হর্ষ,
লভুক অভাগা 'সখা' পরম উন্নতি
ফুরাবে না আমাদের এ বিষাদ-গীতি ।




অন্ধদিগকে দয়া কর ।

জন্ম নয়, অসময় নাই, যখনই কোন
সহরের বড় রাস্তায় বাহির হও তখনই
দেখিতে পাও যে কত অন্ধ রাস্তার
পার্শ্বে বসিয়া ধূলিতে গড়াগড়ি করিয়া শিক্ষার

জন্ত কাতোরক্তি করিতেছে । সমস্ত দিন না
থাইয়া সকালবেলা হইতে সন্ধ্যা পর্যন্ত রাস্তায়
বসিয়া শিক্ষা করে ; পরে সন্ধ্যা হইলে যখন
গাড়ী ঘোড়ার চলতি কমিয়া আইসে তখন যথা-
সাধ্য বাড়ী বাড়ী ঘুরিয়া শিক্ষা করে । এইরূপ
করিয়া যৎসামান্য যাহা কিছু পায় তদ্বারাই
জীবিকা নির্বাহ করে ।

গ্রীষ্মকালে যখন আমরা ছাতি লইয়াও
রাস্তায় চলিতে ক্লেশ পাই, তখন বিনা ছাতিতে
হুই গ্রহরের সময়ে পথে বসিয়া থাকা, এবং
শীতকালে রাত্রিতে যখন আমরা লেপের মধ্যে
শুইয়া থাকিয়াও আরাম বোধ করি না, তখন
প্রায় শুধু গায়ে রাস্তায় রাস্তায় ঘুরিয়া বেড়াইয়া
শিক্ষা করা কি কষ্ট তাহা কাহাকেও বলিয়া দিতে
হইবে না । কি শীত, কি গ্রীষ্ম, কোন কালেই
তাহাদের কষ্টের বিরাম নাই ।—নির্জন রাত্রিতে
যখন রাস্তায় লোকের চলাচলতি কমিয়া আসি-
য়াছে তখন "কানা অন্ধকে দয়া কর মা ! অনাথ
গরিবকে দয়া কর বাপু!!" এই কাতোরক্তি
শুনিলে কি কষ্ট হয় তাহা সহজেই বুঝিতে পার ।
শরীরের সুখ, অসুখ, রোগ, শোকের প্রতি
দৃষ্টি নাই ; সব সময়েই বৃদ্ধ যুবা, বালক বালিকা,
স্ত্রী পুরুষ, সকলেই এইরূপ কষ্ট সহ করিয়া শিক্ষা
করিতেছে ।

আবার যাহাদের ঘর দোর, আত্মীয় স্বজন
নাই তাহাদের আরও কষ্ট । পরের বাড়ীতে
থাকিয়া, পরের সাহায্যে পথ চলিয়া যাহা পায়
তাহারও অংশ যাহারা আশ্রয় দেয় তাহা-
দিগকে দিতে হয় । এই কষ্টের রোজগারের যৎ-
সামান্য অংশের জন্তও পরের মুখপানে চাহিয়া
থাকিতে হয় । ইহা হইতে আর কি দুঃখ আছে ?
যাহাদের চক্ষু নাই, চেতন জীব হইয়াও যাহারা



ARTIST PRESS

অচেতন পদার্থের ন্যায় অন্যের সাহায্য ব্যতীত
এক স্থান হইতে অন্য স্থানে যাইতে পারে না,
তাহাদের মত দুঃখী আর কি কেহ আছে ?

আমাদের দেশের অন্ধদের এইরূপই ছরবস্থা ।
তাহাদের দুঃখ, কষ্ট দেখিবার লোক নাই । যদি
এই দুঃখীদিগের উপযুক্ত শিক্ষা দিবার কোন-
রূপ উপায় থাকিত তাহা হইলে আজ তাহাদের
এমন ছরবস্থা হইত না । অন্ধদিগকে শিক্ষা
দিবার কথা বলিলাম বলিয়া হয়ত তোমরা কেহ
কেহ বলিয়া উঠিবে যে যাহার চোক নাই সে
আবার কি করিয়া লেখা পড়া শিখিবে ? যাহারা
অন্ধ তাহারা চিরকালই শিক্ষা করিয়া থাকিবে ।
আমাদের দেশে অন্ধদিগকে শিক্ষা দিবার কোন
প্রকার স্কুল নাই, তাহাদিগকে সৎপথে রাখিয়া
মানুষ করিবার কোন উপায় নাই কাজেই তাহা-

দের এত কষ্ট । মাতার স্বাম পায়ে ফেলিয়া, রোগ
শোক ভুলিয়া গিয়া, শীত গ্রীষ্ম সহ করিয়া
কাজেই তাহারা শিক্ষা করিতেছে । এই শিক্ষা
দ্বারাই কোনমতে কষ্টে সৃষ্টে তাহারা তাহাদের
নিজের ও পরিবারের ক্ষুধা নিবৃত্তি করিবে ।

ইউরোপ, আমেরিকা প্রভৃতি
অন্ধদিগকে উপযুক্ত শিক্ষা দিবার
কালেজ আছে, উহা শুনিলে তোমরা
আশ্চর্য বোধ করিবে । বিলাতে অন্ধদিগকে
জন্ত, তাহাদিগকে সৎপথে রাখিয়া
বার জন্ত কিরূপ বস্ত্র এবং চেপ্টা করা হয়
অন্ধেরা শিক্ষা পইয়া কি কি কাজ করিতে
শুনিলে তোমরা অবাক হইবে !—

উপরে যাহার ছবি দেখিতেছ উনি একজন
জন্মান্দ ; উনিই বিলাতে অন্ধদের ছরবস্থা দেখিয়া

তাহাদিগকে উপযুক্ত শিক্ষা দিবার জন্ত (Royal Normal College for the Blind) রয়াল নর্মাল কলেজ নামে একটি কলেজ স্থাপন করেন। যে মহাপুরুষ নিজে অন্ধ হইয়া তাঁহার সমাবস্থাপন ছুঃখীদের ছুঃখ দূর করিবার জন্ত এই কলেজ স্থাপন করিয়া নিজে অধ্যক্ষ হইয়া কাজ করিতেছেন তাঁহার ইতিহাস একটু বলি শুন।

ইউনাইটেড স্টেটসের (United States) অন্তঃপাতী টেনেসে নগরে প্রায় ৫০ বৎসর হইল ফ্রান্সিস জোসেফ ক্যাশেলের জন্ম হয়; তিনি জন্মাবধিই অন্ধ। যখন অতি শিশু ছিলেন তখন সকলেই তাঁহার কিছুই হইবে না বলিয়া স্থির করিলেন। কিন্তু তিনি কিছু না করিবার ছেলে ছিলেন না; ছেলেবেলা হইতেই সঙ্গীদের সহিত মিশিয়া সময় কাটাইবার অনেক নির্দোষ আমোদজনক উপায় শিখিয়াছিলেন। আমাদের দেশের অন্ধেরা যেমন ছেলেবেলা হইতেই কুসঙ্গে মিশিয়া কুকাঁজ করিয়া সময় ক্রাটায় এবং ভাল হইবার জন্ত কখনও চেষ্টা করে না, তেমনি ক্রমে তাঁহার সে দশা ঘটে নাই।

ইচ্ছা মনে ক্রমশঃই প্রবল হইতে

তাঁহার বাড়ীর কিছু দূরে ন্যাস্ভিলি নামক

সহজের অন্ধদিগকে শিক্ষা দিবার জন্ত একটি

কলেজ আছে, তথায় তিনি ছয় বৎসর বয়-

স্কালে ভর্তি হন। তাঁহার এমনই প্রথর

বুদ্ধি, তোমরা শুনিয়া আশ্চর্য্যান্বিত হইবে যে,

তিনি এক ঘণ্টার মধ্যেই বর্ণমালা শিখিয়া ফেলি-

লেন। তোমরা ছাপান ইংরাজী অক্ষর দেখিয়া

সহজেই বর্ণমালা শেখ, কিন্তু অন্ধদের শিখিবার

জন্য এক প্রকার অক্ষর আছে, যাহা হাত দিয়া

ছুঁইয়া ছুঁইয়া শিখিতে হয়; সুতরাং সহজেই

বুঝিতে পার তাহাদের অক্ষর শেখা কত কষ্টকর।

স্কুলে ভর্তি হইয়াই তাঁহার সঙ্গীত শিখিতে

ইচ্ছা হইল; কিন্তু কলেজের সঙ্গীত শিক্ষক

তাঁহার সঙ্গীত শিখিবার ক্ষমতা নাই বলিয়া

তাঁহাকে সঙ্গীত শিখাইলেন না। তিনি হতাশ

না হইয়া নিজে বাটীতে শিক্ষক রাখিয়া সঙ্গীত

শিখিতে আরম্ভ করিলেন,—অল্পকাল মধ্যেই

তিনি সঙ্গীত এমন ভালরূপে শিখিলেন যে

তাঁহার ১৬ বৎসর বয়সের সময়ে তিনি সেই

কলেজের সঙ্গীতের অধ্যাপক রূপে নিযুক্ত

হইলেন।

কেবলমাত্র সঙ্গীত শিখিয়াই তিনি কান্ত হই-

লেন না; তাঁহার অঙ্ক শাস্ত্র, গ্রীক ও লাতিন

শিখিবার ইচ্ছা হইল। দিনের বেলায় স্কুলে অধ্যা-

পকের কাজ করেন বলিয়া এই সমুদয় শিখিবার

সময় দিনে পাইতেন না। রাত্রিতে তাঁহার

নিকট এই সমুদয় পড়িবার জন্ত দুইজন লোক

নিযুক্ত করিলেন,—একজন প্রথম রাত্রিতে আর

একজন শেষ রাত্রিতে তাঁহার নিকট পড়িতেন;

তিনি শুনিয়া শুনিয়া এই সমুদয় বিষয় উত্তমরূপে

শিখিলেন।

পাঠক পাঠিকাগণ! তাঁহার পড়িবার ইচ্ছা

এবং যত্ন ও পরিশ্রম একবার স্মরণ কর। তিনি

স্কুলে কাজ করিয়া বাড়ীতে আসিয়া প্রায় সমস্ত

রাত্রি দুই জনের সাহায্যে পড়িতেন, একজন

তাঁহার সহিত রাত্রি জাগিয়া উঠিতে পারিতেন

না বলিয়াই দুইজন লোক নিযুক্ত করিয়াছিলেন।

পড়িবার জন্ত তাঁহার এইরূপ যত্ন এবং পরিশ্রম

তিনি যে বড় লোক হইবেন সে বিষয়ে কি আর

কোন সন্দেহ আছে? তিনি কেবলমাত্র পুস্তক

পড়িয়ামনের উন্নতি করিতেন না; শরী-

রের উন্নতির জন্যও তাঁহার বিশেষ চেষ্টা

ছিল। শরীরের উন্নতির জন্ত তিনি প্রত্যহই

ব্যায়াম করিতেন; তিনি যে প্রকারে শরীরের

অঙ্গ চালনা করিতেন তাহা শুনিলে কখনই

তোমরা তাঁহাকে অন্ধ বলিয়া বিশ্বাস করিবে না।

তিনি শিকার করিতেন, মৎস্য ধরিতেন, গাছে

চড়িতেন, গাছ কাটিতেন, পর্বত শৃঙ্গে উঠিতেন,

এক কথায় বলিতে গেলে তিনি কোন কাজ করি-

তেই ভয় পাইতেন না। এই রূপে শরীরের ও

মনের উন্নতি করিয়া তিনি ১৮৬৯ সালে স্ত্রী ও

পুত্রের সহিত ইউরোপের যেখানে যেখানে অন্ধ-

দিগের শিক্ষার জন্ত কলেজ ছিল সেই সেই স্থান

পরিদর্শন করিতে বাহির হইলেন। সমুদয় স্থান

ভ্রমণ করিয়া অনেক নূতন নূতন বিষয়ে বিশেষ

পারদর্শী হইয়া ১৮৭১ সালে লণ্ডন নগরে উপস্থিত

হন। মনে করিয়াছিলেন যে তিনি এই স্থান

হইতে বাড়ী ফিরিয়া যাইবেন। কিন্তু তিনি

বিলাতের অন্ধদের দূরবস্থা দেখিয়া তাহাদের

জন্ত কিছু করিতে কৃত সংকল্প হইলেন।

১৮৭২ সালে (Crystal Palace) স্কটিক

প্রাসাদের নিকটে ক্ষুদ্র ক্ষুদ্র তিনটা বাড়ী ভাড়া

করিয়া অন্ধদিগকে শিক্ষা দিবার জন্ত তিনি একটি

কলেজ খুলিলেন। অল্প দিনের মধ্যেই এই

কলেজের উপর অনেক বড় লোকের দৃষ্টি

পড়িল; এবং দুই বৎসর পরে একজন বড়

লোকের নিকট হইতে ১০০০০০ দশ হাজার টাকা

দান প্রাপ্ত হইয়া কলেজের জন্ত একটি বড় বাড়ী

করিলেন। এই কলেজের নাম (Royal Normal

College for the Blind) রয়াল নর্মাল

কলেজ রাখিলেন এবং নিজে অধ্যক্ষ হইলেন।

এখনও তিনি অধ্যক্ষ আছেন। এই কলেজে

অঙ্গ চালনার দিকে বিশেষ দৃষ্টি রাখা হয়;

কি স্ত্রী কি পুরুষ সকলকেই ব্যায়াম করিতে

হয়। ডাক্তার ক্যাশেল এবং তাহার পুত্রের

তত্ত্বাবধানে স্কুলের ছাত্রেরা ব্যায়াম করিতে

কিছু মাত্র ভয় পায় না, অনায়াসে সকল

প্রকার ব্যায়াম শিখিয়া ফেলে। এখানে

এমনি আশ্চর্য্য আশ্চর্য্য ব্যায়াম শিখান হয় যে,

অন্ত কোন স্থানে তাহা অপেক্ষা সুন্দর ব্যায়াম

শিখান হয় কি না সন্দেহ। এই শারীরিক

ব্যায়াম দ্বারা ছাত্রদের শরীর বেশ সুস্থ হয়

এবং কাজেই পড়া শুনা করিবার ক্ষমতাও বাড়ে।

এই বিষয়ে একটি সুন্দর গল্প আছে। একদিন

ডাক্তার ক্যাশেলের একজন বন্ধু তাঁহার স্কুল

পরিদর্শন করিতে গিয়া কয়েকটা দুর্বল ছাত্র

দেখিয়া বলিলেন যে “ইহাদিগকে যেরূপ দুর্বল

দেখিতেছি, তাহাতে বোধ হয় ইহাদের কিছুই

হইবে না; কেন অনর্থক ইহাদিগকে ভর্তি

করিয়াছ?” ডাক্তার ক্যাশেল বলিলেন যে

“নিয়মমত শরীরের অঙ্গ চালনা করিলেই দুর্বল

শরীর সুস্থ হইবে এবং পড়া শুনা করিবার

ক্ষমতাও জন্মিবে।” কিন্তু তাহার বন্ধু এ

কথায় বিশ্বাস না করিয়া চলিয়া গেলেন।

অনেক দিন কাটিয়া গেল; উক্ত ছাত্রেরা

মত শরীরের অঙ্গ চালনা করি

হইল। ইহার পর এক দিন

বন্ধু পুনর্বার স্কুল পরিদর্শন করিতে

পূর্বে যে দুর্বল ছেলেদিগকে দেখিয়া

ছিলেন তাহাদিগকে দেখিয়া বলিলেন

“ইহারা কখনই তাহারা নহে, তাহাদের

বর্তে অন্য কাহাদিগকে দেখাইতেছি।”

ব্যায়াম করিয়া শরীরের এমনই পরিবর্তন হইয়াছে

যে তাহাদিগকে তিনি চিনিতে পারিলেন না।

শরীরের উন্নতির দিকে যেমন এই রূপ

হইবে।* আমরা সাধারণতঃ যে আলোতে দেখি তাহা সাদা। সাদা আলো সকল প্রকারের আলোর সমষ্টি; সুতরাং তাহাতে সকল প্রকারের জিনিসই স্বাভাবিক বর্ণের দেখা যায়। সাদা জিনিস কোনরূপ আলোকই খায় না, সুতরাং তাহাতে যখন যে রঙের আলো পড়ে, তখন সেই রং দেখায়। ইত্যাদি।

লাল রঙের কাচ লাল কেন? না, তাহার ভিতর দিয়া সে কেবল লাল রঙের আলো আসিতে দেয়, আর সব খাইয়া ফেলে। সবুজ কাচের ভিতর দিয়া কেবল সবুজ আলো আসিতে পারে, সেই জন্ত সে সবুজ; ইত্যাদি। এখন মনে কর একখানা লাল রঙের কাচের উপর একখানা সবুজ রঙের কাচ রাখিয়া দুখানারই ভিতর দিয়া চাহিয়া দেখিলে কি দেখিবে? লালে সবুজে মিশিয়া যে রং হয়? না; সবুজ কাচখানা আলোর সব রং খাইয়া কেবল সবুজ আলো আসিতে দিয়াছিল, লালখানায় তাহাও খাইয়া ফেলিল। সুতরাং কোন রংই দেখিবে না। দেখিবে কেবল কালো।

কাচের উপর আলো পড়িলে তাহার কতকটা আলোই আসিবে; কিন্তু সে অতি সামান্য। তাহার ভিতরে যায়। কাচের উপর আলো পড়িলে এই যে ভিতরে আসিল তাহার কতকটা আলোই আসিবে। এখন আমরা তাহার কিছু অপর পৃষ্ঠে আলো আসিবে, অবশিষ্ট ওপৃষ্ঠে

আলোই আসিবে। তাহাতে পলতে আলো আসিলে সে আলো বিস্কৃত পীতবর্ণের হয়। সেই পীতবর্ণের আলোতে পীত ছাড়া অন্য রঙের জিনিস কাল দেখাইবে। পরীক্ষা করিয়া দেখিতে হইলে প্রথমতঃ ঘর সম্পূর্ণরূপে অন্ধকার করিয়া লইতে হইবে।

বাহির হইয়া যায়; এই দুই রকম আলোর দরুণই কাচের রং দেখা যাইবে। যত প্রকার জিনিসের রং দেখা যায়, (তাহাদের যদি নিজের আলো না থাকে) সকল প্রকার জিনিসের ভিতরেই আলো গিয়া ফিরিয়া বাহিরে আসিয়াছে ইহা নিশ্চয়; কারণ বাহির হইতে যে আলোক ফিরিয়া আইসে তাহার রঙের কোনরূপ পরিবর্তন হইতে পারে না।—পরিবর্তন হওয়ার অর্থ এই যে, যতগুলি ছিল, তাহার কিছু খাইয়া ফেলিয়াছে। যাহার নিজের আলো নাই তাহা দ্বারা আর কোনরূপ পরিবর্তন হওয়া সম্ভব নহে।* অনেকে মনে করেন যে, যে জিনিস স্বচ্ছ নহে, তাহার ভিতরে আলো যাইতে পারে না, তবে তাহার রং হয় কি করিয়া? ইহার উত্তরে এই বলা যাইতে পারে যে, এমন জিনিস নাই, যাহা অল্প পরিমাণেও স্বচ্ছ নয়। খুব পাতলা হইলে ধাতুর পাতের ভিতর দিয়াও আলো আসিতে পারে।

এখন কাজের কথা হউক। আমাদের সাধারণ বিশ্বাস, নীল পীত মূল বর্ণ; তার যোগে সবুজ হইয়াছে। এখন জানিলাম, লাল সবুজ মূল বর্ণ, তার যোগে পীতের উৎপত্তি, এবং সবুজ ভায়লেট মূল বর্ণ, তার যোগে নীলের উৎপত্তি। আমাদের প্রমাণ নীল রঙের আর পীত রঙের জিনিসের চূর্ণ মিশাইয়া দেখা। কিন্তু পরীক্ষা করিয়া দেখা গিয়াছে যে ঐরূপ ভাবে মিশ্রিত চূর্ণ হইতে যে আলো আইসে

* যাহার নিজের আলো আছে, তাহা বাহিরের আলো ছাড়াও দেখা যায়। আর অন্য আলো তাহাতে পড়িলে নিজের আলো তাহাতে মিশাইয়া দিয়া তাহাকে পরিবর্তিত করিতে পারে।

তাহার অধিকাংশই দুই প্রকারের চূর্ণের ভিতর দিয়াই আসিয়া থাকে। সুতরাং ঐরূপ আলোর যে রং মিশ্রিত চূর্ণেরও প্রায় সেই রং হইবে। নীল পীত যদি মূল বর্ণ হইত, তবে নীল চূর্ণ আলোর সমস্ত অংশ খাইয়া কেবল নীল অংশ রাখিত, সেই অংশ আবার পীত চূর্ণের ভিতর দিয়া যাইবার সময় ভক্ষিত হইয়া যাইত। সুতরাং লাল এবং সবুজ কাচের ভিতর দিয়া আসিয়া আলোর যে দশা হইয়াছিল এখানেও তাহাই হইত। দুই চূর্ণ মিশিয়া প্রায় কাল রং হইত। কিন্তু নীল পীত উভয়ের মধ্যেই সবুজ থাকতে সবুজ আলোটা উভয় প্রকার চূর্ণের ভিতর দিয়াই চলিয়া আসিতে পারে, কেহই তাহাকে খাইয়া ফেলে না। সুতরাং মিশ্রের রং সবুজ দেখায়। সেই রূপ লাল চূর্ণ আর সবুজ চূর্ণ মিশাইয়া আমরা একটা ধূসর মতন রং পাই। তাহাতেই মনে করি, বৃষ্টি লাল আলো আর সবুজ আলো মিশিয়াও ঐ রংই হইবে। কিন্তু লাল আলো আর সবুজ আলো মিশিয়া যে রং হয় সে কিরূপ, জান? সে সাদা মতন! অতএব দুই তিন রঙের চূর্ণ মিশাইয়া সেই রঙের আলো মিশাইয়া ফেলিয়াছি, মনে করিলে চলিবে না।

আমরা এতক্ষণ যাহা বলিলাম তাহাতে আমাদের বক্তব্য বিষয়টাকে খুব পরিষ্কার করিতে পারিয়াছি এরূপ ভরসা করি না। একটা কথা মনে রাখিতে চেষ্টা করিবে :—দুই তিন প্রকারের চূর্ণ মিশাইলে একের বর্ণের সহিত অন্যের বর্ণের যোগ করা হইল না; উভয়ের সাধারণ অংশটুকু রাখিয়া অবশিষ্ট অংশটুকুকে ধ্বংস করা হইল মাত্র। কারণ, প্রথম যার ভিতর দিয়া আলো আসিল, তার যে রং তাহা ছাড়া

অন্য সকল প্রকারের আলো সে খাইয়া ফেলিল। অবশিষ্ট আলোটুকু যখন দ্বিতীয় চূর্ণের ভিতর দিয়া গেল সেও তাহাই করিল; ইত্যাদি। একটা দৃষ্টান্ত দিই :—সিন্দুর লাল, আন্ট্রামেরিণ পরিস্কার নীল। সিন্দুরে আন্ট্রামেরিণে মিশাইলে আমাদের হিসাবে বেগুণে রং হওয়া উচিত। কিন্তু কাজে দেখি প্রায় কাল রং হয়। লাল মূল বর্ণ, নীলে সবুজ এবং ভায়লেট আছে; এই দুয়ের মধ্যে সাধারণ কিছুই নাই, সুতরাং মিশ্রিত জিনিস কাল দেখাইবারই কথা। এখানেও দেখা যাইতেছে যে, আমরা যেরূপ বিশ্বাস করি, তার মতন কাজ হইল না। আমরা লাল রঙের জিনিস এবং নীল রঙের জিনিস অন্য জায়গায় মিশাইয়া বেগুণে পাইয়াছিলাম, তাহার কারণ এই ছিল যে, আমরা তখন যে নীল ব্যবহার করিয়াছিলাম তাহা বিস্কৃত নীল ছিল না, তাহাতে লালের অংশ কিছু ছিল। সুতরাং সেই লালের আভা দেখিয়া আমরা ভ্রমে পড়িয়াছিলাম। পণ্ডিতেরা এইরূপ অনেক দেখিয়া শেষে স্থির করিয়াছেন যে, আমরা সচরাচর যাহা ভাবি তাহা নয়। বাস্তবিক লাল, সবুজ এবং ভায়লেট মূল বর্ণ।

প্রশ্নের বর্ণ বিস্কৃত পীতের বর্ণের আলো



ভাল ভাল দেখে। ছেলে যত কুৎসিত হউক, মার চক্ষে সে সোণামণি, যাহ্নমণি, আঁধার ঘরের মণিক, কত কি! কেননা তিনি সন্তানকে ভাল বাসেন। খুব সাবধানে পরীক্ষা না করিলে ঝাঁকে ভালবাসা যায় তাঁর দোষ দেখা যায় না। এখন, ঐ সকল মন্দ ছেলেদের সঙ্গে সর্বদা মিশিতে মিশিতে শেষে এমন হয় যে, তাহাদের দোষগুলিও গুণ বলিয়া মনে হয়, আর তা হলেই সর্বনাশ। সেই সব দোষ নিজের মধ্যে আসিবেই, আসিবে। বুঝলে ত?”

মোহিত—“হাঁ মহাশয়! কিন্তু এমনও ত হয় যে, দোষ বুঝিয়া ও জানিয়া গুনিয়া ছেলে নষ্ট হয়। সে কেন হয় তবে?”

শিক্ষক—“ঠিক বলিয়াছ। পূর্বে যে বলিলাম দুটি কারণে মন্দ হয় ঐটি তাহার দ্বিতীয় কারণ। ১ম টী এই যে, দোষকে ভালবাসার খাতিরে গুণ মনে করিয়া গ্রহণ করে। আর ২য় টী এই যে জানিয়া গুনিয়াও দোষ গ্রহণ করে। তোমরা জান, যে জিনিস প্রথমে খুব মন্দ মনে হয়, বেশী দিন তার কাছে থাকিলে তাহা সহ হইয়া যায়, আর তখন উহা তত মন্দ মনে হয় না। অভ্যা-

সেই মতই হইয়া সকলকে বলিলেন “ইহাও ঐ কারণে হয়। কেননা চরিত্রের গোড়ায় ঐ জিনিস বোধ হইয়া দুটি জিনিস দেখা যায়। সকল মন্দ মনে হইয়া হতে যা কিছু ভাল তার দিকে একটু মন টান আছে, আর যা কিছু মন্দ তার দিকে একটু ঘৃণা আছে। এটি ঈশ্বরদত্ত গুণ, যাঁহা হই এই রকম। যেমন লোকের স্বভাবই এই যে, গোলাপ ফুলের গন্ধে মন প্রফুল্ল হয় আর দুর্গন্ধ বস্তুকে ঘৃণা করে;—এমন মান্ন-বই বোধ হয় নাই যে আতরের গন্ধে ঘৃণা করে আর পঁচা পুকের গন্ধে খুসী হয়। তবে কু-

“খাওনা বাবা” আর কি? উপকরে নিয়ে ছুট! এখানে ঠিক তাই হয়। যা একদিন বড় খারাপ বলিয়া তুমি ঘৃণা করিলে যদি সে স্থান হইতে উঠিয়া অন্য ভাল স্থানে না যাও বা ভাল দ্রব্য না পাও, তবে আপনা হতেই ঐ কুৎসিত জিনিসের উপর তোমার ঘৃণা কমিয়া গিয়া ক্রমে বলিবে “দূর হোকগে, নেই আমার চেয়ে কানা মামা ভাল।” তাতেই অনেকের সর্বনাশ হয়। অনেকের মদের উপর বা সিদ্ধি, তামাক বা অন্য নেশার উপর খুব ঘৃণা থাকে, কিন্তু ক্রমে ঐ সকল অসচ্চরিত্র লোকদের সঙ্গে থাকিতে থাকিতে তাহাদিগকে মাতাল ও মহা নেশাখোর হ’তে দেখা যায়। তার কারণ এই। এখন এ দুটি কারণ সকলে বুঝেছ?”

সকলেই সন্তুষ্ট হইয়া বলিল “হাঁ মহাশয়!” তখন তিনি বলিলেন “কুসঙ্গের আর কি কি দোষ আছে কে জান বল দেখি?” তখন শরৎ বলিল “আমার বোধ হয় আর একটা দোষ এই যে, কু সঙ্গীরা সর্বদা কু পরামর্শ দিতে থাকে তাহা গুনিয়া খুব ভাল ছেলের মনও বেশী দিন ভাল থাকিতে পারে না।”

শিক্ষক—“কিন্তু, মহাশয়! কু সঙ্গীরা ভাল হ’বার খুব ইচ্ছা থাকে সে ভাল উপদেশ দিয়াও লইতে পারে।”

অভ্যাসের জন্ত যার রুচি ও পছন্দ খারাপ হয়ে গেছে তাদের কথা ছেড়ে দাও। নহিলে সহজ স্বভাবের গুণই এমনি যে, যা কিছু ভাল তাতেই মন টানে আর মন্দ মাত্রেরই ঘৃণা হয়। যিনি মদ খান না, সচ্চরিত্র লোক, তাঁকে ঘোর মাতালেরাও ভক্তি করে। সত্যবাদী সাধু ব্যক্তিকে জুয়াচোর নীচ লোকেরাও শ্রদ্ধা করে। পাষণ্ড ডাকাতে-রাও দয়ালু পরোপকারীর প্রশংসা করে।—কেন? এই জন্য।

“এই এক জিনিস সকলের চরিত্রে দেখা যায়। আর একটা আছে সেটা কি? শুধু ভালর দিকে টান থাকিলেই ত মানুষ ভাল হইতে পারে না; শুধু ক্ষুধা থাকিলেই ত আর পেট ভরে না, গায়েরও জোর হয় না। কি চাই? আহারের দ্রব্য চাই, অর্থাৎ ভাল উপদেশ চাই, ভাল শিক্ষা পাওয়া চাই। এই দুটি একত্র হ’লে তবে ভাল লোক হওয়া যায়। যদি আহার না পায়, অর্থাৎ ভাল উপদেশ না পায় তাহ’লে স্বভাব যার নিম্নল, যার রুচি মন্দ হইয়া যায় নাই, যার চরিত্রের ক্ষুধা আছে অর্থাৎ ভাল হইবার ইচ্ছা আছে, এমন সকল বালকও খারাপ হইয়া যায়। তবে বুঝিলে যে ভাল হইতে গেলে দুই জিনিস চাই। শুধু ভাল হইবার ইচ্ছা থাকিলেই হয় নাই, ভাল উপদেশ এবং সুশিক্ষা পাওয়া চাই।”

নগেন—“কিন্তু, মহাশয়! কু সঙ্গীরা ভাল হ’বার খুব ইচ্ছা থাকে সে ভাল উপদেশ দিয়াও লইতে পারে।”

শিক্ষক—“তা সত্য। সে সব ছেলেই কুসঙ্গে যায়ই না।”

বিধুভূষণ—“আচ্ছা, ভাল হ’বার ইচ্ছা যদি স্বাভাবিক, তবে সকলে সং উপদেশ পাইয়াও ভাল হয় না কেন? বরং তাতে ছ এক জন

আরও অধিক ছই ও ভণ্ডতপসীর মত হইয়া ঠকাতে শিখে এও ত দেখিয়াছি!”

শিক্ষক—“এ কথাও মিথ্যা নয়। প্রথমে যখন তলোয়ার প্রস্তুত হয় তখন ত কেমন ধার, ঝক ঝক করে। তাকে যদি ভাল করিয়া ব্যবহার না করিয়া তুলিয়া রাখা হয় তাহলে মর্চে পড়ে। শেষে বেশী দিন থাকিলে এমন হয় যে তা’র দ্বারা কোপ মারিলে জিনিসটা না কাটিয়া তলোয়ার খানাই ভাঙ্গিয়া যায়। এখানেও ঠিক তাই হয়। বেশী দিনের জন্য কুসঙ্গে পড়িলেও মানুষের স্বভাবে মরিচা পড়ে তখন সে আর উপদেশ মত কাজ করিতে পারে না বরং আরও মন্দ হইয়া উচ্ছন্ন যায়।

“এখন বেশ বুঝিলে যে চরিত্র ভাল করিতে হইলে সর্বদা ভাল ভাল কথা গুনিতে হয়, ভাল ভাল বই পড়িতে হয়, ভাল ভাল লোকের সঙ্গে বেড়াইতে হয়। নহিলে ভাল হওয়া কঠিন। কিন্তু কুলোকের সঙ্গে সর্বদা থাকিলে এর কিছুই হয় না। বরং বিপরীত দিকেই ফল হয়। সর্বদা মন্দ কথা গুনিয়া মন্দ কাজ দেখিয়া নিজের স্বাভাবিক গুণের প্রতি ভালবাসা ও দোষের প্রতি

শিক্ষক—“তা সত্য। সে সব ছেলেই কুসঙ্গে যায়ই না।”

বিধুভূষণ—“আচ্ছা, ভাল হ’বার ইচ্ছা যদি স্বাভাবিক, তবে সকলে সং উপদেশ পাইয়াও ভাল হয় না কেন? বরং তাতে ছ এক জন

গুণ উৎসাহ হয়, দশ জন একত্র মিলিলে সে কাছে একশ গুণ উৎসাহ বাড়ে। তাতে দলের মধ্যে কুকাছে উৎসাহ ও ভরসা খুব বেশী হয়।”

ভাল ভাল দেখে। ছেলে যত কুৎসিত হউক, মার চক্ষে সে সোণামণি, যাহ্নমণি, আঁধার ঘরের মণিক, কত কি! কেননা তিনি সন্তানকে ভাল বাসেন। খুব সাবধানে পরীক্ষা না করিলে ঝাঁকে ভালবাসা যায় তাঁর দোষ দেখা যায় না। এখন, ঐ সকল মন্দ ছেলেদের সঙ্গে সর্বদা মিশিতে মিশিতে শেষে এমন হয় যে, তাহাদের দোষগুলিও গুণ বলিয়া মনে হয়, আর তা হলেই সর্বনাশ। সেই সব দোষ নিজের মধ্যে আসিবেই, আসিবে। বুঝলে ত?”

মোহিত—“হাঁ মহাশয়! কিন্তু এমনও ত হয় যে, দোষ বুঝিয়া ও জানিয়া গুনিয়া ছেলে নষ্ট হয়। সে কেন হয় তবে?”

শিক্ষক—“ঠিক বলিয়াছ। পূর্বে যে বলিলাম দুটি কারণে মন্দ হয় ঐটি তাহার দ্বিতীয় কারণ। ১ম টী এই যে, দোষকে ভালবাসার খাতিরে গুণ মনে করিয়া গ্রহণ করে। আর ২য় টী এই যে জানিয়া গুনিয়াও দোষ গ্রহণ করে। তোমরা জান, যে জিনিস প্রথমে খুব মন্দ মনে হয়, বেশী দিন তার কাছে থাকিলে তাহা সহ হইয়া যায়, আর তখন উহা তত মন্দ মনে হয় না। অভ্যা-

সেই মতই হইয়া সকলকে বলিলেন “ইহাও ঐ কারণে হয়। কেননা চরিত্রের গোড়ায় ঐ জিনিস বসিলে দুটি জিনিস দেখা যায়। সকল সাজ হইলে লামা হতে যা কিছু ভাল তার দিকে এতটুকু মন টান আছে, আর যা কিছু মন্দ তার দিকে এতটুকু ঘৃণা আছে। এটি ঈশ্বরদত্ত গুণ, যা হইবে তাই এই রকম। যেমন লোকের স্বভাবই এই যে, গোলাপ ফুলের গন্ধে মন প্রফুল্ল হয় আর দুর্গন্ধ বস্তুকে ঘৃণা করে;—এমন মান্ন-বই বোধহয় নাই যে আতরের গন্ধে ঘৃণা করে আর পঁচা পুকের গন্ধে খুসী হয়। তবে কু-

“খাওনা বাবা” আর কি? উপকরে নিয়ে ছুট! এখানে ঠিক তাই হয়। যা একদিন বড় খারাপ বলিয়া তুমি ঘৃণা করিলে যদি সে স্থান হইতে উঠিয়া অন্য ভাল স্থানে না যাও বা ভাল দ্রব্য না পাও, তবে আপনা হতেই ঐ কুৎসিত জিনিসের উপর তোমার ঘৃণা কমিয়া গিয়া ক্রমে বলিবে “দূর হোকগে, নেই আমার চেয়ে কানা মামা ভাল।” তাতেই অনেকের সর্বনাশ হয়। অনেকের মদের উপর বা সিদ্ধি, তামাক বা অন্য নেশার উপর খুব ঘৃণা থাকে, কিন্তু ক্রমে ঐ সকল অসচ্চরিত্র লোকদের সঙ্গে থাকিতে থাকিতে তাহাদিগকে মাতাল ও মহা নেশাখোর হ’তে দেখা যায়। তার কারণ এই। এখন এ দুটি কারণ সকলে বুঝেছ?”

সকলেই সন্তুষ্ট হইয়া বলিল “হাঁ মহাশয়!” তখন তিনি বলিলেন “কুসঙ্গের আর কি কি দোষ আছে কে জান বল দেখি?” তখন শরৎ বলিল “আমার বোধ হয় আর একটা দোষ এই যে, কু সঙ্গীরা সর্বদা কু পরামর্শ দিতে থাকে তাহা গুনিয়া খুব ভাল ছেলের মনও বেশী দিন ভাল থাকিতে পারে না।”

শিক্ষক—“কিন্তু, মহাশয়! কু সঙ্গীরা ভাল হ’বার খুব ইচ্ছা থাকে সে ভাল উপদেশ দিয়াও লইতে পারে।”

অভ্যাসের জন্ত যার রুচি ও পছন্দ খারাপ হয়ে গেছে তাদের কথা ছেড়ে দাও। নহিলে সহজ স্বভাবের গুণই এমনি যে, যা কিছু ভাল তাতেই মন টানে আর মন্দ মাত্রেরই ঘৃণা হয়। যিনি মদ খান না, সচ্চরিত্র লোক, তাঁকে ঘোর মাতালেরাও ভক্তি করে। সত্যবাদী সাধু ব্যক্তিকে জুয়াচোর নীচ লোকেরাও শ্রদ্ধা করে। পাষণ্ড ডাকাতে-রাও দয়ালু পরোপকারীর প্রশংসা করে।—কেন? এই জন্য।

“এই এক জিনিস সকলের চরিত্রে দেখা যায়। আর একটা আছে সেটা কি? শুধু ভালর দিকে টান থাকিলেই ত মানুষ ভাল হইতে পারে না; শুধু ক্ষুধা থাকিলেই ত আর পেট ভরে না, গায়েরও জোর হয় না। কি চাই? আহারের দ্রব্য চাই, অর্থাৎ ভাল উপদেশ চাই, ভাল শিক্ষা পাওয়া চাই। এই দুটি একত্র হ’লে তবে ভাল লোক হওয়া যায়। যদি আহার না পায়, অর্থাৎ ভাল উপদেশ না পায় তাহ’লে স্বভাব যার নিম্নল, যার রুচি মন্দ হইয়া যায় নাই, যার চরিত্রের ক্ষুধা আছে অর্থাৎ ভাল হইবার ইচ্ছা আছে, এমন সকল বালকও খারাপ হইয়া যায়। তবে বুঝিলে যে ভাল হইতে গেলে দুই জিনিস চাই। শুধু ভাল হইবার ইচ্ছা থাকিলেই হয় না, ভাল উপদেশ এবং সুশিক্ষা পাওয়া চাই।”

নগেন—“কিন্তু, মহাশয়! কু সঙ্গীরা ভাল হ’বার খুব ইচ্ছা থাকে সে ভাল উপদেশ দিয়াও লইতে পারে।”

শিক্ষক—“তা সত্য। সে সব ছেলেই কুসঙ্গে যায়ই না।”

বিধুভূষণ—“আচ্ছা, ভাল হ’বার ইচ্ছা যদি স্বাভাবিক, তবে সকলে সং উপদেশ পাইয়াও ভাল হয় না কেন? বরং তাতে ছ এক জন

আরও অধিক ছই ও ভণ্ডতপসীর মত হইয়া ঠকাতে শিখে এও ত দেখিয়াছি!”

শিক্ষক—“এ কথাও মিথ্যা নয়। প্রথমে যখন তলোয়ার প্রস্তুত হয় তখন ত কেমন ধার, ঝক ঝক করে। তাকে যদি ভাল করিয়া ব্যবহার না করিয়া তুলিয়া রাখা হয় তাহলে মর্চে পড়ে। শেষে বেশী দিন থাকিলে এমন হয় যে তা’র দ্বারা কোপ মারিলে জিনিসটা না কাটিয়া তলোয়ার খানাই ভাঙ্গিয়া যায়। এখানেও ঠিক তাই হয়। বেশী দিনের জন্য কুসঙ্গে পড়িলেও মানুষের স্বভাবে মরিচা পড়ে তখন সে আর উপদেশ মত কাজ করিতে পারে না বরং আরও মন্দ হইয়া উচ্ছন্ন যায়।

“এখন বেশ বুঝিলে যে চরিত্র ভাল করিতে হইলে সর্বদা ভাল ভাল কথা গুনিতে হয়, ভাল ভাল বই পড়িতে হয়, ভাল ভাল লোকের সঙ্গে বেড়াইতে হয়। নহিলে ভাল হওয়া কঠিন। কিন্তু কুলোকের সঙ্গে সর্বদা থাকিলে এর কিছুই হয় না। বরং বিপরীত দিকেই ফল হয়। সর্বদা মন্দ কথা গুনিয়া মন্দ কাজ দেখিয়া নিজের স্বাভাবিক গুণের প্রতি ভালবাসা ও দোষের প্রতি

শিক্ষক—“তা সত্য। সে সব ছেলেই কুসঙ্গে যায়ই না।”

বিধুভূষণ—“আচ্ছা, ভাল হ’বার ইচ্ছা যদি স্বাভাবিক, তবে সকলে সং উপদেশ পাইয়াও ভাল হয় না কেন? বরং তাতে ছ এক জন

গুণ উৎসাহ হয়, দশ জন একত্র মিলিলে সে কাছে একশ গুণ উৎসাহ বাড়ে। তাতে দলের মধ্যে কুকাছে উৎসাহ ও ভরসা খুব বেশী হয়।”

শিক্ষক মহাশয় অত্যন্ত সন্তুষ্ট হইলেন। “এটা অতি সত্য কথা। মনে কর, কয়লার উননে আগুন গম্‌গম্‌ কচ্ছে, এখন এক একটা করে জ্বলন্ত কয়লা যদি চিমটা করিয়া তুলিয়া মাটিতে আলাদা রাখা যায়, তাহলে একটু পরে সে গুলা নবিয়া যায়। এখানেও ঠিক তাই। তোমরা সকলেই জান যে, একলা কোন কাজে মনে তত উৎসাহ হয় না। ছুজন হলে ভরসা হয়, দশজন একত্র হলে আর উৎসাহ ও আনন্দ ধরে না। হে হে শব্দে আকাশ ফাটে। মহা হল্ল পড়িয়া যায়। কি ভাল কাজ কি মন্দ কাজ সব কাজেই দশ জন সঙ্গী পেলে কাজের সুবিধা হয়। একজন “ভয় কি?” বলিয়া উঠিলে অমনি সকলের মুখে “ভয় কি” “ভয় কি” শব্দ হইতে থাকে। এই জন্য সর্বদা দেখা যায় যে, যে ছুট ছেলে একাকী মন্দ কর্ম করে তাহাকে শীঘ্র গুণ-রাণ যায়, কিন্তু যে দলে মিশে মন্দ কাজ করে তার পিতা মাতা এবং আত্মীয় বন্ধুগণও কত চেষ্টা করিয়াও তাহাকে ভাল করিতে পারেন না।

“এইরূপে ভাবিয়া দেখিলে অসৎ সংসর্গের যে কত দোষ দেখা যাইবে তাহার সংখ্যা নাই।

তোমরা সকলে ভাল হইবার একটুও চেষ্টা করিলে তোমাদের প্রাণ গেলো মন্দ ছেলের দলে না যাবে। নিজের মত দোষ-সমূহ হইলে তাহাদের মত মিলিত পাই—

তার পর সকলে “good bye, sir” বলিয়া বাড়ী গেল।

আমাদের দেশের লোকের দয়া।



খন ১৮৫৭ সালে সিপাহিদিগের হাঙ্গামা উপস্থিত হয়, তখন উন্নত সিপাহিরা অনেক সাহেব বিবি, বালক বালিকাকে হত্যা করিতে থাকে। এই সময়ে আমাদের

দেশের অনেকে দয়া করিয়া সাহেব বিবি ও বালক বালিকাদিগকে রক্ষা করিয়াছেন। এমন কি কেহ কেহ ইহাদের রক্ষার জন্ত আপনার প্রাণ পর্যন্ত দিয়াছেন। আজ তোমাদিগকে এ বিষয়ে একটা কথা শুনাইব।

উত্তর পশ্চিমাঞ্চলে কানপুর নামে একটা সহর আছে। সহরটা গঙ্গার ধারে। এই সহরে গবর্ণ-মেন্টের অনেক সৈন্য থাকে। সিপাহি হাঙ্গামার সময় কানপুর সিপাহিদিগের একটা প্রধান আড্ডা হয়। কানপুরের নিকটে বিঠোর নামক একটা স্থানে নানাসাহেব থাকিতেন। এই

নানাসাহেব সিপাহিদিগের পক্ষ হইয়া ইংরেজ-দিগের সহিত যুদ্ধ করেন। সিপাহি যুদ্ধে নানাসাহেব কানপুরের অনেক সাহেব বিবি ও বালক বালিকাকে অবরোধ করেন। সেই সময়ে ইংরেজ সেনাপতি নানাসাহেবকে পরাস্ত করিতে না

পারিয়া এই নিয়মে কানপুর নানাসাহেবের হস্তে সমর্পণ করিবার প্রস্তাব করেন যে, সহরে যত ইংরেজ মহিলা ও বালক বালিকা আছে, তাহারা নৌকায় চড়িয়া স্থানান্তরে যাইতে পারিবে; সিপাহিরা তাহাদের কোনরূপ বিষ জন্মাইতে

পারিবে না। নানাসাহেব প্রথমে এই প্রস্তাবে সম্মত হন। নানাসাহেবের সম্মতি জানিয়া, ইংরেজ মহিলারা প্রথম চিত্তে নৌকায় চড়িবার জন্য আয়োজন করিতে থাকেন। একটা ফিরঙ্গী-সন্তানের ধাত্রী এই মহিলাদিগের মধ্যে ছিল। ধাই আমাদের দেশের একটা নীচ জাতীয় হিন্দু রমণী। ফিরঙ্গী সন্তানটার পিতামাতা উভয়েই পূর্বে হত হইয়াছিলেন, কেবল ছেলেটা হিন্দু রমণীর যত্নে রক্ষা পাইয়াছিল। পিতৃ-মাতৃহীন ছুখী সন্তান এই ছুখিনী নারীর দয়ায় এইরূপে জীবন ধারণ করিতেছিল।

সকলে নৌকায় চড়িয়াছে, এমন সময়ে সিপাহিরা হঠাৎ তাহাদিগকে আক্রমণ করিল। এই আক্রমণে ভীত হইয়া, কেহ কেহ জলে ঝাঁপ দিয়া পড়িল, কেহ কেহ ডাক্তার দিকে দৌড়িতে লাগিল—চারিদিকেই একটা মহা গুণ্ডগোল উপস্থিত হইল। সিপাহিরা অসময়ে ইহাদিগকে আক্রমণ করিবে, ইহা কেহই জানিতে পারে নাই; স্তুরতাং সকলেই সহসা মৃত্যু নিকটে জানিয়া, একবারে দিশাহারা হইয়া পড়িল। সিপাহিরা অনেক বিবি ও বালক বালিকাকে গুলি করিয়া বধ করিল—অনেককে তরবারির আঘাতে খণ্ড খণ্ড করিয়া ফেলিল।

ফিরঙ্গী সন্তানের প্রতিপালিকা সেই হিন্দু রমণী এই ঘোরতর বিপদ দেখিয়া, ছেলেটাকে কাপড় দিয়া বুকে চাপিয়া রাখিয়া, নৌকায় চড়িবার জন্য যে সিঁড়ি ছিল, সেই সিঁড়ি দিয়া ডাক্তার দিকে ছুটিল। তাহার একটা ১৫ বৎসরের পুত্র ছিল, সে মার পিছনে পিছনে যাইতে লাগিল। ছুখিনী রমণী সিঁড়ি ছাড়িয়া ডাক্তার আসিয়াছে, এমন সময়ে একজন সিপাহি খোলা তরবার হাতে করিয়া, ফিরঙ্গী ছেলে-

টাকে ধরিবার জন্য অগ্রসর হইল। কিন্তু দয়া-বতী রমণী সেই অনাথ সন্তানটাকে নরঘাতক সিপাহির হাতে দিল না। সিপাহি তখন ক্রোধের সহিত কহিল:—

“ছেলেটাকে আমার হাতে দাও। তোমার শরীর অক্ষত থাকিবে।”

ছুখিনী নারী বিনয়ের সহিত কহিল:—

“আমার ছেলে তোমার হাতে দিব না। ঈশ্বরের করুণা স্বরণ করিয়া আমাদের উভয়কেই দয়া কর।”

সিপাহি পূর্বের ন্যায় সরোষে বলিল:—

“সন্তানটাকে না দিলে দয়ার আশা নাই। এখন তরবারি দিয়া তোমাকে কাটিয়া ফেলিব।”

ছুখিনীর পুত্র পশ্চাতে ছিল সে কাতরভাবে কহিল:—

“মা! ছেলেটাকে দিয়া আপনার প্রাণ রক্ষা কর।”

মাতা দৃঢ়তার সহিত বলিল:—“না, তাহা কখনই হইবে না। আমার ছেলেকে কখনই নরঘাতক সিপাহির হাতে দিব না।” এই কথা

বলিবামাত্র সিপাহি তাহাকে তরবারি দ্বারা আঘাত করিল। ছুখিনী


ভূমিতে পড়িয়া গেল। তাহার

মৃত্যু হইল।

সিপাহি তাহার

করিল না।

ভেকের পত্র ।



ENG. BY T.N.DER

বড় এক পুকুরের ধারে

সেইখানে বসে বাস করে ;

ছেলে গুলো খেলা করে

সেইখানে তাদের জালায় !

তার

মনে

মোরা প্রাণে ?”

অবশেষে যুক্তি করি, ‘মিটিং’ করিল ভারি ;

দাঁড়াইয়া ভেকরাজ বলিল তখন

বাম হস্ত করি উত্তোলন ।

“সাবধানে শুন বৎসগণ

প্রাণপণে কর ‘আন্দোলন’ ;

প্রতি গৃহস্থের ঘরে, কাতরে প্রার্থনা ক’রে

সবে মিলে পত্র এক করহ প্রেরণ

‘ছেলেদের করিতে বারণ ।’

৪

“যদিও মোদের ক্ষুদ্র প্রাণ

সুখ দুঃখ আছে তবু জ্ঞান ।

অতএব দয়াক’রে, ক্ষুদ্র আমোদের তরে

যেন আর সেই খেলা করে না কখন

যাতে ঘটে ভেকের মরণ ॥”



সেপ্টেম্বর, ১৮৮৫।

আশ্চর্য্য শিক্ষা ।

যাঁদের পাখী আপনার মনে উড়িয়া
বেড়াইতেছে, তাহাকে ধরিয়া
খাঁচায় পুরিতে কাহাকেও পরামর্শ
দিই না। কচি শাবক মাতার
পাখার নীচে আরামে থাকিয়া দিন


দিন বড় হইতেছিল; ছরস্ত বালক তাহা পাড়িয়া
আনিয়া বেশ যত্নে রাখিলেও তাহা ভাল কাজ
মনে করি না, কিন্তু এমন বন্দী দশাতেও তাহার
প্রতি ভাল ব্যবহার করিলে কেমন সুন্দর ফল
পাওয়া যায় পাঠক পাঠিকাগণ! তাহার এক
দৃষ্টান্ত আজ তোমাদিগকে বলিব।

বিলাতের স্ফটিক প্রাসাদের বিষয় তোমরা ‘সখা’
১ম ভাগ, ৮ পৃষ্ঠায় পড়িয়াছ। তথায় অনেক আশ্চর্য্য
আশ্চর্য্য জিনিস থাকে। গত বর্ষের ফেব্রুয়ারি মাসে
এই যাদুঘরে একটা পাখী ছিল। উহা মাহুষের
মত অবিকল শব্দ করিত, হাসিত, কাশিত,
হাঁচিত; সময়ে সময়ে নিশ্বাস ফেলিত ও হাই
তুলিত। কেবল ইহা নয়। স্পষ্ট মাহুষের মত
কথা কহিত; কত কথার মাহুষের মত উত্তর
দিত। ইংরাজীতে “আপনি কেমন আছেন”
“কোথায় যাইতেছেন” “দরজাটা দেখ” “তবে


আসি” এইরূপ কত বলিত। বিড়াল, কুকুর,
ঘোড়া, গাধা কাহারও শব্দ তাহার নিকট
ফাঁক যাইবার যো ছিল না। কেহ ডাকিলেই
অমনি সে নকল করিত।

এখনো গুণের কথা কিছু বলা হয় নাই।
তাহার শিক্ষক যদি বলিতেন “ঘণ্টা বাজাও”;
পাখী সময় নষ্ট করিত না, ধীরে আপনার চক্ষু
দিয়া ঘণ্টার দড়ী ধরিয়া নাড়িত; উপরে ঘণ্টার
ঢং ঢং শব্দ হইত। (‘চ’ চিত্র দেখ)। যদি তিনি
দরজার কড়া নাড়িতে বলিতেন, সে অমনি এক
ঘরের কড়া ধরিয়া খট্ খট্ করিত। (‘গ’ চিত্র
দেখ)। তাহার এক মণিব্যাগ ছিল; টাকা
কড়ি পাইলে তাহা খুলিয়া রাখিয়া দিত।
(‘ঘ’ চিত্র দেখ)।

পাখীর খাঁচার ঘর হইতে
অনেক দূর পর্য্যন্ত এলট, হোটি, পোটি, পোটি
হইয়াছিল। সেখানকার একটা ঘরটা
গাড়িতে তাহার পাখী
তাহার
নার
আর
কামা
ক্যাপ দিয়া বলিতেন “এক—দুই—তিন, ছোড়”
অমনি পাখী ঠোঁটে করিয়া তাহা আওয়াজ
করিত। (‘ন’ চিত্র দেখ)। তাহার নিকট যদি



কেহ একটা পত্র ফেলিয়া দিত, তাহা হইলে সে অতি যত্নে কুড়াইয়া লইত। আন্তে আন্তে খুলিত; এবং যেন কতই পড়িতেছে, এইরূপে কতক্ষণ থাকিত। আবার যদি কেহ তাহার নিকট বলিতেন “কি, তোমার অমুখ হইয়াছে?” অমনি সে কাতর স্বরে বলিত “বড় অমুখ”; আর রোগীর মত কাশিত, ও মুখ ভার করিয়া বসিয়া থাকিত। (‘খ’ চিত্র দেখ)। এই আশ্চর্য পাখীকে অনেকে দেখিয়াছেন; যাহারা দেখিয়াছেন তাহাদের মুখে ইহার প্রশংসা আর ধরে না। *



সক্রেটিস ।

মহাত্মা সক্রেটিসের নাম কি

তোমরা ইতিপূর্বে শুনিয়াছ? ৪৩৯ খৃষ্ট পূর্বাব্দে অর্থাৎ বর্তমান সময়ের প্রায় ২৩৫৪ বৎসর পূর্বে গ্রীস দেশের এথেন্স নগরে ইহার জন্ম হয়। পূর্বকালে গ্রীস দেশ জ্ঞান চর্চার জন্ম বিখ্যাত ছিল। সে সময়ে যতদূর শিক্ষা লাভ সম্ভব সক্রেটিস ততদূর শিক্ষা প্রাপ্ত হইয়া, কালে একজন পরম বিজ্ঞ দার্শনিক পণ্ডিত হইয়া উঠিলেন। তখন গ্রীসে যাহারা দর্শন-

* বিলাতের ব্যাণ্ড অব হোপ নামক মাসিক পত্রে ইহার সবিস্তর বর্ণনা আছে।

শাস্ত্রের চর্চা করিতেন তাহারা প্রায়ই অহঙ্কারী হইতেন এবং আপনাদিগকে ‘জ্ঞানী’ বলিয়া পরিচয় দিতেন। সক্রেটিস যেমন পরম জ্ঞানী ছিলেন তেমনি অতিশয় বিনয়ী ছিলেন। জ্ঞানের অভিমান কোন কালে তাহার মনে স্থান পায় নাই। দার্শনিক সম্প্রদায়ের অহঙ্কার তাহার ভাল লাগিল না। তিনি আপনাকে ‘জ্ঞানী’ বলিয়া জানাইতেন না। তিনি জ্ঞানকে প্রাণের সহিত ভাল বাসিতেন, কিন্তু আপনাকে জ্ঞানী বলিয়া বিশ্বাস করিতেন না।

সক্রেটিস নূতন প্রণালীতে দর্শনের চর্চা আরম্ভ করিলেন। এখন যেমন কতগুলি লোক আছে, যাহারা দিবারাত্র মুখে বড় বড় কথা বলিয়া বেড়ায়, মুখের জোরে বিদ্যা বুদ্ধি প্রকাশ করিতে চায়, এবং নিজে যাহা না জানে, না বুঝে, পরকে তাহা শিখাইতে যায়; সে কালেও এইরূপ অনেক লোক ছিল। এই সকল লোকের জ্ঞানের স্পর্ধা একটু খাটো করিবার জন্য এবং সাধারণ লোকের নানাবিধ ভ্রমপ্রমাদ সহজে দূর করিবার জন্ত, রাস্তায়, বাজারে এবং অন্যান্য প্রকাশ্য স্থানে, ছোট বড় সকলের সহিত সক্রেটিস আলাপ করিতেন; এবং কথায় কথায় তাহাদের মতামতের ভুল ধরিয়া দিতেন। সকলে আপনাদিগের জ্ঞান প্রকাশ করিতে পারেন এবং জ্ঞানী হইতে পারেন। তিনি কখনো মান লাভের প্রত্যাশা করিতেন না, বা কোম মান লাভের প্রত্যাশা করিতেন না। সক্রেটিস অতি নিরাময় হইলেন। তৎকালে এথেন্সের শাসনকর্তা পানি যখন যে অন্যায় কাজ করিতেন তিনি নিষ্ঠুরে তাহার নিন্দা

ও প্রতিবাদ করিতেন। একদা তাহাদের কোন আদেশ নীতি-সঙ্গত বলিয়া মনে না হওয়াতে সে আদেশ পালন করিতে অস্বীকৃত হইলেন।

মহাপুরুষদিগকে অনেক কষ্ট, অনেক অত্যাচার সহ করিতে হয়। দেশের সকল লোক যখন পাপ ও কুসংস্কারে অন্ধ হইয়া থাকে, তখন যে সাধু পুরুষ তাহাদিগের চক্ষু ফুটাইতে চাহেন, তাঁহাকে তাহার শত্রু বলিয়া মনে করে। সক্রটিসকেও অনেক হুঃখ ও অত্যাচার সহ করিতে হইয়াছিল। অবশেষে কতগুলি লোকের মিথ্যা অপবাদে তাহার প্রাণদণ্ডের আজ্ঞা হইল। তাহার বন্ধুগণ তাঁহাকে দেশ হইতে পলাইয়া প্রাণ বাঁচাইতে পরামর্শ দিলেন, কিন্তু ইহা তাঁহার নিকট অশ্রাব্য বোধ হওয়াতে তিনি কিছুতেই স্বীকৃত হইলেন না। নির্দিষ্ট দিবসে বিচারকদিগের আজ্ঞামুসারে শিব্য এবং বন্ধুগণের হাহাকার ও ক্রন্দনের মধ্যে তিনি নির্ভয় মনে, প্রফুল্ল মুখে বিষ পান করিয়া প্রাণত্যাগ করিলেন। জ্ঞান, বিনয়, সচ্চরিত্রতা, উদারতা ও ন্যায়পরতার জন্য তাঁহার নাম অগতে প্রাতঃস্মরণীয় হইয়া রহিয়াছে।

তরুণবয়স্কদিগকে সক্রটিস একটা অতি সংপরামর্শ দিয়াছেন। তিনি তাহাদিগকে বলিতেন “তোমরা মাঝে মাঝে দর্পণে আপন আপন মুখ দেখিও। যদি আপনাকে সুন্দর দেখে তাহা হইলে চরিত্রকে সৌন্দর্যের অল্পরূপ করিতে সর্বক্ষণ চেষ্টা করিবে; যদি হুঃখাগ্র-ক্রমে কুৎসিত হও, তাহা হইলে সদৃশ্যের আবরণে কুরূপ ঢাকিয়া রাখিবে।”

সক্রটিসকে একজন লোক জিজ্ঞাসা করিল, “মহাশয় আপনি গ্রন্থ রচনা করেন না কেন?” বিনয়ী সক্রটিস বলিলেন “আমি যাহাই লিখি না কেন, কাগজের মূল্য তদপেক্ষা অনেক অধিক।”

সক্রটিস সর্বদাই বলিতেন “আমি এইমাত্র জানি যে আমি কিছুই জানি না।”

সক্রটিসের মৃত্যুদণ্ডের কথা শুনিয়া তাঁহার পত্নী বলিলেন “হায় অবিচারে (বিনা দোষে) তোমার প্রাণদণ্ড হইল।” সক্রটিস বলিলেন “যদি দোষ করিয়া উচিত বিচারে আমি প্রাণ হারাইতাম তাহা হইলে কি তুমি সুখী হইতে?”

সরলার জীবনের এক শিক্ষার দিন।

সরলা নিজ জন্মের একমাত্র সন্তান; সুতরাং বড় আদরের ঐশ্বর্য। কিন্তু এই আদরই তাহার সর্বনাশের মূল। এই আদর পাইয়া সে বড় একগুয়ে, স্বার্থপর হইয়াছিল। সে মনে মনে ভাবিত সকলের

যাইতে দেখিয়া যাহাতে

এমন কারিয়া

বেড়াই

ইহা দেখিয়া সক্রটিস বলিলেন “আমি তোমার পোষাকের ঐ সিন্দুর ভিতর দিয়া তোমার অহঙ্কার দেখিতে পাইতেছি।”

ভালবাসার উপর তারই একমাত্র অধিকার। কাহাকেও তাহার অংশীদার দেখিলে তাহার বড় হিংসা হইত। কাহারও কোন কথা তার সহ হইত না।

সরলার একটা মাসতুতো বোন ছিল। তাহার নাম উষাবালা। সে সরলার চাইতে এক বৎসরের বড়, তাহার বয়স ১২ বৎসর। সে তাহার পিতা মাতার একমাত্র ধন। যখন সে অতি শিশু তখন তাহার পিতার মৃত্যু হয়। এখন আবার তাহার একমাত্র অভিভাবক মাতার মৃত্যু হওয়াতে সে মেস মহাশয়ের আশ্রয়ে আসিয়াছে। উষা বড় বিনয়ী। আর তার মনখানি যেন ভালবাসায় গড়া। উষার মুখে কি যে এক প্রকার সুন্দর ভাবের ছায়া আছে, যাহাতে তাহার মুখ খানিক অতি সুন্দর দেখায়। তাই তাহাকে যে একবার দেখে সেই বড় ভালবাসে। সরলা এর পূর্বে কখনও উষাকে দেখে নাই। উষার ভাদের বাড়ী আসা পর্যন্ত তার মাসী মা ও মেস মহাশয় খুব ভালবাসেন। সেই জন্ত যদিও সরলার উষাকে খুব ভাল লাগিত ও ভাল মেয়ে বলে ধারণা হইল, তবুও তাহাকে তার পিতা মাতার ভালবাসার অংশীদার দেখিয়া মনে মনে হিংসা হইত। সরলা ভাবিত “আমি বেশ একলা ছিলাম, বাবা মা আমাকেই ভালবাসিতেন, এ আবার এল কেন?” উষা মাসী মা মেস মহাশয়কে তাহার মিষ্ট স্বভাবের দ্বারা বশ করিয়া লইল; কিন্তু সরলা তাহাকে ধরা দিল না বরং উষার সহিত ঝগড়া করিবার জন্য সুযোগের অপেক্ষা করিতে লাগিল। ক্রমে সরলার পিতা উষাকে স্কুলে ভর্তি করিয়া দিলেন। প্রথম প্রথম অভ্যাস না থাকাতে সে যাইতে চায় নাই। ছুদিন যাইতে না যাইতে সকল মেয়ের সঙ্গে তার

ভাব হইল, সকলে তাকে ভালবাসিতে লাগিল। সরলাদের স্কুলে একটা সেলাইএর পরীক্ষা হইত। যে সকলের চেয়ে সুন্দর সেলাই করিতে পারিত সেই পুরস্কার পাইত। সরলা বেশ সেলাই করিতে পারিত। সরলা, উষা সকলেই পুরস্কার পাইবার জন্য সেলাই করিতে আরম্ভ করিল। সরলা এক অতি সুন্দর আসন তৈয়ার করিয়াছে। সেলাইটা দিবার এক দিন পূর্বে টেবিলের উপর সেলাইটা রাখিয়া সরলা কি করিতেছে, এমন সময় উষা যেমন একখানা কাঁচি লইবার জন্ত হাত বাড়াইয়াছে অমনি কাছে এক দোয়াত কালি ছিল, উন্টিয়া সেলায়ের উপরে পড়িয়া গেল। পড়িয়া যাবা মাত্র উষা বলিয়া উঠিল “হায়! হায়! কি করিলাম! আহা! সরলা, ভাই আমি অতি অশ্রাব্য কাজ করিয়াছি। হিঃ! আমি এত অসাবধান! আমি এখন কি করি! আহা যা করিলে ভাল করিয়া দিতে পারি আমি তাই করিব।” সরলা এই কথা শুনিয়া ফিরিয়া দেখিবা মাত্র রাগে তাহার শরীর জলিয়া উঠিল। সে লাফাইয়া উঠিয়া হাত দুখানি ঝাঁকড়াইতে ঝাঁকড়াইতে চীৎকার করিয়া বলিল “ও হতভাগী হিংস্রকে মেয়ে! কি করিলে! তুমি নিশ্চয়ই ইচ্ছা করিয়া কালি ঢালিয়াছ, পাছে আমি পুরস্কার পাই। আবার মিথ্যা কথা। পেটে ছুটামি। এইবারে বক ধাঁস।” “ভাই সত্য এবং বকুনি খাওয়া ইচ্ছা করিয়া কেহি হই, আপনি কখন?” এই কথা শুনিয়া সরলা রাগিয়া বলিল “তুমি আমাদের বাড়ী হতে দূর হও। তোমার মুখ



দেখতে চাই না।” উষা কাঁদিতে কাঁদিতে ঘর হইতে বাহির হইয়া গেল। উষা গেলে সরলা চেয়ারে বসিয়া মুখে কাপড় দিয়া খুব কাঁদিতে লাগিল। এমন সময় কে আস্তে আস্তে

তাহার কাঁদে হাত দিলেন। সরলাইয়া ভূপেন্দ্র—
“এক
হইয়া
“ও
কাকে কে
কাঁদিতে
করিয়া আমার সেলাইয়ে কালি ঢালিয়া
দিয়াছে।”—

ভূপেন্দ্র “দূর! একি হতে পারে। না দেখে

ফেলে দিয়াছে। সে যে অতি ভাল মেয়ে।—
যাঃ! আর কি হবে!” তোরা না বলেছিলি আমার সঙ্গে সেই বাগানটা দেখতে যাবি।—
এখন ওঠ, যা মুখ ধুয়ে কাপড় চোপড় পরে
আর।” তার পর ওদের ছুই বোনকে নিয়ে
হুড়াইতে গেলেন। এখনও সরলার
উপর ভয়ানক রাগ আছে; সে তাহার দিকে
দিক্বেও চাহিতেছে না।—সেখানে গিয়া হঠাৎ
দিক্বে হওয়াতে ভূপেন্দ্র বাড়ীতে ছুটিয়া গেলেন।
সময় উষা সেখানে ছিল না, সে কি দেখি-
ন্য কোথায় গিয়াছিল। তাই ভূপেন্দ্র সর-
লাকে বলিয়া গেলেন “দেখ সরো ওঁদিকে যেও না
আর উষাকে ষেতে বারণ করো; ওঁদিকে একটা
ভয়ানক সাপ আছে।” পরে সরলা উষাকে সেই
দিকে যাইতে দেখিয়াও রাগে কোন কথা বলিল

না। উষা সেই দিকে যাইতে যাইতে হঠাৎ
সাপটার লেজ মাড়ানতে সাপ ফাঁস করিয়া
উঠিল। উষা তাহা টের পাইয়াই ছুটিতে লাগিল,
সাপটাও তার পিছন পিছন ভাড়া করিল।
শেষে উষা আর পারিয়া উঠিল না, সাপটা তাহাকে
আক্রমণ করিল।—অগ্নি “ওগো নাগো” বলিয়া
মাটিতে পড়িয়া গোক্কাইতে লাগিল। সাপটা
আপনার কাজ করিয়া গর্তে ফিরিয়া গেল।
সরলা এই দৃশ্য দেখিয়া অবাক হইয়া চূপ করিয়া
দাঁড়াইয়া রহিল। তাহাকে, উঠায় এমন কেহ
নাই। ভূপেন্দ্র আসিয়াই সকল বৃষ্টিতে পারি-
লেন, ও ছুটিয়া গিয়া মেথেন উষার মুখ দিয়া
ফেণা উঠিতেছে। চেতনা নাই। কাছেই বাড়ী
ছিল, তাহাকে কোলে করিয়া বাড়ী লইয়া
গেলেন। ডাক্তার আসিয়া ঔষধ দিলেন, কিন্তু
সবই বৃথা। সরলাকে সে ঘরের ভিতর যাইতে
দেওয়া হয় নাই। সে একলাটি বসিয়া আপনার
দোষের জন্ত কাঁদিতে লাগিল। সে ভাবিতে
লাগিল “যদি উষা দিদি মারা যায়, তা হলে—
আমিই মারিলাম।” অনেকক্ষণ বসিয়া বসিয়া
কাঁদিতেছে এমন সময় ঘরের ভিতর হঠাৎ সকলের
কান্না শুনিতে পাইল। ঘরের ভিতর ছুটিয়া
গিয়া দেখে উষা দিদি চির জীবনের মত তাহা-
দের ছাড়িয়া পলাইয়াছে। ভূপেন্দ্র দাদা অস্থির
হইয়া কাঁদিতেছেন। মা বাবা সকলেই কাঁদি-
তেছেন দেখিয়াই সরলা ছুটিয়া গিয়া উষার মুখের
উপর পড়িয়া ভয়ানক কাঁদিতে কাঁদিতে বলিতে
লাগিল “উষা দিদি! কাঁদাইয়া বিদায় দিলাম।
উষা দিদি আমায় ক্ষমা কর। ক্ষমা কর।” সেই
দিন রাত্রেই সরলার অত্যন্ত জ্বর আসিল। সেই
অমুখে অনেক দিন ভুগিয়াছিল। যখন সারিয়া
উঠিল তখন সে আর সে সরলা নয়, একেবারে

বদলাইয়া গিয়াছে। উষা দিদি তাহাকে নবজীবন
দিয়া গিয়াছিল।—পাঠক পাঠিকাগণ! উষা কি
তোমাদিগকেও নবজীবন দিল?



পিপীলিকা ।

কীট বরা সকলেই লাল, কাল—ছোট,
বড় অনেক প্রকারের পিপীলিকা
সচরাচর দেখিয়া থাকি। ইহাদের মধ্যে
এক এক প্রকারের পিপীলিকা এক এক রকম
স্থানে নিজেদের বাসা নির্মাণ করে। কোন
প্রকার মাটির নীচে গর্ত করিয়া তন্মধ্যে বাড়ী
করে এবং উপরে মাটির ঢিবি করিয়া রাখে,
কোন প্রকার পুরাণ কাষ্ট খণ্ডের ভিতর গুঁত
করিয়া বাস করে, কোন প্রকার গাছের
উপর বাসা নির্মাণ করে, কোন প্রকার টুকরা
টুকরা কাটকুটো একত্র করিয়া বাসা
করে; পিপীলিকা অনেক প্রকারে বাসা
নির্মাণ করিতে
পিপীলিকা



এবং ক্লীব (‘গ’ চিত্র দেখ)। পুরুষ ও স্ত্রীর সংখ্যা
অতি কম; এবং ক্লীবের সংখ্যা পুরুষ ও স্ত্রীর


সংখ্যা অপেক্ষা প্রায় দশগুণ বেশী। এই ক্লীব জাতীয় পিপীলিকারাই সমুদয় কাজ কর্তব্য করে। পুরুষ এবং স্ত্রী জাতীয়দের কোন কোন সময়ে পাখা উঠে।

ইহাদের মাটির নীচের গৃহ নির্মাণ কৌশল অতি চমৎকার। মাটির নীচে ছোট ছোট সহরের স্থায় পিপীলিকারা বাড়ী তৈয়ার করে। এই বাড়ী পরিষ্কার করিবার জন্ত মেথর-পিপীলিকা আছে, তাহারা ময়লা দেখিতে পাইলেই টানিয়া বাহিরে ফেলিয়া দিয়া আইসে। শান্তি রক্ষার জন্ত পাহারাওয়ালারা আছে, সর্কদাই একজন না একজন সদর দরজায় পাহারা দেয়; কোন বিপদের আশঙ্কা দেখিলেই অমনি ভিতরে খবর দেয়, আর দলে দলে যোদ্ধাগণ বাহিরে আসিয়া আক্রমণকারীদের সহিত যুদ্ধ করে। গৃহটী প্রায়ই দোতালার করে; প্রত্যেক তালায় অনেক গুলি ঘর আছে। কোন ঘরে ডিম গুলি স্থল্লর স্তম্ভল ভাবে সাজান থাকে, কোন ঘরে দাস দাসীরা ছোট ছোট পিপীলিকা-সন্তানদের সেবা শুশ্রূষা করে, কোন কোন ঘরে কেবল মাত্র খাবার রাখে—এক এক ঘরে এক এক রকম খাবার

সাজাইয়া রাখা হয়। ইহাদের বড়ই মায়া। পিপীলিকারাই সমুদয় কাজ করে। পাহারাওয়ালারা আছে, সর্কদাই একজন না একজন সদর দরজায় পাহারা দেয়; কোন বিপদের আশঙ্কা দেখিলেই অমনি ভিতরে খবর দেয়, আর দলে দলে যোদ্ধাগণ বাহিরে আসিয়া আক্রমণকারীদের সহিত যুদ্ধ করে। গৃহটী প্রায়ই দোতালার করে; প্রত্যেক তালায় অনেক গুলি ঘর আছে। কোন ঘরে ডিম গুলি স্থল্লর স্তম্ভল ভাবে সাজান থাকে, কোন ঘরে দাস দাসীরা ছোট ছোট পিপীলিকা-সন্তানদের সেবা শুশ্রূষা করে, কোন কোন ঘরে কেবল মাত্র খাবার রাখে—এক এক ঘরে এক এক রকম খাবার

উপরে রাখিলে ডিম ও পিপীলিকা-শিশুদের অপকার হইবার সম্ভাবনা। আবার প্রাতঃকাল হইলে ডিম, সন্তান সন্ততি সমুদয় গুলিকে উপরের তালায় লইয়া আসে। ইহা-দিগকে মুখে রাখিবার জন্য এইরূপ প্রত্যাহই করে। রৌদ্রের উত্তাপে শরীর ভাল থাকে বলিয়াই দিনের বেলায় উপরের তালায় রাখে। দিনের বেলায় বৃষ্টি বা ঠাণ্ডা বাতাস বহিলেও উপরের তালার হইতে উহাদিগকে নীচের তালায় লইয়া যায়। সর্কদাই একদল পিপীলিকা ইহাই করিতেছে। এবং আর একদল খাদ্যের অবশেষে বাহিরে বাহিরে ভ্রমণ করে। খাবার পেলেই ঘরে লইয়া আসে।

কোন কোন গাছে এক রকম পোক বাস করে; ইহাদের শরীর হইতে একরূপ রস নির্গত হয়। এই রস ছোট ছোট পিপীলিকা-সন্তানেরা বড়ই ভালবাসে এবং ইহা খাইলে তাহাদের উপকারও যথেষ্ট হয়। ক্লীব পিপীলিকা দলে দলে গিয়া এই রস মুখে করিয়া লইয়া আসে; কখন কখনও একদল এই পোকাকে টানিতে টানিতে বাটীতে আনিয়া রাখিয়া দেয়। আমরা যেমন ছেলে পিলের ছুন্ধের জন্ত গরু পুসি ইহারাও সেইরূপ ইহাদিগকে পোষে। দেখ কেমন বুদ্ধি!



ক্লীব জাতীয়দের মধ্যে যে গুলি বলবান সেই গুলি যুদ্ধের কাজ করে ('গ'চিত্র দেখ); অবশিষ্ট

গুলি অন্যান্য সমুদয় কাজ করে ('ঘ'চিত্র দেখ)। পূর্বেই বলিয়াছি যে পুরুষ ও স্ত্রীদের কোন কোন সময়ে পাখা উঠে; এই পাখা উঠার পর দলে দলে স্ত্রী পুরুষ পিপীলিকা গর্ভ হইতে বাহির হয়, এবং স্ত্রী পিপীলিকারা ডিম প্রসব করে, প্রসব করার পর পাখা ফেলিয়া দেয়; ইহার পর কিরূপ আকৃতি হয় ('খ'চিত্র) দেখ। পুরুষগুলির পাখা হইলে কিরূপ চেহারা হয় তাহা ('ক'চিত্র) দেখ।

একতা ইহাদের মধ্যে যথেষ্ট আছে। কোন একটা ভারী জব্য একটা পিপীলিকা টানিয়া লইয়া যাইতে না পারিলে বাসায় গিয়া খবর দেয় আর ছ দশজন তার সঙ্গে সঙ্গে আসিয়া সেই জিনিসটাকে লইয়া যায়। কেহ কোন একটা জিনিস পাইলে নিজে কেবল খায় না; বাসায় লইয়া যাইয়া ঘরে জমা করিয়া রাখে, শেষে সমান ভাগ করিয়া খায়। কোন একটা বিপদ আপদে পড়িলে আর দশজনে তৎক্ষণাৎ আসিয়া সাহায্য করে। কোন একটা টার পীড়া হইলে বা কোন প্রকার আঘাত লাগিলে আর দশজনে আসিয়া শুশ্রূষা করে।

ইহারা আবার কখনও দলবল লইয়া যুদ্ধে বাহির হয়। অপেক্ষাকৃত ক্ষুদ্র জাতীয় অত্র এক প্রকারের পিপীলিকাদের বাসায় গিয়া আক্রমণ করে। যুদ্ধে জিতে পারিলে তাহাদের সন্তান সন্ততি সমুদয় ঘাড়ে করিয়া নিজেদের বাসায় লইয়া আসে; এবং যত্নের সহিত আদর করে। শেষে তাহারা ভাল বাসার গুণে নিজেদের দাসত্ব ভুলিয়া গিয়া সকলকেই আপন বিবেচনা করে এবং সন্তুষ্ট চিত্তে সমুদয় কাজ কর্তব্য করিয়া গৃহের স্তম্ভল রাখে।

পিপীলিকার কাজে লাগিয়া থাকিবার ইচ্ছাটা

বড়ই প্রবল। যতক্ষণ পর্যন্ত কোন একটা খাদ্য জব্য টানিয়া স্বীয় গর্ভে লইয়া না যাইতে পারে ততক্ষণ স্থির হয় না, কেবলি কাজ করিতেছে। অবশেষে গর্ভে নিয়া স্থির হয়। পরিশ্রম করিতে ইহারা কখনই কাতর হয় না। শীতকালে ইহারা কোন কাজ করে না; বাসায় বসিয়া কেবল ঘুমায়। অত্রান্ত সময়ে পরিশ্রম করিয়া এত খাদ্য সংগ্রহ করে যে খাদ্যের অভাবে শীতকালে তাহাদের কোন কষ্টই হয় না।

এই ক্ষুদ্র প্রাণী হইতে আমরা এই উপদেশ প্রাপ্ত হই।—(১) সর্কদা পরিশ্রম করা উচিত; ইহারা যেমন গ্রীষ্মকালে পরিশ্রম করিয়া শীতকালের খাদ্য সংগ্রহ করে, আমাদেরও সেইরূপ ছেলেবেলায় পরিশ্রম করিয়া বিদ্যা উপার্জন করা উচিত যে, যৌবনকালে বিদ্যার বলে অর্থ উপার্জন করিয়া বৃদ্ধ বয়সের জন্য কিছু সংগ্রহ করিতে পারি। (২) অধ্যবসায়ী হওয়া উচিত; একটা কাজে একবারে কৃতকার্য না হইলে বার বার চেষ্টা করিতে হইবে। (৩) শক্রদিগকে ভাল-বাসা দ্বারা বশীভূত করা উচিত; ভালবাসার দ্বারা যেমন অপরকে বশীভূত করা যায়, কর্কশ ব্যবহার বা শাসন দ্বারা সেইরূপ করা যায় না। (৪) সকলেরই মধ্যে একতা থাকা উচিত। একজনে একটা কাজ না পারিলে দশজনে পারি। বৃহৎ কোন কাজে দশজনের সাহায্য



কালার ঘরে ধলা ছেলে ।

(ডেনমার্ক দেশীয় একটি গল্প অবলম্বনে লিখিত)

হুঁ হরের অনেক দূরে একখানি গ্রাম আছে । ঐ গ্রামের এক পাশে একজন চাষা বাস করে । সে কতকগুলি পাতি হাঁস পুষিয়েছে । খিড়কীর পুকুর ধারে আমতলায় হাঁসদের থাকিবার জন্য এক যায়গা করিয়া দিয়াছে । হাঁসগুলি খায় দায় খেলিয়া বেড়ায়, রাত্রি হইলে আমতলায় নিজেদের ঘরে আসিয়া ঘুমাইয়া থাকে । একবার বর্ষাকাল, আষাঢ় কি শ্রাবণ মাস হইবে, একটি পাতি হংসী ডিম পাড়িয়াছে । অনেক ডিম পাড়িয়াছিল, তাহার সকল গুলিতে তা দেয় নাই কেবল মাত্র ৩ টিতে তা দিতেছে । বেচারির কি কষ্ট ! আষাঢ়াস্ত বেলা—দিন গিয়াও যায় না ; বেচারি দিন নাই রাত্রি নাই, বসিয়াই আছে । একা নির্জনে বসিয়া থাকি কি কষ্ট সকলেই বুঝিতে পার । তাহার স্বামী পাতি হংস হাজার হোক পুরুষ, সে

বলিয়া যাইতেছে ।
কিছুদিন পরে পাতিহংসী বলিল ;—“আর বাপু পারি না—দেখি দেখি হতভাগা গুলোর বাহির

হইবার সময় হলো কি না ?” এই বলিয়া দেখে যে সময় হইয়াছে, একটি ডিমের মুখ ভাঙ্গিবামাত্র একটি হাঁস মুখ বাড়াইল । এইরূপে ছেলে মেয়েতে পাঁচটা বাহির হইল । তখন তাহাদের শিক্ষার ভাবনা পড়িল । তারা বলে “পী” “পী” মা বলে “প্যাঙ্ক” “প্যাঙ্ক”—এইরূপে ডাকিতে শিখাইতে লাগিল । কিন্তু একটি ডিম আর ফোটে না । এমন সময়ে এক প্রতিবেশিনী হংসী একদিন বেড়াইতে আসিয়া বলিল ;—“কিগো সই, তোমার ডিমে তা দেওয়া কি ঘূচবে না ?” পাতি হংসী বলিল ;—“আর বোন ! নিগ্রহের কথা বল কেন ? একটি কাল শত্রু আর বাহিরে আসতে চায় না । আমিও আর পারি না ।” সমাগত হংসী বলিল “দেখি দেখি ডিমে তা দিতে ত এত দিন লাগে না ।” দেখিয়া সবিস্ময়ে বলিল—“ওমা একি ! এত বড় ডিমত কারুর দেখি নাই । এ ভাই তোর ডিম নয় !” শুনিয়া পাতি হংসীর মনে বড় চিন্তা হইল । “তাইত আমিও ভাবছিলাম এ কি ? এতদিন লাগে কেন ?” সমাগত হংসী বলিল “দেখ ভাই আমাকে কিনিয়া আনিবার পূর্বে আমি কলিকাতায় এক জজের বাড়ীতে ছিলাম, সেখানে আমাদের সঙ্গে কয়জন পেরু থাকিত—তাহারা বড় বড় ডিম পাড়ি, আমার বোধ হয় এ পেরুর ডিম ।” হংসী বলিল “যাহা হোক এত দিন গেছে না হয় আরও দুই দিন যাবে ; দেখি কেমন ছেলে বাহির হয়—জলে লইয়া গেলেই পেরু কি না ধরা পড়িবে ।” প্রতিবেশিনী চলিয়া গেল—হংসী বসিয়া বিষম মচন তা দিতে লাগিল । ক্রমে এক প্রকাণ্ড পুরুষ হংস বাহির হইল । পাতি হাঁসের ঘরে এত বড় ছেলে কেউ কখনও দেখে নাই । হংসী দেখিয়া মনে মনে

বলিল—“পোড়া কপাল ! কি একটা কদাকার প্রকাণ্ড ছেলে হইল । একে লোক-সমাজে লইয়া যাওয়াও লজ্জা !” যাহা হউক মনের ভাব মনে গোপন করিয়া হংসী কয়েক দিনের মধ্যেই ছেলে মেয়েগুলিকে সঙ্গে লইয়া পুকুরের দিকে গমন করিল ; মনের অভিপ্রায়, পুকুরে তাহাদিগকে সাঁতার শিখাইয়া পাড়া পড়ুীর নিকট লইয়া যাইবে । হংসী ছানাগুলিকে একত্র করিয়া বলিল “দেখ এইবার তোমাদিগকে জলে লইয়া যাইব, জল দেখিয়া ভয় পাইও না, সাঁতার দেওয়া আমাদের জাতির স্বধর্ম ; প্রথমে নামিবা মাত্র তোমরা ডুবিলে যাইবে তখন ভয় পাইও না, তৎক্ষণাৎ আবার ভাসিয়া উঠিবে ; ও তখন আমার দিকে দেখিও, আমি যেমন করিয়া পা নাড়ি তেমনি করিয়া পা নাড়িবে, তাহা হইলে সাঁতার দিতে পারিবে । সেখানে তোমাদের বাবা সাঁতার দিয়া বেড়াইতেছেন, দেখিতে পাইবে ।” ছানাগুলি “পী” “পী” করিয়া সে কথায় মায় দিল । কিন্তু কদাকার ছেলেটির বড় নিগ্রহ ! এমন কি তাহার ভাই ভগিনীরা তাহাকে নড়িতে চড়িতে তামাসা করে । কেহ বলে “মরণ আর কি, হাঁটিবার ধরণ দেখ ।” কেহ বলে “রাম রাম সে দিনের ছেলে, শরীরটা দেখ ! যেন একটা বড়ো ।” কেহ বলে “তুই আমাদের সঙ্গে আসিস্ নে ।” এই বলিয়া দুই তিন জনে তাহার ষাড় কামড়াইয়া মাটিতে তাহার মুখ ঘষিয়া দেয় । মা ফিরিয়া “প্যাঙ্ক” “প্যাঙ্ক” স্বরে তিরস্কার করেন । বলেন “আহা ষেঠের বাছা যদি হয়েছে ত বেঁচে থাক, তোরা কেন গুরে মারিস্ ।” কদাকার ছানাটী বিষম ভাবে সকলের পশ্চাৎ পশ্চাৎ চলিল । পুকুরের কাছে গিয়া হংসী লক্ষ দিয়া জলে পড়িল, ছানাগুলি দেখাদেখি যেই লক্ষ দিল, অমনি

তলাইয়া গেল ; ভয়ে ওলট পালট খাইয়া আবার ভাসিয়া উঠিল । তখন মায়ের উপদেশ মত সাঁতার দিতে লাগিল । হংসী দেখে কদাকার ছেলেটীও বেশ সাঁতার দিতেছে, তখন তৃপ্তিভরা দূর হইল । ভাবিল “বাঁচলাম । আহা আমার বাছা পেরু হতে গেল কেন ?” তখন হাঁসেরা ভাত খাইতে গিয়াছিল ; হংসীর আর দেরি নয় না ; এমন সব সুসজ্জান তাহাদিগকে লোক-সমাজে পরিচিত করিয়া না দিলে মন তৃপ্ত হয় না । পুকুরীণী হইতে পাড়ে বসিয়া ডানা ঝাড়িয়া ছানাগুলিকে ডানা ঝাড়িতে শিখাইল ; বলিল : “সাবধান ! লোক-সমাজে যাইতেছ অসভ্যতা করিও না, গুরুজনদিগকে পা দেখাইও না, অকারণ “পী” “পী” করিও না । আর সেখানে একজন বড়লোকের স্ত্রীকে দেখিবে, তাহার পারে রাজা হতা বাঁধা, তিনি বড় ষম্মের মেয়ে, তাহার দাম অনেক, পাছে হারাইয়া যান বলিয়া গৃহস্থ পায়ে হতা বাঁধা দিয়াছে ! তাহার কাছে গিয়া সভ্য ভব্য হইয়া থাকিবে ।” এইরূপ অনেক উপদেশ দিয়া শান্তি সঙ্গে গৃহস্থের বাড়ীতে গিয়া উপস্থিত হইয়া অমনি হাঁসেরা সকলে আসিয়া ছেলেটির আদর করিতে লাগিল । কেহ বলে “আহা ! কি সুন্দর ছেলেগুলি !” কেহ বলে “গার চাও কেহ বলে “আহা বেঁচে থাক ।” কিন্তু কদাকার ছানাটীকে দেখি

কমিনে লাি

এমন কদাকার

হতা বাঁধা হংসীর

লজ্জা করিলে না ।

মা, ও ছেলেটা কি তোমার ?” “হাঁ দিদি কপাল

ক্রমে ওই একটা কদাকার ছেলে হয়েছে কি

করি।" লাল হুতা বাঁধা হংসী বলিল—“ছি! এমন কদাকার ছেলে লইয়া তোমার লোক-সমাজে আসা উচিত হয় নাই, ঘরে রাখিয়া আসিতে পার নাই? সে বলিল—“আর দিদি আমি গরিব আমার ছেলে দেখে কে? বিশেষতঃ ওদের বিড়ালটা বড় ছুট।” লাল হুতা বাঁধা হংসী বলিল—“তা বলিলে কি হয়, আর আমার কাছে ওকে আনিও না।” এই বলিয়া একেবারে দৌড়িয়া আসিয়া তাহার বাড়ি কামড়াইয়া মাটিতে তাহার মুখ ঘষিয়া দিল। মা বেচারি কি করে, বড়লোকের স্ত্রীকে কিছু বলিতে পারে না, কাজেই সহ্য করিতে হইল।

কদাকার ছানাটি এইরূপ যার তার নিকট অপমান গঞ্জনা আর সহিতে না পারিয়া মনের ছুঃখে গ্রামের পার্শ্ববর্তী এক খড়িবনের ভিতর চলিয়া গেল। মনে মনে ভাবিল লোকালয়ে থাকিয়া গঞ্জনা সহ করা অপেক্ষা বনবাসী হওয়াই ভাল। সেখানে গিয়া কতকগুলি বাইল-হাঁসের সহিত তাহার আলাপ হইল। সে আপনার ছুঃখের কাহিনী সমুদায় বলিল;—তাঁহার মনে মনে বলিল “যে কদাকার! গঞ্জনা দিবেই তা।”

কদাকার ছানাটি কদাকার ছানাটির সহিত হংসী বসিয়া বসিয়া আছিল। একদিন কদাকার ছানাটি কদাকার ছানাটির সহিত হংসী বসিয়া বসিয়া আছিল।

একদিন কদাকার ছানাটি কদাকার ছানাটির সহিত হংসী বসিয়া বসিয়া আছিল।

বেচারী জীবনে ওরূপ ধনি কখন ওনে নাই। শুনিয়াইত হংসী উপস্থিত! ভাবিবার সময় না পাইতে পাইতে বাইল হাঁসের কাঁক উড়িয়াছে; আবার আওয়াজ, এক নিমেষের মধ্যে একটি রক্তাক্ত হাঁস তাহার সন্নিকটে খড়িবনে মরিয়া পড়িল। কদাকার ছানা ভয়ে সন্নিকটে সন্নিকটে খড়িবনে অদৃশ্য হইয়া গেল। শেষে মনে করিল “এখানে থাকতে বিপদ আছে; দূর হোক এ দেশটা ছাড়িয়া যাই।” খড়িবন হইতে উঠিয়া সন্ধ্যাকালে আর এক দিকে বাইবার জন্ত যাত্রা করিল। পথে ভয়ানক ঝড় বৃষ্টি, ডান্দা ছিঁড়িয়া যায়, মুখ খুবড়িয়া পড়ে, আর চলিতে পারে না। অবশেষে এক বুড়ীর আগড়ের পাশ দিয়া তাহার ঘরে ঢুকিল এবং ভয়ে জড়সড় হইয়া এক কোণে গিয়া এক তক্তার আড়ালে লুকাইয়া রহিল। রাত্রিটা কাটিয়া গেল। সে বুড়ীর সংসারে কেহ নাই কেবল এক পোষা শালিক পাখী আছে, সে মাহুষের মত কথা কয়; আর একটি পোষা বিড়াল সে পাখী ধরে না। এই দুইটি বুড়ীর ঘরে রাজত্ব করে। সকালবেলা শালিকটা বকিতে বকিতে কোণের দিকে আসিয়া কদাকার ছানাটিকে দেখিতে পাইয়া অবাক হইয়া গেল। তখন সে বিড়াল মহাশয়কে ডাকিয়া আনিল, এবং দুইজনে মিলিয়া তাহাকে তাড়াইয়া দিবার প্রস্তাব করিল। যখন তাহার তাড়াইবার কথা শুনিয়া বুড়ী সহ্য হইয়া হংস দেখিয়া বড়ই আনন্দিত হইল, আপনার সহচরদিগকে নিষেধ করিয়া বলিল “তাড়াস্নে, থাক, ডিম দিবে।” বিড়াল ও শালিক অগত্যা সে প্রস্তাবে সন্মত হইল; কিন্তু হংসের উপরে অপ্রসন্ন থাকিয়া গেল।


এখানে আসিয়া কদাকার ছানা হংসের বড় বিপদ

হইল। সে বাহির হইয়া বাইতে পারে না। বুড়ী বাহির হইবার সময় তাহাকে বন্ধ করিয়া যায়, ঘরে থাকিবার সময় চোখে চোখে রাখে। বিশেষ বুড়ীর বাড়ী হইতে পুকুর অনেক দূর, বুড়ী সেখানে তাহাকে বাইতে দেয় না। বেচারী কি করে অধিকাংশ সময় ঘরের কোণে কাটায়। এবং বড় বিষন্ন থাকে। একদিন শালিক তাহার নিকটে আসিয়া জিজ্ঞাসা করিল “আচ্ছা তুমি এত বিষন্ন থাক কেন?” কদাকার ছানা বলিল “ভাই একটু জলে বেড়াইতে পারি না, মনটা বড় কেমন করে।” শালিক বলিল—“কি, পাগলের মত কথা কও, পাখী কি আবার জলে বেড়ায়?” হংস—“হাঁ ভাই আমাদের জাত জলে বেড়ায়।” শালিক—“ঐ জন্তুই ত আমরা তোমাকে ঘৃণা করি। আচ্ছা আমাদের বিড়াল একজন বহুদর্শী ও পরম জ্ঞানী লোক তাহাকে ডাকিয়া আনি, জিজ্ঞাসা করিয়া দেখ সে জলে বেড়ায় কি না, কিম্বা কাহাকেও বেড়াইতে শুনিয়াছে কি না। যে কথা নয় তাহা বল কেন? তোমার কোন যোগ্যতা নাই লাভের মধ্যে মিথ্যা কথা কও। তুমি না ডিম পাড়িতে পার, না মাহুষের মত কথা বলিতে পার, না উল্লু ন কাঁধায় শুইয়া বিড়ালের শ্রায় ঘোড় ঘোড় করিতে পার। ইহার উপরে আবার মিথ্যা কথা কও।” এই বলিয়া শালিক বিড়ালকে ডাকিয়া আনিল। বিড়াল বলিল—“একি কথা! পাখী কি জলে যায়? ও কথা শুনিতে নাই!” সে দিন হইতে সে তাহাদের বিশেষ অপ্রিয় হইল। বুড়ীও দেখিল বহু দিন গেল তবু ডিম দেয় না, শেষে তাহাকে তাড়াইয়া দিল। শালিক ও বিড়াল বাঁচিল।

কদাকার ছানা হংস তাড়া খাইয়া পথে

বাহির হইয়া কিয়দূর গিয়াছে, এমন সময় গ্রামের একদল ছেলে তাহাকে দেখিবার মাত্র বলিয়া উঠিল “ওরে ভাই বাবুদের হাঁস কি করে আসিয়া পড়িয়াছে, চল ধরে দিয়ে আসি, বকসিস্ পাইব।” এই বলিয়া পাঁচ সাত জন ছেলেতে তাড়াতাড়ি করিয়া তাহাকে ধরিল ও জমিদার বাবুদের বাড়ীতে লইয়া গেল। বাবুদের বাগানে এক পাল রাজহংস চরিতেছিল, তাহাদিগকে দেখিবার মাত্র কদাকার ছানা গ্রামের একদল ছেলেতে লাইল। বাবুরা বালকদিগকে বকসিস্ দিয়া তাহাকে হাঁসের পালে ছাড়িয়া দিতে বলিলেন। যেই তাহাকে হাঁসের পালে ছাড়িয়া দেওয়া হইল; অমনি রাজহংস গলা লম্বা করিয়া আনন্দধ্বনি পূর্বক তাহাকে অভ্যর্থনা করিয়া লইল। কেহ বলিল “আহা এমন সুপুরুষ কোথা হইতে আসিল।” কদাকার ছানা নিজের আদর দেখিয়া আশ্চর্যান্বিত হইল এবং মনে মনে কত তর্ক বিতর্ক করিতে লাগিল। অবশেষে তাহাদের সঙ্গে পুকুরের জলে গিয়া নিম্নল জলে আপনার প্রতিবিম্ব দেখিয়া আশ্চর্যান্বিত হইয়া বলিল—“বাঃ আমিও যে রাজহংস।” সে পাতি হাঁসদিগের গঞ্জনা ভুলিয়া গিয়া আনন্দে বিচরণ করিয়া বেড়াইতে লাগিল। যথাসময়ে একটি রাজহংসীর সহিত তাহার বিবাহ হইল। পরে কদাকার ছানা একটি বড় বালক একটি রাজহংসের বাবা হইয়া আনন্দিত হইল। ঐ চাষার পাতি হাঁসের বাসায় তাহার বাস হইয়াছিল।

উপদেশ ;—শুণের আদর শুণী লোকেই করিয়া থাকে।



(এক সত্য ঘটনা অবলম্বনে লিখিত)

সাধের নৌকা ।

সামাল সামাল, ওই ডেকে আসে বাণ,
দেশ ছেয়ে আসে ধেম্বে জল কাণে কাণ !
নিমেষে নিমেষে বাড়ে কে কোথা পালায়,
তরাসে সকল জীব হাবু ডুবু খায় ।

সু যায় চাল,
সু আসে
সু চলে চাই,
সু ড় বালাই !
সু সাধের নৌকায়,
চড়িয়া কয় শিঙা কয়ে ভেসে যায় ।
এক ভান্সা বসেছেন ছত্রির উপরে ;
কয় জন দেখিছেন বসিয়া ভিতরে ।

টানে পড়ে ছোটে তরি, হুঃহু করে ধায়,
আরামেতে কয় জন্মে বসিয়া তাহার।
এমন অপূর্ব তরি কে দেখেছে কবে ?
এ তরির ইতিহাস শুন কিছু তবে ।
আছিল কৃষক এক মুরগী পুষিত,
পরিয় কাঠের জুতা কাদাতে চষিত ।
আসিলে বন্যার জল কে কোথা ছুটিল,
মুরগী শাবক ছাড়ি কোথা পলাইল !
ছানাগুলি জলে পড়ি না দেখে উপায়,
শেষে লক্ষ দিয়া উঠিল জুতায় ।
এলো জল ভাসে জুতা নৌকার মতন,
আরোহী হইল তাতে এই কয় জন ।
বড়রা ডুবিয়া মলো ; ছোটরা বাঁচিল,
ভাসিতে ভাসিতে তরি ডাঙ্গাতে লাগিল ।

সময়ের সদ্যবহার ।

বড়লোক হইতে তোমার,
আমার সকলেরই ইচ্ছা করে ;
ঘরে বসিয়া আছি হঠাৎ একে-
বারে কতকগুলি টাকা পাইলাম
আর অমনি বড়লোক হইয়া
গেলাম এইরূপই অনেকেরই ইচ্ছা । কিন্তু এরূপ
ইচ্ছা প্রায়ই সফল হয় না ।—

দুই রকম লোককে সচরাচর সকলে বড়-
লোক বলে । এক, যাহাদের অনেক টাকা কড়ি,
বিষয় সম্পত্তি আছে তাহাদিগকে ; আর যাহারা
বিদ্যাতে ও বুদ্ধিতে শ্রেষ্ঠ তাহাদিগকে বড়লোক
বলা যায় ।

দ্বিতীয় প্রকারের বড়লোকেরই মান, সম্ভ্রম
পৃথিবীতে বেশী । সময়ের মূল্য বুঝা চাই ;
সময় অপব্যয় করিলে কি ক্ষতি হয় এবং কাজে
লাগাইলে কি উপকার হয় ইহা না বুঝিলে
এই প্রকারের বড় লোক হওয়া যায় না ।

যেমন কোন একটা ক্ষেত্র কোনরূপ চাষ
না করিয়া যদি ফেলিয়া রাখা হয় তাহা হইলে
সেই ক্ষেত্রটি অতি শীঘ্রই পতিত হইয়া যায় অথবা
কাঁটা গাছ, জঙ্গল কেবলমাত্র উৎপন্ন করে ;
আর যদি পরিশ্রম করিয়া মাটি চাষ করিয়া
তাহাতে ভাল বীজ বপন করা যায় তাহা হইলে
উত্তম শস্য উৎপাদন করে । সেইরূপ যাহারা
বিদ্যা উপার্জন দ্বারা মনের উন্নতির দিকে
চেষ্টা না করেন, বৃথা গল্প করিয়া সময় কাটান,
তাহাদের মনে কাঁটা গাছরূপ কুভাব উদয় হয়
এবং ক্রমশঃ তাহা বৃদ্ধি পাইয়া মনকে নানা
প্রকার পাপ কার্যে প্রবৃত্ত করে ; আর যিনি
সময়ের মূল্য বুঝিয়া ছেলেবেলা হইতেই বৃথা

সময় না কাটাইয়া পরিশ্রম সহকারে বিদ্যা উপা-
র্জনের দ্বারা মনের উন্নতি করেন তিনিই শেষে
বিদ্যা বুদ্ধির গুণে বড়লোক হন ।

সময় অমূল্য, একবার সময় নষ্ট করিলে,
আর তাহা ফিরাইয়া আনা যায় না । যদিও
প্রথমে সময় বৃথা কাটাইয়া পরে কঠিন পরিশ্রম
করিয়া প্রথমে যে কাজ করা উচিত ছিল তাহা
করা যাইতে পারে, কিন্তু কে বলিতে পারে যে অত
দিন বাঁচিয়া থাকিয়া পরিশ্রম করিবার সময়
সকলেই পাইবে? মানুষের জীবন অতি ক্ষণস্থায়ী ;
এখন হাসিতেছি, খেলিতেছি, কাল হঠাৎ মরিয়া
যাইতে পারি । কোন কালেই সময়ের অপব্যবহার
কোন মতেই করা উচিত নহে । পরে কঠিন
পরিশ্রম করিব এখন বৃথা আমোদ করি, কখনই
এরূপ ভাবে সময় কাটান উচিত নহে ।

সময়ের উপযুক্ত ব্যবহার করিতে হইলে সর্বদা
কোন না কোন কাজে মনকে নিযুক্ত রাখিতে
হয় । যাহারা কোন কাজ কর্ম করে না,
কেবলমাত্র গুইয়া বসিয়া সময় কাটায় তাহাদের
মনে প্রথমতঃ কুচিন্তার উদয় হয়, পরে কুকাজ
করিবার ইচ্ছা ক্রমশঃ প্রবল হয় । মন্দ হওয়া
বড় সহজ, ইচ্ছা করিলে যত শীঘ্র মন্দ হওয়া
যায় কিন্তু বিনা পরিশ্রমে, বিনা চেষ্টা, ইচ্ছা
করিলে তত শীঘ্র ভাল হওয়া যায় না । কাজেই
যাহাদের কোন কাজই থাকে না তাহারা অতি
সহজে মন্দ হইয়া পড়ে ।

লেই নিজের সময় কাটাইয়া পরিশ্রম
পরের নিন্দা ভাল লাগে, কুৎসা বলিয়া
বেড়াইতে ইচ্ছা হয়, শেষে পরের অনিষ্ট করিতে
ইচ্ছা হয়, অনেক মন্দ কাজ করিতে বাধ্য হইতে
হয় এবং ক্রমশঃ ঘোর পাপী হইতে হয় ।
নিষ্কর্মা লোকদের নিকট একদিন এক বৎসর

বলিয়া বোধ হয়। এই দীর্ঘ সময় কাটাইবার জন্য কোন প্রকার অন্যায় কাজ করিতে কুণ্ঠিত হয় না। আলসাই পাপের মূল। আর যাহারা সর্বদা কার্যে ব্যস্ত তাহারা কুচিন্তা করিবার সময়ও পায় না। সময়ের সদ্যবহারে যেমন বিদ্যাবুদ্ধিতে শ্রেষ্ঠ হইয়া বড় লোক হওয়া যায় তেমন স্বভাবও নির্মল থাকে।

পৃথিবীতে গণ্যমান্য ব্যক্তি হইতে যদি চাও তাহা হইলে ছেলেবেলা হইতে সময়ের সদ্যবহার কর; বৃথা সময় নষ্ট করিও না। বৃথা আমোদ, আফ্লাদ, গল্প পরিত্যাগ করিয়া ভাল ভাল পুস্তক পড়িয়া বিজ্ঞ হইবার চেষ্টা কর।

উচ্চ বংশে যাহাদের জন্ম তাহাদের বুদ্ধি বেশী, তাহারাই যত্ন করিলে লেখা পড়া শিখিতে পারেন আর নীচ জাতীয়দের সন্তানেরা চেষ্টা করিলেও সেইরূপ কৃতকার্য হইতে পারে না, এইরূপ বিশ্বাস অনেকেরই আছে। এ বিশ্বাস সম্পূর্ণ অমূলক। শত শত দৃষ্টান্ত দেওয়া হইতে পারে যে যাহাদিগকে আমরা 'ছোটলোক' বলি তাহারাও সময়ের সদ্যবহার করিয়া লেখা পড়ায় শ্রেষ্ঠ হইয়া বড়লোক হইয়াছেন।

ছোট বড় সব জাতিতেই সময়ের উচিত ব্যবহার করিলে বড় লোক হইতে পারে। এই পথে জাতি বিচার নাই। যিনি সময়ের মলা বন্দিয়া পরিশ্রম করিয়া বিদ্যা উপার্জন করিয়া লোক হইবেন।

ছোট বড় লোক হইতে চাও তাহা হইলে ছেলেবেলা হইতে সময়ের সদ্যবহার কর।

ধাধা ।

জুন মাসের ধাঁধার উত্তর ।

আট সেরী ভাঁড়ের তৈল দ্বারা পাঁচ সেরী ভাঁড় পূর্ণ করিয়া পাঁচ সেরী ভাঁড় হইতে তিন সেরী ভাঁড় পূর্ণ করিল। তিন সেরী ভাঁড়ের তৈল আট সেরীতে রাখিয়া পাঁচ সেরী ভাঁড়ের তৈল তিন সেরীতে রাখিল। এখন আট সেরী ভাঁড়ে ছয় সের ও তিন সেরী ভাঁড়ে দুই সের রহিল। তৎপর আট সেরী ভাঁড়ের তৈল দ্বারা পাঁচ সেরী ভাঁড় পূর্ণ করিল এবং আট সেরী ভাঁড়ে এক সের তৈল রহিল। পাঁচ সেরী ভাঁড়ের তৈল দ্বারা তিন সের ভাঁড় পূর্ণ করিল, এখন আট সেরী ভাঁড়ে এক সের, পাঁচ সেরী ভাঁড়ে চারি সের এবং তিন সেরী ভাঁড় পূর্ণ রহিল। এখন তিন সেরী ভাঁড়ের তৈল আট সেরীতে ঢালিল; সুতরাং আট সেরীতে চারি সের ও পাঁচ সেরী ভাঁড়ে চারি সের রহিল। দুই জনেরই সমান হইল।

নূতন ।

১। হস্ত পদ নাহি তার নাহি বাক শক্তি,
কৌশলেতে কথা কয় বুঝে কার শক্তি।
পবন সমান হয় তাহার গমন,
বিদ্যুৎ আকার তার সমস্ত লক্ষণ।

২। এক জমিদারের ১৮টা ঘোড়া ছিল; মরিবার সময়ে উইল করিয়া গেলেন যে তাঁহার প্রথম পুত্র ৫ একাধি পাইবে; দ্বিতীয় পুত্র ৬ এক-তৃতীয়াংশ পাইবে; এবং তৃতীয় পুত্র ২ এক নবমাংশ পাইবে। মৃত্যুর পর একটা ঘোড়া মরিয়া গেল। উইলের 'এক্সিকিউটার' কি প্রকারে ঘোড়া ভাগ করিবেন?



অক্টোবর, ১৮৮৫।

বহাভারতের উপদেশ ।

দুইটা গল্প ।



আমাদের দেশের বালকেরা প্রাচীনকালে যেরূপে বিদ্যাভ্যাস করিত, তাহা একবার বলিয়াছি। তখন বালকদের বাবুগিরি ছিল না। কেহ গাড়ীতে বা পাকীতে চড়িয়া স্কুলে আসিত না। সকলেই গুরুগৃহে কঠোর ব্রহ্মচর্য্য ব্রত অবলম্বন করিয়া বিদ্যাশিক্ষা করিত। এই ব্রহ্মচর্য্যের কথা 'সখা'র পাঠকদিগকে পূর্বে বলা হইয়াছে। আজ এ সম্বন্ধে দুইটা গল্প বলিতেছি।

পূর্বকালে অয়োদধৌম্য নামে এক ঋষি ছিলেন। তাঁহার আরুণি, উপমন্যু ও বেদ নামে তিনটা শিষ্য ছিল। অদ্য আরুণি ও উপমন্যুর কথা বলিব। পূর্বে বালকেরা কিরূপ কঠোর পরিশ্রম করিয়া নানা শাস্ত্রে পণ্ডিত হইত, লোভ, ক্রোধ প্রভৃতি পরিত্যাগ করিয়া কিরূপ আশ্রম-সংযম অভ্যাস করিত, সরল চিত্তে কিরূপে গুরুর আদেশ প্রতিপালনে যত্নশীল হইত, এবং

নানা কষ্ট সহিয়া কিরূপে গুরুর সেবায় নিযুক্ত থাকিত, তাহা এই কথায় জানা যাইবে।

আয়োদধৌম্য বড় একটা সদয়প্রকৃতি ছিলেন না। শিষ্যেরা কতদূর কষ্ট সহিতে পারে, তাহা পরীক্ষা করিবার জন্ত তিনি সময়ে সময়ে শিষ্যদিগকে অনেক কঠোর কাজে নিযুক্ত করিতেন। শিষ্যগণ ছেলেবেলা হইতেই পরিশ্রমী ও কষ্ট-সহিষ্ণু হয় ইহাই তাঁহার ইচ্ছা ছিল। তিনি এক দিন আরুণিকে ক্ষেত্রের আলি বাধিতে বলিলেন। আরুণি গুরুর আদেশে ক্ষেত্রে যাইয়া আলি বাধিতে প্রবৃত্ত হইল। কিন্তু অনেক যত্ন করিয়াও আলি বাধিতে পারিল না। তখন নিজে সেই খানে গুইয়া জলের পথ রোধ করিল। এইরূপে অনেক সময় গেল; আরুণি আর কিছুতেই সেইখান হইতে উঠিল না। আলি বাধিতে অক্ষম হওয়াতে গুরুর আদেশ প্রতিপালনে নিজেই আলি স্বরূপ হইয়া তথায় গুইয়া রহিল। পরে কোন সময়ে উপমন্যুর শিষ্যদিগকে আরুণির কথা জিজ্ঞাসিলে তাঁহার কথায় "আরুণি আপনার আদেশে আলি বাধিতে গিয়াছে।" গুরু ইহা শুনে যেখানে আরুণি গিয়াছে, চল আমরা সেখানে যাই।" আয়োদধৌম্য সেইখানে উপস্থিত হইয়া আরুণিকে ডাকিয়া কহিলেন "বৎস আরুণি, কোথায়

গিয়াছ, আমার কাছে আইস।” আকর্ণি গুরুর কথায় তৎক্ষণাৎ ক্ষেত্র হইতে উঠিয়া আসিয়া অতি বিনীতভাবে গুরুকে কহিল, “ক্ষেত্র হইতে যে জল বাহির হইতেছিল, তাহা কিছুতেই বারণ করিতে পারি নাই, এজন্য আমি নিজে গুইয়া সেই জলরোধ করিয়াছিলাম। এখন আপনার কথায় উঠিয়া আসিলাম। অভিবাদন করি, আর কি আদেশ পালন করিতে হইবে আঞ্জা করুন।” আয়োদধৌম্য শিষ্যের এইরূপ কষ্ট-সহিষ্ণুতা ও গুরুভক্তি দেখিয়া কহিলেন, “বৎস তুমি যথাসাধ্য আমার আদেশ পালন করিয়াছ, তোমার মঙ্গল হইবে। সমস্ত বেদ ও সমস্ত ধর্মশাস্ত্র তোমার আয়ত্ত হইয়া উঠিবে। তুমি শস্যক্ষেত্রের আলি ভেদ করিয়া উঠিয়াছ, এজন্ত আজ হইতে তুমি উদালক নামে প্রসিদ্ধ হইয়া উঠিবে।” আকর্ণি এইরূপে সেবা গুরুষায় গুরুকে সন্তুষ্ট করিয়া অতীষ্ট বর পাইয়া স্বস্থানে চলিয়া গেল।

পূর্বে বলা হইয়াছে, আয়োদধৌম্যের উপমহ্য নামে আর একটা শিষ্য ছিল। এখন সেই উপমহ্যর কথা বলিতেছি। গুরু উপমহ্যকে গোচারণে নিযুক্ত করিয়াছিলেন। উপমহ্য সমস্ত দিন গোরু চরাইয়া সন্ধ্যাকালে গুরুগৃহে আসিত; এবং অতি বিনীতভাবে গুরুকে অভিবাদন করিয়া তাঁহার সম্মুখে দাঁড়াইত। একদিন গুরু তাহাকে মোটা মোটা দেখিয়া কহিলেন, “বৎস উপমহ্য, তোমাকে বেশ হঠ-পুঙ্খ দেখিতেছি। এখন কি খাও, বল।” উপমহ্য কহিল, “আমি ভিক্ষা করিয়া দিনপাত করি।” ইহা শুনিয়া গুরু কহিলেন, “দেখ, ভিক্ষাতে যাহা পাও, আমাকে না জানাইয়া তাহা তোমার আহার করা উচিত নয়।”

উপমহ্য গুরুর এই কথায় পরদিন হইতে ভিক্ষায় যাহা পাইত সমুদয় গুরুর কাছে আনিয়া দিত। গুরু সমুদয়ই নিজে লইতেন। তাহাকে খাইতে কিছুই দিতেন না। উপমহ্য ইহাতে কিছুমাত্র বিরক্ত না হইয়া গুরুর আদেশে পূর্বের স্থায় গোরু চরাইতে লাগিল। একদিন গুরু তাহাকে পূর্বের স্থায় মোটা মোটা দেখিয়া কহিলেন, “বৎস, তুমি ভিক্ষায় যাহা পাও, সমুদয় আমি লইয়া থাকি, তোমাকে কিছুই খাইতে দিই না; অথচ তোমাকে মোটা দেখিতেছি, এখন কি খাও, বল।” উপমহ্য কহিল, “একবার ভিক্ষা করিয়া যাহা পাই আনিয়া আপনাকে দিই, আর একবার কয়েক মুষ্টি চাউল সংগ্রহ করিয়া নিজের উদর পূরণ করিয়া থাকি।” গুরু কহিলেন, “দেখ, ইহা ভদ্রলোকের ধর্ম নয়, তুমি নিজে হুঁইবার ভিক্ষা করিলে গৃহস্থ আর কাহাকেও ভিক্ষা দিবে না। ইহাতে অপর ভিক্ষুকদিগের কষ্ট হইবে, তোমারও লোভ বৃদ্ধি পাইবে। অতএব তুমি আর কখন দ্বিতীয়বার ভিক্ষা করিও না।” উপমহ্য গুরুর এই আদেশে দ্বিতীয় বার ভিক্ষা করিতে নিরস্ত হইয়া পূর্বের স্থায় হঠ চিত্তে গোচারণ করিতে লাগিল। গুরু দেখিলেন—উপমহ্য কৃশ না হইয়া ক্রমেই বেশী মোটা হইতেছে; এজন্ত তাহাকে আর একদিন কহিলেন, “বৎস! তোমার সমস্ত ভিক্ষায় লইয়া থাকি, আমার আদেশে তুমি দ্বিতীয় বার ভিক্ষাও কর না, অথচ তোমাকে পূর্বাপেক্ষা স্থূলকায় দেখিতেছি; এখন কি আহার কর, জানিতে ইচ্ছা করি।” উপমহ্য কহিল, “গাভীগণের দুগ্ধ পান করিয়া জীবন ধারণ করিতেছি।” গুরু কহিলেন, “দেখ, আমি তোমাকে দুগ্ধ পান করিতে অমুমতি করি নাই, আমার অমুমতি না লইয়া

দুগ্ধ পান করা তোমার অত্যন্ত অন্যায হইতেছে।” উপমহ্য ইহাতে লজ্জিত হইয়া প্রতিজ্ঞা করিল যে, আর কখনও গাভীর দুগ্ধ পান করিবে না। এদিকে গুরু তাহাকে বিলক্ষণ স্থূলকায় দেখিয়া আর একদিন কহিলেন, “বৎস, আমি তোমাকে দুগ্ধ পান করিতে নিষেধ করিয়াছি, অথচ তোমাকে স্থূলকায় দেখা যাইতেছে, এখন কি আহার কর?” উপমহ্য কহিল, “গো-বৎসগণ মাতৃস্তন পান করিয়া মুখ হইতে যে ফেণ বাহির করে, আমি তাহা পান করিয়া জীবন ধারণ করিতেছি।” গুরু ইহা শুনিয়া কহিলেন, “ইহাতে গো-বৎসগণের অত্যন্ত কষ্ট হয়, অতএব ফেণ পান করাও তোমার উচিত নয়।” উপমহ্য গুরুর এই আদেশ পাইয়া পূর্বের ন্যায় গোরু চরাইতে লাগিল। সে গুরুর আদেশে ভিক্ষায় খাইত না, দ্বিতীয় বার ভিক্ষাও করিত না; এখন গাভীর দুগ্ধ পান ও দুগ্ধের ফেণ খাইতেও বিরত হইল। এইরূপে অনাহারী হইয়া গোরু চরাইতে চরাইতে উপমহ্য একদিন ক্ষুধায় বড় কাতর হইয়া পড়িল। নিকটে একটা আকন্দ গাছ ছিল, ক্ষুধার জ্বালায় উপমহ্য তাহার পাতা খাইল; সেই আকন্দ গাছের কটু তিক্ত পাতা খাওয়াতে তাহার চক্ষুর দোষ জন্মিল। উপমহ্য অন্ধ হইয়া বেড়াইতে বেড়াইতে একটা কূপে পড়িয়া গেল।

প্রতিদিন সন্ধ্যার সময় উপমহ্য গোরু চরাইয়া আয়োদধৌম্যের নিকট উপস্থিত হইত। কিন্তু কূপে পড়িয়া যাওয়াতে সেদিন সন্ধ্যাকালে গুরুগৃহে যাইতে পারিল না। গুরু উপমহ্যকে দেখিতে না পাইয়া শিষ্যদিগকে কহিলেন, “উপমহ্য এখনও আসিতেছে না, আমি তাহাকে আহার করিতে নিষেধ করিয়াছি। বোধ হয়,


সে কূপিত হইয়াছে; এই জন্ত ফিরিতেছে না, চল আমরা তাহার অহুসন্ধান করি।” ইহা কহিয়া গুরু শিষ্যগণের সহিত বনে যাইয়া “বৎস উপমহ্য, কোথায় গিয়াছ” বলিয়া চীৎকার করিতে লাগিলেন। উপমহ্য কূপ হইতে গুরুর স্বর শুনিয়া উচ্চৈঃস্বরে কহিল, “গুরুদেব! আমি কূপে পতিত হইয়াছি।” আয়োদধৌম্য ইহার কারণ জিজ্ঞাসিলে উপমহ্য পূর্বের স্থায় উচ্চৈঃস্বরে বলিল,—“আকন্দ পাতা খাওয়াতে অন্ধ হইয়া কূপে পড়িয়া গিয়াছি।” গুরু কহিলেন, “দেব-বৈদ্য • অশ্বিনীকুমারের স্তব কর। তাঁহারা তোমার চক্ষুদান করিবেন।” উপমহ্য গুরুর আদেশে সংযত চিত্তে অশ্বিনীকুমার ষয়ের স্তব করিতে লাগিল। অশ্বিনীকুমার যুগল স্তবে সন্তুষ্ট হইয়া সেইখানে আসিয়া উপমহ্যকে কহিলেন, “আমরা তোমার উপর বড় সন্তুষ্ট হইয়া এই পিষ্টক দিতেছি, ভক্ষণ কর।” উপমহ্য কহিল, “আপনাদের কথা অবহেলা করা উচিত নয়, কিন্তু আমি গুরুকে নিবেদন না করিয়া পিষ্টক খাইতে পারি না।”

ইহা শুনিয়া অশ্বিনীকুমার ষয় কহিলেন, “পূর্বে তোমার গুরুও আমাদিগের স্তব করিয়াছিলেন। আমরা সন্তুষ্ট হইয়া তাঁহাকে একখানি পিষ্টক দিয়াছিলাম, তিনি গুরুর আদেশ না লইয়া তাহা খাইয়াছিলেন। তোমার গুরু যেরূপ করিয়াছিলেন, তুমিও সেইরূপ কর।” উপমহ্য কাতরস্বরে বলিল, “আপাদিগকে অহুনয় করিতেছি, আমি গুরুকে নিবেদন না করিয়া পিষ্টক খাইতে পারিব না।” অশ্বিনীকুমার ষয় কহিলেন, “তোমার এইরূপ অসামান্য গুরুভক্তি দেখিয়া আমরা সন্তুষ্ট হইয়াছি। তোমার চক্ষু লাভ হউক। কখনও যেন তোমার কোন অম-

দল না হয়।” উপমহ্য এইরূপে চক্ষু রঙ্গ পাইয়া গুরুর কাছে আসিয়া অতি বিনীতভাবে সমস্ত যুগ্ম বলিল। গুরু প্রীত হইয়া কহিলেন, “দেববৈদ্যগণ যেরূপ কহিয়াছেন, সেইরূপ তোমার মঙ্গল হউক, তুমি সমস্ত বেদ ও ধর্ম-শাস্ত্রের অধিকারী হও।” এইরূপে উপমহ্যর পরীক্ষা সমাপ্ত হইল।



দুই ভাই ।



স্বত ও সুরেন দুই ভাই এক রবিবারে বসিয়া গল্প করিতেছে। নানা প্রকার কথা বার্তা হইতেছে:—“স্কুলের অমুক ছেলেটা বড় ভাল, কিন্তু তার একটা দোষ, সে অহঙ্কারী; কারও সঙ্গে মন খুলে কথা কয় না। অমুক মাষ্টারটা বড় মারেন, ভারি রাগী, একদিন অমৃতকে মারিতে গিয়াছিলেন, দূর হইতে সুরেন তা দেখিয়া কাদিয়া ফেলিয়াছিল—ইত্যাদি ইত্যাদি কত সব কথা হইতেছিল। এমন সময়ে মা আসিয়া উপস্থিত হইলেন।

মা—“কি কথা হইতেছে, অমৃত?”

অমৃত—“এই সব স্কুলের কথা আর ছেলের কথা, আর কিছু না।”

মা—“মিছামিছি সময়টা নষ্ট করা কি ভাল?”

সুরেন—“তা, মা! আজ ত আর স্কুলের পড়া নাই; মাষ্টার মহাশয়ও আসিবেন না?”

মা—“আজিকার পড়া নাই বা থাকিল? আর মাষ্টার মহাশয় না এলে কি পড়িতে নাই? এই আমি একখানা ভাল বই দিয়া যাচ্ছি, সেইখানা ছুজনে পড়িতে পারিবে ত?”

অমৃত—“কি বই মা? সহজ ত?”

মা—“হাঁ খুব সোজা, আর ভাল ভাল গল্প ও উপদেশ আছে।”

সুরেন—“তা হলে দাও মা, এখনি দাও। আমি ভাল গল্প ও ভাল কথা শুনে কি পড়তে বড় ভাল বাসি।”

মা তাঁর ঘর থেকে বইখানি আনিয়া দিলেন ও তাহাদিগকে পড়িতে আরম্ভ করাইয়া তিনি চলিয়া গেলেন। দুই ভাই অনেকক্ষণ পর্যন্ত বসিয়া এক মনে বইখানি সমাপ্ত করিল। সুরেন তখন বলিল—“দেখ, দাদী! মা যদি না আসতেন, তা হলে, আমরা কত কি বাজে কথাতেই আজ সকালবেলাটা কাটাতেম, আর এ কেমন চমৎকার কথা পড়িতে পেলাম! আমাদের মতন মা কিন্তু আর কারও নাই! ও বাড়ীর কেশব আর ছুলাল সমস্ত দিনটা খেলা করিয়া বেড়ায়; কৈ, তাদের মা ত এমন করে বই পড়তে দেন না? এবার অবধি আমাদের স্কুলের পড়া হয়ে গেলেই মার কাছ থেকে এক একখানা ভাল বই নিয়ে পড়ব, কেমন দাদা?” অমৃত ঘন ঘন ঘড়ীর দিকে চাহিতে চাহিতে কথাগুলি শুনিল; তার পর বলিল “হাঁ ভাই! চল এখন স্নান করিগে, দেখ বেলা ১০টা বাজে।”—“তাই ত! ওঃ! এর মধ্যে এত বেলা হয়েছে? আমি তা কিছুই জানতে পারি নাই। চল যাঐ।” উভয়ে পুস্তক খানি যত্ন করিয়া রাখিয়া স্নান ও আহা-রাদি করিতে গেল।

খাওয়া দাওয়ার পর ছুজনে বাহিরের বাড়ীতে

ঘোড়ার গায়ে হাত বুলাইতে লাগিল। ঘোড়াটাকে ছুজনে রড় ভালবাসে। অনেকক্ষণ ঘোড়াটার গায়ে পায়, গলায় হাত বুলাইয়া দিতে লাগিল, আর নিকটে সইস্ ভাত রাখিতেছিল, তাহার মুখে ঘোড়ার কত কথা শুনিতে লাগিল; কত রকমের ঘোড়া আছে, কোন্ জাতের ঘোড়ার কি কি গুণ, কত নাম ইত্যাদি কত কথা! তার পর ছুজনে হাত ধরাধরি করিয়া ফুল বাগানের দিকে গেল। গোলাবাড়ী পার হইয়া বাগানের ছোট দরজাটিতে যেই পা দিয়েছে, অমনি দেখে যে একটা কি কাগজ পড়িয়া রহিয়াছে। সুরেন কুড়াইয়া লইল। অবাক! এ ওর মুখপানে চাহিতে লাগিল; আর কাগজখানা দেখিতে লাগিল—একখানা পাঁচ টাকার নোট।

ফুলবাগানে যাওয়া আর হ'ল না। বাড়ী ফিরিয়া আসিতে আসিতে পরামর্শ করিতে লাগিল—কি করা যায়? “মার কাছে লইয়া যাইতে হইবে।—যার নোট হারাইয়াছে নিশ্চয়ই তিনি সন্ধান করিয়া তাহাকে দিবেন।” অমনি একছুট। অনেক অহুসন্ধান করা হইল, নোট যে কাহার তা কেহ বলিতে পারিল না। শেষে মা বলিলেন—“যখন কার নোট ঠিক হইল না, তখন ও তোমাদেরই হইল। তোমরা যা ইচ্ছা করিতে পার।” ছুজনের আর আনন্দ ধরে না। নোট পাইয়া ছুজনে পড়িবার ঘরে বসিয়া পরামর্শ করিতে লাগিল, কিরূপে এই পাঁচটা টাকা খরচ করা হইবে। কতই বুদ্ধি আসিতে লাগিল, আবার তখন “না সুবিধা হইবে না” “না, ওটা ভাল হয় না” ঘনে হইতে লাগিল। কোনটাই ঠিক মনের মত হইল না। অমৃতের ইচ্ছা, নিজেদের জন্ত কোন পছন্দ মত ভাল জিনিস কিনে; সুরেন

সে কথার কাণ দেয় না, বরং বিরক্ত হয়—“কেন? আমাদের যা দরকার বাবাকে মাকে বলিলেই ত উচিত মনে করিলে তাহারাই কিনে দেন? সে জন্ত এক টাকা খরচ করিতে হলে ত এক রকম বাবাকেই দেওয়া হয়। সে হবে না; এ টাকা কোন ভাল কাজে খরচ কর্তে হবে।” তখন অমৃত বলিল, “ঠিক বলিয়াছ, সকালে বৈখানিতে যে পড়িলাম ‘কুড়াইয়া পাওয়া অর্থ নিজের দরকারে খরচ করিতে নাই, কেন না তাহাতে আমার কোন অধিকার নাই। যে যাহা পরিশ্রম করিয়া উপার্জন না করে, তাহাতে তাহার যথার্থ অধিকার হয় না।’ ঠিক কথা! এতক্ষণ আমার মনে ছিল না। এ টাকা ভাল কাজেই খরচ করিতে হইবে।” সুরেনের এ সব কিন্তু মনে ছিল, তাই সে এতক্ষণ ঐ কথা বলিতেছিল। অনেকক্ষণ পরে স্থির হইল যে তাহাদের ক্লাশে গোপাল নামে যে ছেলেটা পড়ে তার বাপের পক্ষাঘাত রোগ হওয়া অবধি সে শিক্ষা করিয়া স্কুলের বেতন দেয়, কিন্তু বৈ প্লেট কিনিবার ক্ষমতা নাই বলিয়া পড়িবার বড়ই অসুবিধা হয়; ঐ টাকাতে তাহার সমস্ত বৈ ও একখানি প্লেট, কিছু কাগজ, কলম ও কালি কিনিয়া দিতে হইবে। উভয়ের মন এখানে মিলিল। তখন বাজারে গিয়া সমস্ত কিনিল, ও ছাড়া দুটা টাকা যে বাকী ছিল তাহাতে তাহার জন্ত দুটা জামাও কিনিল।

“যাহা ভাল কাজ তাহা মনে উদ্ভিত হইয়া মাত্রই করিয়া ফেলা উচিত—এই উপদেশ তাহার মনে প্রায় হাজার বার শুনিয়াছে; কাজেই তখন সমস্ত সামগ্রী কিনিয়া ফেলিল। কিন্তু তার পর এক বড় গোলে পড়িয়া গেল। গোপালদের বাড়ীর সম্মুখে আসিয়াছে। কিন্তু



কেমন যে লজ্জা করিতে লাগিল; বাঁড়িতে
মাইতে আর পারে না। গারে কাটা দিতেছে,
বুকের ভিতর গুর গুর করিয়া উঠিতেছে, আর
সমস্ত প্রাণটা যেন কেমন করিতেছে। একজন
কি কপালি, আর একজন ছায়া ও প্লেট কাগজ
প্রকৃতিতে করিয়া তাহাদের পাঁচালের পাশে
সুখ করিয়া, তাহাদের উপরের দাঁত দিয়া নীচের
ঠোট কামড়াইতেছে, আর পথের দিকে চাহি-
তেছে। প্রায় সন্ধ্যা হইয়া আসিতেছে; আর নে
রাস্তাটা কিছু গলির মতন, তাই সেখান দিগে
এখন একজনও লোক চলিতেছে না। নহিলে
তাহারা সেখানে দাঁড়াইতে পারিত না। ছেলে
মানুষ কি না? ভাল কাজ করিবে, উপকার
করিবে—কেমন লজ্জা হইতেছে। হইতেই পারে।

এ অবস্থায় কিন্তু তাহদের বেশীক্ষণ থাকিতে
হয় নাই। গোপাল একটা বাটা হাতে করিয়া
বাজারে বাইবার সময় বাহিরে আসিয়া দেখে যে
ছটা ভাই পথের পাশে একরূপে দাঁড়াইয়া আছে।
দেখিয়া সে আশ্চর্য্য বোধ করিল। এদিকে
তাহারাও গোপালকে দেখিবামাত্র চমকাইয়া
উঠিল; বুকের ভিতর ছুজনেরই যেন বড় বড়
টোক পড়িতে লাগিল “ধড়াস্ ধড়াস্”। তাহারা
বাহির হইয়া পড়িল, গলা আটকাইয়া গিয়াছে,
সমস্ত প্রাণটা যেন—সমস্ত শক্তি সমস্ত গোপা-
লের সমস্ত বাহিরে পড়িলে যেন শীঘ্র হন হন
করাইয়া গেল। তাহারা তাহাদের ভিতর
গলি

ক্রমশঃ

নিদ্রালু ননীগোপাল।

আর দিন নাই এস ননী ভাই
পরশ পরীক্ষা হবে ;
বুজনী জাগিয়া বসিয়া বসিয়া
পড়ি মন দিয়া সবে ।
এই কণা বলি ননীরপুত্রি
ননীগোপালেরে ধরি ;
বিমল সরল বাসকের দল
বসাইল যত্ন করি ।
পড়িতে বসিয়া ঢুলিয়া ঢুলিয়া
যুমে হল ননী সারা ;
মুখে পড়ে লাল ভাসে ছটা গাল
মুদিত নয়ন তারা ।
পণ্ডিত মশায় ধরিয়া তাহায়
তুলে দেয় বারে বারে ;
কেতার খুলিয়া পড়ে গেছাইয়া
কিন্তু বুঝিবারে নারে ।
পাঠে যেই জন নাহি দেয় মন
তার কি অরণে থাকে ?
পড়ার বেলায় যুমে ধরে তায়,
মাঝে মাঝে নাক ডাকে ।
হইল না পড়া ছাড়ি ছুড়া ধড়া
হাতে লয়ে মোমবাতি ;
চলে ননী ঘরে শুইবার তরে
না হইতে সন্ধ্যা রাত্তি ।
যুমে আঁখি ভরা মুখটা হাঁ করা
ফেলি জুতা খালি প্রায় ;
কাছা কোঁচা খোলা যেন বোম ভোলা,
টলিতে টলিতে যায় ।



দেখো ভাই ননী খোঁকা ধনমণি
পড়িও না যেন চলে ;

হাঁ করিতে আর হবে না তোমার !
বাও মার কাছে চলে ।

অদ্ভুত কৌশল ।



দি সূর্যের আলোক এবং উত্তাপ না থাকিত তাহা হইলে আমরা বাঁচিলাম না, আর কেবল তাহাই নহে এ পৃথিবীতে যাহা কিছু সুন্দর ও মনোহর পদার্থ আছে,

তাহার কিছুই থাকিত না, হয়ত এ জগতেরই সৃষ্টি হইত না। সূর্যের আলোক এবং উত্তাপ আমাদের জীবন ধারণের যেমন এক প্রধান উপায় তেমনি সূর্যের এক প্রধান কারণ। তাই বলিতেছিলাম যে, সূর্য যে আলোক ও উত্তাপ এখন দিতেছে, তাহাতেই আমরা বাঁচিয়া আছি এবং নানা প্রকার সুখ ভোগ করিতেছি। আবার পাঠক পাঠিকা গুলি হস্ত অবাক হইবে যে, সহস্র সহস্র বৎসর পূর্বে, যখন তোমার বুড়ো ঠাকুরদাদার ঠাকুরদাদার জন্ম হয় নাই, হয়ত সূর্যের আলোক ও উত্তাপ দিয়াছে, সে আলোক এবং উত্তাপের নানা প্রকার সুখের জন্য সঞ্চয় করিয়াছে। কি আশ্চর্য কৌশলে পরমেশ্বর সূর্যের আলোক ও উত্তাপ তোমার সুখের জন্ম করিয়া বাঁচিয়াছেন, আর তাহারই একটি কৌশল তোমার।

পাথুরে কয়লা তোমরা অনেকেই দেখিয়াছ। ইংরাজিতে ইহাকে 'কোল' বলে; আমাদের দেশে 'পাথুরে কয়লা' বলে। পাথরের সঙ্গে কোন সম্বন্ধ আছে বলিয়া যে ইহাকে পাথুরে কয়লা বলা

হয় তাহা নহে; বোধ হয় পাথরের মত কঠিন, পাথরের মত ওজনে ভারি এবং কতকটা পাথরের মত দেখতে এই জন্তই পাথুরে কয়লা বলে। বাস্তবিক ইহার পাথরের সঙ্গে কোনই সম্বন্ধ নাই; আর শুধু 'কয়লা' বলিলে কাঠ পোড়াইলে যে কয়লা হয় তাহাই মনে হইতে পারে, এ জন্তও পাথুরে কয়লা বলা হয়। ইংরাজিতে ছুইএরই ভিন্ন ভিন্ন নাম আছে, পাথুরে কয়লাকে 'কোল' বলে এবং কাঠের কয়লাকে 'চারকোল' বলে।

অনেকের ধারণা আছে যে পাথর যেমন পাহাড় হইতে কাটিয়া আনে, পাথুরে কয়লাও তেমনি পাথুরে কয়লার পাহাড় হইতে কাটিয়া আনে। বাস্তবিক তাহা নহে। কয়লা খনি হইতে কাটিয়া আনিতে হয়। বিলাতে, আমেরিকায় এবং অষ্ট্রেলিয়া প্রভৃতি নানা স্থানে বড় বড় কয়লার খনি আছে। আমাদের দেশেও রাণীগঞ্জ, গিরিধি প্রভৃতি স্থানে বড় বড় খনি আছে। মাটির অনেক নীচে এই সমস্ত কয়লার খনি দেখিতে পাওয়া যায়। ছুই তিন হাত মাটি খুঁড়িলেই যে কয়লার খনি বাহির হয় তাহা নহে। প্রথম স্তরে স্তরে মাটি খুঁড়িয়া ফেলিতে হয়, তার পর বালির স্তর দেখিতে পাওয়া যায়, সে গুলি খুঁড়িলে কঁদমের স্তর বাহির হয়, তার পর অনেক সময় পাথরের স্তরও দেখিতে পাওয়া যায়, সেই গুলি খুঁড়িয়া ফেলিলে তখন কয়লার স্তর বাহির হয়। ইহার এক একটা স্তর অনেক দূর ব্যাপিয়া থাকে। আমেরিকার এক স্থানে সাত শত ত্রিশ মাইল দীর্ঘ এবং একশত আশি মাইল প্রস্থ কয়লার খনি বাহির হইয়াছে; সমস্ত ইংলণ্ড ইহার অপেক্ষা ছোট। এখন ভাবিয়া দেখ এক একটা

কয়লার খনি কত বড়। এই সমস্ত খনি হইতে কয়লা সংগ্রহ করিতে কত লোক নিযুক্ত করিতে হয়, কত প্রকার বাষ্পীয় কল নিযুক্ত ও কত পরিশ্রম করিতে হয় তাহা অনায়াসেই বুঝা যায়। কি উপায়ে কয়লা সংগ্রহ হয় সে সম্বন্ধে বিশেষ কিছু আমরা বলিব না; গত বৎসরের দ্বাদশ সংখ্যা, ১১১ পৃষ্ঠা, সম্পাদকের দ্বিতীয় পত্রে তাহার বিশেষ বিবরণ আছে। কয়লা কিরূপে প্রস্তুত হয় এবং আমাদের কি কি উপকারে আসে, সংক্ষেপে তাহাই বলিব।

আমরা পূর্বেই বলিয়াছি যে পাথুরে কয়লার সঙ্গে পাথরের কোন সম্বন্ধ নাই। তবে এ জিনিসটা কি? যদি ছুই কথায় ইহার উত্তর দিতে হয় তাহা হইলে এই বলা যাইতে পারে যে পাথুরে কয়লা উদ্ভিদের রূপান্তর মাত্র। যে কাঠ পোড়াইলে কয়লা বা 'চারকোল' হয়, এও সেই কাঠ; তবে ভিন্ন প্রকার অবস্থায় থাকতে ভিন্ন আকার এবং ভিন্ন নাম হইয়াছে মাত্র। উদ্ভিদই যে কয়লার মূল তাহার আর কোন সন্দেহ নাই। অনেক সময় গাছের পাতা, ক্ষুদ্র ক্ষুদ্র গাছ ও লতা পাওয়া গিয়াছে, যাহার আকার ঠিক রহিয়াছে, কিন্তু এখন আর পাতা অথবা লতা নাই; এখন সে গুলি কয়লা হইয়া গিয়াছে, অথচ আকারের কোন পরিবর্তন হয় নাই। আমরা যে কয়লা দেখিতে পাই তাহাতে কোন চিহ্ন হয়ত থাকে না, কিন্তু খনি হইতে যখন প্রথম কয়লা সংগ্রহ করা হয়, তখন অনেক উদ্ভিদের চিহ্ন ইহাতে স্পষ্ট দেখিতে পাওয়া যায়। বৈজ্ঞানিকেরা পরীক্ষা করিয়া নয়শত চৌত্রিশ রকমের উদ্ভিদ এ পর্যন্ত কয়লার মধ্যে পাইয়াছেন। কখন কখনও বড় বড় গাছও দেখা গিয়াছে, কিন্তু এখন আর তাহা গাছ নাই, কয়লা হইয়া পড়িয়াছে। কি রকমে কয়লা তৈয়ার হয় তাহা এখন বলিতেছি। জলা

স্থান, হ্রদ ও নদী প্রভৃতির মধ্যে প্রথম গাছের পাতা, ছোট গাছ, লতা এবং বড় বড় গাছ পড়িয়া জমিতে থাকে। জলে ঢাকা থাকে এজন্ত বাতাসের সঙ্গে কোন সংশ্লষ থাকে না। ক্রমে এই গুলি পচিতে থাকে, এবং খানিকটা কাল হইয়া যায়, কিন্তু তখনও উদ্ভিদের আকার বজায় থাকে। ক্রমে বালি ও মাটির স্তর ইহার উপর জমিতে থাকে, এবং ক্রমে এই মাটির স্তর পুরু হইয়া উঠে। এই মাটির স্তরের চাপে ক্রমে ঐ জলমধ্যস্থ পদার্থগুলি জমাট বাঁধিতে থাকে, এবং ক্রমে রাসায়নিক যোগে রূপান্তরিত হইয়া কঠিন ও ভারি হয়; তখন ইহাকে পাথুরে কয়লা বলা যায়। এক স্থানে যে একটা মাত্র স্তর দেখিতে পাওয়া যায় তাহা নহে; যে প্রকার লিখিত হইয়াছে, ঐ প্রকার এক স্তর তৈয়ার হইলে উহার উপরে যে মাটির স্তর থাকে পুনরায় তাহার উপর পূর্বের স্থায় বৃক্ষাদি জমিতে থাকে, ক্রমে সে গুলি কয়লার পরিণত হয়, এইরূপে অনেক স্তর হইতে দেখা যায়। ইহা যে ছুই এক বছরেই হয় তাহা নহে; এক একটা স্তর তৈয়ার হইতে সহস্র সহস্র বৎসর দরকার হয়। এই কয়লার দ্বারা মানুষের যে কত উপকার হইতেছে, মানুষ যে কত সুখভোগ করিতেছে জানা হয় না। এই কয়লার সাহায্যে আমরা বাড়ী আলোকে সাজাইতেছি, আমাদের খাদ্য সামগ্রী তৈয়ার করিতেছি। বড় বড় সহর ইহার সাহায্যে রাত্রিতে দিনের মত আলোকিত হইতেছে। ইহারই সাহায্যে রেল গাড়ীতে ছয় মাসের পথ ছয় দিনে যাইতেছি। ইহারই সাহায্যে বাণিজ্যের শ্রীবৃদ্ধি হইতেছে, কাপড় বোনা হইতেছে, লক্ষ রকমের কল চলিতেছে ও মানুষের নানা সুখ বিধান করিতেছে। আবার দেখ লক্ষ

লক লোক এই কয়লার খনিতে নিযুক্ত হইয়া
অন্ন সংস্থান করিতেছে।

একটা কথা বলিতে ভুলিয়াছি, বোধ হয়
তোমরা জান যে, যে কয়লা দ্বারা আমাদের রন্ধ-
নের কাজ হয় তাহা ঠিক খনির কয়লা নহে। খনির
কয়লা হইতে গ্যাস ও আলকাতরা বাহির করিয়া
লইলে যাহা থাকে, তাহাই আমাদের রন্ধন কাজে
লাগে, এবং ইহাকে ইংরাজিতে 'কোক' কহে।

একটা হাঁড়ির মধ্যে এক খণ্ড আদং কয়লা রাখিয়া
হাঁড়িটার মুখ আঁটিয়া, হাঁড়ির গায়ে একটা ছিদ্র
করিয়া তাহাতে একটা নল বসাইয়া যদি আণ্ড-
নের উত্তাপ দেওয়া যায়, তাহা হইলে দেখা যায়
যে নলের মুখ হইতে ধূমের ছায় এক রকম জিনিস
বাহির হইতেছে। ইহাকেই গ্যাস কহে, এবং
জ্বলাইলে সুন্দর আলো হয়। গ্যাস ভিন্ন ইহা
হইতে আণ্ডনের উত্তাপে আলকাতরা বাহির হয়।
এবং অবশিষ্ট যাহা থাকে তাহাকে 'কোক' কহে।

পাঠক পাঠকগণ! যে কয়লার সাহায্যে তোমা-
দের গৃহ আলোকিত করিতেছ, সুমিষ্ট খাদ্য
ভৈষ্য করিতেছ, যাহার সাহায্যে বিদেশের বন্ধু
বান্ধবদিগকে এক মুহূর্তে দেখিতে পাইতেছ,
তাহার সাহায্যে এক সুখভোগ করিতেছ, তাহা

আমাদের লোক বলিতে পারে তাহারা

কেন না সুখী হইবে? বাস্তবিক ইনি যে আমা-
দের দেশে জন্মিয়াছেন, এজ্ঞ আমাদের দেশের

মুখ উজ্জল।

আমাদের বিদ্যাসাগর মহাশয় যে কত বড়
লোক তোমরা তাহার কিছুই জান না। তোমরা

কেন মাহুষ, কি করিয়াই বা জানিবে? যত বড়
হইবে ততই ইহার গুণাবলী শুনিবে। তোমরা

ঈশ্বরচন্দ্র বিদ্যাসাগরের বর্ণপরিচয়, কথামালা,
বোধোদয়, আখ্যানমঞ্জরী, সীতার বনবাস প্রভৃতি

আলোক তোমাকে দিতেছে। আর সহস্র সহস্র
বৎসর পূর্বে বৃক্ষেরা যে আলোক ও যে উত্তাপ
সূর্যের নিকট হইতে সংগ্রহ করিয়া রাখিয়াছিল,
এবং পরমেশ্বর যে অদ্ভুত কৌশলে তাহা তোমার
স্বখের জন্য সঞ্চয় করিয়া রাখিয়াছিলেন, আজ
সহস্র সহস্র বৎসর পরে সূর্যের সেই আলোক
ও উত্তাপ ভোগ করিতেছ, ইহা কি আশ্চর্য
নহে? ইহা কি ঈশ্বরের অদ্ভুত কৌশল নহে?

পণ্ডিতবর ঈশ্বরচন্দ্র বিদ্যাসাগর।




লক বালিকাগণ! আজ যে মহা-
আর ছবি অপর পৃষ্ঠায় দেখিতেছ
উহাকে কি তোমরা চেন? নিশ্চয়
চেন; যখন পাঁচ বৎসরের সময়

তোমাদের বর্ণ পরিচয় হয় তখন হইতে ইহার
সহিত পরিচয় হইয়াছে। ইনি আমাদের বিদ্যা-
সাগর মহাশয়। আমাদের বিদ্যাসাগর মহাশয়,
বলিতে মনে কত সুখ হইতেছে। কেন না হইবে?

এত বড় লোক যে দেশে জন্মে, এরূপ লোককে
যাহারা আমাদের লোক বলিতে পারে তাহারা
কেন না সুখী হইবে? বাস্তবিক ইনি যে আমা-
দের দেশে জন্মিয়াছেন, এজ্ঞ আমাদের দেশের
মুখ উজ্জল।

আমাদের বিদ্যাসাগর মহাশয় যে কত বড়
লোক তোমরা তাহার কিছুই জান না। তোমরা
কেন মাহুষ, কি করিয়াই বা জানিবে? যত বড়
হইবে ততই ইহার গুণাবলী শুনিবে। তোমরা
ঈশ্বরচন্দ্র বিদ্যাসাগরের বর্ণপরিচয়, কথামালা,
বোধোদয়, আখ্যানমঞ্জরী, সীতার বনবাস প্রভৃতি



ARTIST PRESS

পড়িয়াছ, এই মাত্র জান; এবং হয়ত শুনিয়াছ
যে ইনি এদেশে বিধবা বিবাহ প্রচলিত করি-
বার জন্ত চেষ্টা করিয়াছেন। কিন্তু এই মাত্র
জানাইলে ইহার কিছুই বলা হইল না; ইহার মহত্ব
কিছুই প্রকাশ করা হইল না। ইহার ভিতরে
যে মনুষ্যত্ব আছে, যে অসাধারণ মহত্ব আছে,
আমাদের ভাষার এমন কোন শব্দ নাই যে,
তাহা দ্বারা আমরা তোমাদিগকে ভাঙ্গিয়া বলি।

একটা দাঁড়ি পাল্লার এক দিকে যদি একটা মোণ
চাপাইয়া দেও ও অন্য দিকে যদি একটা ছটাক
চাপাইয়া দেও তাহা হইলে সে দাঁড়ি পাল্লা
দশা হয় আমাদের সঠিক হইবে। আমাদের দেশে
গেলেও সেই দশা ঘটে। আমাদের দেশে
এক পাল্লায় দিয়া ইহাকে আর দিকে দিলেও সমান
হয় না। ইহার জীবন-চরিত কিছু বলি শুন।
১৭৪২ শকের ১২ই আশ্বিন, মঙ্গলবার দিবা

দ্বিপ্রহরের সময় বিদ্যাসাগর মহাশয় হুগলি
জেলার অধীন বীরসিংহ গ্রামে জন্ম গ্রহণ করেন।
তাহার পিতা একজন দরিদ্র ব্রাহ্মণ ছিলেন।
তিনি কলিকাতা সহরে সামান্য বিষয় কর্ম করিয়া
কষ্টে নিজ পরিবারের ভরণ পোষণ নির্বাহ
করিতেন। এরূপ শুনা যায় দশ টাকা মাত্র
তাহার মাসিক আয় ছিল। এই সামান্য আয়ে
তাকে বাড়ীর ব্যয় ও কলিকাতার নিজের ব্যয়
চালাইতে হইত। বিদ্যাসাগর মহাশয়ের বয়স
১২ বৎসর তখন তাহার পিতা তাঁহাকে
বিদ্যা শিক্ষা দিবার জন্ত কলিকাতায় আনি-
লেন। ১০ টাকা মাসিক আয়ে একে নিজের
বাড়ী চলা ছকর তাহাতে আবার পুস্তকাদি আনা
হইল। ইহাতে পিতা ও পুত্র উভয়কে কিরূপ
কষ্টে দিন কাটাইতে হইত, তাহা ভোমরা সহ-
জে অনুমান করিতে পার। সেই নবম বর্ষীয়
সময়ে স্নেহময়ী মাতার কোল ছাড়া হইয়া আসিয়া
কলিকাতায় ঘোর দারিদ্র্যে দিন কাটাইতে লাগি-
লেন। বিদ্যাসাগর মহাশয় বলিয়া থাকেন, সে
সময়ে তিনি তরকারির মুখ প্রায় দেখিতে পাই-
তেন না; প্রায় ভাতে ভাত ও কখন কখনও লবণ
বিয়া ভাত খাইয়া থাকতেন। তাহার পিতা
তাঁহাকে আনিয়া কলিকাতার সংস্কৃত কলেজে
ভর্তি করিয়া দিলেন। সংস্কৃত কলেজের
প্রধানের অধীনে পড়াশুনা হইতে লাগিল।
কিন্তু তাহার বালককাল হইতেই লোকে
কিন্তু তাহার বালককাল হইতেই লোকে
কিন্তু তাহার বালককাল হইতেই লোকে

যাহা হউক ১৮৪১ খৃষ্টাব্দে ইনি কলেজের
পাঠ সমাপন পূর্বক যশস্বী হইয়া বর্ধির হইলেন।
সেই সময়ে সিবিలిয়ান সাহেবদিগের শিক্ষার
জন্য ফোর্ট উইলিয়াম কলেজ নামে একটা
কলেজ ছিল। তিনি সর্বপ্রথমে ৫০ টাকা
বেতনে সেই কলেজের প্রধান পণ্ডিতের পদ
পাইলেন। এই খানে কর্ম করিবার সময় ১৮৪৬
খৃষ্টাব্দে তিনি বেতাল পঞ্চবিংশতি নামক গ্রন্থ
প্রণয়ন করেন। ঐ বৎসরের এপ্রেল মাসে তিনি
সংস্কৃত কলেজের সহকারী সম্পাদকের পদ
প্রাপ্ত হন। তৎপরে আবার কিছুকাল ফোর্ট উই-
লিয়াম কলেজে কর্ম করিয়া পুনরায় সংস্কৃত
কলেজে আসিয়া ১৮৫১ খৃষ্টাব্দে ১৫০ বেতনে
সংস্কৃত কলেজের প্রিন্সিপাল অর্থাৎ অধ্যক্ষের পদে
নিযুক্ত হন। এই কয়েক বৎসরের মধ্যে জীবন-
চরিত, বোধোদয়, উপক্রমণিকা প্রভৃতি আরও
কতকগুলি গ্রন্থ প্রকাশ করিলেন। সংস্কৃত কলে-
জের অধ্যক্ষের কাজ করিবার সময় ১৮৫৪ খৃষ্টাব্দে
হিন্দু বিধবদিগের পুনর্বিবাহ শাস্ত্র সঙ্গত কিনা
এই প্রশ্ন তাহার হৃদয়ে উদ্ভূত হয়। এদেশের
বালিকাদিগের অতি অল্প বয়সেই বিবাহ হয়,
অনেক বালিকা শৈশবেই বিধবা হয়; তাহাতে
আবার কোন জীলোক বিধবা হইলে সে
আর বিবাহ করিতে পায় না। তাহাকে
চিরজীবন পরের গলগ্রহ হইয়া থাকিতে হয়।
তাহার গলগ্রহ হইয়া, লোকের তাড়া খাইয়া,
পুত্রহীন গণনা সহিয়া বিধবদিগকে যেরূপে
দিন যাপন করিতে হয় তাহা অরণ করিলে
কাহার না হৃদয়ে দয়া হয়? বিদ্যাসাগর মহাশয়
তাহাদের দুঃখ দেখিয়া প্রাণে বড়ই ক্লেশ পাইয়া-
ছিলেন; এই জন্যই তিনি বিধবা বিবাহ শাস্ত্র-
সিদ্ধ কিনা, এইরূপ বিবাহ দেশে প্রচলিত

করা উচিত কিনা এই চিন্তাতে রত হইয়া-
ছিলেন। এই খানেই তাহার মহত্ব অনুভব
করিতে পারা যায়। দেশের হাজার হাজার
লোক প্রতিদিন স্বচক্ষে বিধবদিগের কত যাতনা
দেখিতেছে, কিন্তু তাহারা দেখিয়া উপেক্ষা করে;
বিদ্যাসাগর মহাশয় উপেক্ষা করিতে পারিলেন
না। এই তাহার মহত্ব। দুঃখিনী বিধবাদের
জন্য কি করি?—এই চিন্তাতে তাহার মনের
শান্তি গেল। তিনি রাজে যুসাইতে পারিতেন
না। তিনি দিন দিন এই চিন্তায় এতদূর নিমগ্ন
হইলেন যে, আহা! নিজা তুলিয়া গেলেন। সে
সময়ে তাহার পরিশ্রম বাহারা দেখিয়াছেন
তাঁহাদের মুখে শুনিতে পাই যে, তিনি সংস্কৃত
কলেজের পুস্তকালয়েতে বাসা করিয়া ফেলিয়া-
ছিলেন। কি প্রাতে, কি মধ্যাহ্নে, কি রাজে
যখন যাও, দেখিবে বিদ্যাসাগর মহাশয় পুস্তক
রাশির মধ্যে নিমগ্ন; মনোযোগ সহকারে কেবল
বিবিধ শাস্ত্র পাঠ করিতেছেন ও গভীর রূপে
শাস্ত্রের বিচারে নিযুক্ত রহিয়াছেন। একবার
এক মুষ্টি অন্ন মুখে দিবার জন্য বাহিরে যাই-
তেন, তন্নিম্ন সমুদয় সময় শাস্ত্র পাঠে যাপন
করিতেন। এখন অনেক সংস্কৃত গ্রন্থ মুদ্রিত
হইয়াছে, কিন্তু রাশীকৃত হাতে লেখা পুস্তক
পড়িয়া তাঁহাকে এক একটা বচন সংগ্রহ করিতে
হইয়াছে।

এইরূপ গুরুতর পরিশ্রম ও পাঠের পর ১৮৬০
খৃষ্টাব্দেই তাহার বিধবা বিবাহ বিষয়ক গ্রন্থ প্রকা-
শিত হইল। তিনি শাস্ত্রের বচন তুলিয়া প্রমাণ
করিলেন যে, বিধবদিগের পুনর্বিবাহ শাস্ত্র-সিদ্ধ।
তাঁহার গ্রন্থ প্রকাশ হওয়াতে দেশ মধ্যে তুমুল
আন্দোলন উপস্থিত হইল। এমন আন্দোলন
প্রায় দেখা যায় না। চারিদিকে হলস্থল। হাতে

বাজারে, পথে ঘাটে যেখানে সেখানে এই চর্চা।
পথ ভিখারিগণ বিধবা বিবাহের গান গাইয়া
বেড়াইতে লাগিল। শান্তিপুরের তাঁতীরা “বৈচে
থাক বিদ্যাসাগর চিরজীবী হয়ে” এই গান
পেড়ে বুনিয়া ধুতি প্রস্তুত করিতে লাগিল।
ওদিকে দেশের প্রাচীন কালের কুসংস্কার বাহাদের
মনে প্রবল ছিল তাহারা বিদ্যাসাগর মহাশয়কে
পাষণ্ড, কুলাঙ্গার, দেশের শত্রু, ধর্মের উচ্ছেদ-
কর্তা বলিয়া কত কটুক্তি করিতে লাগিল। ঠিক
যেন বোধ হইল বিদ্যাসাগর মহাশয় হঠাৎ
একটা কোন ঝাঁর খুলিয়া দেশ মধ্যে এক
প্রকাণ্ড ঝড় আনিয়া ফেলিলেন। এই ঝড়ে
সকলে কাঁপিয়া গেল; যে তাঁহার বন্ধু ছিল সে
গা ঢাকা দিল; যে সহায় ছিল সে দূরে পলাইল;
যাহারা বিধবা বিবাহের সপক্ষ বলিয়া নাম দিয়া-
ছিল তাহাদের অনেকে গোবর খাইয়া প্রায়শ্চিত্ত
করিল। বিদ্যাসাগর মহাশয়ের পিতা নিভাস্ত
ক্রুদ্ধ হইয়া গেলেন; তাঁহাকে একঘরে করি-
বার জন্ত সমাজের লোক ধর্মঘট করিতে লাগিল।
কিন্তু এত যে ওলট পালট হইয়া গেল, ইহার
মধ্যে এক জন লোক কাঁপিলেন না;
তিনি বিদ্যাসাগর মহাশয়কে সমর্থন করিয়া
কিন্তু দেশের লোকের মন পরিবর্তন করিতে
নিশ্চয়ই বিবাহ করিতে পারেন। তাহাকে
গিয়াছিল। এতদে বিধবা বিবাহের
বাহু জন্য সহরের লোক তাহাকে
বিদ্যাসাগর মহাশয়কে হুই হাত অন্তর পাহারা
রাখিতে হইয়াছিল; নতুবা হুই লোকে বোধ হয়
তাঁহাকে ও বরষাত্রীদিগকে মারিয়া ফেলিত।
অন্য লোক মুখে বলে, কাজে করে না; বিদ্যা-

কথা সেই কাজ। তিনি
সাধনের জন্ত দাঁড়াইলেন,
ক্রুটির প্রতি একবার দৃষ্টি-
করেন নাই। দেশের পণ্ডিতেরা তাঁহার
প্রতিবাদ করিয়া যে
প্রচার করিলেন। ইহাতে
বিচারশক্তি প্রকাশ পাই-
তে পারেন নাই।

তোমাদিগকে বলি শুন, এমন বীর পুরুষ
আমরা বিদ্যাগরের পুত্র। তিনি যে প্রতিজ্ঞার
বলে কলিকাতার দারিদ্র্যের সহিত সংগ্রাম
করিতে গিয়াছিলেন, সেই প্রতিজ্ঞার বলে
শুভ ফল লাভ করি-
তে পারেন। সংসারিক জীবনের অধ্যক্ষ হইয়া তিনি
জাতীয় উন্নয়ন করিলেন; উপক্র-
মিক শিক্ষার ব্যাপক প্রণয়ন করিলেন।
কলিকাতার পুরে তিনি হুগলী, বর্ধমান,
মৌড়ীপুর ও নদীয়া জেলার স্কুল ইন্সপেক্টরের
পদ লাভ করিলেন। উভয় কার্যের বেতন একত্র করিয়া
তাঁহার মাসিক বেতন ৫০০ পাঁচ শত টাকা হইল।
এই বেতনের উপর তাঁহার নিজস্ব অর্থের সাহায্যে
কলিকাতায় একটি স্কুল স্থাপন করিয়াছিলেন।
কলিকাতার পুরে তিনি হুগলী, বর্ধমান,
মৌড়ীপুর ও নদীয়া জেলার স্কুল ইন্সপেক্টরের
পদ লাভ করিলেন। উভয় কার্যের বেতন একত্র করিয়া
তাঁহার মাসিক বেতন ৫০০ পাঁচ শত টাকা হইল।
এই বেতনের উপর তাঁহার নিজস্ব অর্থের সাহায্যে
কলিকাতায় একটি স্কুল স্থাপন করিয়াছিলেন।

করিতে পারে নাই। তিনি কখনও আত্ম-মৰ্যাদা
ভুলেন নাই; কখনও সামান্য স্বার্থের অহু-
রোধে অপমান সহ্য করেন নাই। ধনী বা
পদস্থ লোকের তোষামোদ করা তাঁহার কুশীতে
লেখ্য নাই। জগদীশ্বর খাঁটি ইম্পাতে তাঁহাকে
নির্মাণ করিয়াছেন, তিনি ভাঙ্গিবেন তবু নত
হইবেন না। ইহাকেই ত বলে মানুষ। নতুবা
ধনীর দ্বারে তোষামোদ দ্বারা জীবন ধারণ করা
শূণ্য কুকুরের কাজ। এই গুণে এই মহা-
পুরুষকে আমরা এত ভালবাসি; আমাদের
ভারতবর্ষে এমন রাজা নাই যাহার অপেক্ষা ঐ
দরিদ্রের সন্তান বিদ্যাগরের বড় লোক নহেন।
যে স্বকর্তব্য সাধনে সাহসী সেই মানবকুলে রাজা।
আমাদের বিদ্যাগরের মহাশয় এই হিসাবে এক-
জন বড় রাজা।

যাহা হউক কে কোথায় দেখিয়াছ এক জন
গরিব ব্রাহ্মণের ছেলে একটা ৫০০ শত টাকার
চাকরী পাইয়া এক কথায় তাহা ছাড়িতে পারে?
কিন্তু বিদ্যাগরের মত লোকের মনে অর্থের
লোভ থাকে না। ধন সম্পদের প্রতি এ সব
মহাত্মার ক্রম্পে থাকে না। যে মনুষ্যের অগ্নি
ইহাদের মনে নিরন্তর জ্বলিতে থাকে, তাহার
চাকরী বা সম্পদ তখন অপেক্ষাও হীন। ডিরেক্টর
বা মন্ত্রীর অধীনে বিদ্যাগরের মহাশয় কল্প
কল্পে তিনি বিদ্যাগরের মহাশয়কে চিনিতেন
না। তিনি তাঁহার প্রতি কিছু অপমান স্থচক
ব্যবহার করেন। বিদ্যাগরের তেজস্বী অন্তরে
সেই ব্যবহার শেলের ন্যায় বিদ্ধ হইল। তিনি
৫০০ শত টাকাকে পাঁচ শত খোলার কুটির
আয় জ্ঞান করিয়া, অপকৃষ্ট বস্তুর ন্যায় পরি-
ত্যাগ করিলেন। সাংসারিক লোকে কত ভয়
দেখাইল, খাবে কি? পরিবে কি? চলিবে

পূজার ছুটির আমোদ ।

৩

বিশি দেশী পাঠক অনেকেই পূজার ছুটিতে
বাড়ী চলিলেন। এই ছুটিতে অনেকেই
অনেক প্রকারের আমোদ করিবেন। নূতন
রকমের আমোদ দেখিবার জন্য সকলেই আগ্রহ
প্রকাশ করে। একখানি ইংরাজি বই পড়িয়া যে সব
নূতন আমোদের কথা এবারে শিখিয়াছি, তাহার
কিছু কিছু সংক্ষেপে লিখিতেছি, একবার নিজেরা
পরীক্ষা করিয়া দেখিবেন।

ঘরের মাঝামাঝি একটা পর্দা টাঙাইয়া
তাহার একপাশে আলো রাখিয়া তাহাতে আপ-
নারা থাকিবেন। অপর পার্শ্ব অন্ধকার করিয়া
তাহাতে কতকগুলি দর্শক ডাকিয়া বসাইবেন।
এখন আপনারা আলো এবং পর্দার মাঝখানে
দাঁড়াইয়া যেরূপ অঙ্গভঙ্গী করিবেন, পর্দায় তাহার
যে ছায়া পড়িবে, তাহাতে তার চেয়ে ঐ সকল
অঙ্গ ভঙ্গী আরো সুন্দর দেখাইবে।


খুব সরু সূতার দ্বারা একটা পুতুল টাঙাইয়া
তাহার পেছনে যতগুলি আলো ধরা যান, পর্দায়
ইহাদের ছায়া পড়িবে। তাহার ছায়া দেখিয়া
অন্যদের মত আশ্চর্য হইবেন। তাহাদের
মুখে কত প্রশংসা পাইবেন। তাহাদের
কথা শুনিয়া আপনিও আশ্চর্য হইবেন।
এই আমোদ পড়িতে পারেন।

আলোটা একটা টেবিলের উপরে রাখিয়া
তাহার সামনে হাত ধরিলে পর্দায় ঐ হাতের ছায়া
পড়িবে। এখন বুদ্ধি খাটাইতে পারিলে হাত-
টাকে কি হাত ছটাকে এরূপ ভাবে রাখা যাইতে

কিরূপে? বিদ্যাগরের মহাশয় কাহাকেও
কিছু বলিলেন না; কিন্তু দুর্জয় প্রতিজ্ঞার সহিত
গ্রন্থ রচনাতে প্রবৃত্ত হইলেন। এক্ষণে তিনি
স্বীয় পরিশ্রমে এমন আয় দাঁড় করাইয়াছেন যে
মাসে ৫০০ শত টাকা দিয়া এক জন লোক
নিজের চাকর রাখিতে পারেন। যে মহাশয়ের
বলিয়াছিলেন বিদ্যাগরের না খাইয়া মরিবে
তাঁহার এখন কোথায়? জগদীশ্বর কি বস্তু দিয়া
এই ব্যক্তিকে গড়িয়াছেন, সংসারের স্বার্থপর
নীচ প্রকৃতির লোকে বুঝিবে কি?

বিদ্যাগরের আত্ম নির্ভরের আর একটা
গল্প বলি শুন; বিধবাদের বিবাহ দিবার জন্য
তাঁহার অনেক হাজার টাকা খণ হয়। একবার
সহরের কতকগুলি ভদ্র লোক তাঁহার ঋণ শোধের
জন্য অর্থ সংগ্রহ করিতে আরম্ভ করেন। বিদ্যা-
গরের মহাশয় শুনিলেন যে এরূপ অনেক লোকে
টাকা দিতে যাইতেছে যাহারা বিধবা বিবাহের
জন্য দিতেছে না। কিন্তু কেবল বন্ধুকে বিপন্ন
করিবার জন্যই দিতেছে। অমনি বিদ্যাগরের
মহাশয় সংবাদ পত্রে এই বলিয়া বিজ্ঞাপন দিলেন
যে “বিধবা বিবাহের জন্য যিনি যাহা দিবেন তাহা
তিনি কৃতজ্ঞ অন্তরে লইবেন। কিন্তু বিধবা
বিপদ হইতে উদ্ধার করিবার জন্য আমার সাহা-
য্যের প্রয়োজন নাই।” এরূপ তেজস্বী
পদের কৃপার মুখাপেক্ষা করিবেন তাহাদের
নামের গৌরব থাকিবে কেন?

বিদ্যাগরের মহাশয়ের অপরাপর কীর্তি পঠিয়া
কার, দয়া, আত্ম-মৰ্যাদা বিষয়ে
আছে। যে তাহা সমুদায় বলিতে গেলে এক খানি
প্রকাণ্ড গ্রন্থ হয়। তাহার কিছু কিছু আর এক-
বারে বলিবার ইচ্ছা রহিল।



ENG. BY T. N. DEB

একটা না একটা জানোয়ারের মতন দেখাবে। হাত কিরূপ ভাবে রাখিলে কোন্ জানোয়ার হইবে, তাহা মুখে বলা তত সহজ নহে। পাঠকগণ অল্পগ্রহ পূর্বক যদি একবার ছবি গুলির দিকে তাকান, তাহা হইলে আমার লেখার অপেক্ষা

অনেক বেশী পরিষ্কার বুঝিতে পারিবেন। জানোয়ার গুলি অবিকল হইল না। কিন্তু যাহা হইয়াছে তাহা দেখিয়াই দর্শকেরা বেশ সন্তুষ্ট হইবেন।

স্থানাভাবে গত বারের ধাঁধার উত্তর এবং নূতন ধাঁধা এখানে দেওয়া গেল না।



নবেম্বর, ১৮৮৫।

স্বাধীনতার প্রতি অনুরাগ।

প্রিয় কবার ইংরাজ এবং ফরাসীদিগের সহিত কোন এক যুদ্ধে জর্নৈক ইংরাজ নাবিক ফরাসীদিগের নিকটে বন্দী হয়। যে একদিনও সমুদ্রের তীষণ তরঙ্গ দেখিয়া বিষণ্ণ হয় নাই, সে স্বাধীনতা-সুখ হারাইয়া পরের নিকট বন্দী হইল। গভীর বজ্রপায় তাহার হৃদয় পুড়িয়া যাইতে লাগিল। যদিও সে নিয়মমত খাইতে পরিতো পাইত; তবু বন্দী। আমরা স্ব ইচ্ছায় একটা নির্জন গৃহে এক বৎসরও থাকিতে পারি, কিন্তু কেহ আমাদের বাধ্য করিলে, আমাদের স্বাধীনতার উপর হস্তক্ষেপ করিলে, আমরা আর ঐ প্রকারে থাকিতে পারি না; মন যেন সদা দর্দদা ছটফট করিতে থাকে, কিছুতেই যেন আমাদের কষ্ট দূর হয় না। এই জন্যই উক্ত নাবিকের মুখ-মণ্ডল বিষণ্ণ। দিনের পর দিন চলিয়া গেল; মুখে হাসি আর কেহ দেখিল না, স্বাধীনতা সুখ সে অনেক দিন হইতে হারাইয়াছে। এই প্রকারে কতিপয় দিবস অতীত হইল। অবশেষে ইংরাজ এবং ফরাসীদিগের সহিত সন্ধি হওয়াতে ঐ নাবিক মুক্ত হইল। তাহার এক্ষণ আনন্দ

হৃদয়ে ধরে না। ইংলণ্ডে যাইতেছে এমন সময় পথিমধ্যে একজন ব্যাধের সঙ্গে তাহার দেখা হইল। সে কতকগুলি পাখী বিক্রয় করিবার জন্ত একটা পিঞ্জরে আবদ্ধ করিয়া রাখিয়াছে; দেখিয়া তাহার মনে ভয়ানক ক্রেশ হইল। দুই দিন পূর্বে নিজের জীবনের দশা একবার ভাবিল। সমস্ত শরীর কাঁপিয়া উঠিল। সে আর ঐ পাখীগুলির এই ছুরবস্থা সহ করিতে পারিল না; তৎক্ষণাৎ খাঁচা সহ পাখীগুলিকে ক্রয় করিয়া, খাঁচার মুখ খুলিয়া একটা একটা করিয়া পাখীগুলিকে উড়াইয়া দিতে লাগিল। পাখী-বিক্রেতা নাবিকের এই প্রকার অদ্ভুত কার্য দেখিয়া আশ্চর্যান্বিত হইয়া তাহার তিরস্কার করিতে লাগিল। তিনি জিজ্ঞাসা করিলেন কে? স্বাধীনতা হইলে আনন্দিত হইতে হয়, কিন্তু পাখীগুলিকে মুক্ত হইয়া আকাশে উড়াইয়া দিতে হইলে কে আশীর্বাদ করিতে পারিবে? (এই প্রকার কথা দেখ)

তাহার মত নাবিকের মত স্বাধীনতা হইলে কখন আনন্দিত হইতে পারিবে? তাহা ততদিন কারাগারে থাকিলে তাহা হইবে। স্বাধীনতা হারাইলে যে কি দুঃখ হয় তাহা অনুভব করিতে পারিতে; এবং আমি এই সুন্দর পাখীগুলিকে যে ছাড়িয়া দিতেছি, ইহা দেখিয়া আশ্চর্যান্বিত হইতে না। এই



ARTIST PRESS.


সখা ।
ইহাঙ্গনর যে কি বসে
স্বাধীনতা হারাইলে
স্বাধীনতা প্রাপ্তির সহিত ভাল বাসেন তাহারা
সকলেই অপরকে স্বাধীনভাবে বিচরণ করিতে
দেখিতে ইচ্ছা করেন ।”

ব্যাপ এই কথাগুলি শুনিয়া চমকাইয়া
উঠিল । বিছ্যতের আয় এই কথা গুলি তাহার

অন্তরে প্রবেশ করিল । “এক দরিদ্র ব্যক্তি নিজের
পয়সা দিয়া পক্ষীর স্বাধীনতা দান করে” এই
কেবল ভাবিতে লাগিল । এবং এই এক কথা
শুনিয়া তাহার জীবনের গতি বদলাইয়া গেল ।

আমাদের ভাই ভগিনীদিগের মধ্যে কেহ
কেহ হয়তঃ পশুপক্ষী কীট পতঙ্গদিগকে ধরিয়া
অনর্থক নানা প্রকার কষ্ট দেন এবং তাহাদের
যাচনা দেখিয়া হুঃখিত হওয়া দূরে থাকুক, বরং

ক্ষণিক আনন্দ উপভোগ করেন । তাহাদের
এইটা স্মরণ রাখা কর্তব্য যে, স্বাধীনতা হারাইলে
পশু পক্ষীরাও ঠিক আমাদের মত কষ্ট পায় ।




ছেলে-খেলা ।

ছোট ছোট ছেলেগুলি দেখিতে সুন্দর ।
আলো করে থাকে যেন গৃহস্থের ঘর ॥
ফুটপু ফুলের মত ফুলের বাগানে ।
হাসিছে খেলিছে সদা প্রসন্ন বয়ানে ॥
সুকুমার তনুখানি কেমন নির্মল ।
চাঁদমুখে চক্ষু হ্রুটী করে চল চল ॥
তরল চপল অতি জীবনের গতি ।
কিন্তু খেলিবার কালে বড় স্থির মতি ॥
ডাকিলে না দেয় সাড়া খেলায় পাগল ।
খেলা ছাড়ি থাকিতে না পারে এক পল ॥
দিনমানে তিল মাত্র নাহি অবসর ।
নিরলসে নানা খেলা খেলে নিরন্তর ॥
কি কাজ করিব বলি ভাবে না কখন ।
করে নিত্য নব নব খেলার সৃজন ॥
কভু ঘোড়া হয়ে পিঠে চড়ায় অপরে ।
কখন আপনি চাপে অস্ত্রের উপরে ॥
কখন পুকুর খোঁড়ে বাঁধে পথ ঘাট ।
কখন ঠাকুর গড়ি পড়ে পূজা পাঠ ॥
ছেলের কল্যাণে প্রতি গৃহস্থের ঘরে ।
বার মাসে তের পর্ক দেখে সব নরে ॥

কিন্তু ভাই কর খেলা তাহে ক্ষতি নাই ।
মাঝে মাঝে কিছু কিছু পড়া শুনা চাই ॥
তোমাদের সঙ্গে চাহে খেলিবারে কবি ।
পড়িয়া সখার পদ্য, দেখি তার ছবি ॥ *
এ বড় মজার খেলা নূতন প্রকার ।
আমাদের সঙ্গে হয় জ্ঞানের সঞ্চার ॥
তার সঙ্গে নীতি শিক্ষা আপনা আপনি ।
মাই খেয়ে বাড়ে যথা থোকা যাদুমণি ॥



মাইকেল ফ্যারাডে ।



ধ্যবসায় থাকিলে মানুষ কত
বড় হইতে পারে, চেষ্টা ও যত্নদ্বারা,
সহায়হীন দরিদ্র সন্তান, নিজ

অবস্থার কতদূর উন্নতি করিতে পারে, ফ্যারাডের
জীবনচরিত পাঠ করিলে আমরা বেশ বুঝা যায় ।
অতি সামান্য দরিদ্রতা হইলেও, অধ্যবসায়ের
গুণে তিনি কতদূর উন্নতি করিয়া গিয়াছেন ।
বিজ্ঞান শাস্ত্রের অধ্যয়ন ছিলেন ।
তিনি কখনো কখনো লক্ষ্য পড়া
শিখেন ।
কেবল বিজ্ঞান শাস্ত্রের
অধিতীয় হইয়াছেন ।

১৭৯১ খৃষ্টাব্দে ২২শে সেপ্টেম্বর এই মহাত্মার
জন্ম হয় । লণ্ডন নগরের কোন একটা পল্লিতে

* গত সংখ্যার সচিত্র পদ্য দেখ ।



কিন্তু এক বিষয়ে তাঁহারা ধনী ছিলেন। ফ্যারাডের পিতা মাতা অতিশয় ধার্মিক ছিলেন; এবং পৈতৃক সম্পত্তির ন্যায় ফ্যারাডে এই ধর্ম-ভাব পিতা মাতার নিকট হইতে পাইয়াছিলেন। অর্থাভাবে তাঁহারা সন্তানকে বিদ্যা শিক্ষা দিতে পারেন নাই, কিন্তু ধার্মিক পিতা মাতা বাল্যকাল হইতেই সন্তানকে উত্তমরূপে ধর্ম শিক্ষা দিয়া ছিলেন। ফ্যারাডে ক্রমে বড় হইলেন। পিতার সামান্য উপার্জনে ব্যয় কুলায় না দেখিয়া

কিন্তু এক বিষয়ে তাঁহারা ধনী ছিলেন। ফ্যারাডের পিতা মাতা অতিশয় ধার্মিক ছিলেন; এবং পৈতৃক সম্পত্তির ন্যায় ফ্যারাডে এই ধর্ম-ভাব পিতা মাতার নিকট হইতে পাইয়াছিলেন। অর্থাভাবে তাঁহারা সন্তানকে বিদ্যা শিক্ষা দিতে পারেন নাই, কিন্তু ধার্মিক পিতা মাতা বাল্যকাল হইতেই সন্তানকে উত্তমরূপে ধর্ম শিক্ষা দিয়া ছিলেন। ফ্যারাডে ক্রমে বড় হইলেন। পিতার সামান্য উপার্জনে ব্যয় কুলায় না দেখিয়া

এগারো বৎসরের বালক ফ্যারাডে এক পুস্তক বিক্রেতার দোকানে কার্য আরম্ভ করিলেন। প্রত্যহ সংবাদ পত্র বিলি করা তাঁহার সেই সময়ে প্রধান কাজ ছিল। শুনা যায় ফ্যারাডে তখন একটুও লেখা পড়া জানিতেন না, এমন কি অক্ষর পরিচয় পর্যন্ত হয় নাই। সংবাদ পত্র বিলি করিবার জন্য বাহির হইয়া রাস্তায় চলিতে চলিতে তিনি ঐ সংবাদ পত্রের সাহায্যে অক্ষর চিনিলেন, এবং অধ্যবসায়ের গুণে অল্প সময়ের মধ্যেই পড়িতে শিখিলেন। লেখা পড়া শিক্ষা করিবার জন্য তাঁহার এইরূপ যত্ন ও আগ্রহ ছিল, কিন্তু তাই বলিয়া তিনি নিজ কার্যে অবহেলা করিতেন না। তীক্ষ্ণ বুদ্ধি ও কার্যদক্ষতা গুণে অল্প সময়ের মধ্যেই তিনি প্রভুর প্রিয়পাত্র হইয়া উঠিলেন। ঐ পুস্তক বিক্রেতার দোকানে যে কেবল পুস্তক বিক্রয় হইত তাহা নহে, পুস্তক বাঁধান কার্যও হইত। ফ্যারাডে এখন এই কার্যে নিযুক্ত হইলেন। বলিতে গেলে এই দপ্তরীর কার্যে নিযুক্ত হইয়াই ফ্যারাডের উন্নতির পথ খুলিয়া গেল। তাঁহার যে সমস্ত পুস্তক বাঁধিতে হইত, তাহার মধ্যে কয়েকখানি বিজ্ঞানের পুস্তক ছিল; বিজ্ঞান শিখিবার জন্য স্বভাবতই তাঁহার অত্যন্ত আগ্রহ ছিল। বিজ্ঞানের পুস্তক দেখিয়া ফ্যারাডের আর আত্মার সীমা রহিল না। অবসর সময়ে, এবং কখন কখন কাজ করিতে করিতেও একাগ্র হইয়া এই সমস্ত পুস্তক পাঠ করিতে লাগিলেন। এমনি করিয়াই লোকে বড় লোক হয়, এইরূপ যত্ন ও অধ্যবসায়ের গুণেই লোকের উন্নতি হয়। এইরূপে কয়েকখানি বই পড়িয়া ফ্যারাডের জ্ঞান পিপাসা আরও বাড়িয়া উঠিল। তিনি কেবল বই পড়িয়াই ক্ষান্ত হইলেন না,

বিজ্ঞান সম্বন্ধে যে সমস্ত বক্তৃতা হইত তাহাতে নিয়ম মত তিনি উপস্থিত হইতে লাগিলেন। একাগ্র চিত্তে সেই সমস্ত বক্তৃতা শুনিতেন, এবং তাহার সারাংশ লিখিয়া আনিতেন। এই সমস্ত এত সুন্দর হইত যে ইংলণ্ডের প্রধান বিজ্ঞানবিদ সার হামফ্রে ডেভি তাহা দেখিয়া চমৎকৃত হইয়াছিলেন। পূর্বেই বলিয়াছি, ফ্যারাডে নিতান্ত দরিদ্র ছিলেন, কোন মতে তাঁহাদের দিনপাত হইত। একদিন ফ্যারাডের ইচ্ছা হইল যে তিনি একটা বৈজ্ঞানিক ধর্ম নিষ্ঠা করিবেন, কিন্তু তাহাতে অনেক টাকার দরকার! ফ্যারাডে সহজে ছাড়িবার লোক ছিলেন না, তিনি কষ্ট করিয়া যাহা কিছু বাঁচাইতে পারিয়াছিলেন, তাহা দ্বারা কয়েকটা সামান্য সামান্য জিনিস কিনিয়া একটা কল তৈয়ার করিলেন। বালকের বুদ্ধি দেখিয়া সকলে অবাক হইল। ঐ দিন এক ব্যক্তি কার্য উপলক্ষে ঐ দোকানে আসেন, তিনি বালকের এই প্রকার তীক্ষ্ণ বুদ্ধি, এবং বিজ্ঞান শিখিবার জন্য এরূপ আগ্রহ দেখিয়া 'রয়েল ইনষ্টিটিউশন' নামক বিলাতের সর্বপ্রধান বিজ্ঞান সভায় বক্তৃতা শুনিবার সুবিধা করিয়া দিলেন। ফ্যারাডের বক্তৃতা শুনিয়াই প্রথম পুরস্কার হইতে পারিলেন। ফ্যারাডের বক্তৃতা শুনিয়াই প্রথম বিজ্ঞান সম্বন্ধে লোকের আগ্রহ লাগিলেন। ফ্যারাডের বক্তৃতা শুনিয়াই প্রথম দপ্তরীর কার্যে নিযুক্ত হইলেন। ফ্যারাডের বক্তৃতা শুনিয়াই প্রথম তাঁহার মনে এক চিন্তা উদ্ভূত হইল। পুস্তক বাঁধা আর তাঁহার কার্যে কয়েকখানি বই পড়িয়া ফ্যারাডের ন্যায় তীক্ষ্ণ বুদ্ধি সম্পন্ন ব্যক্তি সামান্য দপ্তরীর কার্য করিয়া সন্তুষ্ট থাকিবেন ইহা কখনও সম্ভব নহে। ফ্যারাডে কোন পথে যাইবেন চিন্তা করিতে লাগিলেন। বিজ্ঞান শাস্ত্রের আলোচনা তাঁহার

কিছু অর্থ উপার্জন করিয়া পিতা মাতার কষ্ট দূর করিবে। এই ইচ্ছা হওয়ার ভ্রলোকদের নিকট স্বয়ং যাইয়া ভিক্ষা করিয়া স্কুলের বেতম দিত, এবং পাড়ার একটা ছেলের বাড়ীতে গিয়া তাহার বৈ দেখিয়া পড়িয়া আসিত। তাহার পড়াশুনার আগ্রহ দেখিয়া সকলেই তাহাকে ভালবাসিতেন এবং সাহায্য করিতেন। এক্ষণে বৈগুলি পাইয়া বাড়ী বসিয়া পড়া হইবে ও সেই সঙ্গে সঙ্গে পড়িতে পড়িতে যদি আবশ্যিক হয় পিতার সেবাও করিতে পারিবে, এই আশা মনে হইল ও আনন্দে তাহার মন একেবারে পূর্ণ হইল। সে বৈ, প্লেট, কাগজ, কলম, জামা ও অন্য সমস্ত দ্রব্যগুলি লইয়া বাড়ীর ভিতর মাকে বাবাকে দেখাইতে লাগিল। দুটা ভাইএর দয়া ও সংহৃদতার বিষয় শুনিয়া তাঁহারা আশ্চর্যান্বিত হইলেন, এবং কৃতজ্ঞতার অশ্রুজল তাঁহাদের চক্ষে দেখা দিল। হৃদয়ের সহিত অগণ্য ধন্যবাদ ও আশীর্বাদ করিয়া দ্রব্যাদি তুলিয়া রাখিলেন।

এদিকে সন্ধ্যার মধ্যেই অমৃত ও স্বরেন বাড়ী ফিরিয়া আসিয়াছিল। এখন রাজি প্রায় আটটা বাজে, পিতা আহারে বসিয়াছেন তাহারাও তাঁহার পাশে বসিয়া আহার করিতে গিয়াছেন। গল্পবিশিষ্ট আহারের পরেই তিনি অমৃতকে ডাকাইয়া কথার সম্বন্ধে তাহার হৃদয়কে জানাইতে হইবে। বহুদিনের তাহার পিতার কথা শুনে। একরূপ ফরাতে তাঁহারা বড়ই সুখে থাকেন। স্বার্থহী পরিবারটা যেন স্বর্গের দেবতাদের মত।

দাসী আসিয়া সংবাদ দিল “ও পাড়ার

গোপালের মা আসিয়াছেন।” অমনি অমৃতের জননী ব্যস্ত হইয়া উঠিয়া গেলেন। আর এদিকে—? অমনি ভাই দুটির মুখে কেমন এক আশ্চর্য লজ্জা ও আনন্দের চিহ্ন প্রকাশ পাইল, তাহারাই বুঝিল আর কেহই দেখিতে পাইল না। আবার সেই রকম বুক ধড়াশু ধড়াশু করিতে লাগিল। “কি রূপ হইবে কে জানে?” তাহারা খাওয়া প্রায় বন্ধ করিয়া নীচের দিকে চাহিয়া রহিল, আর আঙ্গুল দিয়া মিছামিছি কি যেন করিতে লাগিল। অল্প ক্ষণের মধ্যেই মার সঙ্গে গোপালের মা আসিয়া উপস্থিত হইলেন। আসিয়াই অমৃত ও স্বরেন দুজনকে কত যে আশীর্বাদ করিলেন, তাহা আর কি বলিব? পিতা বাড়ী ছিলেন না, এ সমস্ত বিষয় কিছুই জানিতে পারেন নাই; জিজ্ঞাসা করিলেন “কি হইয়াছে?” গোপালের মা তখন তাঁহার হৃৎকের অবস্থা সমস্ত বর্ণনা করিয়া তার পর বলিলেন “আহা! আপনাদের ধন্য দয়া! দীন হীন দুঃখীর প্রতি যে আপনারা মুখ তুলিয়া চাইয়া দেখেন এর তুল্য মহৎ কার্য আর কি আছে? আহা! গোপাল আমার “বৈ বৈ” করিয়া সারা হইতেছিল, বৈগুলি পাইয়া যে তার কি আশ্লাদ হইয়াছে তা আর বলিতে পারি না। সে বৈগুলি একবার বুকে রাখিতেছে, একবার চুমু খাইতেছে, আর এখনও পড়িতেছে। আমরা আপনাদের দয়াতে যে কি পর্যন্ত বাধিত হইয়াছি তা আর কি বলিয়া জানাইব? আনন্দে আমাদের হৃদয় পূরে গিয়েছে। আহার করিতে বসিতেছিলাম, কিন্তু এ আনন্দ ও এ কৃতজ্ঞতা আপনাদের না জানাইয়া আহার করা অসুচিত মনে করিয়া তাই মনের কথা বলিতে আসিয়াছি। ছেলে দুটা দীর্ঘজীবী হউক, আপ-

নারাও মনের সুখে থাকুন আর এমনি করে দীন দুঃখীর উপকার করুন।”

বালক দুটা লজ্জাক মাথা হেঁট করিয়া রহিল। জননী বুঝিতে পারিলেন, আর তাই একটু একটু হাসি তাঁহার মুখে শোভা পাইতেছিল। পিতা কিছুই ত বুঝেন নাই, কাজেই অবাক হইয়া একবার জীর দিকে একবার পুঞ্জদের দিকে চাহিতে লাগিলেন। শেষে জীকে জিজ্ঞাসা করিলেন—“কি হইয়াছে? আমি ত কিছুই বুঝিতে পারি তেছি না। তুমি গোপালের জন্য বৈ পাঠাইয়া দিয়াছিলে কি?” তিনি বলিলেন—“না, আমি জানিওনা যে গোপালের বৈ আছে কিনা, আর কি কি বৈ পড়ে তাও জানি না।—”

অমনি ব্যস্তভাবে গোপালের মা বলিয়া উঠিলেন—“সে কি? তবে ছেলেরা সে সব নূতন বৈ, কাগজ, প্লেট, জামাটো—সব শুদ্ধ প্রায় পাঁচ টাকার জিনিস, কোথা পেলে? তাইত? আমরা মনে করিছিলাম যে আপনারা বুঝি ওদের হাতে দিয়ে সেগুলি দয়া করে পাঠিয়ে দিয়েছিলেন? ওমা! আমার যে ভয় হচ্ছে! কেন বাবা তবে তোমরা মা বাপকে না বলে এমন কাজ করলে?”

মা বলিলেন—“চিন্তা কি? আপনি অমন করেন কেন? ওরা বেশ কাজই করেছে। আমি বড় সুখী হলেম। ওদের যে একরূপ বুদ্ধি হয়েছে, এর চেয়ে আর আমার সৌভাগ্য কি হতে পারে?” এখনও অমৃতের পিতা কিছু বুঝিলেন না। আবার জিজ্ঞাসা করিলেন। তখন তিনি আদ্যোপান্ত সমস্ত কথা খুলিয়া বলিলেন। যে—“আমি আজ প্রাতে দীন দুঃখীকে দয়া করা উচিত এই উপদেশ পূর্ণ একখানি বৈ ছেলের পড়িতে দিয়াছিলাম। সেখানি পড়িয়া

উহাদের কেমন উপকার হইল তাই পরীক্ষা করিবার জন্য, ওরা দুপুর বেলা যেমন বাগানে যাবে অমনি পথের উপর পাঁচ টাকার একখানা নোট রাখিয়া এলাম। নোট পাইয়া যদি না বলিত, তাহা হইলে ভয়ানক দুঃখিত হইতাম আর খুব রাগ করিয়া বকিতাম। তা দেখি যে পাইয়াই নোটখানি আমার কাছে আনিল ও যার নোট হারাইয়াছিল তাহাকে দিতে বলিল। বড় খুসী হলেম ও একটু সন্ধান করে কারও নয় প্রমাণ হলে বলিলাম, ‘ইচ্ছা দ্বারা তোমরা যা ইচ্ছা করিতে পার এ তোমাদেরই।’ এখন আরও আনন্দিত হলেম যে নোটের অতি উত্তম ব্যবহারই হইয়াছে।”

আশ্লাদে অমৃতের পিতা একেবারে গলিয়া গেলেন, তাঁহার বুক ফুলিয়া উঠিতে লাগিল। চক্ষে জল আসিল। তিনি কাঁপিতে কাঁপিতে নিকটে অমৃত বসিয়াছিল, তাহাকে কোলে বসাইয়া জড়াইয়া ধরিলেন। অমৃত খুব কাঁদিতেছিল, বাবার কোল হইতে নামিয়া আরও কাঁদিতে কাঁদিতে বলিল—“আমায় না বাবা! আমায় না! আমি বড় হ’লে কি হয়? স্বরেন আমার বড় ভাই। স্বরেনকে কোলে করুন। আমি বড় নীচ, আমি বড় নীচ। আমি এ টাকার দ্বারা নিজেদের কষ্ট দূর করিয়া জিনিস কিনিব। পরিবারের কষ্ট দূর করি। আমি এ আনন্দের সন্ধানই এই ভাল কাজের। তাহা বুঝে ফেলুন, সে আমার দাদা। আমায় বড় করুন।”


পুঞ্জের এই সরল সত্যপ্রিয়তা ও সাধুভাব দেখিয়া তিনি অমৃতকে আরও আদরের সহিত বুকে চাপিয়া ধরিলেন ও আনন্দাশ্রুতে তাহার মুখ ভাসাইয়া দিলেন। স্বরেনকে তাহার মা কোলে লইয়া বার বার মুখে চুষন করিতে লাগি-

লেন ও বলিতে লাগিলেন “ধন্য আমাদের জীবন যে এমন পুত্র পাইয়াছি। দশ বছরের ছেলে তুমি বাবা, তোমায় এর মধ্যে এমন বুদ্ধি হইয়াছে?”—

স্বপ্নে মার মুখ ছুই হাতে চাপিয়া ধরিল। নিজের স্মৃতিতে সে এত শুনিবে কিরূপে? যে লজ্জায় গোপালদের বাড়ীতে গেল না, গোপালের সহিত দেখা হইলেও যে জিনিসগুলি দিয়াই স্মৃতি পাইবার ভয়ে ও লজ্জায় হন হন করিয়া চলিয়া আসিল, সে কি কখন মার মুখে এত প্রশংসা শুনিতে পারে?

গোপালের মা দেখিয়া শুনিয়া একেবারে হত-বুদ্ধি হইয়া বসিয়া রহিলেন। মনে হইল এ পৃথিবীতে বুঝি আর তিনি নাই, স্বর্গে দেবতাদের সঙ্গে বসিয়া আছেন! প্রশংসা শুনিতে স্বপ্নেই অনিচ্ছা দেখিয়া বলিলেন “কেন বাবা! তুমি ভাল কাজ করিয়াছ, তার প্রশংসা নেবে না কেন?” বাবক বিনীতভাবে বলিল—“সে কি মা! আমি কি ভাল কাজ করিয়াছি? গোড়া থেকে শেষ পর্যন্ত মার কাজ! সকালবেলা বসিয়া বৃথা সময় নষ্ট করিতেছিলাম, মাই ত সেই হিত কথায় শুনিয়া পড়িবার বিবেচনা করিলেন ত এ বুদ্ধি আমাদের হইবে না। এই বুদ্ধি হইলেই বা মার কাজ করিয়াই মার প্রশংসা পাইব। মার প্রশংসা আমাদের মনের দ্বারা কেমন আসিবে একথা মার মুখে ধরে দিলেন, নহিলে কি হত? সমস্তই মার কাজ! সমস্তই মার কাজ! মার প্রশংসা মার কারও নাই, কারও হয় না। আমাদের যেমন মা এমন আর হয় না।” এই বলে মার গলা জড়াইয়া বুকের ভিতর মাথা দিয়া রহিল।


উটপক্ষী।



প্রাগৈকাল উপরে যে পক্ষীটির ছবি দেখিতেছ উহাকে সকলেই “অচ-টিচ্” বলিয়া ডাকেন। ইহার ইংরাজী নাম ‘ostrich’; এবং এই নাম দ্বারাই এই পক্ষীটিকে সক

লের নিকট পরিচিত। ইহার বাঙ্গলা নাম উটপক্ষী। প্রাচীনকালে অ্যারিষ্টটল, প্লিনি প্রভৃতি বিজ্ঞ পণ্ডিতেরা ইহাকে (camel bird) উটপক্ষী কহিতেন।

উট জন্তুর সহিত বিশেষ সাদৃশ্য আছে বলিয়াই ইহাকে উটপক্ষী কহে। যেখানে উট পাওয়া যায়, সেই স্থানে উটপক্ষীও দেখিতে পাওয়া যায়। উটের গায় ইহার বুকের হাড় অতি কঠিন ও শক্ত এবং শয়ন করিবার সময় উটের গায় বুকে ভর করিয়া শয়ন করে। উটের গায় ইহার শরীরের মধ্যভাগ অতিশয় বৃহৎ। উভয়ের অবয়ব, চলন ও ভাবভঙ্গী প্রায় একই রকম। উভয়ে গলা টান করিয়া মস্তক উচু রাখে। উটেরা চলিবার সময়ে চারি পা প্রায় একত্র করিয়া চলে; এবং উটপক্ষীরা চলিবার সময়ে ১০-১২ হাত অন্তর পা ফেলে। উটেরা চারি পায়ে যত টুকু যায়গা অধিকার করে; উটপক্ষীরা দুই পা দ্বারাই প্রায় ততটুকু স্থান অধিকার করে। এজন্য ইহাদিগকে দূর হইতে উটের দল বলিয়া সময়ে সময়ে মানুষের ভ্রম হয়। প্রভেদের মধ্যে এই যে উটপক্ষীর দুই পা এবং



ENG. BY T. N. DEB

শরীর ক্ষুদ্র ক্ষুদ্র ছুই পাথায় ঢাকা, আর উটের চারি পা এবং শরীর ছোট ছোট রোমে আবৃত। প্রাচীনকালে উটপক্ষী পৃথিবীর প্রায় সর্বত্রই পাওয়া যাইত। শুনা যায় যে পুরাকালের রাজারা উটপক্ষীর ডিম্ব প্রজ্জার নিকট হইতে

উপটোকন পাইতেন। কেবল আফ্রিকা দেশেই উটপক্ষীর সংখ্যা বেশা দেখিতে পাওয়া যায়। ইহার দল বাধিয়া থাকিতে ভালবানে। একদলের সংখ্যা চারি কিম্বা পাঁচটির বেশী নহে। ইহার অতি দ্রুত চলিতে পারে, এমন কি এক

ঘণ্টায় ২৬ মাইল চলিতে পারে। অতি কষ্টভোগ কালে গাভী যে প্রকার চীৎকার করে, ইহাদের স্বাভাবিক ডাক সেই রকম। কোন কোন উট-পক্ষীর শব্দ সিংহের গর্জনের ত্রায় শুনা গিয়াছে।

উট-পক্ষীর যাহা পায় তাহাই ভক্ষণ করে, এমন কি একটি পাখী একবার তামা ভক্ষণ করিয়া মরিয়া যায়। মত্ত অবস্থায় ইহারা পাথর, বালি, হাড় এবং ধাতুজ দ্রব্য সকল ভক্ষণ করে। কিন্তু বীজ, জাম প্রভৃতি ছোট ছোট ফল, গাছের পাতা এবং ফড়িং ইহাদের স্বাভাবিক খাদ্য।

একটি পুরুষ পক্ষীর ২৩টি স্ত্রী থাকে। তাহারা সকলেই একস্থানে স্ত্রীপাকার করিয়া ডিম পাড়ে। ডিম পাড়িবার জন্ত কোন প্রকার বাসা নির্মাণ করে না; একটু বালি খুঁড়িয়া গর্ত করে এবং এই গর্তের মধ্যেই ডিম রাখিয়া তা দেয়। স্ত্রী, পুরুষ উভয়ে এক এক করিয়া ক্রমাগত ছয় সপ্তাহ পর্যন্ত ডিমে তা দেয়। যদি ডিম ফুটিতে দেবী হয়, তবে পুরুষ পক্ষী রাগান্বিত হইয়া, বুকের চাপে ডিম ভাঙে এবং তাহা হইতে ছানা বাহির করে। এই প্রকারে ছানাগুলি জন্মিবার সময় বিশেষ করে।

ইহাদের পাখা দ্বারা উড়তে পারেন এবং আশ্চর্য্যরিকার উড়তে পারেন। মাঝে মাঝে বৈশিষ্ট্য করেন। বড় বড় বাক্সে পুষ্টি পুষ্টি জয়ী হইয়া দেশে দেশে গমন করে, তাহারা সম্মানের চিহ্ন স্বরূপে উট-পক্ষীর পাখা বুকে ধারণ করেন। এই পাখার এক আঙ্গুর এবং এক কাটতি যে প্রায় ৩০ লক্ষ টাকার মূল্যের পাখার আফ্রিকা হইতে ইংলণ্ডে রপ্তানি হয়। এই সমুদয় কারণে উট-পক্ষী শিকার করিবার জন্ত নানা প্রকার কৌশল ব্যবহৃত হয়। লিবিয়া দেশে সর্কাপেক্স আশ্চর্য্য-

রূপে উট-পক্ষী শিকার করা হয়। একজন লোক ধনুর্কাণ সঙ্গে লইয়া একটি মৃত উট-পক্ষীর চর্মে সমস্ত শরীর আবৃত করে। গলার চামড়ার মধ্যে এক হাত দিয়া ঠিক উটপক্ষী যেমন ঘাড় উচু করিয়া যায় ইহারাও সেইরূপ যায়। ঠিক উট-পক্ষীর ন্যায় চলিয়া বেড়ায়; কখন ঘাড় নিচু করে, কখন বা গলা টান করিয়া মুখ উচু করে, আবার কখন বা ছট্-ফট্ করিয়া পাখা নাড়ে। এই প্রকার বেড়াইতে বেড়াইতে উট-পক্ষীর দলে মিশে। উট-পক্ষীরা প্রভারণা বুঝিতে পারে না। শিকারী যখন কোন পাখীর অতি নিকটে উপস্থিত হয় তখন তাহার প্রতি তীর নিক্ষেপ করে। পাখী চীৎকার করিতে করিতে পড়িয়া যায়; শিকারী কিন্তু আবার উট-পক্ষীর ন্যায় ঘুরিয়া বেড়ায়। এই প্রকার একে একে সমুদায় পাখী বধ করে।

মরক্কো দেশে শিকারীরা ঘোড়ায় চড়িয়া শিকার করে। শিকারীরা এক দল উট-পক্ষীর পিছু পিছু ঘোড়া চালায়। এবং আর এক দল উটপক্ষীরা যে দিক দিয়া যাইবে সেই পথে লুকাইয়া থাকে। উটপক্ষীরা বৃত্তাকারে দৌড়ায় শিকারীরা ইহা জানিয়াই পূর্বোক্ত ভাবে দুই দল দুই স্থানে থাকে। শেষোক্ত দলের নিকট উট-পক্ষীরা উপস্থিত হইলেই শিকারীরা তীরের দ্বারা এই পক্ষীদিগকে বিনাশ করে। কোন কোন স্থানে উট-পক্ষীরা যেখানে জল খাইতে যায় সেই স্থানে শিকারীরা লুকাইয়া থাকে; সেই পক্ষীরা জল খাইতে আসে আর অমনি শিকারীরা তীর দিয়া এই নিরপরাধী পক্ষীদিগকে বধ করে। আবার কোন কোন স্থানে শিকারীরা উট-পক্ষীরা যেখানে ডিম পাড়ে সেই স্থানে গিয়া ডিমগুলি সরাইয়া নিজেরা বাণীর নীচে

নীতি কথা ।

লুকাইয়া থাকে। কেবল মাত্র চক্ষু দুইটা বাহিরে রাখে। যেমন পক্ষীগুলি ডিমে তা দিতে আসে আর অমনি তাহাদিগকে বধ করে। এইরূপ নানাবিধ উপায়ে ইহাদিগের বংশ ধ্বংস করা হইতেছে।

কোন কোন জাতি এই পক্ষীর ডিম খায়। মাংস পর্যন্তও বাদ যায় না। পূর্বকালে রোমনগরে এই পক্ষীর মাংসের বড় আদর ছিল। শুনা গিয়াছে এক রাজা একদিন এক মহোৎসবের জন্ত ৬০০ এই নির্দোষী পক্ষীর প্রাণবধ করাইয়াছিলেন।

সর্কাপেক্স আশ্চর্য্য এই যে আফ্রিকায় এক্ষণে কলে উট-পক্ষীর ডিমে তা দেওয়া হয়। কলে যে সমুদায় ছানা হয় তাহারা বেশ সবল এবং সুস্থ হয়, তাহাদিগকে অতি যত্নে পালন করিতে হয়। মাতার নিকট থাকিলে তাহারা যে ভাবে বাস করে, তাহাদিগকে ঠিক সেই ভাবে রাখা হয়।

পূর্বে উট-পক্ষীর পৃষ্ঠে মানুষ বেড়াইত। রোমের মহিলারা গৃহ-পালিত উট-পক্ষীর পৃষ্ঠে চড়িয়া হাওয়া খাইয়া বেড়াইতেন। এখনও কোন কোন স্থানে ইহার উপর মানুষ চড়িয়া বেড়ায়। ইহা দ্বারা কোন কোন স্থানে গাড়ীও টানা হয়।

উট-পক্ষী প্রায়ই ধবল রঙ্গের দেখিতে পাওয়া যায়। দুই তিন প্রকারের উটপক্ষী দেখিতে পাওয়া যায়। এক এক জাতি এক এক প্রকার রঙ্গের হয়।

১। একখণ্ড লৌহ ফেলিয়া রাখিলে মরিচা ধরিয়া তাহা নষ্ট হইয়া থাকে; কিন্তু ব্যবহার করিলে তাহার উজ্জলতা বৃদ্ধি হয়। দেখ, ব্যবহৃত চাবিগুলি কেমন পরিষ্কার। সেইরূপ পরিশ্রম অপেক্ষা আলস্য মনুষ্যের শরীরকে অধিক বিকৃত ও অকর্মণ্য করে।

২। পরিশ্রম সৌভাগ্যের দ্বার-স্বরূপ। দরিদ্রতা আলস্যের চির-সহচর।

৩। বর্তমান কালে যে কাজ করা যাইতে পারে ভবিষ্যতে করিব বলিয়া তাহা ফেলিয়া রাখিও না। কেননা বর্তমান তোমার আয়ত্ব-ধীন, কিন্তু ভবিষ্যতের উপর কি কখন নির্ভর করিতে পার? “করিবার যাহা, আশু কর তাহা, বিলম্ব উচিত নয়।”

৪। ঘষিতে ঘষিতে প্রস্তরও ক্ষয় হয়। কোন কার্য একবারে সম্পন্ন করিতে না পারিলে ভগ্নোৎসাহ হইও না; পুনঃ পুনঃ চেষ্টা করিলে নিশ্চয়ই কৃতকার্য হইবে।

৫। ইচ্ছা থাকিলে উপায়ের অভাব হয় না। ইচ্ছা হইতে প্রতি জন্মে এবং প্রতিজ্ঞা দৃঢ় হইলে কার্য-সিদ্ধি নিশ্চিত।

৬। একটা সংস্কৃত শ্লোকে কথিত আছে, হস্তী দেখিলে সহস্র হস্ত দূরে, ঘোটক দেখিলে শতহস্ত দূরে, এবং শৃঙ্গবিশিষ্ট জীবদিগ হইতে দশ হস্ত দূরে সরিয়া দাঁড়াইবে; কিন্তু হর্জনদিগের সহিত দেখা হইলে সেস্থান পরিত্যাগ করাই শ্রেয়। কুসংসর্গ যে উন্নতির ভয়ানক প্রতিবন্ধক তাহা কে অস্বীকার করিবে?

৭। তুমি কিরূপ লোকের সহিত বাস করিয়া থাকি জানিতে পারিলে তোমার স্বভাব কিরূপ আমি বলিতে পারি। সংসর্গ দোষে কত সাধু-ব্যক্তির স্বভাব বিকৃত হইয়াছে কে গণনা করিবে ?

৮। ছাত্রদিগের অধ্যয়নই তপস্যা, পূর্বকালে মুনি ঋষিরা যেরূপ একাগ্র চিত্তে সর্ব প্রকার বিলাসের ভাব দূর করিয়া ধর্ম সাধন করিতেন, অধ্যয়নকালে ছাত্রদিগের সেইরূপ একাগ্র ও সুখস্পৃহাশূন্য হওয়া আবশ্যিক। কবি বলেন “কাঁটা হেরি ক্ষান্ত কেন কমল তুলিতে, ছুঃখ বিনা সুখ লাভ হয় কি মহীতে ?”

৯। শারীরিক সুস্থতার জন্ত যেরূপ যত্ন করিয়া থাক, মানসিক সুস্থতার প্রতিও সেই-রূপ দৃষ্টি রাখিতে হইবে। ক্রোধ, হিংসা, প্রভৃতি মনের ব্যাধি-স্বরূপ। এতদ্বারা বিকৃত হইলে, মনের ধারণাশক্তি হ্রাস হয় এবং বিদ্যোপার্জনের পক্ষে ভয়ানক প্রতিবন্ধক জন্মায়।

১০। শুধু বিদ্যালভ করিলে প্রকৃত মনুষ্যত্ব জন্মে না। স্বভাব বিকৃত হওয়া চাই। দুর্জন বিদ্যালঙ্কৃত হইলেও ঘণার পাত্র। মণিবিশিষ্ট সর্প কিংবদন্তি হইবে ?



সততা ।

আমাদের দেশের অন্ধদের জীবন ভিক্ষার উপরই নির্ভর করে; কিন্তু বিলাতে অন্ধ ব্যক্তি-দের অবস্থা অন্যরূপ, তাহারা লেখা পড়া শিখিয়া বা অন্য কোন প্রকার কাজ কর্ম করিয়া জীবিকা

নির্বাহ করে ইহা পূর্বেই বলিয়াছি। একটা অন্ধ বালিকার সততা সম্বন্ধে একটা গল্প বলি।

বিলাতে সময়ে সময়ে ভয়ানক কুয়াশা হয় এবং এইজন্ত দিন রাত্রির মত হয়। দিনে বাতি না জ্বলাইলে কিছুই দেখা যায় না। যে সময়ে দিনের বেলায় শ্রমজীবীদের বাতি জ্বলাইয়া কাজ কর্ম করিতে হয় সেই সময়ে কোর্ন কোর্ন জিনিসের দর চড়িয়া যায়। বাতি জ্বলাইতে যে অতিরিক্ত খরচ হয় তাহা পোষাইবার জন্তই চড়া দরে জিনিস বিক্রী করিতে হয়। একবার এইরূপ কুয়াশার সময়ে একটা অন্ধ বালিকা বুড়ি বুনাইয়া জীবিকা নির্বাহ করিত। অন্ধের দিন রাত্রি সবই সমান। কুয়াশার জন্ত তাহার বাতি ক্রয় করিতে হয় নাই এবং কাজে কাজেই অতিরিক্ত খরচও কিছুই হয় নাই।

কুয়াশার জন্য তখন বিলাতে বুড়ীর দর চড়িয়া গিয়াছে। চড়া দরে বুড়ী বিক্রী করিয়া যে অতিরিক্ত লাভ হইয়াছিল তাহা এই অন্ধ বালিকাটী এক ধর্ম প্রচারকের নিকট লইয়া উপস্থিত হইল। বলিল “এ অতিরিক্ত লাভ আমার প্রাপ্য নহে; কারণ কুয়াশার জন্ত আমার বাতি জ্বলাইতে হয় নাই। এ অতিরিক্ত লাভ পরের কল্যাণ সাধনার্থ ব্যয়িত হওয়া উচিত।” এই রূপ যাহার সততা তিনিই ধন্য।

গরিব হইয়াও যদি সাধু হওয়া যায় তাহা হইলে লোকের নিকট গণ্য মাণ্য হওয়া যায়। সকলেরই সং হইবার জন্য সর্বপ্রথম চেষ্টা করা সর্বাগ্রে কর্তব্য। সকলের জীবনে দুইটা উদ্দেশ্য থাকা উচিত; প্রথম উদ্দেশ্য লেখা পড়া শিখিয়া জ্ঞান বৃদ্ধি করা, দ্বিতীয় উদ্দেশ্য সং পথে থাকিয়া সাধুভাবে জীবিকা নির্বাহের জন্য চেষ্টা করা।

সেপ্টেম্বর মাসের ঝাঁধার উত্তর।

১। টেলিগ্রাফ।

২। ১ম পুত্র ৯টা; ২য় পুত্র ৬টা এবং ৩য় পুত্র ২টা ঘোড়া পাইবে।



ডিসেম্বর, ১৮৮৫।

শিশুর হাসি ।

(১)

হাসরে আবার ছেলে হাস একবার,
হাসি মুখখানি তোর বড় ভালবাসি;
ফেলিয়া ঘরের কাজ তাই বার বার,
দেখিবারে আসি তোর আছাদের হাসি।

(২)

অমল বদনে ছুটি কমল নয়ন
আনন্দে যখন আহা করে চল চল;
নিরখি সে শোভা হয় পুলকিত মন,
আছাদে ফুটিয়া উঠে হৃদয় কমল।

(৩)

মধুর অধরে মিষ্ট আধ আধ স্বরে
কি বল তখন, কিছু বুঝিতে না পারি;
কিন্তু সেই স্বধা রব হৃদয় ভিতরে
ঢালি দেয় শত ধারে যেন শান্তি বারি।

(৪)

ধরিয়া তোমায় বক্ষে পরম যতনে
জাগিয়া পোহাই নিশা রোগের সময়;
অনাহারে থাকি কভু অন্নান বদনে,
তোমা লাগি মার প্রাণে সব ছুঃখ সয়।

(৫)

কিষ্কা তোর হাসি মাখা চাঁদ মুখখানি
না হেরিলে ভয়ে প্রাণ করে রে ক্রন্দন;
না শুনিলে একদিন ও মুখের বাণী,
অন্ধকার জ্ঞান হয় সকল ভুবন।

(৬)

হাসি হাসি কর খেলা শুইয়া শুইয়া,
কও কথা মূছ মূছ পাখীর মতন;
আদরে ও মুখ খানি চুষন করিয়া
স্নেহ ভরে বার বার দিই আলিঙ্গন।

(৭)

কোথাকার হাসি এই, কি ভাবের ভাষা
না জানি ভিতরে তোর আছে কোন জন!
যত দেখি শুনি তত বাড়ে যে পিপাসা,
এ নয় অস্তুর খেলা খেলে নিরঞ্জন।



ফুল।



খন রাত্রি ভোর হয়, পাখীগুলি বাগানে কেমন সুন্দর গান গাহিতে থাকে; এই সময়ে আমার ঘুম ভাঙ্গে ভাঙ্গে অথচ ভাঙ্গে না, কিন্তু বেশ বুঝিতে পারি যে সরোদিদি আর পিসীমা বিছানা ছাড়িয়া চলিয়া যান। একটু পরে আমিও উঠি; সরোদিদিকে খুঁজিতে খুঁজিতে দেখি যে, সে আর পিসীমা ফুলের বাগানে সাজি ভরিয়া ফুল তুলিতেছে। আমি সরোদিদির আঁচল ধরিয়া পিছু পিছু যাই আর নিচুতে যে সকল ফুল ফুটে, তার হু একটা দৌড়িয়া তুলি।

কিন্তু প্রত্যহ দেখি যে পিসীমা ফুলগুলি এক-খানি পরিষ্কার তামার বাসনে রাখেন; এবং ঐ গুলি দিয়া গভীর ভাবে শিবপূজা করেন। আর সরোদিদি ফুলগুলি পিসীমার হাতে হস্তান্তর করিয়া পিসীমার পায়ের কাছে রাখেন।

আমি অনেক বড় ভয়িরাছি একই ফুল দুই-বারে বাসনে রাখেন? আমার ভাবিয়া কিছু ভয় করিতে না পারিয়া একদিন পিসীমার কান্নাকাতি করলাম “তুমি ফুলগুলি পিসীমার হাতে রাখ কেন? এত বড় ফুলগুলি বাসনে রাখেন? শোভা হয়; আর না হয় আমাদের দিও আমরা ছই ভাই বোন মালা গাঁথিয়া গলায় পরিবা।”

পিসীমা প্রথমে হাসিয়া বলিলেন “বাছা বড় হও, বুঝবে ফুল কি জিনিস।” এই বলিয়া একটা গোলাপফুল হাতে ধরিলেন এবং তাহার দিকে চাহিয়া চাহিয়া যখন তাঁহার চক্ষু হইতে জল পড়িতে লাগিল তখন “ভগবান, তুমিই ধন্য” বলিয়া সেই তামার বাসনে অতি ধীরে ফুলটা রাখিলেন। আমি ভাবিলাম একি! ফুল দেখিয়া পিসীমা কান্দিলেন কেন?

যাহা হউক আমি তখনই সরোদিদির নিকট যাইলাম; যাইয়া দেখি সে কি একখানা বই পড়িতেছে আর ফুলের মালা হাতে ধরিয়া এক দৃষ্টে দেখিতেছে। আমি অবাক হইলাম, ভাবিলাম ফুল কি এমনই পদার্থ যে পিসীমা দেখিতে দেখিতে কান্দিয়া ফেলিলেন আবার সরোদিদিও ফুল দেখিয়া এমনি অশ্রুমনস্ক হইয়াছে যে আমি ঘরে ঢুকিয়াছি তাহা টেরও পেলেন না! করি কি, সরোদিদি বলিয়া ডাকিলাম। ডাকিবা মাত্র সে এমন ভাবে আমার দিকে চাহিল যেন সে ভয়ানক স্বপ্ন দেখিতেছিল। আমি ঐ ফুলের কথা তাহাকে জিজ্ঞাসা করিলাম, আর পিসীমাকে জিজ্ঞাসা করিতে তিনি যাহা বলিয়াছেন তাহাও বলিলাম। সরোদিদি যে বই খানা পড়িতেছিল তাহার পাতা খুঁজিয়া এই কথা কয়টি পড়িল।

“কিস্তরে কুসুম! অর্ঘ্যস্বতগণে

দিয়াছে তোমারে দেবতা চরণে,

ঠিক ব্যবহার, সেই রে তোমার

সেই রে সদগতি ভাবি মনে মনে;

এমন পবিত্র এমন কোমল

দেবপদ ভিন্ন কোথা যাবে বল?

তোমার মহিমা মানব জানেনা

তব গুণগ্রাহী সধু দেবগণে।”

আর বলিল “দেখ বিজয় আমি স্কুলে এই বইখানি পড়ি। আজ এই কয়টি কথা যখন পড়িলাম, তখন ভাবিলাম হায়! আমাদের চক্ষু নাই। প্রত্যহ ফুল বাগানে ঘুরিয়া বেড়াই, কত ফুল তুলি, মালা গাঁথি, গলায় পরি, তব ফুলের জন্ম কেন তাহা বুঝিলাম না।” এই বলিয়া সে চুপ করিয়া রহিল আর ফুলের মালা এক দৃষ্টে দেখিতে লাগিল।

আমি সরোদিদির ঐ কথা কয়টি মুখস্থ করিয়া রাখিয়াছি। যখনই ফুল বাগানে যাই তখনই ঐ কথা কয়টির অর্থ বুঝিবার জন্য চেষ্টা করি। অনেক দিনস চিন্তা করিয়া এখন বেশ বুঝিয়াছি যে পিসীমার কান্দিবার কারণ আছে। আমি যত জিনিস দেখিয়াছি, তাহার মধ্যে ফুলই সর্বাপেক্ষ সুন্দর। ফুল কাহারও আদর চায় না। সে আপনমনে ফুটে আবার আপনি শুকাইয়া যায়। ফুল দেখিলে চোখের তৃপ্তি হয়, তাহার সঙ্গে সঙ্গে মনেরও তৃপ্তি হয়। ফুলের জন্ম মালার জন্ত নহে, সরোদিদির খোঁপার জন্তও নহে। ফুল কোথায় না আছে? সকল দেশে সকল সময় ফুল দেখিতে পাওয়া যায়। এমন সুন্দর জিনিস যিনি সৃষ্টি করিয়াছেন, তিনি যে সর্বত্র ইহা ছড়াইয়া রাখিয়াছেন, তাহার অবশ্য কোন বিশেষ কারণ আছে। সে কারণটি যখনি ভাবি তখনই পিসীমার চোখের জল আর সরোদিদির সেই কেমন এক ভাব মনে পড়ে আর ভাবি যিনি সরোদিদির বইতে এমন সুন্দর কথা কয়টি লিখিয়াছেন তিনি আমাদের পূজনীয়, তিনি আমাদের শিক্ষা-কর্তা। আমি যখনই ফুলের নিকট যাই তখনই যেন সে আমাকে হাসিয়া হাসিয়া বলে “বিজয়, দেখ আমি কেমন সুন্দর, আমাকে যিনি সৃষ্টি করিয়াছেন তিনি কত সুন্দর তাহা-

সহজেই বুঝিতে পার। আবার দেখ তাঁহার কেমন দয়া, তিনি তোমাদের তৃপ্তির জন্ত এমন সুন্দর জিনিসকে পৃথিবীর সর্বত্র রাখিয়াছেন। অতএব তাঁহাকে কখন ভুল'না।”



“মা তো তবে মরিয়া যায়?”

প্রতিভার বয়স ১০ বৎসর। সে স্কুলের মধ্যে একটা ভাল মেয়ে, পড়া গুনায় তার মত আর একটাও নাই বলিলে হয়। দেখিতে বড়ই সুন্দর—যে তাহাকে এক দিন স্কুল থেকে আসতে দেখে সেই অবাক হয়ে খানিক ক্ষণ চেয়ে থাকে। এমন শাস্ত মূর্তি, এমন হাসি হাসি মুখখানি, এমন সুগোল চক্ষু দুটা, ক্লাশের অচ্ছ মেয়েদের আর কাহারও নাই। সকল মেয়েদের সঙ্গে কেমন ভাল-বাসা! চমৎকার! দেখিতেও যেমন স্বর্গের দেব-ভ্রাতাদের মেয়ের মত, গুণেও তেমনি। গ্রামের মধ্যে প্রতিভার নাম চারিদিক ছড়িয়ে পড়েছে, এমন রত্ন আর কোথা নাই! আহা! ধনু তার মা, যার ভাগ্যে এমন মেয়ে পরমেশ্বর দিয়াছেন। তাহারই মুখ চেয়ে বিধবা পতির শোক ভুলিয়া আছেন।

কাহারও সুখ্যাতি করা বড় সুখের কাজ। কিন্তু নিতান্ত দুর্ভাগ্যে সে যে কাহারও দোষের কথা প্রকাশ করে। সত্যের জন্ত কিন্তু আমরা

আজ এক দিকে যেমন প্রতিভার গুণ গুলির প্রশংসা করিলাম, যদি তেমনি আবার তাহার যে একটি ভয়ানক দোষ ছিল সেটা না বলিতা হলেত দিক উচাই হয় না। তাই বলিতে হইল। অল্প বয়সে পিতা মরিয়া যাওয়ায় প্রতিভা মার বড়ই আদরের সমিগ্রী হইয়াছিল। এজন্ত মা তাহাকে একেবারে নিজের প্রাণের অপেক্ষাও অধিক চাওয়া হইয়াছিল। জোর উঠিয়া আগে খাবার পড়াইয়া তাহাকে উঠাইতেন। মুখ হাত ধুইয়া জল বাপড় পরাইয়া বাড়ীর পাশের বাগানিতে বসিয়া তাহাকে আপনি খাবার খাওয়াইতেন। তার পর পণ্ডিত মহাশয় পড়াইতে আসিলে তাহাকে পড়িতে পাঠাইয়া দিয়া ভাত খাওয়ারের আয়োজন করিতেন। পড়া শুনে আপনি খাওয়াইয়া ধুয়াইয়া স্কুলে পাঠাইয়া দিতেন। ও কতক্ষণ দেখা যাইত বাড়ীর ছাত্তর আঁচড় দিকে চাহিয়া থাকিতেন। তারপর দ্বিতীয় কক্ষের দিকিয়া ও আপনি আহার করিয়া ছুটা হইবার সময় আবার ছাতে বসিয়া কখন কখন কখন কখন আসিবে সেই অপেক্ষা করিতেন। বা কোথায় না ছেলে মেয়েকে ভাল মানে—কিন্তু প্রতিভার মা তাকে যে কি চক্ষে দেখিতেন সে বলা যায় না, সে আর কেহ বুঝিতেই পারে না। এমনি আমাদের বলিয়া প্রতিভাকে কেহ কখন কোথাও আসে স্থিরস্বার করিতে পাইত না। পড়া ওনা উঠন ইত বলিয়া বিদ্যালয়েও কখন শান্তি পাইতে হইত না। এজন্ত সে কিছু বেশী প্রাণে হইয়া পড়িয়াছিল। যা ধরিত তা চাই হইত, না হইলে কাহারও নিস্তার নাই। মুখ হাত ধুইয়া বসিয়া, বলিলেও শুনিবে না,—ভয়ানক আঁচড়! এজন্ত মাকে বড়ই কষ্ট পাইতে হইত। মাকে মধো বাগে এমনি অজ্ঞান হইয়া

যাইত যে মাকে মারিয়া আঁচড়াইয়া কামড়াইয়া রক্তপাতই করিয়া দিত। মুঠা বরিয়া মাথার চুল ছিঁড়িয়া দিত। তবুও মা কিছু বলিতেন না। যা চাহিত, দিতেন আর নিজেই কাঁদিতেন। তাঁহাকে শাসন করিতে বলিলে বলিতেন “জ্ঞান হইলেই ভাল হইয়া যাইবে। যদি রাঁচিয়া থাকে, তবে চির দিন ওরূপ বুদ্ধি থাকিবে না।” কি আশ্চর্য! যে মেয়ে অল্প সময়ে এমন মধুময় কথা বলে, এমন চমৎকার পড়া করে, সমবয়স্ক বালিকাদের সঙ্গে এমন ভালবাসা যার, সেই আবার বাড়ীতে এমন! এদিকে মা না হলে যার এক দণ্ড চলে না, মার হাতে না হলে যার খাওয়াই হয় না, মা ভাত মেখে দিবেন, মাছ বাছিয়া দিবেন, কোলে করিয়া ঘুম পাড়াইবেন,—এ না হইলে যার এক দিন চলে না, সেই সোণার পুতুলই আবার রাগ হলে যেন আর একজন! যেন ঘাড়ে কি ভূত চাপে! আশ্চর্য!

উপরে যে দোষের কথা বলা হইল, তাহাই যথেষ্ট। এক কলসী ছুখে এক ফোঁটা দৈ পড়িলেই সব ছুধ নষ্ট হইয়া যায়। আমাদের পাঠক পাঠিকাগণ সকলেই প্রতিভার প্রতি বিরক্ত ও তাহার চরিত্রের জন্ত খুব দুঃখিত হইতেছেন, সন্দেহ নাই। কিন্তু বেচারী কি করিবে? অনেক দিনের অভ্যাস যায় না; আর যাবার জন্ত মাও কোন বিশেষ চেষ্টা করেন না। তার মনে হইত মাকে ঐ রকম করিয়াই ব্যবহার করা উচিত। অত্যায়ে প্রেম! আশ্চর্য্য কু-বুদ্ধি!!

সে দিন এক ঘটনা হইয়া গিয়াছে। না বলিয়া থাকিতে পারিলাম না। স্কুলের ছুটির পর বিমলাদের বাড়ীতে যাবার কথা আছে। মাকেও বলিয়া আসিয়াছে। স্কুলের ছুটি হইলে বিমলা প্রতিভার গলাটা জড়াইয়া মনের আনন্দে



আপনাদের বাড়ীর দিকে চলিয়াছে। পথে যে মেয়ের সঙ্গেই দেখা হয় সেই আসিয়া প্রতিভার সোণার হাত ধরিয়া এক গাল হাসিয়া বলে “কি ভাই! আজ যে আমাদের পাড়ায়?” প্রতিভাও মধুর হাসি হাসিয়া উত্তর করে—“আজ ভাই! বিমলার মা যেতে বলেছেন, তাই তাঁর সঙ্গে দেখা করতে যাব।”

বিমলাদের বাড়ী বড় দূরে নয়। সন্ধ্যার অনেক পূর্বে সেখানে পৌঁছিল। বিমলার মা প্রতিভাকে দেখিয়া বড়ই আনন্দিত হইলেন। কতক্ষণ কোলে করিয়া ঘন ঘন মুখে চুষন করিতে লাগিলেন ও পড়ার কথা ও মার কথা সব জিজ্ঞাসা করিতে লাগিলেন। প্রতিভাও স্বাভাবিক নম্র মধুর ভাবে সমস্ত কথার উত্তর দিল। তার পর তিনি ছজনকে গা হাত পা ও মুখ ধোয়াইয়া এবং মুছাইয়া দিয়া খাবার দিলেন। খাওয়া হইলে সন্ধ্যার পূর্বে ছজনকে সঙ্গে লইয়া তাহাদের

বাড়ীর নিকট বেড়াইতে গেলেন। বাগানের এক পার্শ্বে একটা ভাঙ্গা কুড়ে ঘর। সেই ঘর হইতে কে যেন কান্নার মত স্বরে গান করিতেছে। প্রতিভা জিজ্ঞাসা করিল “ওখানে কে, খুড়ীমা?” খুড়ীমা বলিলেন “ও একটা পাগল মেয়ে।” তখন প্রতিভার তাহাকে দেখিতে বড় ইচ্ছা হইল। তিন জনেই আস্তে আস্তে কুটারের দ্বারে উপস্থিত হইলেন। দেখিতে পাইয়াই পুণ্ডলী বলিয়া উঠিল “কে ও? মা আসছে? এস এস। আমার মা এস। একি? এক—তিন? তিন মা? এক হারিয়ে তিন পেলাম? ইঁগা? তোমরা কি আমার মা গা? সত্যি করে বল, তিন জন কি মা? তিন জনই?—কে, না, না। আমার মা তোমাদের মত নয়। তাঁর চেহারা কি ও রকম? আমি সন্ধ্যাবেলা চিন্তে পারি নি। আমার মা স্বর্গের মা।

আহা! মা গো! মা!

ওগো আমার মা!

কোথায় তুমি মা?
আমি যাব মা! —

বিমলা ও তাহার মা জানতেন, তাঁদের কাছে পুরাতন কথা, কতবার তারা কেবল চেয়ে রইলেন আর শুনেলেন। প্রতিভা আর কখন এ রকম দেখে নাই, শুনেও নাই। সে অবাক হইয়া চাহিয়া রহিল, তাহার গাঙ্গ কটা দিল, সে কাঁদিতে

পাগলী তার পায়ের মেজেতে শুইয়া পড়িল। “এই পানে না আমার গুয়ে থাকতেন! আচ্ছা! এ যে আমার গাঙ্গ অটালিকা। ঠাকুরগণ গো! তোমরা কি এমন বাড়ীতে কখন থাকতে পাও? হ্যাঁ! তা আর হ্যাঁ না। তোমাদের কি আমার মত মা আছে? এমন বিচ্ছেদ? হ্যাঁ! হ্যাঁ!

আমার মা কোথা আছেন
আমার মা কোথা আছেন
আমার মা কোথা গেলেন
আমার মাকে নে যাবেন।”

জন্মে মরণ হয়ে এল। পাগলীর অবস্থা দেখে প্রতিভার প্রাণ গাঙ্গিয়া গেল। তাহার চক্ষু ছুটির সঙ্গে গাল ভাঙিয়া গেল। গাল বহিয়া গড়াইয়া চক্ষু জল বৃষ্টিতে লাগিল। সে দিকে দিকে নাই। কেবলই পাগলীর গুফ আলুথালু থা নাথা দিল, পাগলী ছাইএর মত ক্ষীণ শরীর, পরিচায়ক কটা হেঁড়ী নেকড়া খানি,— এ সব দেখিতে কালিকা নিমগ্ন। খুড়ীমা ডাকিলেন: “চক্ষু মুছিয়া প্রতিভা চুপ্‌চুপ করিয়া গাঙ্গ চালায়। পথে যাইতে যাইতে পাগলীর কথা মনে বসিত লাগিলেন। কেমন যে মারের বড় আড়ম্বর হয়েছিল, কেমন তাহার মাকে ভাগ দাসিত, তার পর জর হইয়া মা গিয়া গেল, আর সে অবধি মেয়েটা পাগল

হইয়া গিয়াছে। পাড়ার লোক দয়া করিয়া কিছু কিছু খাবার দিয়া যায়। তাই ইচ্ছা হইলে একটু খায়। আর দিন রাত পড়িয়া কাঁদে আর “মা মা” করে।

একটাও কথা না কহিয়া প্রতিভা সমস্ত গুনিল। “মা তো তবে মরিয়া যায়?” তাহার মনে হইল। রাত্রে বাড়ী আসিল। মা কোলে করিলেন, কোলের ভিতর মাথা লুকাইল, প্রায় অর্ধেক রাত অবধি ফুঁপিয়া ফুঁপিয়া খুব কাঁদিল। মা কত কথা জিজ্ঞাসা করিলেন, কত বুঝাইলেন; কোন ফল হইল না। কাঁদিয়া কাঁদিয়া অবসন্ন হইয়া ঘুমাইয়া পড়িল। তার পর দিন থেকে প্রতিভা ২।১ দিন অবধি মার মুখ পানে তাকাইতে পারিত না, স্কুলে যাইত না, কেবলই কাঁদিত। শেষে সমস্ত কথা বলিয়া ফেলিল। আর কখন মার মনে কষ্ট দেয় নাই। পাগলীকে দেখিয়া পাগলীর অবস্থা হইতে কেমন শিক্ষা পাইল। এখন প্রতিভা সোণার প্রতিমা, সকল প্রকারেই স্বর্গের দেবী।



প্রকৃত বন্ধু।



ন, এক ধনী

সওদাগরের একটা মাত্র পুত্র ছিল; তাহাকে তিনি প্রাণের সহিত ভাল বাসিতেন এবং ছেলেবেলা হইতেই তাহার শিক্ষার জন্ত বিশেষ যত্ন লইতেন।

পিতার আন্তরিক ভালবাসা এবং যত্ন সত্ত্বেও পুত্রের পড়া শুন্যর দিকে মন আকৃষ্ট হইল না; সংপথে থাকিয়া জ্ঞান উপার্জনের দিকে মতি হইল না। বয়স বৃদ্ধির সঙ্গে সঙ্গে নানা প্রকারের বদ লোক বন্ধু বলিয়া পরিচিত হইতে লাগিল। পিতা এই সমুদয় দেখিয়া গুনিয়া মনে বড়ই কষ্ট পাইলেন এবং এক দিন পুত্রকে ডাকিয়া বলিলেন:—“এই সংসারে প্রকৃত বন্ধু বড়ই ছলভ; প্রকৃত বন্ধুর অভাবে সুখী হওয়া যায় না। এই যে এত টাকা কড়ি দেখিতেছ, যদি তুমি মিতব্যয়ী না হও তাহা হইলে উহা সমস্তই উড়িয়া যাইবে; এবং টাকা কড়ির দ্বারা যত সুখ পাইতেছ সমুদয়ই ফুরাইবে। কিন্তু তুমি যদি প্রকৃত বন্ধু পাও তাহা হইলে চিরকালই তাহার সঙ্গে সুখে থাকিবে। টাকা কড়ি, ধন সম্পত্তি সমস্তই ব্যবহার দোষে তোমা হইতে বিচ্ছেদ হইতে পারে, কিন্তু তোমার প্রকৃত বন্ধু চিরকালই তোমার বন্ধু থাকিবেন; সম্পদে, বিপদে সকল সময়েই তোমার দক্ষিণ হস্ত স্বরূপ হইয়া কার্য করিবেন। অতএব তুমি সংসারে প্রবেশ করিবার পূর্বে এক জন

প্রকৃত বন্ধু খুঁজিয়া লও। গৃহে বসিয়া এ কার্যে কৃতকার্য হইতে পারিবে না; এই জন্য তোমাকে বলি যে পৃথিবীর সর্বত্রই ভ্রমণ করিয়া নানা দেশীয় লোক জনের সহিত আলাপ পরিচয় কর। যত তোমার বহুবিধ লোকের সহিত আলাপ পরিচয় হইবে ততই তোমার জ্ঞান অধিক হইবে এবং তুমি অনায়াসেই অনেক লোকের মধ্যে একজন প্রকৃত বন্ধু খুঁজিয়া লইতে পারিবে। আমার ইচ্ছা যে তুমি আমার এই উপদেশ শুন এবং এখনই কার্যে প্রবৃত্ত হও।”

পুত্র পিতাকে প্রণাম করিয়া গৃহ হইতে বাহির হইল; এবং কয়েক ঘণ্টা পরেই ফিরিয়া আসিল। পুত্রকে এত শীঘ্রই ফিরিয়া আসিতে দেখিয়া পিতা বলিলেন “তুমি যে এত শীঘ্র ফিরিয়া আসিবে আমি তাহা কখন স্বপ্নেও ভাবি নাই।” পুত্র নম্রভাবে উত্তর করিল “আপনি আমাকে একটা প্রকৃত বন্ধু খুঁজিয়া লইবার আদেশ করিয়াছেন, কিন্তু আমি যখন এত অল্প সময়ের মধ্যেই ৫০ পঞ্চাশ জন বন্ধু পাইয়াছি তখন দেশ দেশান্তরে আর এইবার দরকার কি?”

পিতা কিছু আশ্চর্য্যান্বিত হইয়া বলিলেন “যাহাদিগকে তুমি বন্ধু বলিয়া মনে করিতেছ তাহারা কখনই প্রকৃত বন্ধু নহে; মাতালেরা বোতলে যতক্ষণ মদ থাকে ততক্ষণ বোতলের কত প্রশংসা করে এবং যেই মদ নিঃশেষিত হয় আর অমনি বোতলটা মাটিতে ফেলিয়া দেয়। ইহা তুমি বোধ হয় নিজেই দেখিয়াছ। যতক্ষণ তোমার টাকা কড়ি থাকিবে ততক্ষণ অনেকেই তোমার প্রকৃত বন্ধু বলিয়া পরিচয় দিবে। যাহাদিগকে তুমি প্রকৃত বন্ধু বলিতেছ তাহাদিগকে কি পরীক্ষা করিয়া দেখিয়াছ?” পুত্র

পিতার এই কথাগুলি শুনিয়া কিছু হুঃখিত হইয়া বলিল “আপনি কেন সন্দেহ করিতেছেন? আমি যাহাদিগকে বন্ধু বলিতেছি তাঁহারা আমার মঙ্গলের সময়ে যেমন ব্যবহার করিবেন, তাহাদের সময়েও ঠিক সেইরূপ আচরণ করিবেন, আপনি ইহা স্থির নিশ্চয় জানিবেন।”

পিতা বলিলেন :—“আমার ৬০ বৎসর উত্তীর্ণ হইয়াছে। আজ সন্ধ্যা কাল মরিতে হইবে; প্রকৃত বন্ধু পাইবার জন্ত অনেক চেষ্টা করিয়াছি, কিন্তু মনের মত প্রকৃত বন্ধু মিলিল না। তুমি এত অল্প বয়সেই কেমন করিয়া বলিতেছে যে পঞ্চাশ বৎসর বন্ধু পাইয়াছ তাহা বুঝি না। প্রকৃত বন্ধু কী রূপ করিয়া পরীক্ষা করিতে হয় তাহার একটি উপায় আমি বাসিতেছি।” এই বলিয়া তিনি একটি ভেড়া মারিয়া তাহার অধিকাংশ রক্ত তাহার পুত্রের হাতপড় চাদরের উপর ছিটাইয়া দিলেন। মৃত ভেড়াটি একটি বড় খলেয় পুরিয়া পুত্রের হাতে চাপাইয়া দিলেন; এবং এইরূপ অবস্থায় বন্ধুদের বাটীতে গিয়া কি কি করিতে হইবে তাহাও বলিয়া দিলেন। পুত্র এইরূপ অবস্থায় আসিয়া হুই বহুরে পুত্রের তাহার সর্বপ্রধান বন্ধুর বাটীতে এই বাটী উপস্থিত। বাটীর দরজায় গিয়া বন্ধুর সান্নিধ্য ডাকামাত্র বন্ধু শশব্যস্তে আসিয়া আসিয়া বন্ধুকে দেখিয়া বলিলেন “আমাদের পারিবারিক সুহিতু অমুকের সহিত বন্ধুত্ব আছে তাহা তুমি জান, এই মাত্র তাহা তাহার সহিত কোন বিষয় লইয়া বগড়া হইয়া বগড়ার পর হাতাহাতী হয় এবং তাহার পর দেখে কি হুইয়াই অবস্থা দেখিয়াই বুঝিতেছ। পুত্রের লোক তুমি যে উক্ত ব্যক্তির সহিত বন্ধুত্ব করিতে আসি, আমাদের আসিয়াই প্রমাণ করিবে। আমি উক্ত ব্যক্তির শরীরটা

খলেয় করিয়া আনিয়াছি। এই মৃত শরীরটা তোমার বাটীতে পুঁতিয়া রাখ।”

বন্ধু সমুদয় দেখিয়া শুনিয়া অবাক হইলেন। অনেক ভাবিয়া—চিন্তা করিয়া বলিলেন, “আমার বাড়ী বড়ই সঙ্কীর্ণ; আমরাই স্বচ্ছন্দে থাকিবার স্থান পাই না, তাহার পর কেমন করিয়া মৃত শরীরটার স্থান দিই? বিশেষতঃ তোমাতে এবং আমাতে যে বন্ধুত্ব আছে তাহা সকলেই জানে; পুলিশে তোমার বাড়ী মৃত দেহ না পাইলেই আমার বাড়ী অনুসন্ধান করিতে আসিবে। তাহা হইলেইত চক্ষুস্থির! তোমার প্রাণ দণ্ডের সহিত আমারও শাস্তি ভোগ করিতে হইবে। এমত অবস্থায় আমি তোমার এই মাত্র উপকার করিতে পারি যে তুমি যে এ কু-কাজ করিয়াছ ইহা আমি আর কাহাকেও বলিব না।”

ধনী সন্তান অনেক অহুন্নয় বিনয় পূর্বক সাহায্য প্রার্থনা করিলেন, কিন্তু কোনই ফল হইল না দেখিয়া অন্য একজন বন্ধুর বাটীতে যাইয়া হাজির হইলেন। সেখানেও এইরূপ উত্তর। এইরূপে পঞ্চাশ বাড়ীতে ঘুরিলেন কেহই সাহায্য করিলেন না; কোন স্থানেই সাহায্য না পাইয়া বাটী আসিয়া পিতার নিকট সমুদয় খুলিয়া বলিল “যাহাদিগকে ভাবিয়াছিলাম যে স্মৃতে হুঃখে সমভাবে কাজ করিবেন আজ দেখিলাম তাঁহাদের মধ্যে কেহই আমাকে এই কল্পিত বিপদের সময়ে সাহায্য করিতে অগ্রসর হইলেন না।” পিতা তৎপরে বলিলেন “যাহাদিগকে হুঃখে সাহায্য করিতে দেখিবে না তাহাদিগকে বন্ধু বলিও না। যেমন সোণা ভাল কি মন্দ আঙুনের দ্বারা পরীক্ষা করা যায় সেইরূপ বন্ধু ভাল কি মন্দ বিপদে না পড়িলে বুঝা যায় না। যে স্মৃথের সময়ে ও হুঃসময়ে বন্ধুর কাজ করিবে সেই বন্ধু;

অতএব এখনি যাহাদিগকে বন্ধু বলিয়া জানিয়াছ তাহাদিগকে ত্যাগ কর, প্রকৃত বন্ধু অনুসন্ধানে প্রবৃত্তি হও। পরীক্ষা না করিয়া কাহাকেও বন্ধু বলিয়া ভাবিও না।” *



বড় ভালবাসি আমি দেখিতে তোমায়,
হে আকাশ! তব রূপে নয়ন জুড়ায়!
যখন যে দিকে আমি করি বিলোকন,
নূতন নূতন রূপে ভূলাও নয়ন!
প্রভাত সময়ে যবে তরুণ-তপন,
মনোহর বেশে আসি দেন দরশন,
নব-রবি রাঙ্গা-ছবি হৃদয়ে লইয়া
মুখ ভরা হাসি টুকু অধরে টিপিয়া;
কি সুন্দর ভাব খানি দেখাও তোমার,
অবাক হইয়া আমি দেখি বার বার!

আবার যখন আহা সেই সে তপন,
ঘুমে ঢুলু ঢুলু আঁখি শিশুর মতন,
খেলা ধূলা করি সারা দিবসের শেষে,
ধীরে ধীরে আসি আহা আলু খালু বেশে
ঢুলিয়া পড়েন তব কোলের ভিতরে,
আদরের তেঁলও তুমি হৃদয়েতে ধরে!
তখন তোমার সেই অপরূপ বেশ,
দেখিয়া নয়নে মোর না পড়ে নিমেষ!

* ইতালী দেশস্থ কোন একটা গল্প অবলম্বনে লিখিত।

ঘোরতর অন্ধকারে ঘিরি সমুদয়,
যখন রজনী আসি হয় হে উদয়,
সুন্দর সুন্দর বক্ষ করিয়া বিস্তার,
থরে থরে পর কিবা তারকার হার!
ঝক-ঝক করে তারা হীরকের প্রায়,
দেখিয়া সেরূপ আহা নয়ন জুড়ায়!
অবাক হইয়া আমি প্রফুল্ল-অন্তরে,
এক দৃষ্টে সেই রূপ দেখি প্রাণ-ভরে!

আবার যখন তব হৃদয়ে বসিয়া,
হাসে পূর্ণ-শশী খানি সুধা-বরষিয়া,
শোভার সাগর যেন উথলিয়া উঠে,
সুন্দর সুন্দর কান্তি আরো যেন ফোটে!
তখন তোমার সেই মুখ-ভরা হাসি,
আমিত দেখিতে ভাই বড় ভালবাসি!
ভুলে যাই আপনারে—ভুলি এ ভুবন,
কেবল তোমার রূপ করি দরশন!

ক্ষণ-কাল মেঘ-জাল আসিয়া যখন,
তোমার হৃদয়ে বসি করেন গর্জন,
ঝলকে ঝলকে ছোট্টে বিহ্বল-কিরণ,
ঝম্ ঝম্ রবে বৃষ্টি হয় বরিষণ;
তখন তোমার সেই গভীর মূর্তি,
নিরখিয়া হয় মন পুলকিত অতি!
সে শোভার কাছে যেন কিছু নহে আর;
নয়ন ভরিয়া আশি দেখি বার বার!

কে তোমারে এত রূপ করিয়া প্রদান,
শোভার-ভাঙার করি করিল নিশ্চয়?
অনন্ত তাঁহার কীর্তি, আশ্চর্য্য কৌশল!
তুমিই আকাশ তার পরিচয় স্থল!
অনন্ত শরীরে তব, স্পষ্ট-ভাষায়,
তাঁহার মহিমা কথা লেখা গায় গায়!


পুরুষ প্রধান তিনি সকলের সার ;
বার বার নমস্কার চরণে তাঁহার !

আহা ! কি দুঃখ !

আহা ! ভালুক ! তোমার
কি দুঃখ ! তোমার দুঃখ
দেখে যে আমার বড়ই কষ্ট
হ'চ্ছে । মনের দুঃখে চু-
পটি করিয়া বসে আছ ;
তোমার সে চতুরতা, সে
বীরত্ব কোথায় ? যে বীরত্বে
প্রাণ-ভয়ে ব্যাকুল করিতে,
পাছে চিহ্নিত তোমার নিস্তার থাকিত না, তুমি
পিছনে পিছনে ভয় তাহাকে ছিঁড়িয়া খণ্ড খণ্ড
করিয়া ফেলেতে, তুমি বীরত্ব এখন কোথা গেল ?
যে তোমার একটা তুমি গগন ফাটাইতে, বুন
না পাইতে, সে তোমার গাণ্ডান চীৎকার
এখন কোথায় ? এখন এক সময়ে গাছ
ছিঁড়িয়া চিহ্নিত শত্রু খণ্ড করিয়া ফেলিতে সেই
না তোমার এখন কে এমন ভোঁতা করিয়া দিল ?
সেই চক্ষু দুটো হুঁড়িয়া কি ভারিতেছ ? সেই
প্রাচীর কালের স্তম্ভের কথা, স্বাধীন অবস্থায়
যখন তুমি বসে বসে বসে বসে, তখনকার স্মৃথের কথা
কি মনে পড়িতেছে ? তাই দুটা চক্ষু বন্ধ করিয়া
হুঁড়িয়া বসিয়া ভারিতেছ ? আহা ! চিন্তায়

এমনি মগ্ন হইয়াছ যে একটা হতভাগী বানর
তোমার পিঠে চড়িয়া ঘাড়ের চুল ধরিয়া টানি-
তেছে, তাও টের পাইতেছ না ? উপুড় হইয়া
বসিয়া আছ, যেন গায়ে জোর নাই, মনে তেজ
নাই, বুকে সাহস নাই, প্রাণে কিছু উৎসাহ নাই,
যেন 'জন্তুটা' হইয়া বসিয়াছ । নিষ্ঠুর লোক,
তোমার দুঃখে কষ্ট পায় না, আবার তোমাকে
মারিয়া পয়সা উপার্জন করে । ছিঃ ! তোমার
অসহায় অবস্থা দেখেও মানুষেরা আফ্লাদ পায়,
পয়সা দেয়, দুঃখ হয় না ।

নির্দোষী ভাল মানুষ তুমি । মানুষের পাড়া
হইতে যে কত দূরে থাক তার ঠিক নাই ; পাছে
তোমার দ্বারা কোন অনিষ্ট হয় এই ভয়ে মানুষের
বাড়ীর ত্রিসীমায় যাও না । নিজের দেশে বনের
মধ্যে এটা ওটা খেয়ে নির্জনে প্রাণ ধারণ কর ।
হিংস্র-স্বভাব ছুঁই মানুষ তাও সহিতে পারে না ।
কত ফিকির করিয়া তোমায় ধরিয়া আনে,
জ্বালাতন করে, পিঁজরায় বন্ধ করিয়া রাখে,
কত যন্ত্রণা দেয় ! শেষে তুমি নিরুপায় হইয়া আশা
ভরসা ত্যাগ করিয়া মানুষের দাসত্ব স্বীকার কর ।
আহা ! কি করিবে বল ? পেটে ত খেতে হবে ।
ছুরন্ত মানুষ কথা না শুনিলে খেতে দেবে না,
তাই মরে মরেও তার কথা শুনে নেচে নেচে
বেড়াও । দেখ ভালুক ! তোমার অবস্থা দেখে
কার দুঃখ হয় ? যার হয় না সে ভাল
লোক কখনই নয় । তোমার এই প্রকার ছুরবস্থা
দেখিলে যার কষ্ট হয় না সে কখনই ভদ্রলোক
নয় । বাঘ, কি গোখরো বা কেউটে সাপ, কি
ডাকাত এদের সাজা হলে তত দুঃখ হয়না ;
কেননা এরা অপরাধী, মানুষের হানি করে ।
তুমি কিন্তু সহজে কারও হানি কর না ; মানুষ
জ্বাল কাল তোমায় জ্বালাতন করে, তোমার



আত্মীয় স্বজনদের কাছ থেকে কেড়ে নিয়ে
আসে । তাই বাগে পেলে তুমি তাহাকে
মারিতে ছাড়না, তবুও বাঘের মত তুমি মানু-
ষের বাড়ী চড়াও করিতে জান না । মানুষ

তোমার দেশে গিয়ে তোমার অনিষ্ট করিবে, আর
তুমি কিছু বলিবে না ? একি কখন হয় ? এত
ভাল মানুষ কেও আর নাই । কিন্তু তবু ছুরন্ত
লোক এত তোমার মত শাস্ত পণ্ডকে মিছামিছিক্লে

দেয়। পেটের জন্য, সামান্য ছুটা পয়সার লোভে বন থেকে তোমায় ধরে এনে আহা! কি যন্ত্রণাই না দেয়?

তুমি যখন নাচ, ভালুক! সকলে হাসে; বলে ভালুকটা খেমন নাচিতে শিখিয়াছে। আমি কিন্তু জানি না। তোমার মনে হয় না যে তুমি নাচিতেছ; মনে হয় যে মনোহর ছুখে তুমি ছট্ ফট্ করিতেছ। যখন তোমার নাকের দড়ি ধরিয়া তোমায় বস্ত্রমাল্যে সজ্জিত সেই হেঁচকা টানে তোমার নাকে যে কি লাগে, তা লোকেরা বুঝিতে পারে না। আমি তা বুঝি, তাই তোমার ছুখের “আঁ আঁ” শব্দে আমার বস্ত্র কষ্ট হয়। তোমার মুখ দিয়া জগৎ গড়াইতে থাকে; চক্ষু, নাক সব স্থান দিয়ে ছুখের জগৎ বস্ত্রিত হয়, সেটা কেউ দেখে না। লোকেরা বলে ভালুক নাচে। আহা! যার এত যত্ন, তার কি নাচ আসে? আমাকে যদি কেহ আমার বাসী থেকে ধরে নিয়ে ঐ রকম শাস্তি দেয়, তবে “নাচো নাচো নাচো” তাহলে কি আমি নাচি? খুব মারে যখন তখন কি কষ্ট, উত্তিয়া কষ্ট করে লাফাই; কিন্তু মনে মনে এ যন্ত্রণা হইতে উদ্ধার পাইবার উপায় চিন্তা করি। ভালুক! তোমার মনে হয় তুমি ঠিক ঐ রকম কর। আমাকে কাদিতে “আঁ আঁ আঁ” শব্দে বেষ্ট্র কাপড় লাফাও আর মনে মনে তোমার চাকরকে লাগালি দাও। কোন ক্ষমতা নাই যদিও, তাকে হাহাকে টুকরা টুকরা করিয়া শোষণ করিতে থাক।

সেই ভালুক! তোমার নাচে কিন্তু অনেকের উপকার হয়। সেই যে সেদিন তুমি সেই বাবুদের বাড়ীর ছুটানে মাটি কাঁধে করিয়া থপ্ থপ্ ধরিয়া নাচিতেছিলে,—ঘাড়টা বাঁকাইয়া, যুগ্মের তারসমূহে প্রকাণ্ড ভুঁড়িটা নাড়িয়া নাড়িয়া সেই

যে নাচিতেছিলে, আর মাঝে মাঝে “আঁ আঁ” করিয়া নাকীসুরে শব্দ করিতেছিলে—সে দিন বড়ই উপকার হইয়াছিল। সেই বাবুটির আকার ও তোমারই মতন, প্রকাণ্ড ভুঁড়ি, আর আপাদ মস্তক তোমারই মতন লোম গায়। মদ খেয়ে বাবু মশাই প্রায়ই তোমার মতন নৃত্য গীত করেন, আর পাশে থেকে তাঁহার সঙ্গীরা তাল দেয়। সেদিন কিন্তু তোমার নাচটা দেখে অবধি তাঁর ঘৃণা হয়ে গেছে। একজন সঙ্গী বলিয়াছিল “ভালুকটা আমাদের বাবুর মতন ঠিক নাচে।” সেই মনের ঘৃণায় তখনি স্ত্রিনি তাদের দূর করে দিলেন, নাকে কানে খত লিখে দিলেন যে আর কখন মদ খাবেন না। এখন তিনি বেশ ভাল হয়েছেন। তাই বলেছিলাম তোমার দ্বারা অনেকের উপকার হয়। আমাদের হতভাগা দেশে তোমার মতন অনেক বাবুতেই নৃত্য করেন, তাঁদের যদি একজনকে ভাল করিতে পার তাহলে তোমার ছুখভোগ অনেক সফল হয়।

ঘণ্টার মধ্যে ছু চারিবার তোমার জ্বর হয়; কেন ভালুক? এদেশের জলবায়ু কি তোমার সহ্য হয় না? তোমাকেও কি ম্যালেরিয়া ধরেছে? তা যাই হউক, কিন্তু আমার মনে হয় যে ওটা কেবল তোমার যন্ত্রণায় হয়। পেটের দায়ে নাচ, খেলা কর, চালকের কথা শুন, কিন্তু যেই মনে পড়ে যেঁকি ছিলে আর কি হয়েছে, অমনি যাতনার জ্বালায় অস্থির হও আর ধূলায় লুটাইয়া রোদন কর; তাই ক্ষোভে, রাগে, ছুখে তোমার সর্ব শরীর কাঁপিতে থাকে। তোমার এত দিনের পরাধীনতাতেও পুরাণ স্বাধীনতার স্মৃতি ভুলাইতে পারে নাই, যখনই মনে হয় তখনই তোমাকে একেবারে পাগল করিয়া ফেলে। আর কত লোক স্নেহে চিরদিন পরের অধীন হইয়া অতি নীচ দাসত্ব

করিতেছে অথচ এক দিনের জন্যও তাদের মনে একটু দিক্কার হয় না, ঘৃণাবোধ হয় না, লজ্জা হয় না, ক্ষোভ রাগ তোমার মত কিছুই হয় না। ভালুক, তুমি এই বিষয়ে কত মানুষের চেয়েও শ্রেষ্ঠ।

তোমার পিঠের উপরের ও বানরটা কি নিকরোধ! ওটাও তোমার মত স্বাধীনতা হারা-ইয়া দাস হইয়া রহিয়াছে, অথচ সে দিকে লক্ষ্য নাই, দিব্য খেলা আমোদ করিয়া বেড়াইতেছে, তোমার এ যন্ত্রণা দেখিয়াও শিখিতেছে না, গাধা-টার মত নীচ ও অধম হইয়া শোষণ মানিয়া রহিয়াছে। আবার উণ্টে তোমার পিঠের উপর চড়িয়া ঘাড়ের চুল গুলো ছিঁড়িতেছে। আঁহা! বানর ত বানর! কোন বোধ নাই। দাস হইয়া আবার আমোদ! ছি! আর ওরই বা দোষ কি দিব? মানুষদের মধ্যেই কত লোক অমনতর আছে! চাকর, গোলাম হইয়া আছে অথচ প্রভুর খোসা-মোদ করিবার জন্য কত খেলাই খেলে। আবার অন্য পরাধীন লোকদের মনে কত কষ্ট দিয়া বাহা-ছুরী করে। দূর হোক, আর ছুখ করিতে পারি না। ভালুক! আমি আর তোমার কষ্ট দেখিতে পারি না। ঢোল বাজাইয়া ও বাঁশীর শব্দ করিয়া তোমায় যখন নাচাইতে আসিবে আমি তখন সেখানে থাকিব না। তোমার কষ্ট যদি দূর করিতে পারিতাম তাহলেও একটা উপকার করিতে পারিতাম; তাযখন পারিব না, তখন কেবল ছুখ দেখে আর “আহা! কি ছুখ!!” বলে লাভ কি? পরমেশ্বরের নিকট এই প্রার্থনা যে, কেহ যেন কখন কাহারও কাছে ওরূপ নীচ দাসত্ব না করে।



বালিকাদিগের বিশেষ পৃষ্ঠা।

একটা সহজ কথা।

প্রিয় কামরে! আমাদের দেশে মেয়েরা লেখা পড়া শিখিত না। তখন তাহারা কেবল বাড়ীর কাজ করিত, ও সকলেরই সেবাসেবাতে জীবন কাটাইত। লেখা পড়া শেখায় যে কি সুখ, কি অপূর্ব আনন্দ, কি পবিত্রতা, তাহা কিছুই জানিত না। অজ্ঞান অন্ধকারের মধ্যে থাকিয়া সময় কাটাইত। তখনকার একটা মেয়ে আর এখনকার একটা মেয়ে পাশাপাশি দাঁড় করাইলে সহজেই চিনা যায়। একজন শাস্ত, নম্র, ধীর বটে, কিন্তু মুখে যেন বোকাগী নিকরুদ্ধিতা মাথান, হাবা গোবা ভাল মানুষটী, কিছু জানে না, যেন ননী পুতুলটী; তাকে চাকরপাঠের ভাল ভাল কথা বল, হাঁ করিয়া শুনিবে আর অবাক হইয়া থাকিবে। আর একজন চালাক, চতুর, স্বাধীন-প্রকৃতি, বুদ্ধি ও প্রফুল্লতা যেন এক সঙ্গে বাস করিতেছে; চক্ষু বাহিরের জিনিস দেখিতেছে, কিন্তু মনে যেন অশ্রু কোথায় কোন গভীর বিষয়ের চিন্তা করিতেছে। কত প্রভেদ! আজ্ঞে পরমেশ্বরের ধন্যবাদ দেওয়া অবশ্য উচিত; আর যাহাদের যত্নে ও চেষ্টায় আমাদের দেশে বালিকাদিগের শিক্ষা-পদ্ধতি প্রচলিত হইয়াছে, তাহাদিগকেও নমস্কার করিতে ইচ্ছা হয়।

কিন্তু সেই সঙ্গে সঙ্গে আর একটা কথাও মনে পড়ে—আর অমনি ভয় হয়! মনে হয় যে লেখা পড়া যাহারা শিখিতেছে তাহাদের

মধ্যে অনেক মেয়েরা প্রায়ই একটু স্বার্থপরতা ও ঔদাস্যভাব পাইতেছে। অবশ্য সকলে নয়, কেহ কেহ, হয়ত অনেকেই হইতেছে। আমরা এমন অনেক মেয়ে দেখিয়াছি যাহারা পড়ার জন্ত বাড়ীর কাজ কর্শে ঔদাস্য বা তাচ্ছল্য দেখায়; তাহারা কিছু স্বার্থপর হইয়া পড়িতেছে। নিজেদের ভাল খাওয়া, ভাল পোষাক, ভাল পরিষ্কার পরিচ্ছন্ন থাকা এ সকলের দিকে তাদের বেশী নজর; কিন্তু বাড়ীর সকলকে কিসে সুখী করিব, নিজের অসুবিধা হলেও অল্প সকলকে কিসে ভাল খাওয়াব, ভাল রাখিব, সে দিকে তাহাদের তত আর দৃষ্টি দেখা যায় না। এটা কিন্তু বড়ই আক্ষেপের কথা। করুণা পড়িতেছেন আর তাঁর ছোট বোনটী পুঁথায় আকুল হইয়া কাঁদিতেছে; মা রান্নাঘরে ব্যস্ত কাজেই উঠিতে পারিতেছেন না। সে সময়েও যে করুণা উঠিয়া ভগিনীটীকে খাওয়াইয়া তার পর গিয়া পড়িবেন, এ আর তাঁর ঘটতেছে না। নিষ্ঠুরভাবে ভগিনীর কান্না দেখিতেছেন আর মাথা-মুণ্ড পড়িতেছেন। কাজেই বাপ বাড়ী আদিয়া সমুদয় গুনিয়া রাগ করিলেন। আরও গুনিলেন যে, তাঁর বড় স্বার্থপরতা বাড়িয়াছে—নম্রতা নাই, বিনয় নাই, শাস্ত-ভয় নাই, দেরিবেগ মত চাল চলন নাই, বড় মানুষের মেয়েদের মত বেড়াইয়া তাঁদের মত পোষাকাদির দিকে নজর পড়িতেছে—এ সব কথা গুনিয়া তাঁর বাপ কাজেই সব বৈ কাড়িয়া লইয়া তাঁহার স্কুলে যাওয়া বন্ধ করিয়া দিলেন।

একি কম ছুঃখের কথা? কিন্তু এ রকম ঘটনা আমরা প্রায়ই দেখিতে পাই। এই সকল দেখিয়া গুনিয়া আমাদের অভিভাবকেরা (একেইত তাঁরা স্ত্রীশিক্ষার শত্রু) মেয়েদের লেখা পড়া শিক্ষার বিপক্ষে অনেক নিন্দা করেন। আজ

তাই আমরা প্রিয় পাঠিকাগণকে সাবধান করিয়া দিতেছি যেন কোন ক্রমেই তাঁহাদের কেহই উক্তরূপ দোষে না পড়েন। যে বিদ্যার লক্ষ্য উন্নতি, বিনয়, নম্রতা, কোমলতা, পরোপকার প্রভৃতি ধর্ম-কর্মে মতি, স্বার্থ পরিত্যাগ করিয়া, নিজের সুখ একেবারে ছাড়িয়া দিয়া পরকে সুখী করিবার জন্ত মনকে প্রস্তুত করা; সেই বিদ্যাশিক্ষা করিয়া যদি তাহার বিপরীত ফলই লাভ করিতে হয়, তবে যে সে বিদ্যাশিক্ষা করা অপেক্ষা না করণও ভাল! এটা অতি সহজ কথা। কিন্তু মানুষ সহজ কথা আবার যত সহজে ভুলিয়া যায়, এমন আর অল্প কথা নয়। এজন্ত আমরা আজ ভাল করিয়া এ কথাটা সকলকে মনে করিয়া দিতেছি, যেন সকলে প্রত্যেকের জীবনের ও চরিত্রের প্রতি দৃষ্টি রাখেন;—স্ত্রী-জাতির স্বাভাবিক নম্রতা, বিনয়, হৃদয়ের কোমলতা ও পরের ভাল করিবার ইচ্ছা প্রভৃতি সদগুণ সকল নষ্ট হওয়া দূরে থাকুক বরং লেখা পড়ার গুণে আরও বাড়িতেছে কি না? লোকের দেখিয়া গুনিয়া চক্ষু কর্ণ জুড়াইতেছে কি না? লোকে বলিতেছে কিনা “আহা! মেয়েটা যেন স্বর্গের! লেখা পড়ার উপর আমি বড় চটা ছিলাম, এই মেয়েটাকে দেখে কিন্তু আমার ভ্রম যুচিয়াছে”—ইহা প্রত্যেকেরই দেখা উচিত। ভরসা করি, কথাটা মনে রাখিয়া আমাদের প্রিয় পাঠিকাগণ চলিতে পারিবেন। আমরা ক্রমে এ বিষয়ে তাঁহাদিগকে আরও ভাল ভাল পরামর্শ দিব মনে করিয়াছি।



সত্যের বল ।

(বালকের রচনা।)

প্রায়ই একরূপ দেখিতে পাওয়া যায় যে, অনেকে জানিয়া গুনিয়া মিথ্যা কথা বলেন। এবং ছোট ছোট পাঠক পাঠিকা দিগের মধ্যেও বোধ হয় অনেকে একরূপ করেন। কেন করেন যদি জিজ্ঞাসা করা যায় তাহা হইলে হয়ত এই উত্তর পাওয়া যাইতে পারে যে, মারখাবার ভয়ে বা কাহারও কাছথেকে বকুনী খাবার ভয়ে মিথ্যাকথা বলেন। সত্য কথার ক্ষমতা কত, এতে মানুষকে কেমন দেবতার মত করে এবং একটা সত্য কথা বলিলে পরে কত আনন্দ পাওয়া যায়, এবং দোষ করিয়া যদি তাহা প্রকাশ করা যায় তাহা হইলে কেমন সেই দোষটা একেবারে চলিয়া যায়, আর মানুষ কেমন ভাল হইয়া যায় এই বিষয়ে একটা গল্প বলিতেছি।

প্রায় সাড়ে তিন শত বৎসর হইল দিল্লী নগরে একজন মুসলমান চোর বাস করিত; সে এমন পাকা চোর ছিল যে তোমরা গুনিলে আশ্চর্য্য জ্ঞান করিবে এবং হয়ত সহজে বিশ্বাসও করিবে না। সে বড় বড় আমীর, ওমারও, মহা মহা বাদসাহের বাটীতেচুকে টাকা কড়ি, ভাল ভাল জিনিস পত্র সব চুরি করিত। মহা মহা বাদসার বলিবার মানে এই যে তখন মুসলমানেরা ভারতবর্ষের রাজা ছিলেন সেই জন্য তাহারাই খুব টাকা-ওয়ালা লোক ছিলেন। যাহা হউক তাকে কেহই

ধরিতে পারেনা। সকলে তারি ব্যতিব্যস্ত হইলেন। কার বাড়ীতে কখন কি করে তার ঠিক নাই; সকলেই শশব্যস্ত।

একবার সে মন্ত্রীর বাড়ীতে চুরি করিতে গিয়াছে। ঘরে ঢুকিবামাত্র লোকজনের সাড়া শব্দ পেয়ে যেমন তাড়া তাড়ি পাঁচীল ডিঙ্গিয়ে পালাবে অমনি পড়েগিয়ে তার মাথায় ভয়ানক আঘাত পাইল।

সেই জন্য সে ভয়ানক পীড়িত হইল; সে তখন যে কত কাতোরক্তি করিত তাহা আর বলা যায় না। অনেক সময়ে ছুঃখের সহিত বলিত যে, “যদি আমি একরূপ না করিতাম তাহা হইলে আর আমার এমন দুর্দশা হইত না।” মনে মনে প্রতিজ্ঞা করিল “যদি এ যাত্রা রক্ষা পাই তাহা হইলে আর কখন একরূপ কাজ করিব না।” যাহা হ’ক সে সে যাত্রায় কোন মতে রক্ষা পাইল। এবং আগেকার মত বলবান হইয়া উঠিল এবং প্রতিজ্ঞা ভুলিয়া গিয়া পূর্বের ন্যায় চুরি করিতে লাগিল।

একদিন সে একটা লোককে খুন করে। খুন করিবার সময় তাহার কাতোরক্তি ও চিংকার গুনিয়া তাহার মনে কেমন যেন ভয়ানক কষ্ট বোধ হইতে লাগিল; এবং কিছুতেই সেই যন্ত্রণা আর সহ্য করিতে না পারিয়া এক দরবেশের (ধার্মিক লোক) নিকট যাইয়া সব কথা শুলিয়া লিল এবং তার পা জড়াইয়া ধরিয়া ছেলেমানুষের মত কাঁদিতে লাগিল। ইহাতে সেই দরবেশের অত্যন্ত দয়া হইল। তিনি তাহাকে সর্বদা সত্য কথা কহিতে ও ত্রিসন্ধ্যা নামাজ পড়িতে বলিলেন এবং তাহাতেই সে ভাল হইতে পারিবে এইরূপও বলিলেন।

সে ঐ কথা গুনিয়া তদনুসারে কাজ করিতে আরম্ভ করিল। খুব সকালে, ছুঃখেরবেলা,

ও সন্ধ্যার সময় নামাজ পড়িতে আরম্ভ করিল। এক দিনও তার নামাজ কামাই যাইত না; এবং সর্বদা সত্য কথা বলিত।

এক দিন সে এক জনের বাটীতে চুরি করিতে গিয়াছে এর মধ্যে রাত্রি ভোর হইয়া গেল। তখন কি করে, তার নামাজ না পড়িলেই নয়? 'যা হবার তা হবে' এইরূপ ভাবিয়া সে নামাজ পড়িতে লাগিল; তার চীৎকারে গৃহকর্তা আসিয়া দেখেন যে একজন অপরিচিত লোক ঘরের ভিতর চীৎকার করিতেছে; তখন তাকে চোর বলিয়া রাজার কাছে ধরে নিয়ে যাওয়া হইল; রাজা জিজ্ঞাসা করিলেন "কেন তুমি উহাদের বাটীর ভিতরে ঢুকিয়াছিলে?" সে দরবেশের কথা মনে করিয়া নির্বিক্রমে বলিল 'চুরি কর্তে'। রাজা একথা বিশ্বাস করিলেন না; ভাবিলেন যে, চুরি ক'রে কি কেউ কখন স্বীকার করে? আর বিশেষ চোরের যখন প্রাণ দণ্ড হয় তাহা জানিয়া শুনিয়া এ লোকটা যখন স্বীকার করিতেছে তখন অবশু আর কিছু বিশেষ কারণ আছে। তখন রাজা আবার জিজ্ঞাসা করিলেন "তুমি ঠিক করিয়া বল নইলে তোমাকে শুলে দেওয়া হইবে।" চোর তথাপি স্থির হইয়া বলিল "চুরি কর্তে গিয়াছিলাম ইহার মধ্যে সকাল হওয়াতে ধরা পড়িয়াছি।" রাজা তথাপি বিশ্বাস করিলেন না—ভাবিলেন বুঝি কোন দরবেশ তাহাকে ছলনা করিতেছেন। এই মনে করিয়া রাজা সেই চোরের পা জড়াইয়া ধরিয়া বলিলেন "প্রভু আপনি কে? রূপা করিয়া এই অভাগাকে বলুন।" তখন সেই কঠিন হৃদয় চোর নিজের পা ছাড়াইয়া বালকের ছায় ভেউ ভেউ করিয়া কাঁদিতে কাঁদিতে আশ্রয়-বৃত্তান্ত বিবৃত করিল ও পাগলের ছায় বলিয়া উঠিল "উঃ আমি কি মহাপাপী; সত্যের মন্ত্র বৃদ্ধিতাম না; ঈশ্বরকে মনে করিতাম না; সত্য

যে কি ধন তাহা চিনিতাম না, সত্য গ্রহণ করিতাম না। আমি একটা সত্য কথা বলিয়া সম্রাট দ্বারা পূজিত হইলাম ও দরবেশ আখ্যা প্রাপ্ত হইলাম" এই বলিয়া রাজাকে বলিল "মহারাজ আমাকে শুলে দেন, আমার আর বাঁচিয়া পৃথিবীর পাপ বৃদ্ধি করা কোন মতেই উচিত নহে; আমাকে শুলে দেন।"

রাজা তাহাকে ক্ষমা করিলেন। তৎপরে সে এক জন বাস্তবিক দরবেশ হইয়া রাজবাটীতে বাস করিতে লাগিল আর তাহার দৃষ্টান্ত দ্বারা যত চোর সাধু হইল; এবং মিথ্যাবাদী ধার্মিক হইয়া গেল।



আগামী বৎসরের পুরস্কারের বিজ্ঞাপন।

আগামী বৎসরে 'সখা'র গ্রাহক গ্রাহিকাদিগকে ১০০ মূল্যের পুরস্কার প্রদত্ত হইবে। সর্বোচ্চ পুরস্কারের মূল্য ১০ দশ টাকা; এবং সর্ব নিম্ন পুরস্কারের মূল্য ২ দুই টাকা মাত্র।

যাঁহারা রচনা ও চিত্র বিষয়ে পরীক্ষা দিয়া কৃতকার্য হইবেন তাঁহারাই পুরস্কার প্রাপ্ত হইবেন। পরীক্ষার বিষয় ও সময় 'সখা'য় যথা সময়ে প্রকাশিত হইবে।

'সখা'র গ্রাহক ভিন্ন অল্প কেহ পরীক্ষা দিতে পারিবেন না। যাঁহারা পুরাতন গ্রাহক আছেন, তাঁহারা অগ্রিম মূল্য না পাঠাইয়া দিলে পরীক্ষা দিতে পারিবেন না।

শ্রীঅন্নদাচরণ সেন

কার্য্যাধ্যক্ষ।